

近代中國史料叢刊第二十輯  
沈雲龍主編

吟香書室奏疏

徐斡著

文海出版社印行

江南河庫道臣徐炘跪

奏爲恭謝

天恩事嘉慶十八年四月初四日臣因

大計保舉卓異由吏部帶領引

見奉

旨徐炘准其卓異加一級仍註冊回任候陞欽此竊

臣畿輔庸愚毫無知識由內閣中書於乾隆六

十年挑充軍機章京洊陞侍讀御史前因射中

布靶蒙

恩賞戴花翎又因

京察一等

擢授監司旋署江寧布政使

隆施逾分未効涓埃茲復恭逢

計典保薦仰荷

俞允卓異

恩賜加級仍令回任候陞聞

命自

天啣感無地伏念臣司事河儲歷經四載一切收支

出納悉力勾稽夙夜時懷兢惕猥沐

俯加甄敘

允予陞階循省滋慚捐糜莫報臣惟有殫竭愚誠倍

矢清慎不敢絲毫懈忽尤不敢稍任虛浮務期

國帑工需兩有補裨以期仰答

高厚鴻慈於萬一所有微臣感激下忱謹摺恭謝

天恩叩請

聖訓伏祈

皇上睿鑒謹

奏

嘉慶十八年四月初七日奉

旨知道了欽此

新授江西按察使 臣徐忻跪

奏爲恭謝

天恩事竊 臣接奉兩江總督臣百齡行知准吏部咨

文內開嘉慶十九年二月二十四日內閣奉

上諭江西按察使員缺著徐忻補授欽此 臣跪讀之

下望

闕伏地碰頭感激悚惶莫知所措伏念 臣畿輔庸

愚毫無知識由內閣中書考充軍機章京洊陞

侍讀御史因射中布靶蒙

恩賞戴花翎

京察一等

記名補授江南河庫道歷署江寧布政使上年隨同  
督臣百齡防禦徐州邊界蒙

恩賞加按察使銜疊沐

聖主逾格隆施至優極渥涓塵未効循省滋慚茲復  
欽承

簡擢補授江西按察使聞

命自

天啣感無地伏查江西為繁要之區臬司為刑名總  
 滙必須逐案虛衷研鞠酌核情法之平不使負  
 屈含冤不任逞刁挾詐以厚風俗而正人心方  
 為無忝厥職臣自揣學淺才踈深懼弗克勝任  
 惟有仰懇

皇上天恩俯准臣叩覲

天顏恭請

聖訓庶遇事得有秉承藉免貽誤如蒙

俞允臣俟交卸署江寧藩司印務後即日啓程泥首



宮門

陛見益勵犬馬圖報之誠以異仰答

高厚鴻慈於萬一所有微臣感激下忱謹繕摺恭謝

天恩伏乞

皇上睿鑒訓示謹

奏

嘉慶十九年閏二月十六日徐州途次拜發三  
月十三日在江寧接奉

硃批准來見欽此

調任湖南按察使 臣徐炘跪

奏爲恭謝

天恩事嘉慶十九年四月十九日內閣奉

上諭徐炘著調補湖南按察使欽此竊 臣畿輔庸愚

毫無知識由乾隆六十年乙卯科內閣中書考

充軍機章京洊陞侍讀御史

簡放道員上年隨同督臣百齡在徐州軍營籌辦防

禦事宜自分並無微勞足錄叨沐

逾格榮施

賞加按察使銜旋蒙

擢授江西按察使

聖恩稠疊未効涓埃茲復欽承

綸命調補湖南按察使伏念衡湘民情多詐地處苗

疆臬司專理刑名綜覈不易臣撫衷循省悚懼

滋深惟有仰求

聖訓黽勉秉承執法平情期免偏畸枉縱以仰副

高厚鴻慈於萬一所有微臣感激下忱謹摺恭謝

天恩伏祈

皇上睿鑒謹

奏

嘉慶十九年四月二十日奉

旨知道了欽此

正字通

一

湖南按察使臣徐忻跪

奏爲恭報微臣接印任事日期叩謝

天恩仰祈

聖鑒事竊臣欽奉

諭旨調補湖南按察使於四月二十日

陛辭荷蒙

逾格殊恩俯准臣由天津原籍取道赴任下忱銜感

淪浹難名臣當卽剋期前進於六月二十日行

抵長沙省垣准署按察使衡永郴宜道彭應燕

將印信文案卷宗移交前來臣恭設香案望

闕叩頭謝

恩祇領任事伏念臣畿輔庸愚毫無知識渥沐

聖主隆施由道員

賞加陞銜旋蒙

簡放江西按察使復荷

調補楚省自惟材疎任鉅倍切悚惶況衡湘爲民苗

錯處之區案無大小輕重必須悉協情法之平

方足以昭公允而免枉縱臣惟有凜遵

訓諭於一切刑名事件盡心詳核秉公辦理並將各屬驛站隨時整飭稽查肅清郵政均不敢稍有因循怠忽以冀仰報

高厚鴻慈於萬一所有微臣接印任事日期並感激

下忱理合繕摺恭謝

天恩伏乞

皇上睿覽謹

奏

嘉慶十九年六月二十五日拜發奉



殊批實心任事切忌疲玩欽此

再臣經過地方直隸正定府以北彼時望澤甚  
殷順德府以南春間均有麥收大田亦尚缺雨  
至豫省二麥豐登河南更勝於河北臣自五月  
二十一日於鄭州途次遇雨後所有接壤之新  
鄭許州臨潁鄆城等處按程前進無日不大霑  
甘霖禾苗足資長發其自遂平信陽以至湖北  
地方大田亦甚芄茂惟土脈微形乾燥均在虔  
祈雨澤湖南省早稻多已登場中晚二稻亦續  
得霽雨滋培秋成定卜豐稔臣並遵

旨傳知沿途地方官實力躡緝逆匪林清案內要犯  
無任漏網遠颺以期速淨根株而除稂莠理合  
附片奏

聞謹

奏

同日拜發奉

硃批覽欽此

湖南按察使臣徐忻跪

奏爲欽奉

頒賜箴言敬陳感悚下忱恭謝

天恩事竊臣於嘉慶二十年五月十六日經巡撫臣

廣厚行知承准軍機處分寄

御製按察使箴清漢文各一通奉

旨頒發刊刻懸掛堂楣欽此臣當卽恭設香案望

闕叩頭跪誦再三仰見我

皇上誥誠詳明

訓誨諄切凡所以洗冤除莠慎刑速郵者

指示無微不至臣具有天良感激服膺莫能名狀伏

念臬司爲刑名總滙必須酌情法之平不使稍

有枉縱勵勤奮之志不使稍涉因循方足以清

訟源而孚民隱况楚南苗獠雜處人情刁詐尤

須實力整飭臣渥沐

高厚鴻慈於十九年四月間蒙

恩由江西按察使調補今職自任事以來勉竭血誠

時深兢惕茲叨荷

綸章特賁

宸諭昭宣 臣惟有敬謹凜遵刊刻懸掛堂楣朝夕祇

誦夙夜精思倍矢勤慎之衷力除疲玩之習以

期上副

聖主彌教明刑振挈紀綱之至意所有 微臣 感悚欽

服下忱理合繕摺恭謝

天恩伏乞

皇上睿鑒謹

奏

嘉慶二十年五月二十四日拜發六月十八日

恭遞七月十八日接奉

硃批明慎乃事清白乃心因循怠忽痛改之欽此

御製按察司箴

臬事汝司民命國脈念切詳刑懲一警百振挈紀  
綱剔除惡逆聽訟勤明洗冤立釋獄不稽留平反  
保赤法律聿修憲度日闢封章勿遲慎理郵驛盡  
職殫誠九有沐澤

湖南按察使臣徐炘跪

奏爲據實嚴叅奏

聞仰祈

聖鑒事竊照前署邵陽縣知縣徐維麟詳報盤獲形跡可疑供認聽從謀逆之李和卽劉呈一案查驗係屬子虛經撫臣廣厚欽遵

諭旨將徐維麟解任提集刑禁書吏人等來省督同臣等隔別究訊業將大概情形由撫臣廣厚

奏明在案臣查徐維麟與書役各供皆一味支飾



恐早有串通情事因思各書役內惟刑書何玉  
懷從前並未隨同徐維麟來省而查訊徐維麟  
初審此案時實係該刑書在旁目擊自必確有  
見聞當專提該刑書審訊兩晝夜之久令其將  
彼時如何審問供情一一記述該刑書始猶支  
吾及至反覆開導再四窮追始據供稱李和卽  
劉呈到案時原供名李和本官向他盤問他說  
從前跟過官進京那官名吳學四後來就不在  
那裏了本官因他形迹可疑語音不對說這都

是開供未向追問亦未將這供詞錄取等語臣  
查李和到案時既稱有跟官姓名必非無因隨  
檢查縉紳及鄉紳冊籍並無吳學四之名惟安  
鄉縣文鄉紳項下開有吳學泗由同知原署山  
東曹州府知府丁母憂回籍一條所稱吳學四  
或卽其人隨飛札安鄉縣知縣密詢吳學泗家  
曾否有李和其人服役並其面貌年歲家鄉住  
址逐一詳查去後茲據該縣蔣清申稱據原任  
山東曹州府同知吳學泗家丁劉福稟稱伊主

業已服闋因資斧不繼現在徃外設措尚未回  
家當傳伊胞姪生員吳樾士到署向詢據稱伊  
胞叔吳學泗前在山東沂州府通判任內轎班  
中寔有李和其人因伊能跑道使伊常走家信  
至十五年因口角逐出自後不知去向通判衙  
門在郟城縣境內伊在彼處當役自卽係郟城  
縣人彼時年約五十有餘有連腮鬚身長大面  
色黑黃相貌兇狠至有無父母兄弟妻子寔不  
知悉等語具文申覆前來臣核與刑書何玉懷

所供李和指稱曾經跟官之語及其面貌年歲均屬相符雖據稱十五年因口角逐出以後卽不知去向而其並非原名劉呈已有証據是從前徐維麟所稱變易姓名聽從謀逆各情節若非畏刑妄供卽係教誘誣認此時旣已查訊得有端緒無難澈底根究現在撫臣厲厚驟患濕熱病症動履維艱未能親訊核奏臣職司刑名總滙不敢拘泥因循致滋枉縱除移明東省臬司飭查外相應據寔叅

奏請

旨將徐維麟革職拏問以便提同書役人等嚴加刑  
訊務期水落石出以成信讞所有現在訊辦緣  
由理合恭摺具

奏伏乞

皇上睿覽謹

奏

嘉慶二十年八月初九日拜發奉

硃批另有旨欽此

署湖南布政使按察使臣徐忻跪

奏爲遵

旨嚴審定擬具

奏仰祈

聖鑒事竊照前署邵陽縣知縣徐維麟詳報盤獲刑  
跡可疑之李和卽劉呈訊供後旋卽在監病故  
一案經臣提訊該縣刑書何玉懷寃明李和來  
歷據寔叅

奏於嘉慶二十年九月初六日內閣奉

上諭前據廣厚奏署邵陽縣知縣徐維麟於審訊李和卽劉呈時並未加以刑拷該犯寔係在監病斃是以降旨僅將該署縣革去同知仍留湖南以知縣用茲據臬司徐忻奏查明劉呈到案時本供原名李和跟隨同知吳學泗詢之吳學泗家屬供亦相符該署縣刪叙原供遽指爲劉呈祥寔難保無刑逼教誘情弊徐維麟著革職挈問新任巡撫巴哈布到任尚需時日此案着卽交徐忻提集書役人等秉公嚴訊究出確情按律定擬具奏欽此 臣

當卽欽遵傳

旨將徐維麟革職拏問一面提集書役人等隔別嚴  
行鞫訊據徐維麟供我盤獲李和時見其面帶  
病容形色慌張並無隨身行李聽其口音不對  
所賣膏藥藥料無幾其賣藥招牌上寫河南開  
封府李字樣及至到案訊問則稱籍隸山東原  
供有跟官吳學泗之語旋又供已辭出多年我  
因其籍貫與招牌標記不符疑其姓氏亦必不  
確且察看其年老剃鬚面貌兇惡所供跟官一



語以爲必係謊言是以未向追問又因其供稱  
家內不能容留遠來外貿當此節次奉文查拏  
要犯之時我身任地方官何敢稍存膜視自蹈  
踈縱之咎惟因其身已帶病未便刑拷祇令露  
膝跪地熬審並令差役將皮掌捺地用言恐嚇  
詰以是否逃遣逃兇抑在逃逸逆此時若不據  
寔供吐將來解赴犯事地方搃能水落石出旋  
據供認變易姓名更改籍貫屬寔並將從逆各  
情一一吐露維時我亦未敢遽信因復據供情

愿解赴犯事地方質對是以深信不疑詎意收  
禁後撥醫調治連用表散藥劑因其風寒閉塞  
過重未能發汗旋卽在監病故若果得自刑求  
教誘豈不慮供情不寔自取敗露尚何敢親押  
屍棺到省繪圖通詳照例定擬况現已褫職逮  
問更無庸支飾卽書役等亦何肯代爲隱瞞只  
求詳情臣以李和到案時旣供稱曾經跟官吳  
學泗查詢吳學泗家屬供亦相符從前卽使疑  
其飾詞假托未向追問何以將此段供情亦並

未叙及豈非有意刪去向其究詰據供李和到  
案後言詞閃爍形狀離奇所供跟官一節寔難  
憑信當卽隨口駁去並未著意嗣據供認從逆  
重情祇將緊要供詞錄叙所有跟官一節疑係  
游供是以未經叙入並非有意刪叙臣復詰以  
李和供認劉呈聽從謀逆何以信其劉呈姓名  
卽爲確寔是否意欲誣指爲劉呈祥故爲隱躍  
其詞令其從寔供吐據供劉呈姓名寔係伊自  
行供認我身爲職官豈不知誣指叛逆律有明

條雖至愚亦不出此若有意誣指何不將李和  
二字刪去竟捏作劉呈祥附會相符情節前蒙  
疊次嚴訊已縷晰供明此時更不敢再有狡辯  
復提集書役人等逐一嚴訊僉供李和到案時  
原有跟官吳學泗之供本官因其情形詫異駁  
稱間文伊等亦皆疑爲謊語且其事隔多年亦  
並未供明吳學泗係屬何官籍隸何處是以招  
書未將此供錄取本官亦未將此供叙詳委係  
一時忽畧至其死由于病供由自吐前已切寔

供明伊等均生長楚南並未到過京城所有京城地名門名茫然不知何能憑空教誘若謂本官喝令用刑非伊等所能阻止卽授意教誘亦非伊等所能抗違但摠罪坐所由何肯不據寔供明自求開釋並據刑書何玉懷供稱伊從前未經到省毫無廻護前蒙審訊兩晝夜之久將示經錄叙之供俱一一記述若果有威逼誣認之事豈尚代爲諱飾又訊據禁卒彭湘件作唐連升堅供李和帶病進監醫治不效驗明寔係

因病身死並無凌虐隱匿情事反覆究詰並加  
以刑嚇矢口不移臣以此案連次嚴訊據徐維  
麟及書役人等俱堅供並無情弊惟李和當日  
收禁時果否撥醫調治其屍身有無刑拷傷痕  
寔爲緊要憑証當卽札行新任邵陽縣知縣毛  
慶蘭飭令確查醫治情形據寔申覆至李和屍  
具解省後先經週身查驗並無掌責板責刑夾  
痕跡但事關人命不厭精詳臣復率同長沙府  
知府張鳳枝等帶同熟諳件作親往逐細覆驗

委無刑拷傷痕惟膝蓋腿面間微有紅暈訊據  
長沙縣仵作魯俸供稱此係跪久血脉下注氣  
色凝滯不散之故核與徐維麟等所供跪地熬  
審情節相符又據知縣毛夢蘭申覆查明醫生  
楊添裕診治李和卽劉呈病症醫調不效並無  
捏飾情弊具文呈報前來衆証確鑿案無遁飾  
查律載官司故入人罪至死者坐以死罪斷罪  
失于入者減三等等語此案李和是否係有罪  
之人隻身遠來旁無質証徐維麟因目擊其形

相口音言語情節種種支離懷疑不釋令其跪地熬審而李和身已帶病惟恐受刑因聞可以解赴犯事地方查訊之語輒以動聽之詞希圖搪抵于一時仍可表白于日後揆其情理寔由兩意誤會並非逼誘成招惟不能細心推鞫加意調治又復漏叙要供引律誤擬徐維麟應請照斷罪失于入者減三等律于死罪上減三等杖九十徒二年半招書呂紹虞登記李和供詞未能照依詳細繕錄雖訊非有心刪減寃屬不



合應照不應重律杖八十折責革役刑禁人等  
於此等監禁之人並不小看管致令瘕斃寔  
係踈于防範均已照例責懲其餘概請省釋至  
此案前經臣移明東省行查李和原籍于嘉慶  
十五年跟官被逐之後曾否回歸有無犯事之  
案尚未准咨覆茲欽奉

諭旨飭交臣秉公審擬業經嚴切訊明自應就案定  
擬俟東省移覆到日另行報部查核所有遵

旨嚴審定擬緣由謹恭摺具

奏並分繕供單恭呈

御覽伏乞

皇上睿鑒謹

奏

嘉慶二十年十月二十一日未刻拜發十二月

十六日接奉

硃批刑部議奏欽此



署湖南布政使按察使臣徐忻跪

奏爲敬陳感激悚懼下忱恭謝

天恩仰祈

聖鑒事竊臣於前署邵陽縣知縣徐維麟盤獲季和

卽劉呈旋在縣監病故一案自惟職司刑名總

滙咎有應得當經詳請前撫臣廣厚奏明請

旨交部議處欽奉

上諭徐忻不過隨同附和毋庸交議欽此臣跪讀之

下伏地碰頭仰見

聖明燭照

逾格矜全銜感

殊施莫名淪浹旋復荷蒙

訓諭將此案交臣秉公審擬臣自顧何人倍增兢惕

除已欽遵嚴訊明確按律定擬具

奏外臣惟有事事倍矢血誠益加敬慎不敢稍有

輕忽以冀仰副

高厚鴻慈於萬一所有微臣感激悚懼下忱理合恭

摺具

奏伏乞

皇上睿鑒謹

奏

同日拜發奉

硃批覽欽此

--	--	--

新授陝西布政使臣徐忻跪

奏爲恭謝

天恩事竊臣接奉撫臣巴哈布行知准吏部咨文內

開嘉慶二十一年三月初三日內閣奉

上諭陝西布政使員缺著徐忻補授欽此臣跪讀之

下望

闕伏地碰頭感激悚惶莫知所措伏念臣畿輔庸

愚毫無知識由內閣中書考充軍機章京洵陛

道員按察使疊沐



聖主隆施至優極渥涓埃未效林惕方深茲復仰荷  
皇上天恩

擢授陝西布政使聞

命之下啣感難名伏查陝省爲西路衝要之區藩司  
有經理錢糧表率屬員之責必須將通省倉儲  
庫貯顆粒絲毫均歸寔在其一切勸懲舉劾尤  
須澄汰公允方足以資整飭臣節次暫權藩篆  
已凜冰淵今蒙

委任俯加益增局踣惟有仰懇

聖恩准臣叩觀

天顏恭請

訓誨庶赴任得有秉承藉免貽誤本年湖南省應入

秋審各案共一百六十起臣已敬謹核擬完竣

俟委員接署印務後臣卽啓程泥首

宮門瀝陳淪浹之誠以冀稍報

高厚鴻慈於萬一所有微臣感激下忱謹繕摺恭謝

天恩伏乞

皇上睿鑒謹

奏

嘉慶二十一年三月二十一日拜發四月十六

日恭通五月十六日內邱途次接奉

硃批准來見欽此

陝西布政使臣徐炘跪

奏爲恭報微臣接印任事日期叩謝

天恩仰祈

聖鑒事竊臣渥沐

皇上隆施擢授陝西布政使於六月間瞻覲

天顏荷蒙

訓諭詳明

教誡諄切

陛辭時復蒙

垂慈逾格

俯准

臣

由原籍天津取道赴任下懷啣感淪浹難名

茲

臣

於閏六月二十一日行抵西安省城准署

布政使陝西糧道蘇成額將印信庫款文案卷

宗移交前來

臣

恭設香案望

闕叩頭謝

恩祗領任事伏念陝省爲西路衝要之區藩司表率

通省屬官職司錢糧總滙

臣

自惟材疎識淺倍

切悚惶惟有恪遵

聖訓殫竭血誠事事幫同撫臣寔心寔力經理於倉  
庫則務歸寔貯嚴杜新虧於吏治則因地制宜  
量材任使一切勉矢慎勤不敢稍事因循不容  
稍涉疲玩以期仰報

高厚鴻慈於萬一所有微臣接印任事日期並感激

下忱理合繕摺恭謝

天恩伏乞

皇上睿鑒謹

奏

嘉慶二十一年閏六月二十二日拜發七月十  
三日恭遞八月初一日奉到

硃批實心勉力爲要切勿因循欽此

再臣此次由直豫兩省取道赴陝所有經過地方雨水均屬霑足農田預慶有秋惟河南衛輝府因山水異漲所屬縣境間被淹浸旋漸消落聞該處地方官已妥爲查辦至本年陝省二麥豐收現在通省暘雨應時南北山內秋田一律芄茂市集糧價平賤民情倍臻寧謐堪以仰慰宸懷理合附片奏

聞謹

奏



同日奉

硃批覽欽此

護理陝西巡撫布政使臣徐炘跪

奏爲恭報

微臣

接護撫篆日期叩謝

天恩仰祈

聖鑒事竊照撫臣朱勳荷蒙

恩准陛見所有巡撫印務循例

奏委

臣

暫行護理於五月十一日將巡撫關防

王命旗牌及一切文卷移交到

臣

當卽恭設香案望

闕叩頭敬謹祇領護理伏念

臣

猥以庸愚毫無知

識疊沐

聖主逾格隆施

昇以藩司重任涓埃未効悚惕方深茲復暫護巡撫  
印務以西秦衝要之區權刑錢總滙之事自惟  
才疎任鉅倍切兢惶惟有竭盡駑駘益加奮勉  
事事寔心寔力時時矢慎矢勤以期仰報

高厚鴻慈於萬一所有

微臣

接護撫篆日期理合恭

摺具

奏叩謝

天恩伏乞

皇上睿鑒謹

奏

嘉慶二十二年五月十一日拜發二十三日恭  
遞六月十三日奉到

硃批實心勉力密緝祝現等逆匪爲要欽此

THE UNIVERSITY OF MICHIGAN LIBRARY

1911

護理陝西巡撫布政使臣徐忻跪

奏爲恭報陝省雨水田禾情形仰祈

聖鑒事竊照陝西各屬於四月內續得雨澤向有留  
種早秋雜糧空地俱已翻犁播種業經撫臣朱  
勳恭摺奏

聞在案茲據西安延安鳳翔漢中榆林同州興安商  
州邠州乾州邠州綏德等府州屬陸續稟報自  
四月十七八至三十日五月初九十八九等日  
節次渥沛甘霖自二三四五寸至深透不等臣

查四月內正值麥穗升漿結實續霑膏雨顆粒  
益加飽綻本月初間天氣晴霽刈穫登場正資  
曬碾場工完竣又得透雨業已一律接種晚秋  
北山一帶春雨普霑秋禾早經播種近日甘霖  
續沛禾苗更賴滋培南山各屬場雨應時包穀  
雜糧極爲暢茂糧價平減民氣恬熙堪以仰慰  
聖懷所有各屬雨水田禾情形理合恭摺具

奏並繕具四月分糧價清單恭呈

御覽伏乞

皇上睿鑒謹

奏

嘉慶二十二年五月二十四日拜發六月初七

日恭遞二十二日接奉

硃批欣慰覽之欽此



卷之四

四

--	--	--	--	--	--	--	--	--	--

再前奉

上諭嗣後奏報捐監銀兩均應叙明某年開捐起收  
過捐銀若干已經解部及奏明動用若干現在若  
干俟奏足十萬兩卽行解部不得含混聲叙欽此  
查陝西省自嘉慶五年三月開捐起至十年十  
二月底止共收捐監銀五十四萬七千兩俱經  
奏明提歸軍需項下動用其自十一年正月起至  
二十二年三月底止收捐銀數除十二年遵  
旨扣存銀十萬兩十三年

奏准存銀六萬五千四百兩採買倉穀十五年解  
部銀一十萬兩提收司庫封貯銀五萬兩十七  
年解部銀一十萬兩提收司庫封貯銀五萬兩  
十九年

奏准提撥軍需支用銀九萬九千一百兩二十年  
解部銀一十萬兩提收司庫封貯銀五萬兩本  
年四月內解部銀一十萬兩應存銀二萬四千  
三十兩業經

奏報在案今於嘉慶二十二年四月分又收捐監

銀六千八百兩連前共存銀三萬八百三十兩  
俟收足五萬兩再行提歸封貯埋合附片奏

聞謹

奏

同日奉

硃批覽欽此

--	--	--	--	--	--	--	--	--	--	--

一  
 二  
 三  
 四  
 五  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十

一  
 二  
 三  
 四  
 五  
 六  
 七  
 八  
 九  
 十

護理陝西巡撫布政使 臣 徐炘跪

奏爲本年錢糧現已徵完過半循例恭摺具

奏仰祈

聖鑒事竊照嘉慶八年五月內經戶部奏准令各省  
於每年五月將徵完舊欠及當年新糧徵完若  
干專摺奏明等因查徵完舊欠錢糧數目業經  
撫臣朱勳於本年奏銷時恭摺

奏明在案茲據署布政使恒敏詳報嘉慶二十二  
年分應徵錢糧額徵民屯更起運存留共銀一

百六十一萬一百六十三兩零內除存留銀二十七萬八千一百八十八兩零寔徵解起運銀一百三十三萬一千九百七十四兩零計自二月開徵起至五月止現已徵貯司庫銀七十八萬九千三百四十八兩零統核徵解新賦計有六分已逾上忙應徵一半之數仍未完銀五十四萬二千六百二十五兩零等情臣覆核無異除飭將未完銀兩於秋徵時責令該管府州趕緊督催徵解依限全完外所有二十二年分額

徵錢糧已未完解數目理合循例恭摺具

奏伏祈

皇上睿鑒謹

奏

嘉慶二十二年五月二十四日拜發六月初七

日恭遞二十二日接奉

硃批戶部知道欽此



中華書局影印

三二

護理陝西巡撫布政使 臣徐忻跪

奏爲查明各屬陸續首悔茹素念經之男婦遵例

取結釋寧恭摺奏

聞事案准刑部行知嘉慶二十一年十二月十一日

欽奉

上諭孫玉庭等奏傳習牛八邪教案犯先後赴官投  
具悔結懇請免罪一摺湖北省傳習牛八教之邵  
元勝等經地方官宣諭開導具結改悔投案者共  
有三百六十四名湖北一省如此可見各省傳習

刑部彙編卷之二十一  
刑部  
三十一  
邪教者尚復不少鄉民妄聽邪說信從入教本應  
治罪但人數過多愚民無知一時被誘若不予以  
自新之路朕心寔所不忍惟是此內真心改悔者  
固不乏人恐亦有希圖免罪暫時投首者閱時既  
久難保其不故知復萌應酌定條例以示警戒若  
改悔之後又復習教則是怙惡不悛定當加等治  
罪責令各出具再犯習教情願加等治罪甘結方  
准免罪該地方官仍將具結之人開造名冊申送  
臬司衙門存案各直省俱照此一律辦理等因欽

此仰見我

皇上仁施法外

義正群生於

赦過宥罪之中仍寓

明罰勅法之意當經撫臣朱勲敬謹謄黃遍行曉諭  
並通飭各屬隨時留心訪察剴切開導去後旋  
經臬司恒敏訪聞蒲城白水宜君地方間有居  
民茹素念經之事當卽密飭查訪拏獲魏京昌  
呂興堂韓元才王長明董聳子袁庭會屈壽匠

馮道兒劉秋兒王居士卽王第三焦成敖張太  
春秦現吉張九歌卽張九育等十四名起出佛  
像經卷提解到省詳加研訊僉供茹素諷經寔  
因惑於消災祈福並無糾衆歛錢傳播立教情  
事隨查驗經卷皆係鄙俗不經之詞尚無悖逆  
字句其像軸亦多習見反覆究詰矢口不移各  
願悔過不敢執迷並據蒲城縣監生王瑞朋民  
人郝成林李之受劉謹唐民婦張原氏原梁氏  
六名口白水縣民景色節于邦杰高名紀民婦

党胡氏元高氏郭趙氏党胡氏吳門氏八名口  
宜君縣民楊世奇民婦樊劉氏樊李氏魏黃氏  
四名口先後投案呈繳佛像經卷供認茹素念  
經並未傳徒惑衆情願具結改悔又據鳳縣寶  
雞縣查獲茹素念經之民人楊得才李生花張  
強民婦李趙氏四名口訊因患病供佛諷經茹  
素並無傳教不法情事均各當堂具結改悔共  
計男婦三十六名口經署臬司陝安道方載豫  
逐一覆核援照新例免罪釋寧取結存案像軸

經卷概行銷燬具詳請

奏前來臣查陝省山境紛岐客民錯處兼之木廂  
鉄廠人夫聚集之處繁多其中良莠不齊最易  
煽誘脅從防範倍宜嚴密亟應察其罔念乍起  
之時明切曉示寬其旣往戒其將來以靖人心  
而杜萌孽今魏京昌等三十六名口或長齋茹  
素或祈福諷經或因病崇信佛教雖並未結會  
立盟歛錢惑衆竊恐輾轉流傳樹黨植援致啓  
爲匪不法之漸現在旣已到案首悔自知悞入

邪途痛思湔改自應欽遵

諭旨准其免罪釋寧予以自新之路仍飭該管知縣  
在于門牌保甲冊內登註俾益知感知懼並於  
此外各屬飭令隨時留心查察務使奸宄勉爲  
善良愚頑知所徵誠以仰副

聖主除莠安良默化潛移之至意所有查明陸續首  
悔茹素念經之男婦等取結釋回緣由理合恭  
摺具

奏伏乞



皇上睿鑒謹

奏

嘉慶二十二年五月二十四日拜發六月初七

日恭遞十二日奉

硃批所辦失之寬縱另有旨欽此

再據宜川縣知縣趙廷俊稟報盤獲四川墊江  
客民石農元書符念咒治病騙錢起獲蓮花冠  
牛角响號大小鉄圈竹卦司刀等件又據署岐  
山縣知縣沈樹勛稟報拏獲石農元同夥學習  
符咒之四川同梁客民奚大才葉忠相起獲經  
卷各等情先後解犯到省經臬司恒敏督同委  
員逐一嚴審臣復會同研訊該犯等均係拜從  
已故四川蓬州人唐文陽爲師傳習符咒希圖  
治病騙錢尚無爲匪不法情事查驗經卷亦無

違碍語句惟異端法術醫人分赴隣省各縣騙  
誘鄉愚未免易滋煽惑該犯等與茹素誦經習  
教首悔者不同未便稍事輕縱除按例定擬罪  
名咨部核辦外合併附片奏

聞謹

奏

同日奉

硃批嚴審毋縱欽此

嘉慶二十二年六月初七日內閣奉

上諭徐炘奏查明各屬首悔茹素念經男婦取結釋  
寧一摺所辦失之寬縱習教之犯准令自首免罪  
原因其真心悔悟投首到官呈繳經像方予以白  
新之路該護撫摺內所奏如蒲城等縣監生王瑞  
朋等均係自行投案呈繳經像具結改悔其蒲城  
等縣民人魏京昌等鳳縣等縣民人楊得才等則  
皆係訪查拏獲到案始自稱改悔者此等入教莠  
民平日甘心邪慝迨被獲畏罪藉口改悔冀圖一

時苟免釋放後仍將故智復萌該護撫概予釋寧  
殊覺漫無區別徐忻着傳旨申飭除案內自首之  
王瑞朋等俱准免罪釋寧外其拿獲之魏京昌等  
十四名楊得才等四名口仍各照所犯之罪分別  
問擬不准寬免嗣後各直省查審邪教改悔之案  
俱着照此分別辦理欽此

護理陝西巡撫布政使 臣 徐焯跪

奏爲查明各屬應買倉糧陸續採辦完竣恭摺奏

聞仰祈

聖鑒事竊照陝省南山各州縣路徑崎嶇程途紆折  
北邊地方土脉瘠薄戶鮮蓋藏所有應貯倉糧  
關係接濟民食亟須將動缺之數買補足額以  
脩不時之需上年全秦夏麥秋禾收成豐稔經  
撫臣朱勳體察情形就舊貯之盈虛定買補之  
多寡

奏明酌動庫款分飭乘時採辦以資儲備仰蒙

俞允在案

臣

當卽隨同撫臣移行該管道道府督飭各

該廳州縣寔力買補毋許短價虛報勒派浮收  
稍滋弊竇茲查漢中府屬九廳州縣常平缺額  
糧石內南鄭縣採買京斗穀二千石城固縣採  
買京斗穀一萬石洋縣採買京斗穀一萬三千  
石沔縣採買京斗穀五千石寧羗州採買京斗  
穀三千石畧陽縣採買京斗麥二千石褒城縣  
採買京斗麥一千石留壩廳採買京斗麥一千

石鳳縣採買京斗麥二千五百石按一麥二穀  
抵算以上共合採買京斗穀四萬六千石共用  
價銀二萬七千六百兩又延安府屬之膚施縣  
採買京斗穀五千石甘泉縣採買京斗穀一百  
五十一石安定縣採買京斗穀四千石延長縣  
採買京斗穀四千石延川縣採買京斗穀五千  
三十八石五斗定邊靖邊二縣各採買京斗穀  
四千石以上共採買京斗穀二萬六千一百八  
十九石五斗內有買還平糶案內缺額穀石卽



以原存糶價如數動支共用價銀一萬六千六百七十二兩七錢四分五厘均經該管道府督同委員逐一盤量查驗委係寔貯在倉並無顆粒虛短出具切結由司具詳請

奏前來臣查漢中延安二府或地居漢南扼要或界分省北偏隅皆須以儲蓄爲先以期緩急有備今將應買額糧均陸續採辦充裕寔於民食倉儲兩有裨益除將用過價銀造具分款細數冊結另行恭疏具

題外所有查明採買倉糧完竣緣由理合恭摺具  
奏伏乞

皇上睿鑒謹

奏

嘉慶二十二年六月十五日拜發二十九日恭  
遞七月十三日接奉

硃批戶部知道欽此

				<p>192 -1</p>
--	--	--	--	---------------

再查榆林府屬酌買常平缺額倉斗米豆各一萬石按照市價公平採買分貯各倉卽以備額支兵糧二年之需又興安府六廳縣增貯京斗穀九萬八千一十二石請以鄜州宜川等州縣餘糧糶價買補均經撫臣朱勳

奏明

聖鑒俯准在案茲查榆林府屬應買米豆二萬石已如數買足其應請修補倉廩現經趕緊勘辦至興安府屬應添穀石爲數較多餘糧糶價旣屬

西不... 卷一  
不敷且查紫陽地勢彈丸不能如數增貯或量  
爲酌減或另籌擇要分添尚需通盤核計前經  
撫臣朱勳

奏明先行酌發銀一萬九千八百九十二兩零按  
照部價科筭應採買京斗穀三萬三千一百五  
十四石零現已採買京斗穀三萬一千六百四  
十三石零尚有未買京斗穀一千五百十石零  
仍飭迅速如數買補所有修建倉廩均已估勘  
辦理至此外綏德州因界連榆林府屬該處市

集米豆均販赴郡城各屬爭赴市價糶賣該州  
難以同時採辦已將原領價銀繳回司庫臣查  
採買倉糧一事必須因地制宜隨時通變固不  
可因缺少之數相沿已久稍事玩忽因循亦不  
可因買補之額業經

奏明意存拘泥遷就總期糧儲於有用之地價買  
於易售之時方爲妥善除俟榆林興安所買糧  
石盤驗結報後造具動用價銀及分貯細數另  
行核寔恭疏

題報外合併附片奏

聞謹

奏

同日奉

硃批覽欽此

護理陝西巡撫布政使 臣徐忻跪

奏爲拏獲盜賣軍功執照之犯証審明按律定擬

恭摺奏

聞仰祈

聖鑒事案准甘肅提督楊芳咨稱有官親龍坦在署  
管理倉發文件曾隨南山軍營近日潛行出外  
風聞有盜賣軍功執照情事咨請轉飭查拏旋  
又准咨開據川民秦幅執持衛千總龍受茲部  
照一紙稱係龍坦向伊押銀十五兩赴署討取



查龍受茲係陝西候補經歷龍廸茲原名今既  
更名另捐文職其衛千總部照例應呈繳不應  
龍坦竊取假冒咨請訊明究辦各等情當俱行  
司查拏質訊去後旋經臬司恒敏督同委員將  
龍坦緝拏到案先將咨內所開確有憑証之竊  
取部照假冒押銀一節向其嚴訊據供衛千總  
龍受茲部照係托伊在楚貿易之胞兄龍坤寄  
京代捐不論雙單月卽用嗣因龍受茲捐項未  
經寄到伊兄龍坤不能墊辦適該犯赴楚探望

龍坤經龍坤將照交其帶回四川交還詎該犯  
頻年在外並未回川以致將部照仍攜帶在身  
押銀使用並非竊取假冒至龍受茲係候補經  
歷龍廸茲堂弟已于二十年九月內病故委非  
一人改名等語隨查驗龍受茲部照及龍廸茲  
原呈履歷兩相核對所開本身年歲與其父之  
名各不相同其非更名改捐已無疑義復傳龍  
廸茲隔別詢問與龍坦所供情節脗合此龍坦  
憑藉部照押銀使用之原委也至有無盜賣軍

功執照最爲緊要關鍵經署臬司方載豫督同  
委員反覆鞫訊並逐一搜查該犯始猶狡飾及  
起獲六品軍功執照一紙內填該犯姓名復向  
嚴訊始據供稱所帶六品軍功執照係提督楊  
芳前在軍營時所給並供認曾經竊取空白軍  
功執照二張先後騙賣共得過銀二十兩緣該  
犯籍隸四川華陽與陞任漢中鎮已故提督吳  
廷剛係屬姻親甘肅提督楊芳亦係該犯族間  
姊丈嘉慶十九年正月間該犯來陝維時正值

岐郿匪徒滋事卽赴漢中鎮吳廷剛營內幫管  
賬務乘隙竊取預印空白軍功執照一張嗣又  
在楊芳軍營幫辦僉發文件因在營中出力給  
與六品軍功執照該犯又乘空竊取預印鈐記  
空白軍功執照一張迨軍務完竣該犯同楊芳  
回署因清苦乏錢使用起意售賣騙錢卽托素  
識之楊昇將所竊漢中鎮軍功執照賣給蒲城  
縣生員張啓泰出銀三十兩楊昇因本有舊欠  
張啓泰銀兩卽以執照抵還欠項旋卽躲避該

犯並未得受銀兩張啓泰因未曾到過軍營未  
敢遽換頂戴將執照收存該犯又托姚有賣給  
山西人薛德幅代伊甥呂廷瑛轉買軍功執照  
一張得銀二十兩尚未帶回原籍交給呂廷瑛  
旋即破案此該犯盜賣軍功執照誑騙銀兩之  
寔情也臣詳核案情誠恐該犯所竊執照必不  
止此二張撞騙銀兩亦未必祇有此數隨親提  
犯証會同署藩司恒敏署臬司方載豫再四嚴  
詰並拘獲買照之人逐一質訊衆供確鑿矢口

不移似無遁飾查例載詐爲衙門文書誑騙科  
歛財物者問發近邊充軍又自稱職官止圖鄉  
里光榮無所求爲亦無憑割者杖六十徒一年  
各等語此案龍坦隨從軍營胆敢竊取總兵預  
印空白軍功執照售賣得財二十兩計贓以枉  
法論無祿人減一等罪止滿杖惟該犯將預印  
執照自行填寫卽屬詐爲業已賣給與人誑騙  
財物除計贓科斷輕罪不議外龍坦合依詐爲  
衙門文書誑騙財物者發近邊充軍例發近邊

充軍楊昇姚有當龍坦託伊代賣執照之時並不查問來歷輒爲說合轉賣卽屬爲從應於龍坦軍罪上減一等杖一百徒三年該二犯現俱在逃飭緝獲日另結張啓泰執照供係楊昇給伊抵欠業已收受薛德幅所買之照係代伊甥呂廷瑛買受均與自買無異該犯等雖係被騙尚未換用頂戴亦未呈報有案惟明知六品軍功執照輒行買受寔係違禁張啓泰薛德幅均應依自稱職官止圖鄉里光榮無所求爲亦無

憑劄者杖六十徒一年例杖六十徒一年到配  
各折責安置呂廷瑛在原籍山西並不知伊母  
舅薛德幅代買執照情事應予免議並免關提  
執照案結銷燬生員張啓泰罪擬杖徒應請褫  
革秦幅因與龍坦係屬同鄉向伊借貸輒將千  
總執照擅收抵押亦屬不合應照不應輕律笞  
四十所押銀兩與所賣執照贓銀均照追入官  
已故衛千總龍受茲部照送部查銷龍勉茲並  
非更名另捐應毋庸議至軍功執照一事當戎



馬倥偬之際士卒効命行間籍以鼓勵人材不  
得不爲此權宜之計事後核明咨部歷係如此  
辦理惟不慎重收藏致令竊取盜賣寔屬踈忽  
其龍坦已身執照一紙檢查案卷曾准移請咨  
部立案彼時撫臣朱勳因未知其是否寔在出  
力未敢據情咨達該營亦未將原照追撤銷燬  
亦屬踈漏除原任提督吳廷剛業經病故外現  
任提督楊芳係自行查出移會緝拏應請

旨交部察議再查陝省節次辦理軍務各路帶兵大

員給發軍功執照不知凡幾似此竊取盜賣受  
騙悞買者自尙不少仍飭隨時訪察並一面出  
示曉諭令其呈首繳銷以杜假冒而重名器除  
將全案供招咨部外所有審明定擬緣由理合  
恭摺具

奏伏乞

皇上睿鑒謹

奏

嘉慶二十二年六月十五日拜發二十九日恭

遞七月十三日接奉

硃批該部議奏欽此

護理陝西巡撫布政使 臣 徐忻跪

奏爲請建巡檢衙署遵照部咨恭摺具  
奏仰祈

聖鑒事竊照寧陝廳巡檢衙署於嘉慶十一年八月  
內被賊焚燬當經造具清冊咨准部覆行令勘  
估辦理旋據該管道府督同委員確勘估報該  
巡檢衙署計房二十四間被焚淨盡亟應補建  
摺節核估共需工料銀九百二十一兩四錢零  
由司核明詳請在於庫貯地丁銀內動支興修

經撫臣朱勲具

題在案嗣准部咨此項被焚衙署與尋常坍塌修理者不同自應准其補建惟房間銀數該撫曾否具奏疏內未據聲明碍難核辦行令奏明辦理等因臣查該廳巡檢衙署自被焚之後節經請修彼時因新建寧陝廳城垣基址尙未勘定是以未卽辦及迨勘明

題估後又因未經先期奏明由部核議指示今該處城垣已在舊建廳治興修完竣所有被焚同

知衙署倉監等項亦均一律修建完整業經  
題報核銷惟巡檢衙署尚未興修該巡檢現隨同  
知駐劄廳城有佐理巡緝之責兼司監獄未便  
以賃民居應請補建衙署以咨辦公棲止其估  
需工料銀九百二十一兩四錢零並請仍照前  
題在于庫貯地丁銀內動支工竣委勘核寔造報  
除前次已將估計冊結隨疏送部外所有接准  
部咨行令奏明核辦緣由理合恭摺具

奏伏祈

皇上睿鑒謹

奏

嘉慶二十二年六月十五日拜發二十九日恭  
遞七月十三日接奉

硃批工部知道欽此

護理陝西巡撫布政使 臣 徐炘跪

奏爲恭報雨水田禾情形仰祈

聖鑒事竊照陝西各屬於五月內連得霽雨禾苗普

獲滋培業經 臣 恭摺具

奏在案茲據西安延安鳳翔漢中榆林同州興安

商州邠州乾州邠州綏德等府州屬陸續稟報

五月二十六日及二十八九日並六月初一至

初八日各州縣地方得雨自三四五寸至深透

不等 臣 查陝省自入夏以來甘雨應時土脉接



潤平原山徑遠近同霑現在天氣晴霽田禾暢  
發早秋業已吐穗揚花南北山包穀雜糧均一  
律滋長芄茂秋收可期豐稔民情寧謐惟臨近  
渭河各州縣因河流泛漲村堡間有被水處所  
業將勘辦緣由另摺奏

聞所有各屬雨水田禾情形理合恭摺具

奏並繕具五月分糧價清單恭呈具

御覽伏乞

皇上睿鑒謹

奏

嘉慶二十二年六月二十四日拜發七月初六

日恭遞二十日接奉

硃批知道了欽此

陸  
二  
ノ  
三  
言  
集  
入  
考  
正  
ノ  
二  
ノ  
二

三二

再前奉

上諭嗣後奏報捐監銀兩均應叙明某年間捐起收過捐銀若干已經解部及奏明動用若干現在若干俟湊足十萬兩卽行解部不得含混聲叙欽此查陝西省自嘉慶五年三月開捐起至十年十二月底止共收捐監銀五十四萬七千兩俱經奏明提歸軍需項下動用其自十一年正月起至二十二年四月底止收捐銀數除十二年遵旨扣存銀十萬兩十三年

奏准存銀六萬五千四百兩採買倉穀十五年解  
部銀一十萬兩提收司庫封貯銀五萬兩十七  
年解部銀一十萬兩提收司庫封貯銀五萬兩  
十九年

奏准提撥軍需支用銀九萬九千一百兩二十年  
解部銀一十萬兩提收司庫封貯銀五萬兩本  
年四月內解部銀一十萬兩應存銀三萬八百  
三十兩業經

奏報在案今於嘉慶二十二年五月分又收捐監

銀三千四百兩連前共存司庫銀三萬四千二百三十兩俟收足五萬兩再行提歸封貯理合  
附片奏

聞謹

奏

同日奉

硃批覽欽此



護理陝西巡撫布政使 臣徐忻跪

奏爲本年上忙徵收新舊錢糧已未完數目循例

恭摺具

奏仰祈

聖鑒事竊照嘉慶二十年六月內經戶部奏准行令  
各省於每年上下忙應徵錢糧除留支外寔應  
解司銀數分別正課襍項依限詳報督撫二十  
日內專摺具奏等因茲據署布政使恒敏詳報  
嘉慶二十二年分額徵民屯更起存並糧折價



除屯丁兌食外共銀一百六十一萬一百六十  
三兩零內除存留銀二十七萬八千一百八十  
八兩零止該解司銀一百三十三萬一千九百  
七十四兩零計自春間開徵起至上忙截數止  
已完解司銀七十八萬九千三百四十八兩零  
未完銀五十四萬二千六百二十五兩零又原  
額鹽課銀八千九百八十兩零今上忙已完解  
司銀二千八十四兩零未完銀六千八百九十  
六兩零又帶徵嘉慶三年起至二十一年止原

未完地丁起存共銀一十二萬一千九百八十  
九兩零今上忙已完解司銀四萬一千一百二  
十七兩零未完銀八萬八百六十一兩零又榆  
林縣未完緩徵存留銀一百七十二兩零共未  
完銀八萬一千三十四兩零又帶徵嘉慶三年  
起至二十一年止塩課銀二萬三千一百二十  
兩零今上忙已完解司銀八千三百二十二兩  
零未完銀一萬四千七百九十七兩零等情  
覆核無異仍飭將未完銀兩於下忙秋徵時責

臣

令該管府州趕緊督催依限完解所有二十二  
年上忙徵收新舊錢糧已未完數目除冊送部  
外理合循例恭摺具

奏伏乞

皇上睿鑒謹

奏

嘉慶二十二年六月二十四日拜發七月初六  
日恭遞二十日接奉

硃批戶部知道欽此

護理陝西巡撫布政使 臣徐炘跪

奏爲華州華陰潼關臨河村屯間被漲水漫淹現  
在確勘撫卹情形恭摺具

奏仰祈

聖鑒事竊查陝省華州華陰一帶南連山麓北界河  
濱地勢最爲窪下每值夏秋之際各屬雨水調  
勻該處卽有積潦之患本月初六七日大雨淋  
漓渭水泛漲據華州華陰潼關等處先後稟報  
附近河所村屯地畝間被漫淹當卽商令署藩司

恒敏酌帶銀兩會同該管潼商道嵩溥督同該府並印委各員分投詳細履勘先行妥爲安撫茲據該署司等周履勘明各該處因六月初旬上泔普得透雨渭河驟漲兼之華山澗峪各水滙注奔騰宣洩不及以致附近村屯猝被水淹房屋亦多坍塌查華州自西北鄉大張村起至東北鄉石村止被水漫進者三十七村堡華陰自西北鄉分界里起至東北鄉公庄里止被水漫進者三十一村堡潼關廳被水九屯漫水進

堡者五喬一屯均在華陰縣境內並查華州村民內淹斃男婦四口當卽給棺殮埋其餘人口並無損傷又華州之杜家村等二百六村堡華陰之姚家堡等七十二村堡潼關廳古城等八屯漫水未經進堡而田禾已被淹浸現在高阜地畝積水已消並有留種冬麥空地及沿河舊荒隙地本未種植秋禾惟水退沙淤亟須平除修復其積水未消者趕緊設法疏濬以期及早涸出現將被水極貧民戶逐一挨查先爲給資

安撫仍請分別量予調劑等情臣查華州華陰  
潼關各廳州縣因渭水泛漲山雨匯流附近河  
岸一帶間被漫淹察看華州被水情形較重華  
陰次之潼關又次之均係一隅中之一隅業經  
確切履勘先將極貧戶口給資安撫已不致口  
食缺乏且本年該廳州縣麥收均係七八分有  
餘較他處尚爲豐稔惟目下已屆秋令被淹田  
畝難望補種有收生計恐未能饒裕應請將被  
水較重之村屯居民查照戶口撫卹一月折色

口糧俾資接濟其坍塌房間並請照例給予修費仍俟涸出地畝與被水較輕之村屯一律查明寔在項畝分數能否趕種晚蕎或待播種冬麥再行察看情形酌量借給籽種外合無仰懇天恩俯准將華州華陰潼關三廳州縣被水村屯地畝本年未完錢糧及節年帶徵錢糧均請緩至二十三年麥後徵收以紓民力仍一面覆核戶口名數督飭妥速散放撫卹務使無遺無濫實惠及民以仰副



聖主軫念窮黎無使一夫失所之至意除照例另疏  
題報外所有華州等處臨河村屯被水漫淹及勘  
辦情形理合恭摺具

奏伏祈

皇上睿鑒謹

奏

嘉慶二十二年六月二十四日拜發七月初六  
日恭遞二十日接奉

硃批另有旨欽此

再續據渭南縣稟報該縣迤東與華州昆連界址亦有被水處所經署藩司恒敏查明該處均係河灘地畝村落空曠戶口稀疎各堡居民均有防備未曾遷徙內被水稍重者洪家厓也家灘等十二村較輕者六十五村水退之後業已補種雜糧民情寧貼又據大荔朝邑二縣具報本月十二三等日渭洛二河接漲田禾亦間被淹浸計大荔被水十五村其中情形稍重者十村朝邑被水十一村其中情形稍重者三村現

經該管道府分赴查勘應否酌量調劑之處另行核寔辦理惟該三縣被水村堡地畝旣已受淹卽能播種襍糧究恐收成歉薄合無仰懇

聖恩俯准將該三縣被水村堡本年應徵新舊錢糧一併緩至來年麥後徵收則感沐

鴻施寔無涯涘理合附片

奏

聞謹

奏

同日奉

硃批另有旨欽此



嘉慶二十二年七月初六日內閣奉

上諭徐忻奏查明臨河各廳州縣間被水淹懇恩緩徵一摺陝西華州等廳州縣因本年六月初旬上游普得透雨渭水泛漲濱河村屯地畝間被淹浸除經該護撫勘明查照戶口先行撫卹一月折色口糧坍塌房間照例給予修費外著加恩將華州華陰潼關三廳州縣被水村屯地畝本年未完錢糧及節年帶徵錢糧均緩至二十三年麥後徵收其渭南大荔朝邑三縣或與被水處所界址毘連

或因渭洛二河同時並漲田禾被淹著將該三縣  
被水村堡本年應徵新舊錢糧一併緩至二十三  
年麥後徵收以紓民力該部知道摺併發欽此

陝西布政使 臣 徐忻跪

奏為循例恭請

陛見仰祈

聖鑒事竊 臣 幾輔庸愚毫無知識由內閣中書疊蒙

恩施逾格游擢藩司於嘉慶二十一年夏間叩覲

天顏渥邀

慈訓 臣 到陝後稟遵

聖諭於一切察吏安民之事勉矢慎勤不敢稍涉因

循疲玩迄今已屆三載仰賴



聖云鴻福年穀順成地方寧謐所有本年應辦錢糧  
奏銷及上忙截數各要務均於四月內可以竣事

合無籲懇

天恩俯准 臣 趨赴

闕廷跪聆

聖訓俾事事益有秉承所有 微臣 瞻戀下忱亦得稍

申於萬一理合循例恭摺具

奏伏乞

皇上睿鑒謹

奏

嘉慶二十四年四月初三日拜發十八日恭遞

閏四月初三日接奉

硃批准來見欽此

	<div style="text-align: right;"> <p>138</p> </div>
--	--

陝西布政使 臣徐忻跪

奏爲恭報

微臣

回任日期仰祈

聖鑒事竊

臣

因在布政使任內屆滿三年循例恭請

陞見欽奉

硃批允准於五月二十四日到京疊蒙

召見

訓誨周詳感激下忱莫能名狀二十六日

陛辭後遵卽趕緊啟程於六月二十日進關二十三

日到省准署藩司特通阿將布政使印信移送

西華書局影印 卷一  
前來 臣 卽恭設香案望

闕叩頭敬謹任事訖惟有凜遵

聖訓勉竭愚誠於地方一切事宜實心實力矢勤矢  
慎不敢稍有踈忽不任稍涉因循以期仰報

高厚鴻慈於萬一所有 微臣 回任日期理合恭摺具

奏伏祈

皇上睿鑒謹

奏

嘉慶二十四年六月二十三日拜發七月十二

日恭遞八月初十日接奉  
硃批實心任事毋涉因循欽此

臣等謹將

考一

再臣面奉

聖諭於到陝後卽密行告知撫臣朱勲臣於進關後  
並留心察看黃渭各河情形均極安恬查陝省  
自五月中旬以後各屬渥澤頻霑秋禾芄茂山  
境平原一律寧謐洵堪仰慰

宸懷惟漢中府屬之畧陽縣因五月下旬至六月初  
間陰雨連綿江水漲發冲坍城垣二處水漫入  
城浸塌民房淹斃人口兵房衙署均有倒塌沿  
河地畝亦間有冲刷又漢中府所屬留壩廳之



廟臺子寧羗州之陽平關等處於六月初一二日亦間被水漫民房地畝俱有冲刷業經撫臣奏明酌撥銀兩先後飭委漢中府知府嚴如煜陝安道吳榮光親往確查撫卹一面設法疏消不使稍有失所臣於地方應行迅速勘辦及先事預防各要務惟有隨時隨事盡心竭力妥爲經理以期仰副

聖主訓誨殷諄之至意合併附片奏

聞謹

奏

同日奉

硃批知道了欽此

世不書与考正

考一

三

軍機大臣字寄

陝甘總督長 嘉慶二十四年十月初十日奉  
上諭長齡奏請來京陛見一摺本年朕六旬萬壽派  
令各督撫來京隨班祝嘏長齡本在可派之列因  
各省總督來京者已有五人是以未經派出茲據  
奏稱該省年穀順成地方寧謐現無緊要事件著  
照所請准其來京陛見該督約計程期於封印後  
到京隨班叩賀元旦亦可伸其祝嘏之忱至甘省  
地方緊要屆時長齡知會朱勳前往蘭州署理總

督不可將總督印篆帶至陝省朱勳赴蘭州後其  
陝西巡撫印務卽著徐忻護理可也將此諭知長  
齡並諭朱勳知之欽此遵

旨寄信前來

嘉慶二十四年九月二十五日具奏十月二十  
五日奉到十一月初一日接到行知

護理陝西巡撫布政使臣徐忻跪

奏爲恭報微臣接護撫篆日期叩謝

天恩仰祈

聖鑒事竊臣於十一月初一日經撫臣朱勳行知奉

上諭朱勳前往蘭州署理總督其陝西巡撫印務卽

著徐忻護理等因欽此旋於初二日准撫臣將陝

西巡撫關防並

王命旗牌及一切文卷等項移交到臣當卽恭設香

案望

闕叩頭敬謹祇領任事伏念臣猥以庸愚毫無知

識疊沐

聖主逾格隆施未効涓埃方深悚惕茲復欽奉

恩綸俾護撫篆聞

命之下感悚難名臣惟有勉竭駑駘事事實心實力

矢慎矢勤以冀仰副

高厚鴻慈於萬一所有微臣接護撫篆日期理合恭

摺具

奏叩謝

天恩伏乞

皇上睿鑒謹

奏

嘉慶二十四年十一月初二日拜發十一月十

五日恭遞二十八日接奉

硃批謹慎小心毋涉因循勉之欽此



中 卷一

三

護理陝西巡撫布政使臣徐忻跪

奏爲遵

旨查明據實覆奏仰祈

聖鑒事竊臣准撫臣朱勳移交嘉慶二十四年十月

二十二日承准

廷寄奉

上諭本年陝西留壩畧陽二廳縣被淹經該省奏到  
朕加恩分別緩徵賑卹小民諒可無虞失所惟念  
來春青黃不接之時民力或不免拮据著傳諭該

撫體察情形如有應需接濟之處卽查明據實覆  
奏務於封印前奏到候朕於新正降旨加恩潼關  
等州縣應否接濟之處一併查明具奏等因欽此  
仰見

皇上惠愛黎元

恩施無已之至意臣與署藩司特通阿恣心查核本  
年陝西被水被雹各廳州縣仰蒙

聖恩賑貸兼施錢糧展緩小民仰沐

皇仁均已各安生業惟來春青黃不接之時誠如

聖諭民力不免拮据應請將留壩畧陽潼關華州華  
陰朝邑大荔七廳州縣被水各村莊戶口於來  
春酌借口糧以資接濟並請將榆林懷遠二縣  
被水被雹村莊於來春酌借籽種俾得及時耕  
作庶民力益臻寬裕所有欽遵

諭旨查明酌籌接濟緣由理合恭摺覆

奏伏祈

皇上睿鑒謹

奏

嘉慶二十四年十一月二十七日拜發十二月

初九日恭遞二十一日接奉

硃批候旨行欽此

護理陝西巡撫布政使臣徐忻跪

奏爲恭報瑞雪頻霑仰祈

聖鑒事竊照陝省西安等屬於十月間得有雪澤情形業經撫臣朱勳附片奏

聞在案茲據西安鳳翔漢中同州興安商州邠州乾州鄜州九府州屬續報於十月二十八九並十一月初一二及十七八九日均經復得瑞雪除融化外積地二三四五寸不等又延安榆林綏德三府州屬先後具報於十月二十一二三及

十一月初一二日得雪一二三四五六寸不等  
臣查陝省各屬入冬以來山境平原一律連得  
雪澤二麥根蔕藉以滋培穩固來年預卜有收  
民情欣悅四境恬熙市集糧價平減洵堪仰慰  
聖懷理合恭摺具

奏並敬繕十月分各屬糧價清單恭呈

御覽伏乞

皇上睿鑒謹

奏

嘉慶二十四年十一月二十七日拜發十二月  
初九日恭遞二十一日接奉

硃批欣慰覽之欽此



四庫全書  
卷之二

二

再前奉

上諭嗣後奏報捐監銀兩均應釵明某年開捐起收  
過捐銀若干已經解部及奏明動用若干現在若  
干俟湊足十萬兩卽行解部不得含混聲釵欽此  
查陝西省自嘉慶五年三月開捐起至十年十  
二月底止共收捐監銀五十四萬七千兩俱經  
奏明提歸軍需項下動用其自十一年正月起至  
二十四年九月底止所收捐監銀兩數目除十  
二年遵

旨扣存銀十萬兩十三年

奏准存銀六萬五千四百兩採買倉穀十五年解  
部銀一十萬兩提收司庫封貯銀五萬兩十七  
年解部銀一十萬兩提收司庫封貯銀五萬兩  
十九年

奏准提撥軍需支用銀九萬九千一百兩二十年  
解部銀一十萬兩提收司庫封貯銀五萬兩二  
十二年解部銀一十萬兩提收司庫封貯銀五  
萬兩二十三年十一月內解部銀八萬九千五

百一十兩提收司庫封貯銀五萬兩外應存銀一萬八千兩業經撫臣朱勳


奏報在案今於嘉慶二十四年十月分又收捐監銀七千三百兩連前共存銀二萬五千三百兩俟奏足十萬兩再行解部理合附片奏

聞謹

奏

同日奉

諭批覽欽此



護理陝西巡撫布政使 臣 徐忻跪

奏爲覆查保甲完竣循例奏

聞仰祈

聖鑒事竊照嘉慶十九年十月二十四日欽奉

上諭那彥成奏酌定覆查保甲章程一摺每年秋收無事後俟外出耕作及各項傭工歸里之時再行稽核一次免致匪徒潤跡所見甚爲核實著各直省通行照辦州縣官於秋收後先行曉諭各村庄保長人等將本村戶口自行逐細查明造具草冊

呈送該管州縣親往覆查悉遵辦定規條取具互保甘結將門牌照改填寫按戶懸掛仍責令該管道府直隸州親往協查竣後稟報督撫交兩司核對具詳督撫於歲底彙奏一次等因欽此節經通飭各廳州縣於秋收後先令保長人等將本村戶口詳細查核造冊呈送該廳州縣按照章程逐一編查聽候覆核去後旋據各道府州稟稱攜帶各屬所呈底冊親往協查點驗所懸門牌丁口姓名年貌俱屬相符所有遷徙增減戶

口均已隨時更正其外來耕作傭工及木廂鉄  
廠流寓寄居之人一一悉心盤詰實非來歷不  
明方准容留並將姓名籍貫填入門牌取具互  
結存備查考仍嚴諭牌甲隨時稽查勿稍疎懈  
各等情復經署藩臬兩司覆核無異具詳請

奏前來

臣

查陝省各廳州縣編查保甲恪遵條規

親身實力查辦是以疊次緝獲逃遣逃兇多起  
並查獲賭博搶竊私鑄匪犯按律懲治不敢徒  
托空言視爲奉行故事其城鄉村鎮居民亦咸



知保甲一事所以弭盜詰奸法良意美皆各認真互相稽核現在山境平原一律寧謐民氣恬熙臣惟有督飭各廳州縣行之以實持之以久務期奸宄無從溷跡間闕永慶安居以仰副

聖主除莠安良之至意所有覆查保甲完竣緣由理合循例恭摺具


奏伏乞

皇上睿鑒謹

奏

嘉慶二十四年十二月二十四日拜發正月初  
十日恭遞二十六日接奉

硃批知道了欽此



護理陝西巡撫布政使 臣徐忻跪

奏爲查明錢糧完解數目循例奏

聞事竊照嘉慶八年五月內准戶部咨令將新徵錢糧數目於十二月內先行奏明仍循例於次年四月內具題等因遵照在案茲據署布政使特通阿詳報嘉慶二十四年分額徵民屯更起運並糧折等項除各屬留支外寔應解司庫銀一百三十三萬九千八百一十八兩零除本年閏四月內撫臣朱勳

奏報已完銀八十六萬六百六十九兩零計未完  
銀四十七萬九千一百四十九兩零今自六月  
起至十一月底止續完銀四十二萬七百九十  
兩零仍未完銀五萬八千三百五十八兩零統  
計新徵錢糧已完九分有餘又帶徵二十三年  
地丁錢糧截至本年閏四月底止未完銀一百  
三十五兩零今自六月起截至十一月底止業  
已續徵通完等情前來臣覆核無異除將未完  
銀兩嚴飭該管府州督催徵解外所有二十四


年分正賦並帶征錢糧截至十一月底止已未  
完數目理合循例恭摺具

奏伏祈

皇上睿鑒謹

奏

嘉慶二十四年十二月二十四日拜發二十五  
年正月初十日恭遞二十六日接奉  
硃批戶部知道欽此



護理陝西巡撫布政使 臣 徐忻跪

奏爲恭報雪澤糧價情形仰祈

聖鑒事竊照陝省各屬於十月下旬及十一月中旬

連得雪澤業經 臣 具

奏在案茲據西安同州乾州各府州所屬具報於  
十二月二十並二十一日復得瑞雪除融化外  
積地一二三寸不等 臣 查陝省自入冬以來雪  
澤頻霑土脉滋潤現值饑臘迎春之候又得祥  
雲渥沛農田預慶有收民情歡悅四境安恬而



集糧價平減堪以仰慰

宸懷理合恭摺具

奏並敬繕十一月分各屬糧價清單恭呈

御覽伏祈

皇上睿鑒謹

奏

嘉慶二十四年十二月二十四日拜發二十五  
年正月初十日恭遞二十六日接奉

硃批欣慰覽之欽此

再前奉

上諭嗣後奏報捐監銀兩均應叙明某年開捐起收  
過捐銀若干已經解部及奏明動用若干現在若  
干俟湊足十萬兩卽行解部不得含混聲叙欽此  
查陝西省自嘉慶五年三月開捐起至十年十  
二月底止共收捐監銀五十四萬七千兩俱經  
奏明提歸軍需項下動用其自十一年正月起至  
二十四年十月底止所收捐監銀兩數目除十  
二年遵

旨扣存銀十萬兩十三年

奏准存銀六萬五千四百兩採買倉穀十五年解  
部銀一十萬兩提收司庫封貯銀五萬兩十七  
年解部銀一十萬兩提收司庫封貯銀五萬兩

十九年

奏准提撥軍需支用銀九萬九千一百兩二十年  
解部銀一十萬兩提收司庫封貯銀五萬兩二  
十二年解部銀一十萬兩提收司庫封貯銀五  
萬兩二十三年十一月內解部銀八萬九千五

百一十兩提收司庫封貯銀五萬兩外應存銀  
二萬五千三百兩業經

奏報在案今於嘉慶二十四年十一月分又收捐  
監銀七千七百兩連前共存銀三萬三千兩俟  
奏足十萬兩再行解部理合附片奏

聞謹

奏

同日奉

硃批覽欽此

四  
ネ  
三  
三  
三  
三  
三  
三

一  
一  
一

二

護理陝西巡撫布政使臣徐忻跪

奏爲恭報雪澤糧價情形仰祈

聖鑒事竊照陝省各府州屬上年冬間得雪情形業

經臣恭摺具

奏在案茲據西安延安鳳翔漢中榆林同州興安

商州邠州乾州鄜州綏德等府州屬具報於上

年十二月二十日二十一日及二十七八日並

本年正月初一日至初九日先後各得雪澤除

融化外積地自二三寸至六七寸不等臣查陝

四  
不  
尋  
三  
尋  
正  
卷  
一  
二  
省山境平原上年疊獲祥霽普霑渥澤茲節交  
春令後又復瑞雪應時現在天氣晴和麥苗長  
發市集糧價平減民氣恬熙堪以仰慰

聖懷理合恭摺具

奏並敬繕十二月分各屬糧價清單恭呈

御覽伏祈

皇上睿鑒謹

奏

嘉慶二十五年正月二十七日拜發二月初十

日恭遞二十五日接奉

硃批欣慰覽之欽此



四才子集卷之二

七

再前奉

上諭嗣後奏報捐監銀兩均應叙明某年開捐起收  
過捐銀若干已經解部及奏明動用若干現在若  
干俟湊足十萬兩卽行解部不得含混聲叙欽此  
查陝西省自嘉慶五年三月開捐起至十年十  
二月底止共收捐監銀五十四萬七千兩俱經  
奏明提歸軍需項下動用其自十一年正月起至  
二十四年十一月底止所收捐監銀數除十二

年遵

旨扣存銀十萬兩十三年

奏准存銀六萬五千四百兩採買倉穀十五年解  
部銀一十萬兩提收司庫封貯銀五萬兩十七  
年解部銀一十萬兩提收司庫封貯銀五萬兩  
十九年

奏准提撥軍需支用銀九萬九千一百兩二十年  
解部銀一十萬兩提收司庫封貯銀五萬兩二  
十二年解部銀一十萬兩提收司庫封貯銀五  
萬兩二十三年十一月內解部銀八萬九千五

百一十兩提收司庫封貯銀五萬兩外應存銀  
三萬三千兩業經

奏報在案今於嘉慶二十四年十二月分又收捐  
監銀九千七百兩連前共存銀四萬二千七百  
兩俟湊足十萬兩再行解部理合附片奏

謹

奏

同日奉

硃批覽欽此

口  
二  
三  
四  
五  
六  
七  
八  
九  
十

護理陝西巡撫布政使 臣徐炘跪

奏爲查明各屬完解錢糧遵例於年底截數具

奏仰祈

聖鑒事竊照嘉慶九年六月內准戶部咨令將每年已未完錢糧數目截至年底止於次年開印前具奏等因遵照在案茲據署布政使特通阿詳稱嘉慶二十四年分額徵民屯更起運並糧折等項連閏共銀一百三十三萬九千八百一十八兩零除上年截至十一月底止

奏過已完銀一百二十八萬一千四百六十兩零  
今自上年十二月起至年底止續完銀三萬五  
千六百五十四兩零又華州華陰大荔朝邑榆  
林懷遠六州縣被水緩徵銀七千一百二十四  
兩零仍未完銀一萬五千五百七十九兩零統  
計二十四年分新徵錢糧已完九分有餘等情  
臣覆核無異除飭將未完銀兩責令該管府州  
趕緊督催徵解外所有二十四年錢糧截至年  
底止已未完數目理合循例恭摺具

奏伏祈

皇上睿鑒謹

奏

嘉慶二十五年正月二十七日拜發二月初十日  
日恭遞二十五日接奉

硃批戶部知道欽此



PLATE I

1911

署陝甘總督陝西巡撫臣朱勳跪  
護理陝西巡撫布政使臣徐炘

奏爲酌請對調簡缺縣令以裨地方仰祈

聖鑒事竊照漢中府所屬之畧陽縣地處南山爲甘  
省入川水陸要隘五方雜處民刁訟繁必須精  
明強幹之員方克勝任該縣知縣謝濟經年五  
十九歲廣東舉人大挑一等簽掣陝西補授今  
職臣等留心察看該員自到任以來尚知黽勉  
人亦誠實惟才識迂拘時形竭蹶自應酌量更  
調免致貽悞臣等悉心熟商並與署藩臬兩司

詳加籌酌查有麟遊縣知縣苗臨澧年三十九歲由奉天府寧海縣拔貢

題補今職該員年力富強辦事勤奮任內並無違礙處分以之調補畧陽縣知縣實堪勝任其所遺麟遊縣知縣員缺地僻事簡應請卽以謝濟經調補如此一轉移間庶人地俱各相宜於地方實有裨益所有酌請對調知縣緣由理合恭摺會

奏伏祈

皇上睿鑒謹

奏

嘉慶二十五年正月二十七日拜發二月初十日恭遞二十五日接奉

硃批依議吏部知道欽此

古今圖書集成

卷之二

再甘泉縣知縣那新現年五十五歲由內務府漢軍舉人截取選授今職<sub>臣</sub>等接見時察其才具平庸卽密飭該管道府留心察看茲據延安府知府陳鍾麟稟稱該員到任半年審理詞訟不能卽時斷結辦理文案亦多遲緩懇請撤回以免貽悞等情具稟前來<sub>臣</sub>等覆查無異除檄飭署藩臬兩司揀員前往署理外理合據實奏聞查該員年力尚健亦無劣跡應請以佐貳改補再甘泉縣員缺應歸部選合併陳明謹

奏

同日奉

硃批依議吏部知道欽此

護理陝西巡撫布政使臣徐忻跪

奏爲審明逆倫重犯按律辦理恭摺奏

聞事竊臣

接據涇陽縣知縣秦梅詳報該縣民人蒙

子魁毆傷伊父蒙幅元身死等情當卽行司飭

提審辦茲據署臬司胡枝蕙督同西安府知府

鄧廷楨涇陽縣知縣秦梅審擬解勘前來臣卽

率同司道親提該犯詳細鞫訊緣蒙子魁籍隸

涇陽縣賦性愚蠢懶惰伊父蒙幅元時加管教

毆詈嘉慶二十四年十二月二十四日午間蒙



子魁在窰睡覺蒙幅元喚令乞土以墊畜圈自挑担籠先出窰外等候詎蒙子魁貪睡延挨迨起携鐵鑊出窰蒙幅元嗔其遲緩叫罵並用扁担迎面向毆該犯順用手內鉄鑊格架適傷其父偏左倒地經犯妻蒙殷氏聽聞出窰一同扶救罔效延至是晚殞命嚴加研究據供前情不諱查律載子毆父母殺者凌遲處死又例載審辦逆倫重案如距省在三百里以內無江河阻隔者於審明後仍解赴犯事地方正法若距省

在三百里以外卽在省垣正法仍將首級解回  
犯事地方梟示各等語此案蒙子魁因被伊父  
用扁担向毆輒用手內鉄鑊架格致傷伊父身  
死合依子毆父母殺者凌遲處死律凌遲處死  
該縣距省七十里雖在三百里以內第有涇渭  
二河阻隔未便解赴犯事地方致有疎虞臣於  
審明後卽遵例恭請

王命行令署臬司胡枝蕙會同中軍叅將朱福壽將  
該犯蒙子魁押赴市曹卽行正法仍傳首犯事

地方臬示以昭炯戒除全案供招咨部外理合  
恭摺具

奏伏祈

皇上睿鑒謹

奏

嘉慶二十五年正月二十七日拜發二月初十  
日恭遞二十五日接奉

硃批刑部知道欽此

護理陝西巡撫布政使 臣徐炘跪

奏爲恭報雨水糧價情形仰祈

聖鑒事竊照陝省各屬於本年正月間瑞雪普霑業

經 臣恭摺具

奏在案茲據漢中府屬之定遠留壩南鄭褒城城固洋縣西鄉鳳縣沔縣畧陽興安府屬之安康平利洵陽紫陽邠州所屬之長武各廳縣具報於二月初一二三日及初八九日十六日得雨二三寸不等 臣查各屬自上年冬間及交春以

後疊沛祥雲土脉尚皆滋潤今又間被春膏麥  
苗一律長發芄茂四境寧謐民氣恬熙理合恭  
摺具

奏並敬繕正月分糧價清單恭呈

御覽伏乞

皇上睿鑒謹

奏

嘉慶二十五年二月二十五日拜發三月初七  
日恭遞二十一日接奉

殊批欣慰覽之欽此

欽此

15411

F					
---	--	--	--	--	--

六

二

再前奉

上諭嗣後奏報捐監銀兩均應叙明某年開捐起收  
過捐銀若干已經解部及奏明動用若干現在若  
干俟奏足十萬兩卽行解部不得含混聲叙欽此  
查陝西省自嘉慶五年三月開捐起至十年十  
二月底止共收捐監銀五十四萬七千兩俱經  
奏明提歸軍需項下動用其自十一年正月起至  
二十四年十二月底止所收捐監銀數除十二  
年遵



旨扣存銀十萬兩十三年

奏准存銀六萬五千四百兩採買倉穀十五年解  
部銀一十萬兩提收司庫封貯銀五萬兩十七  
年解部銀一十萬兩提收司庫封貯銀五萬兩  
十九年

奏准提撥軍需支用銀九萬九千一百兩二十年  
解部銀一十萬兩提收司庫封貯銀五萬兩二  
十二年解部銀一十萬兩提收司庫封貯銀五  
萬兩二十三年十一月內解部銀八萬九千五

百一十兩提收司庫封貯銀五萬兩外應存銀  
四萬二千七百兩業經

奏報在案今於嘉慶二十五年正月分又收捐監  
銀二千五百兩連前共存銀四萬五千二百兩  
俟奏足十萬兩再行解部理合附片奏

聞謹

奏

同日奉

硃批覽欽此



再查陝省各屬常平倉糧經前撫臣方維甸奏定章程分別年限出陳易新其未屆年限者偶遇歉年奏明出借通飭遵照在案本年各屬倉糧除已屆年限者照例出易外惟與安府屬之安康平利石泉漢中府屬之洋縣所貯倉糧均未屆滿年限查各該縣因上年秋雨較多收成未能豐稔當此青黃不接之時民力不無拮据臣與署藩司特通阿陝安道吳榮光體察情形必須量爲接濟應請將所貯倉糧酌量出借於

秋後徵收還倉俾紓民力理合附片奏

聞謹

奏

同日奉

硃批覽欽此

署陝甘總督陝西巡撫臣朱勳跪  
護理陝西巡撫布政使臣徐忻

奏爲南山要缺知縣遴員陞補仰祈

聖鑒事竊照興安府平利縣知縣朱敦淳因患病懇  
請回籍調理業經恭疏具

題在案所遺員缺係繁疲難要缺例應在外揀員  
調補查該縣爲南山最要之區界連川楚跬步  
皆山兼之五方雜處地方遼濶素稱難治必須  
精明幹練熟悉情形之員方能勝任臣等往返  
札商並與署藩臬兩司公同籌酌於現任知縣

及應補人員內逐加遴選非現居要缺卽人地未宜實無合例堪以調補之員惟查有三原縣縣丞陳元杰年五十一歲浙江仁和縣人由監生加捐縣丞補授今職於嘉慶十三年六月內到任十九年俸滿保薦准部咨覆註冊候陞該員才具明幹辦事謹飭曾經兩次委署平利縣印務均能辦理裕如任內並無違碍處分以之陞補平利縣知縣實屬人地相宜惟該員係應陞題缺之員今請陞調缺於例稍有未符但南

山員缺緊要實在人地相需例得專摺

奏請合無仰懇

天恩俯准以陳元杰陞補平利縣知縣於南山要地  
實有神益如蒙

俞允照例給咨送部引

見所遺三原縣縣丞員缺陝省現有應補人員容照  
例另行咨補所有遴員陞補南山要缺知縣緣  
由謹合詞恭摺具

奏伏祈



西  
三  
三  
三  
正  
一  
一  
一  
皇上睿鑒謹

奏

嘉慶二十五年二月二十五日拜發三月初七

日恭遞二十一日接奉

硃批吏部議奏欽此

再同州府知府何元治現准部咨因屆七年俸滿行令給咨赴部引

見所遺員缺應卽據員署理以便令其交卸起程查有西安府清軍同知楊超鋈老成幹練堪以委令署理其所遺同知員缺查有候補同知慶齡堪以委署據署藩臬兩司具詳前來除檄飭遵照外理合附片奏

聞謹

奏

此卷書室考正

三

同日奉

硃批覽欽此

護理陝西巡撫布政使 臣徐忻跪

奏爲查明上年下忙徵收錢糧已未完數目循例

恭摺具

奏仰祈

聖鑒事竊照嘉慶二十年六月內經戶部奏准令各省於每年上下忙應徵錢糧除留支外實應解司銀數分別正課襍項依限詳報督撫二十日內專摺具奏等因茲據署布政使特通阿詳稱嘉慶二十四年分額徵民屯更起存並糧折銀

除屯丁兌食及存留外止該解司銀一百三十  
三萬九千八百一十八兩零內除上忙已完銀  
八十六萬六千六百六十九兩零今下忙又續完銀  
四十五萬六千四百四十五兩零又大荔華州  
華陰朝邑榆林懷遠六州縣秋禾被灾緩徵銀  
七千一百二十四兩零仍未完銀一萬五千五  
百七十九兩零又原額鹽課銀八千九百八十  
兩零除上忙已完銀一千九百五十三兩零今  
下忙又續完銀四千四百四十八兩零仍未完

銀二千五百七十八兩零又帶徵吳堡縣二十三年緩徵地丁銀一百三十五兩零今下忙續徵通完又帶徵嘉慶三年起至二十三年止未完鹽課銀一萬四千一十九兩零除上忙已完銀五千七百七十二兩零今下忙又續完銀七百六十一兩零仍未完銀七千四百八十六兩零等情具詳請

奏前來臣覆核無異除將未完銀兩嚴飭該管府州督催徵解外所有二十四年下忙徵收錢糧

已未完數目理合循例恭摺具

奏伏祈

皇上睿鑒謹

奏

嘉慶二十五年二月二十五日拜發三月初七

日恭遞二十一日接奉

硃批戶部知道欽此

護理陝西巡撫布政使臣徐忻跪

奏爲恭報微臣接護撫篆日期叩謝

天恩仰祈

聖鑒事竊照撫臣朱勳荷蒙

恩准陛見所有巡撫印務循例

奏委臣暫行護理於五月十三日將巡撫關防並

王命旗牌及一切文卷等項移交到臣當卽恭設香

案望

闕叩頭敬謹祇領任事伏念臣猥以庸愚毫無知



識疊沐

聖主隆施未效涓埃方深兢惕上年冬間欽奉

恩綸俾護撫篆至本年三月間始行交卸閱時未久

茲又暫權重任倍切悚惶惟有勉竭駑駘凜遵

訓諭謹慎小心毋涉因循以期仰報

高厚鴻慈於萬一所有微臣接護撫篆日期理合恭

摺具

奏叩謝

天恩伏乞

皇上睿鑒謹

奏

嘉慶二十五年五月十三日拜發二十八日恭  
遞六月十三日接奉

硃批實心任事切勿怠玩欽此

卷之三十一

三十一

護理陝西巡撫布政使 臣 徐炘跪

奏爲恭報雨水糧價情形仰祈

聖鑒事竊照陝西各屬四月內得雨情形業經撫臣  
朱勲恭摺具

奏在案茲據西安延安鳳翔漢中榆林同州興安  
商州邠州乾州鄜州綏德等府州屬先後具報  
於五月初五日至初九十三日至十六日得雨  
自二三寸至五六寸及深透不等 臣 查陝省本  
年二麥豐收現在刈穫曬碾已次第完竣秋禾

雜糧一律播種出土山境包穀芄茂得此甘雨  
滋培倍資長養巾集糧價平減民氣恬熙堪以  
仰慰

聖懷理合恭摺具

奏並敬繕四月分糧價清單恭呈

御覽伏乞

皇上睿鑒謹

奏

嘉慶二十五年六月初六日拜發十八日恭遞

七月初三日接奉

硃批欣慰覽之欽此

陸軍省軍務局

第一

陸軍

再前奉

上諭嗣後奏報捐監銀兩均應叙明某年開捐起收  
過捐銀若干已經解部及奏明動用若干現在若  
干俟奏足十萬兩卽行解部不得含混聲叙欽此  
查陝西省自嘉慶五年三月開捐起至十年十  
二月底止共收捐監銀五十四萬七千兩俱經  
奏明提歸軍需項下動用其自十一年正月起至  
二十五年三月底止所收捐監銀兩數目除十  
二年遵



旨扣存銀十萬兩十三年

奏准存銀六萬五千四百兩採買倉穀十五年解  
部銀一十萬兩提收司庫封貯銀五萬兩十七  
年解部銀一十萬兩提收司庫封貯銀五萬兩  
十九年

奏准提撥軍需支用銀九萬九千一百兩二十年  
解部銀一十萬兩提收司庫封貯銀五萬兩二  
十二年解部銀一十萬兩提收司庫封貯銀五  
萬兩二十三年十一月內解部銀八萬九千五

百一十兩提收司庫封貯銀五萬兩外應存銀  
五萬二千二百兩業經

奏報在案今於嘉慶二十五年四月分又收捐監  
銀五千四百兩連前共存銀五萬七千六百兩  
俟奏足十萬兩再行解部理合附片奏

聞謹

奏

同日奉

硃批覽欽此

THE UNIVERSITY OF CHICAGO

PHYSICS DEPARTMENT

1952

護理陝西巡撫布政使 臣徐忻跪

奏爲本年上忙徵收新舊錢糧已未完數目循例  
恭摺具

奏仰祈

聖鑒事竊照嘉慶二十年六月內經戶部奏准行令  
各省於每年上下忙應徵錢糧除留支外寔應  
解司銀數分別正課襍項依限詳報督撫二十  
日內專摺具奏等因茲據署布政使特通阿詳  
報嘉慶二十五年分額徵民屯更起存並糧折

價除屯丁免食外共銀一百六十一萬二百五  
兩零內除存留銀二十七萬八千二百八十六  
兩零止該解司銀一百三十三萬一千九百一  
十九兩零計自春間開徵起至上忙截數止已  
完解司銀八十六萬三千一百四十兩零未完  
銀四十六萬八千七百七十八兩零又原額搃  
課銀八千九百八十兩零今上忙已完解司銀  
一千七百四十三兩零未完銀七千二百三十  
七兩零又帶徵嘉慶二十四年原未完地丁起

運銀二萬二千七百三兩零今上忙已完解司  
銀一萬六千六百一十四兩零未完緩徵銀六  
千八十九兩零又帶徵嘉慶七年起至二十四  
年止鹽課銀一萬六十四兩零今上忙已完解  
司銀七千四百二十六兩零未完銀二千六百  
三十八兩零等情臣覆核無異除將未完銀兩  
責令該管府州於下忙秋徵時督催依限完解  
外所有二十五年上忙徵收新舊錢糧已未完  
數目理合循例恭摺具

奏伏祈

皇上睿鑒謹

奏

嘉慶二十五年六月初六日拜發十八日恭遞

七月初三日接奉

硃批戶部知道欽此

護理陝西巡撫布政使臣徐忻跪  
奏爲拏獲越獄盜犯審明辦理恭摺奏

聞仰祈

聖鑒事竊臣接據咸寧縣知縣沈琮稟報五月二十  
九日夜間寄監盜犯米奴奴子越獄脫逃等情  
當卽分飭文武趕緊緝拏旋據該縣沈琮稟報  
率同典史朱桂嶺親督丁役跟踪追捕於六月  
初二日至盩厔縣地方將該犯米奴奴子拏獲  
解省隨行司嚴審去後茲據署臬司吳榮光督



同西安府知府鄧廷楨審解前來 臣卽率同司  
道親提該犯詳細研訊緣米奴奴子係甘肅崇  
信縣回民於嘉慶二十三年十二月內因聽從  
馬老三強劫寶雞縣過客趙峻銀兩衣物該犯  
首先毆傷夥客王元珠顛門等處審依強盜已  
行而但得財者斬律擬斬立決具

題留禁咸寧縣監聽候部覆詎該犯自知罪重於  
二十五年五月二十九日五更時乘禁卒楊濬  
張喜更夫孫智睡熟扭落柵門鉄鎖脫去紅衣

褲擗斷鐐銬潛至水道用鉄鈕柱撥動磚塊由  
水道逃出禁卒楊滢張喜醒覺稟報經臣飭委  
該管知府鄧廷楨勘明情形並令該管文武分  
途嚴密緝拏旋據該縣沈琮典史朱桂嶺親督  
丁役於初二日追至盩厔縣地方將該犯拏獲  
解省審認不諱嚴訊禁卒人等寔因一時睡熟  
失於防範並無賄縱情弊再四究詰矢口不移  
查例載罪囚越獄脫逃僅止一二人乘間穿穴  
踰牆脫逃原犯斬立決卽行正法等語此案米

奴奴子係夥盜傷人擬斬立決之犯胆敢越獄  
脫逃寔屬情罪重大未便稍稽顯戮臣於審明  
後遵例恭請

王命行令署臬司吳榮光會同中軍叅將朱福壽將  
該犯米奴奴子綁赴市曹卽行正法仍梟首示  
衆以昭炯戒禁卒楊滙張喜訊係一時疎忽並  
無賄縱情弊應依律減囚罪二等杖一百徒三  
年刑書韓雲霄應依律於禁卒滿徒罪上減三  
等杖七十徒一年半均革役至配折責安置更

夫孫智並不小心巡邏應照不應重律杖八十折責三十板典史朱桂嶺知縣沈琮雖于三日內將該犯自行捕獲亦有應得之咎應請旨交部照例分別議處除全案供招咨部外所有拏獲越獄盜犯審明辦理緣由理合恭摺具

奏伏祈

皇上睿鑒謹

奏

嘉慶二十五年六月初六日拜發十八日恭遞

七月初三日接奉

硃批刑部知道欽此

護理陝西巡撫布政使 臣 徐忻跪

奏爲恭報雨水糧價情形仰祈

聖鑒事竊照陝省各屬於五月上旬中旬陸續得雨

及秋禾雜糧播種出土情形業經 臣 恭摺具

奏在案茲據西安延安鳳翔漢中榆林同州興安

商州邠州乾州鄜州綏德等府州屬具報於五

月二十七八九及六月初一二並初四五六七

八初十十六等日得雨二三四五寸及深透不

等 臣 查陝省入夏以來雨水調勻秋禾滋長南

北山包穀雜糧一律發生暢茂民情寧謐四境  
恬熙堪以仰慰

聖懷理合恭摺具

奏並敬繕五月分糧價清單恭呈

御覽伏乞

皇上睿鑒謹

奏

嘉慶二十五年六月二十四日拜發七月初六  
日恭遞十九日接奉

殊批欣慰覽之欽此

全 卷 終 結 記

〃

11340



--	--	--	--

11  
 12  
 13  
 14  
 15  
 16  
 17  
 18  
 19  
 20  
 21  
 22  
 23  
 24  
 25  
 26  
 27  
 28  
 29  
 30  
 31  
 32  
 33  
 34  
 35  
 36  
 37  
 38  
 39  
 40  
 41  
 42  
 43  
 44  
 45  
 46  
 47  
 48  
 49  
 50  
 51  
 52  
 53  
 54  
 55  
 56  
 57  
 58  
 59  
 60  
 61  
 62  
 63  
 64  
 65  
 66  
 67  
 68  
 69  
 70  
 71  
 72  
 73  
 74  
 75  
 76  
 77  
 78  
 79  
 80  
 81  
 82  
 83  
 84  
 85  
 86  
 87  
 88  
 89  
 90  
 91  
 92  
 93  
 94  
 95  
 96  
 97  
 98  
 99  
 100

再前奉

上諭嗣後奏報捐監銀兩均應叙明某年開捐起收過捐銀若干已經解部及奏明動用若干現在若干俟湊足十萬兩卽行解部不得含混聲叙欽此查陝西省自嘉慶五年三月開捐起至十年十二月底止共收捐監銀五十四萬七千兩俱經奏明提歸軍需項下動用其自十一年正月起到二十五年四月底止所收捐監銀數內除十二年遵

旨扣存銀十萬兩十三年

奏准存銀六萬五千四百兩採買倉穀十五年解  
部銀一十萬兩提收司庫封貯銀五萬兩十七  
年解部銀一十萬兩提收司庫封貯銀五萬兩  
十九年

奏准提撥軍需支用銀九萬九千一百兩二十年  
解部銀一十萬兩提收司庫封貯銀五萬兩二  
十二年解部銀一十萬兩提收司庫封貯銀五  
萬兩二十三年解部銀八萬九千五百一十兩

提收司庫封貯銀五萬兩外實存銀五萬七千  
六百兩業經

奏報在案今於嘉慶二十五年五月分又收捐監  
銀二千六百兩連前共存銀六萬二百兩俟奏  
足十萬兩再行解部理合附片奏

聞謹

奏

同日奉

硃批覽欽此

正字通

卷一

二

護理陝西巡撫布政使 臣徐忻跪

奏爲臬司因病出缺恭摺奏

聞事竊照臬司特通阿猝患中暑病症醫治罔效於

六月二十四日身故查該司係署理藩司 臣謹

將藩司印務接回兼辦其臬司印務本係陝安

道吳榮光署理所有臬司員缺相應請

旨簡放以重職守理合恭摺具

奏伏乞

皇上睿鑒謹

奏

嘉慶二十五年六月二十四日拜發七月初六日恭遞十九日接奉

硃批卽有旨欽此

嘉慶二十五年七月初六日內閣奉

上諭陝西按察使員缺著斌良補授欽此

同日內閣奉

上諭直省藩臬出缺例應由驛具奏此次陝西臬司  
特通阿病故徐炘護理巡撫西安省城大員僅伊  
一人更應由驛速奏請旨簡放以重職守乃差人  
賚遞徐炘太不曉事著交部察議欽此





陝西布政使臣徐忻跪

奏爲瀝陳下悃仰祈

聖鑒事竊臣接奉撫臣行知准禮部咨開內閣奉

上諭朕受

皇考大行皇帝鞠育願復深恩昊天罔極

聖壽雖年逾六旬

夫體豐腴精神強固朕宮庭侍奉正幸愛日方長期願

可卜本年

巡幸灤陽朕沿途隨扈

聖躬行健如常

蹕途偶感暵暑仍登陟弗倦乃遘疾三日遂至大漸朕  
搶地呼天追攀莫及敬惟

皇考臨御二十五年蕩平寇亂綏靖兆民宵旰勤勞曾  
無一日稍紓

聖慮薄海臣黎仰荷

仁帡共享昇平之福今

鑿輅巡方不數日之間猝遭大故

龍馭上賓凡有血氣者悲哀感戀罔非出於至誠况朕

之受

恩深重萬倍恒常者乎欽奉

皇考遺詔喪服仍依舊制二十七日而除朕心實所難  
安惟有恪遵古制敬行三年之喪庶幾稍盡哀慕  
之忱於萬一其天下臣民仍照定例行著王大臣  
會議具奏欽此臣跪讀之下仰見

皇上至孝性成哀思罔極臣伏地戰慄悲號五中慘  
裂敬惟

皇上寅紹

丕基萬幾日理當此呼搶莫及伏望

聖躬稍節哀傷勉紓悲痛以上慰

在天付託之殷下副薄海愛戴之念天下臣民幸甚所

有微臣大馬哀戀下忱謹恭摺具

奏伏乞

皇上睿鑒謹

奏

嘉慶二十五年 月初十日拜發二十四日恭

遞九月十二日接奉

御批覽欽此

人馬...

...

...



調任山東布政使臣徐忻跪

奏為恭謝

天恩事竊臣於九月二十四日接奉撫臣朱勳行知

准吏部咨開嘉慶二十五年九月十三日奉

上諭徐忻著調補山東布政使欽此伏念臣幾輔庸

愚毫無知識由內閣中書游陞藩司未効涓埃

方深兢惕茲仰蒙

天恩調補山東布政使聞

命之下感悚難名查東省政務殷繁一切庫款倉儲



察吏安民之事澄汰勾稽殊爲不易臣才疎識淺倍切恐惶惟有顛懇

聖恩俯准臣趨詣

闕廷恭覲

天顏跪聆

聖訓庶赴任得有秉承藉免貽誤現俟撫臣委員接署印務後臣卽交代起程迎赴前途恭候

諭旨遵行所有微臣感激下忱謹繕摺叩謝

天恩伏乞

皇上睿鑒謹

奏

嘉慶二十五年九月二十五日拜發十月初九日恭遞十七日接奉

御批准來見欽此

平  
方  
言  
三  
考  
通  
一  
九  
二  
一

山東布政使臣徐忻跪

奏爲恭報微臣接印任事日期叩謝

天恩仰祈

聖鑒事竊臣叨沐

鴻施簡調山東布政使

俯准進京瞻覲

天顏疊蒙

名見跪聆

訓諭周詳

教誡諄切下懷啣感銘刻服膺茲臣行抵山東濟南

省城於十一月十五日准署藩司鹽運使福珠

隆阿將布政使印信並庫欵文案卷宗移交前

來臣即恭設香案望

闕叩頭祇領任事訖伏念東省吏治民風正當力

加整頓剔除積弊之時臣猥以菲材深懼弗克

勝任惟有凜遵

聖訓勉竭愚誠於地方一切應辦事宜實心實力漸  
次清釐不敢稍事急遽尤不敢稍涉因循以期

仰報

高厚鴻慈於萬一所有微臣接印任事日期並感激

下忱理合恭摺具

奏伏乞

皇上聖鑒謹

奏

嘉慶二十五年十一月十五日拜發二十日恭

遞二十五日接奉

硃批實力爲之無負朕簡任之心欽此

五  
卷  
第  
五  
十  
五  
頁  
正  
朱  
二

再臣沿途經過直隸河間南北及山東德州至  
省城一帶入冬後間得雪澤土脉滋潤麥苗盤  
根穩固民情安堵堪以仰慰

聖懷理合附片奏

聞謹

奏

同日奉

硃批覽欽此



卷之二

山東布政使臣徐忻跪

奏爲敬陳東省倉庫情形仰祈

聖鑒事竊臣渥沐

恩施調任山東布政使備蒙

訓諭周詳

委任諄切臣具有天良敢不竭盡愚誠方圖報稱計

自到任後已閱匝月隨時隨事黽勉講求凡有關於吏治民風者悉與巡撫錢臻臬司琦善虛衷商榷畛域無分現在各屬地方情形及曹沂

一帶均極安靜所有盜劫之案與告訐之風悉皆嚴切懲誡以期政肅民淳惟勾稽通省倉庫錢糧虧缺纍纍頭緒紛繁自嘉慶四年八年十四年清查三次至十九年經前任大學士章照澈底確查奏明十四年以前共虧缺銀三百五萬餘兩十四年以後共虧缺銀三百三十四萬餘兩分別勒限追補其中有因公動用例不准銷者並請核明先於虧數內扣除准令攤捐歸款各在案迄今節年追補撥補銀二百一十餘

萬兩其因公動用如墊辦軍需煮賑工程等項  
合計銀一百餘萬兩雖准令攤捐歸欵應於虧  
缺數內扣除惟並未能按照攤捐仍屬懸而無  
薄其自十九年至今又續經查叅虧缺銀六十  
餘萬兩是前此節次清查竟似官常故事後此  
勒限追補徒托紙上空設現在羈禁囹圄者二  
十二員監禁病斃者十四員而於虧項仍無補  
裨從前巡撫和舜武亟思劃清舊欠適欽奉

恩旨豁免民欠錢糧遂將官虧一併列入懇請蠲免銀

四百三十三卷之二  
八百六十餘萬兩迨奉

嚴旨駁斥復經巡撫程國仁大加刪減奏請豁免銀三百三十餘萬兩而其中實不無遺漏蓋其始則以官虧混入民欠既又以民欠誤作官虧至今轆轤糾纏殊多夾襍又東省自嘉慶八年起立有節省一欸每年由州縣解繳司庫銀二十餘萬兩以爲彌補虧空之用計自八年起至二十三年停止共提解節省銀一百八十餘萬兩從前節次撥補虧項銀一百二十餘萬兩其餘或

另款支銷或零星借撥近年以來虧缺各員多以曾解節省銀兩爲詞指款請抵經巡撫和舜武奏明准抵而又另作爲賠項其中旣多轉折其實所抵之款多非原解之人而原解之人轉無可抵之款以致牽扯懸宕各州縣交代逾限者積至一百餘案之多事隔數年官經數任未能依期了結節經巡撫錢臻嚴飭核算已將次可以竣事又查東省額設倉穀二百九十四萬餘石內除因公動缺穀一百一十餘萬石又各

州縣虧缺案內核明短少穀一百一十餘萬石  
實應存穀七十餘萬石本年經巡撫錢臻奏明  
籌買倉穀二十萬八千餘石現在陸續採辦其  
餘容再酌量情形分年次第買補總之東省積  
習相沿疲敝已久舊欠未補新虧復增臣惟有  
與撫臣錢臻臬司琦善盡心籌辦力挽頽風欲  
清其源先截其流此時儘力提解新賦其舊時  
虧項查明應豁者懇請豁免應追者叅劾嚴追  
不敢稍事遷延不敢稍存姑息以仰副

聖主整飭釐剔之至意所有東省倉庫情形理合據  
實恭摺具

奏伏祈

皇上聖鑒謹

奏

嘉慶二十五年十二月二十日拜發二十四日

恭遞二十八日接奉

硃批知道了欽此



田ノ子言ニミエノ

ノ

三

山東布政使 臣 徐炘跪

奏爲審結京控案數循例具

奏仰祈

聖鑒事竊照 臣 衙門前奉行知

奏交咨交未結京控各案於嘉慶二十三年五月

二十六日欽奉

上諭錢糧專交藩司親審命案專交臬司親審兼涉錢糧人命者巡撫親提審訊仍遵照十九年諭旨每月將已結若干起未結若干起自行具奏等因欽此歷

經前任藩司欽遵辦理在案上年十一月內經前署藩司奏明尚有未結京控案件十九起移交臣催提審辦臣到任後又續奉咨交二起截至本年正月止計審結都察院咨交諸城縣民楊秉銘呈控王謙恒等謀換地畝率衆毆搶一案又咨交益都縣民李宣呈控侯敏行違帖加租串囑退地一案又步軍統領衙門咨交壽光縣民李學詩呈控侯立月等霸佔地畝一案又咨交城武縣生員李峻台呈控李應標等盜賣

墳樹一案又咨交費縣民孟傳芳呈控賈璽等  
勾串羈行一案又咨交恩縣民王得仁呈控李  
林等阻塞水道一案以上六案均經臣先後審  
結詳請撫臣咨覆尚有未結十五起或因供情  
狡展或因人証不齊臣現在分別飭提研訊總  
期案無塵牘俗尚淳風以仰副

聖主勤求治理息訟安民之至意所有審結京控案  
數理合循例恭摺具

奏伏乞

皇上聖鑒謹

奏

道光元年二月十五日拜發二十日恭遞二十  
七日接奉

硃批知道了欽此

山東布政使 臣 徐忻跪

奏爲接奉

硃諭恭摺覆

奏仰祈

聖鑒事竊 臣 前次具

奏東省倉庫情形一摺奉

硃批知道了欽此又欽奉

勅諭一道臣敬謹啓緘跪讀仰見

聖明厯念東方

訓示周詳無微不至曷勝欽佩悅服伏查地方吏治全賴官幕任用得人方足以資整飭臣於上年九月間在陝西布政使任內渥蒙皇上特達之知

簡調東省臣習聞近年疲敝情形甲於他省當卽留意諮詢訪聞藩署有幕友王姓者主持公事弊竇叢生而未詳其里居名字臣卽立意屏除迨赴任時途次復接撫臣錢臻來信叙及有舊幕王楓墅其人斷不可用是以臣並未延請查王

楓墅原籍浙江山陰縣人其父王蘭舟向在東省州縣署中辦理錢穀事件隨流寓於東省生子王裕穆取號楓墅因其少年讀書聰敏開筆明暢其父卽譽之爲才子因此有王二才子之稱歷經辦理州縣刑錢事務嗣因在前任濟陽縣知縣馮春暉署中經前任藩司百齡訪知其嫻於文案於嘉慶十三年冬間延入藩署專司尋常稿件自此之後遂卽入於交代分辦吏禮各科事務官員多與之結交往來至前任藩司



和舜武始令管理錢糧上年秋間經巡撫錢臻  
飭令前藩司岳齡安辭退臣到任後隨處查其  
劣跡迄無實據伊自幼年習幕並未出省從前  
藩司吳俊於嘉慶六年九月間到任卽於七年  
八月間緣事去官其幕友一名金在範一名陳  
宗彝一名黃梅蔭並無王姓在內亦無隨同倭  
什布前赴粵省之事總之東省官場幕友書役  
各有積習錮蔽已久臣受

恩深重自通籍後備員樞直十餘年竭耳目心思之

力以勉圖盡職事無鉅細從不假手於人後由  
道員出膺外任歷官江蘓湖南陝西三省一如  
在京趨直諸事必自躬親况東省當亟須整頓  
之時臣具有天良何敢苟且因循自蹈覆轍惟  
殊點有倍加勉益矢慎勤務期力挽頽風破除積  
習俾奸蠹知所懲戒循良漸次奮興以上副

聖主教誨提撕之至意所有微臣接奉

勅諭緣由謹繕摺覆

奏並將欽奉

硃諭密封恭繳伏乞

皇上聖鑒謹

奏

道光元年二月十五日拜發二十日恭遞二十

七日接奉

硃批其王姓者先已屏除所辦甚好山左應行整頓之處第一虧空撫臣錢臻到京後朕再面加敕諭此係不可不辦之事然亦不可苟且了事有名無實故先諭汝俟錢臻迴任後汝可公同商酌通盤

澈底清查務期水落石出以懲貪婪以裕國計切  
不可瞻徇疑畏仍有不實不盡之處從容妥爲查  
辦勉之慎之朕又聞試用知府方文顯任性濫刑  
致母子同時自縊未知確否汝可緩緩密訪據實  
以聞欽此

三才圖會  
卷二

一

山東布政使 臣 徐忻跪

奏為恭謝

天恩事竊 臣子 徐承採仰蒙

恩廕于道光元年二月二十七日由吏部帶領引

見奉

旨着內用欽此 臣聞

命之下當即望

闕伏地碰頭感激悚惶莫能言喻伏念 臣 猥以庸

愚渥邀

知遇愧涓埃之未効每循省以滋慚臣子年逾二旬

未諳一事乃荷

賞延懋典忝預任子之班復蒙

申錫殊施

俯授京員之職

雨露不遺於小草

甄陶世受於

大鈞啣結難名捐糜莫報臣惟有恪修職守殫竭血

誠並嚴勗臣子敬慎當差勤勉學習期各盡夫

駑力異稍答夫

鴻慈所有微臣感激下忱謹繕摺恭謝

天恩伏乞

皇上聖鑒謹

奏

道光元年三月二十八日拜發四月初三日恭

遞初八日接奉

硃批覽欽此



--	--	--

山東布政使臣徐忻跪

奏爲接奉

硃批恭摺覆

奏仰祈

聖鑒事竊臣賁摺差回欽奉

勅諭臣敬謹啓誦仰見

皇上廑念東方

訓誨殷諄無微不至下懷曷勝感服伏讀

硃諭山左應行整頓之處第一虧空等因欽此臣查

州縣倉庫錢糧顆粒絲毫均關

國帑豈容稍有侵虧臣自束髮受書時習聞出膺

民社者咸惴惴於動缺官項律有明條爰誠其  
子兄勉其弟未敢蕩檢踰閑卽間有迫於勢不  
得已因公挪移者在州縣惟恐道府聞知道府  
又惟恐撫藩覺察必竭力趕緊籌補完全而後  
已是以從前虧空之案較少迨後日久玩生始  
則屬官藐法漸啓侵欺繼則上司而恩代爲掩  
蓋以清查爲虧挪出路以彌補爲延宕良圖州

縣知例禁已弛以爲罰不及衆遂乘機浮冒相率效尤甚至有無虧捏作爲有虧者又有虧數本少而額外虛報者在當時旣不予人以罅隙在事後更難追溯其端倪以致清查之數一次多於一次彌補之銀一限不如一限山東江蘇直隸三省虧空甲於他省者其積弊皆由於此也臣自奉

命到東後卽將歷次清查案據逐一勾稽其中頭緒紛繁欸目輾轉所查虧數原不無舛錯遺漏及

以三言三言五  
至嘉慶二十二年民欠豁除官虧畢露合計通  
省州縣共虧缺銀六百九十四萬餘兩內除節  
年追完抵補銀二百一十五萬八百餘兩計實  
虧銀四百七十餘萬兩臣職司錢糧總滙亟應  
澈底清釐何敢苟且因循更無所瞻徇疑畏惟  
通盤籌畫若不劃斷其既往不嚴儆其將來勢  
必致舊者未清而新者復續恭逢上年

頒行

恩詔各旗籍凡侵貪挪移一切賠罰應追銀兩實係

本人家產盡絕者查明准予豁免

聖恩寬大如

天之仁東省虧案叅革各員或在囹圄羈禁籍沒家  
貲或已官去人亡絕無財產皆得援例同邀

曠典共沐

殊施約計辦理豁免事竣即可漸次肅清其現任各  
員及並非家產盡絕有可著追者仍應勒限嚴  
追此後總以交代爲盤查分別正欸雜欸倉項  
捐項前任經手之件悉責今後任一一核明所

有流抵流攤從前隱匿朦混之弊盡行剔除倘有虧短立即據實揭叅若後任官代爲諱飾卽按律著落叅賠破一案卽專辦一案有犯必懲使知罪無可逃責無旁貸庶各自慎其監守不敢復便其私圖卽日撫臣錢臻趨詣

闕廷叩覲

天顏親聆

聖訓益得所有秉承以懲貪婪以裕

國計自無難日起有功也至試用知縣方文顯係

直隸遷安縣舉人於嘉慶六年大挑一等分發  
山東以知縣用歷署州縣印務因在歷城縣審  
訊縣民李泳盛被害一案將年僅十四之屍子  
李德子違例掌責以致李德子與其母李朱氏  
同時自縊業於上年經撫臣叅奏革職應請無  
庸再議總之地方各官一有貪酷欵跡斷難姑

容臣才識庸闇仰承

天地父母之恩至優極渥荷蒙

聖明垂訓具有天良舉凡見聞所及不敢不敬謹瀝



陳理合繕摺據實覆

奏並將欽奉

硃批密封恭繳伏乞

皇上聖鑒謹

奏

道光元年三月二十八日拜發四月初三日恭

遞初八日接奉

硃批挨次查辦斷不可空言塞責務期國計民生兩  
有裨益慎勉爲之毋負委任之意欽此

護理山東巡撫布政使臣徐忻跪

奏爲恭報

微臣

接護撫篆日期叩謝

天恩仰祈

聖鑒事竊照撫臣錢臻荷蒙

恩准陞見所有巡撫印務

奏明委

臣

暫行護理於四月初一日准撫臣將山

東巡撫關防臨清監督關防並

王命旗牌及一切文卷等項移交到

臣

當卽恭設香

案望

闕叩頭敬謹祇領任事伏念臣猥以庸材至愚極

陋叨受

聖主特達之知未効涓埃方深兢惕前在陝省供職  
曾經三次護理撫篆時凜永淵山左政務殷繁  
倍於關右茲又暫時權理彌切悚惶惟有勉竭  
駑駘事事實心實力矢慎矢勤以期仰報

高厚鴻慈於萬一所有

微臣

接護撫篆日期理合恭

摺具

奏叩謝

天恩伏乞

皇上聖鑒謹

奏

道光元年四月初一日拜發初五日恭遞初九

日接奉

硃批覽欽此

吟香書室奏疏

卷二

三

護理山東巡撫布政使臣徐炘跪

奏爲恭報南糧頭進尾幫及二進首幫船隻挽出

東境日期仰祈

聖鑒事竊照南糧二進首幫催僱過濟日期業經撫

臣錢臻

奏報在案茲據署德州知州邵元章稟報頭進幫

船於四月初六日全數催出柘園鎮東境北上

其二進首幫亦卽銜尾出境連前共挽出東境

南糧漕船二十五幫計九百八十四隻臣查現

在運河衛河水勢均足資浮送其各州縣古淺處所已隨時預爲撈濬在後各幫連檣接舩遄行無阻除仍飭沿河文武節節催僭不使少有停滯外所有頭進尾幫及二進首幫船隻挽出東境日期理合循例恭摺具

奏伏祈

皇上聖鑒謹

奏

道光元年四月十一日拜發十六日恭遞十九

日接奉

硃批知道了欽此

欽此

欽此

欽此



四  
不  
言  
自  
考  
正  
卷二

三ノ

護理山東巡撫布政使臣徐忻跪

奏爲奉到

欽頒香供及致祭日期恭摺具

奏仰祈

聖鑒事竊照內務府郎中廣傳恭賚

欽頒致祭

泰山香供等件於三月二十四日到東當經撫臣

錢臻率同

臣

等敬謹跪接照單恭貯伏查

頒到香供例應撫藩酌量一人親詣

泰山於四月十八日致祭此次撫臣錢臻進京

陛見臣暫時護篆正值勘辦秋錄之時署藩司琦善

兼理兩司事務案牘繁多均未克出省謹商令

運司福珠隆阿諏吉於四月十五日恭賚

欽頒香供前赴泰安分別陳設懸掛虔誠將事仰副

聖主敬

神惠民之至意理合恭摺具

奏伏祈

皇上聖鑒謹

奏

道光元年四月十一日拜發十六日恭遞十九日接奉

硃批覽欽此

日本書紀卷之二十一

三

護理山東巡撫布政使臣徐忻跪

奏爲恭報雨水麥田情形仰祈

聖鑒事竊照山東省城於三月二十四日得有雨澤  
經撫臣錢臻具

奏在案茲據濟南東昌泰安武定兗州沂州曹州  
登州萊州青州十府臨清濟寧二直隸州所屬  
陸續稟報於三月二十四五並二十七八及四  
月初三初七十一十三十五等日先後得雨二  
三四五寸及深透不等正當二麥升漿結穗之

時獲此甘澍頻霑顆粒可期飽綻現在秋田已  
播種出土禾苗長發暢茂四境恬熙堪以仰慰  
聖懷理合恭摺具

奏並繕具三月分糧價清單恭呈

御覽伏乞

皇上聖鑒謹

奏

道光元年四月二十三日拜發二十七日恭遞  
五月初二日接奉

硃批知道了欽此



四書章句  
卷之二

1111

再東省自嘉慶五年收捐監生起至道光元年  
二月底止通共收銀二百四萬九千五百兩內  
除節次解部及撥各省兵餉賑濟協餉備用等  
項共銀一百八十六萬八千九百二十兩又除  
十八年煮賑軍需案內借動銀五萬一千兩又  
除十八年東省聊城等州縣煮賑案內前撫臣  
同興

奏准借動銀十萬兩原奏俟廟工生息銀解齊撥  
還歸款嗣於嘉慶二十三年七月間歸還銀二

萬一千四百兩又於二十五年三月間歸還銀  
四萬七千兩隨同收捐監銀均經解部

奏報在案截至二十五年十二月底存庫銀八萬  
八千一百八十兩又收煮賑案內撥還銀三萬  
一千六百兩通共收存司庫銀一十一萬九千  
七百八十兩除已委令萊州府同知福成解部  
兌收外截至道光元年二月底止存庫銀九千  
八百兩今三月分又收捐監生四十八名收銀  
四千八百兩連前共存司庫銀一萬四千六百

兩所有道光元年三月分收捐監生名數銀數  
理合附片

奏

聞謹

奏

同日奉

硃批覽欽此

三言三言正

三言

護理山東巡撫布政使臣徐忻跪

奏爲特叅謬妄被劾之教諭及袒庇劣員之知縣  
請

旨分別革職解任審訊以肅

功令事竊照教職一官有訓迪士子之責風化所

關立品尤爲最要本年舉行

計典臣因教職優劣惟學臣周歷各府州一一親

加考覈其居官賢否知之最悉且學臣李振祐  
於整飭學校事宜精明詳慎當經專札致詢旋

據覆稱教官最劣者數人內有蒲臺縣教諭李嘉樹係孝廉方正出身而所行相反於廉字尤背等語臣查六計以廉爲本該教諭旣不能砥礪廉隅自應執法糾叅當與撫臣錢臻臬司琦善詳加商酌將該教諭李嘉樹劾入不謹揭叅詎該教諭被叅後具稟請示據稱不謹實蹟不解何事仰懇明白批示使得悉叅劾緣田用戒將來等語殊堪駭異伏查該叅員劣蹟經學臣札開前爲灤源書院監院因行止不端撤退又

因俸滿保薦經前學臣張鵬展以有所風聞特  
加駁斥又於蒲臺縣文章府試時大肆刁難一  
時物議沸騰幾至罷考又該參員詳革武生高  
樹楷終年曠課查歲試時該參員代填患病相  
距未久忽以終年曠課詳革前後矛盾等情臣  
檢查檔案該參員撤回監院駁斥保薦皆有文  
卷可稽其府試刁難及詳革武生前後矛盾之  
處行令蒲臺縣知縣章炳然據實查覆茲據章  
炳然稟稱該縣文章去歲府試係在四月該縣



於十月到任當時情形無從知悉當將上年縣試前十名已未進生童張夢花等八名傳到取具並無刁難勒索錢文供結其武生高樹楷係於本年正月間因宿姦犯案經該縣移取入學年分嗣准該學牒稱武生高樹楷業因曠課不到詳請學政斥革其因何前後矛盾無由而知等語臣查該縣赴府應試文童不僅此生童八人該叅員送考亦非止上年一次既經學臣札開確鑿且於撤退監院駁斥保薦二事皆信而

有徵何獨於送考刁難毫無指實自係該參員  
當時設法消弭該縣事後代爲隱諱至武生高  
樹楷該參員因聞業已犯案始捏爲曠課詳革  
情節顯然乃詳核該縣所稟一則曰無從知悉  
再則曰無由而知以重疊誘卸之詞反復支飾  
率以取具數人供結塞責若非有意瞻徇卽係  
該縣因與該參員近在同城亦有恐被指摘之  
事慮及該參員持其短長查東省官場積習改  
壞已久今該參員等於激揚

鉅典膽敢肆意藐玩若不嚴行懲究何以端士習而儆官邪相應請

旨將已叅教諭李嘉樹卽行革職蒲臺縣知縣章炳然解任交撫臣錢臻提集案證秉公審訊定擬具奏以肅

功令理合恭摺具

奏伏乞

皇上聖鑒謹

奏

道光元年四月二十三日拜發五月初四日恭  
遞初八日接奉

硃批另有旨欽此

道光元年四月二十七日奉

旨蒲臺縣教諭李嘉樹著革職知縣章炳然著解任  
交錢臻提集案內人證秉公嚴訊定擬具奏欽此

吟香書室奏疏

卷二

三

護理山東巡撫布政使臣徐炘跪

奏爲特叅疎脫盜犯越獄之知縣典史恭摺具

奏仰祈

聖鑒事竊

臣

接據署武城縣知縣鄒桂稟報該縣監

內盜犯李柱王二薛迷兒王六王九趙老六名

於本年四月十四日夜間越獄脫逃經該縣赴

監勘明當經督同典史營弁將王九李柱拏獲

並差役協同清平縣差役將王二拏獲又該汛

外委王廷桂帶同兵役協同齊河縣兵役將逸

犯王六趙老二名拏獲尚有薛迷兒一名未獲  
現在懸賞嚴緝已有踪跡等語先後稟報前來

臣查李柱等係行竊該縣事主張志銀錢衣物

臨時行強案內盜犯尚未審擬招解在縣監羈  
禁若該管獄有獄官平時防範嚴密何致同案  
盜犯一時全行脫逃雖已拏獲五名尚有薛迷  
兒一名朱獲應卽照例叅辦茲據該管州道由  
臬司琦善揭報前來相應恭摺叅

奏請

旨將武城縣典史陳恕革職拏問署武城縣試用知縣鄒桂革職留任勒限四個月緝拏逾限不獲卽行嚴叅一面提同刑禁人等嚴審有無賄縱情弊照例辦理並通飭各屬移會隣省嚴緝薛迷兒務獲究辦外理合恭摺具

奏伏乞

皇上聖鑒謹

奏

道光元年四月二十九日拜發五月初四日恭



遞初八日接奉

硃批另有旨欽此

道光元年五月初四日奉

旨這所叅疎脫盜犯越獄之武城縣典史陳恕著革職拏問交該撫提同刑禁人等嚴審有無賄縱情弊分別定擬具奏署武城縣試用知縣邵桂著革職留任勒限四個月將逸盜緝拏如逾限不獲再行嚴叅究辦欽此

山東布政使臣徐炘跪

奏爲恭報微臣交卸撫篆日期仰祈

聖鑒事竊照撫臣錢臻進京

陛見所有巡撫印務

奏明委令臣暫行護理茲撫臣錢臻於五月初一

日回東臣謹將巡撫關防臨清關監督關防並

王命旗牌及一切文卷等項移交接收並准臬司琦

善將布政使印信移送前來臣卽于是日接收

回任惟有倍矢勤慎勉竭血誠期于吏治民生

倉庫錢糧稍有裨益以仰副

聖主知遇委任之至意所有

微臣

交卸撫篆回任日

期理合恭摺具

奏伏祈

皇上聖鑒謹

奏

道光元年五月初一日拜發初五日恭遞初十

日接奉

硃批知道了欽此

山東布政使 臣 徐忻跪

奏爲審結京控案數循例具

奏仰祈

聖鑒事竊 臣 衙門前奉行知審辦京控各案於嘉慶

二十三年欽奉

上諭錢糧專交藩司親審命案專交臬司親審兼涉錢糧人命者巡撫親提審訊仍將已結若干起未結若干起自行具奏等因欽此歷經欽遵辦理在案 臣 前次

奏報審結案數計有未結十五起茲又陸續奉到  
新案十二起臣分別催提審辦截至五月止計  
審結刑部咨交夏津縣民倪宗寶呈控倪立功  
等霸產冒捐一案又都察院咨交鄆城縣民陳  
兆楨呈控李凱等違例指贖地畝一案又平度  
州民魯嗣鏞呈控蘭修臣等掘墳移埋一案又  
文登縣民于淳呈控楊其經等搶伊鹽鍋一案  
又沂水縣民李賢呈控皂役武永中等包納勒  
詐一案又步軍統領咨交嘉祥縣民楊鳳交呈

控楊從安欠伊工錢不還一案又恩縣民吳立  
基呈控吳干城改名亂宗霸產一案以上七案  
均經先後審明詳請撫臣咨覆完結尚有未結  
二十起臣現在分別嚴提研訊總期迅速審斷  
案無延累以仰副

聖主清釐積牘息訟安民之至意所有審結京控案  
數理合恭摺具

奏伏乞

皇上聖鑒謹

奏

道光元年六月十二日拜發十七日恭遞二十

二日接奉

硃批知道了欽此

山東布政使臣徐忻跪

奏爲遵

旨慎密訪查據實覆

奏仰祈

聖鑒事竊臣前次賫摺差回跪接

勅諭一封臣啓緘恭閱敬悉山東運河道洪範被列

彈章欽奉

硃批汝可慎密訪查確否據實回奏不必匆忙欽此  
查運河道駐劄濟寧州在省垣西南三百八十



五里與河道總督同城爲河臣專轄該道管理  
運河泲河上河下河捕河泉河六廳專司宣防  
疏濬儲蓄湖水啓閉閘座速漕濟運各機宜並  
無地方之責是以每遇考核殿最祇由河臣主  
政該道洪範係安徽歙縣附監生素工書畫爲  
原任大學士福康安所賞識延入幕中歷隨廓  
爾喀苗疆軍營由縣丞洊陞知府

賞戴花翎嗣於嘉慶十八年三月間經原任河道總督  
李亨特由曹州府保陞今職該道於所司運河

一切事宜並無貽誤臣密加察訪該道署內政務較簡公餘耽弄翰墨喜廣交游在任八年有餘官民相處既久不無連屬捐職朱振業開設華盛號錢店其子附貢生朱墉身列膠庠習學書畫曾拜該道爲師又監生石榮之父亦捐有職銜開設天德堂藥店該生石榮亦曾拜該道爲師緣該道向管州城書院留心培養士子該生朱墉等均非身家不清遂收錄於門下遇有慶祝之事間亦往來至所稱門丁沈姓臣訪查

該道門丁一係李姓一係蔣姓均籍隸江蘇並無沈姓其人伏思該道職司河務所駐州城係歸究沂曹濟道分巡管理所有該處矜民均非該道所部祇因日久熟習在該道則以籠絡紳士曲遂攀援在矜民則以親近長官藉增榮耀此亦情勢之相因而至者臣所訪聞如是再臣與該道向未識面聞其年逾七旬精力尚健所有遵

旨訪查緣由謹繕摺據實覆

奏並將欽奉

硃批密封恭繳伏乞

皇上聖鑒謹

奏

道光元年六月十二日拜發十七日恭遞二十

二日接奉

硃批此事雖無甚緊要乃係朕密諭查訪之事露章  
呈奏並未封緘顯係有意爲之恐招嫌怨討好於  
人殊失委任之意若云一時忽畧其誰信之欽此

道光元年六月十七日內閣奉

上諭山東運河道洪範著來京交吏部帶領引見欽

此同日內閣奉

上諭徐忻於奏事之摺並未封口著交部察議欽此

調任福建布政使 臣徐忻跪

奏爲恭謝

天恩事竊 臣接奉撫 臣錢臻行知准吏部咨開道光

元年六月十四日內閣奉

上諭徐忻著調補福建布政使欽此伏念 臣畿輔庸  
愚毫無知識仰蒙

皇上特達之知由陝西布政使

簡調東省到任未久旋卽護理撫篆涓埃未効兢惕  
方深茲復叨沐

恩施調補福建布政使聞

命之下感悚難名查閩省爲海疆要地藩司有董率

屬貢鈎稽錢穀之責臣渥膺

委任倍凜冰淵惟有顙懇

聖恩俯准臣叩覲

天顏跪聆

訓誨庶赴任得有秉承以期稍報

高厚鴻慈於萬一臣交卸後卽迎赴前途恭候

諭旨遵行所有

微臣

感激下忱謹摺叩謝

天恩伏乞

皇上聖鑒謹

奏

道光元年六月二十四日拜發二十九日恭遞七月初五日齊河途次接奉

硃批不必來京欽此



卷之二

五

調任福建布政使臣徐忻跪

奏爲敬陳感激悚懼下忱仰祈

聖鑒事竊臣前次覆奏遵

旨慎密訪查一摺欽奉

硃批此事雖無甚緊要乃係朕密諭查訪之事露章  
呈奏並未封緘顯係有意爲之恐招嫌怨討好於  
人殊失委任之意若云一時忽畧其誰信之欽此  
臣跪讀之下戰慄兢惕莫知所措伏念臣猥以  
菲材至愚極陋叨渥

聖主逾格垂慈

俯加委任犬馬有心尚知圖報臣具有天良卽捐糜

頂踵未能稍効涓塵何敢於

君父之前自外

生成之德臣欽奉

勅諭下頒於恭閱後卽敬謹密封所有具

奏之摺係臣親自恭繕惟恐稍有疎漏乃未封緘

固密實屬昏愎已極仰蒙

皇上不加嚴譴於發矇振聵之中仍寓

教誠矜全之意臣撫衷循省夙夜難安惟有益矢血誠倍加敬慎以期勉贖咎愆仰答

高深所有微臣感激悚懼下忱謹繕摺具


奏伏乞

皇上聖鑒謹

奏

道光元年六月二十四日拜發二十九日恭遞七月初五日齊河途次接奉

硃批覽欽此



1  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100

調任福建布政使臣徐忻跪  
陞任山東布政使臣琦善

奏為遵

旨會審定擬具奏仰祈

聖鑒事竊照長山縣監生王鳳廷以疊弊剥害等情

赴都察院呈控奏奉

諭旨此案着交徐忻琦善親提人証卷宗秉公審訊

定擬具奏欽此又軍機大臣傳奉

諭旨著徐忻琦善確查如果該縣違例加征上司延  
不審辦有袒護屬員情事卽據寔奏不可稍涉

奏為遵旨會審定擬具奏仰祈聖鑒事竊照長山縣監生王鳳廷以疊弊剥害等情赴都察院呈控奏奉諭旨此案着交徐忻琦善親提人証卷宗秉公審訊定擬具奏欽此又軍機大臣傳奉諭旨著徐忻琦善確查如果該縣違例加征上司延不審辦有袒護屬員情事卽據寔奏不可稍涉

瞻徇等因欽此<sub>臣</sub>等跪誦之下敬謹凜遵當卽調齊各卷檢查監生王鳳廷先以縣書舞弊弄權多征錢糧浮折漕價等詞控經撫臣錢臻批飭提省嚴審究辦惟歷控詞內並未叙及承辦官米不行給價一事案經批審虛寔正在查究並無袒護屬員之事<sub>臣</sub>等隨提集通案人証並傳該縣劉宗錫及案內牽涉之泆弁姜佩到省查照控詞逐一質訊如所控王栢吉王樹吉二戶名下錢糧各多派銀一兩一欸訊係王鳳廷名

下有王栢吉王樹吉二戶王栢吉應完二十四  
年糧銀一兩八錢六分二厘王樹吉應完糧銀  
一兩八錢一分三厘該縣戶書蘇昌德均係照  
額填註由單散給各戶並未多派嗣於春季上  
忙時每戶各完銀一兩五錢秋季下忙祇應各  
完銀三錢零該二戶屆下忙開征時攜銀投納  
各多交銀一兩彼時戶書蘇昌德因納糧人多  
一時未及細核遂致誤收照數登記簿內填納  
執照旋即查出稟官更正王鳳廷即以多征糧



銀控經該縣將戶書蘇昌德懲處一面差傳王鳳廷改票領銀王鳳廷因未將總書馬元聰責革堅不赴領復執前詞並牽控官親韓姓幕友鄭姓家丁周姓金姓勾串壓案赴省上控茲臣等吊查由單並未多派而核對征冊寔屬多收誠恐該書等藉詞飾混嚴加究詰不特戶書蘇昌德等堅稱如果有心舞弊何肯將多收之數公然登於征冊並填給執照授糧戶以挾制之柄寔係因忙致錯卽質之王鳳廷王振聲亦稱

伊等名下花戶甚多共應完糧銀八十餘兩除  
此二戶各多銀一兩外其餘並未浮多若係有  
意加征應不僅此二戶至牽控官親幕友家丁  
勾串壓案皆係添砌虛詞異圖聳聽其寔並無  
憑據是此二戶之多交銀兩委係誤收並非加  
派寔屬可信又所控伊弟生員王侍廷完納漕  
米五斗七升四合二勺折收京錢八千九百四  
十八文一欸訊係王侍廷家內共應完漕米十  
三石五斗七升四合二勺王侍廷於開漕時將

應完十三石整數先納本色剩有尾欠未完漕書馬元聰因兌漕限迫代爲墊完迨閉廩之後王侍廷赴廩完納該漕書遂將尾欠五斗七升四合二勺折收京錢八千九百餘文按照時價核算僅應折京錢四千三百餘文計多收京錢四千五百餘文提訊漕書馬元聰已據自認浮折王侍廷漕米尾欠並另有獨自浮收零星小戶漕米約計共大錢六七千文散書沈書章于馬元聰浮折王侍廷一戶尾欠知情分錢屬寔

質之王侍廷亦稱伊先納整數寔係本色並未折錢惟尾欠以正耗米合勺成升折價淨收是所控折收漕糧已屬得寔又所控王振聲承辦官米二百一十石延未給價一欸訊係該縣劉宗錫於二十四年九月內拿獲流娼張桂姐等到案供出監生蔡霖淦捐職張發儒高彭城曾與姦宿因被該縣先後傳訊免令王振聲轉託該汛千總姜佩向該縣說合每人情願認罰市斗米七十石每石合倉斗米四石五斗賑濟該

縣西北鄉被水貧民該縣應允門丁孫姓于姓  
乘機索詐蔡霖淦等共湊銀二千三百兩一併  
交與王振聲存於新豐號內知會泚弁姜佩轉  
致該縣一面遞具認罰米二百一十石繳狀就  
所繳銀內以一千五百兩作爲所罰米價以八  
百兩酬謝門丁該縣收銀後隨將蔡霖淦等釋  
放越日王振聲復向泚弁姜佩通知以蔡霖淦  
等認罰不甘欲行首告該縣畏懼將原銀一千五  
百兩如數退回門丁銀八百兩亦卽退還仍係

王振聲經手惟時王振聲與姜佩商議向蔡霖  
淦等婉勸以罰項雖已全還仍應酌減另繳本  
色倉斗米二百一十石以全該縣顏面蔡霖淦  
等應允王振聲卽於其所開之義盛米店內代  
辦倉斗米二百一十石交官賑濟先由王振聲  
出具米票送官收執以爲催米之據每石索價  
京錢六千五百文蔡霖淦等祇肯出五千文姜  
佩從中調處言明每石定價京錢五千五百文  
每人應出京錢三百八十五文俱于十月內

將現錢撥兌通順號交王振聲收清所有米石  
該縣亦卽散給被水貧民具領並無餘存王振  
聲將前交米票撤銷是此項米石雖非令王振  
聲承辦官米延不給價而該縣因事罰捐實屬  
確鑿臣等恐該縣劉宗錫既經得銀入手何肯  
吐還所收米石亦恐未必實已散賑提訊蔡霖  
淦張發儒高彭城不特堅供銀兩實已收回卽  
質諸經手之王振聲姜佩供亦無異查起賬簿  
與繳米繳狀及西北鄉貧民領米領狀一一核

對悉屬相符委無侵漁入已情事此係王振聲說事爲蔡霖淦等代辦捐罰之米乃捏控爲該縣令辦官米其價值每石京錢五千五百文早已交清又捏控爲每石六千五百文延未給領現經<sub>臣</sub>等究出王振聲先恐到案審虛自上控之後屢次央求汎弁姜佩囑令帮同謊供勿將實情吐露又遣人致囑蔡霖淦張發儒高彭城令其躲避並經王侍廷專人諄致張發儒囑勿到案種種刁狡查王振聲原名王佐廷係長山



縣武生先於嘉慶十九年因誣控文童馬光箴  
考試舞弊訊明詳革又於二十二年誣控文童  
袁啟瀛袁啟夔等府考鎗替於學政點名時擁  
入遞呈押發濟南府審辦復又裝瘋闕鬧旋卽  
逃逸嗣於二十四年隱匿過犯冒籍大興改名  
王振聲朦朧捐未入流職銜二十五年十月內王  
振聲於該縣未經征漕之先以縣書收漕歷係  
浮收等詞預期請示欲圖挾制該縣詰以尚未  
開厥何得逆料浮收王振聲出言頂撞該縣以

伊係誣告臨審脫逃之犯飭役孫兆豐王振英  
耿夢魁楊兆信石統等將其揪拉鎖銬於差役  
寓所看守一夜嗣因解府審辦人証未齊復發  
回聽候傳訊適王振聲途遇縣役孫兆豐觸起  
前被鎖銬之嫌將孫兆豐毆踢致傷稟縣驗訊  
尚未提審詎王振聲與其弟王鳳廷商謀將前  
控情節捏砌增添令王鳳廷出名遣弟王侍廷  
攜帶呈詞與抱告廉元赴京具控冀圖借端傾  
陷迨到案後始猶一味狡展及至衆供確鑿案

據炳然始據逐層供認不能支飾其蔡霖淦一名於到案供明後旋即乘間脫逃屢緝未獲委員查訊其母蔡周氏據稱伊子素畏王振聲兇橫因王振聲嗔其不應到案憤訊大加恐嚇是以遠颺等語其爲畏懼王振聲聽從逃匿無疑但案已逐一審明毫無疑竇未便因蔡霖淦在逃懸案以待致滋拖累查例載兇惡棍徒屢次生事擾害者民人發極邊足四千里充軍又驀越赴京告重事不寔者發邊遠充軍又蠹役詐

贓一兩至五兩杖一百加枷號一個月六兩至十兩杖一百徒三年又例載坐贓致罪各主者通算折半科罪二百兩杖七十徒一年半與者減五等註云如擅科歛財物之類皆名爲坐贓致罪又例載外省衙門不許罰取錢穀銀兩等項違者計贓論罪又軍民相姦姦夫婦各枷號一個月杖一百各等語此案王振聲卽王佐廷先因兩次誣告人考試舞弊革去武生飭發委員審訊裝瘋闕鬧旋卽迯逸冒籍朦朧捐職銜於

該縣未經收漕之先藉請示爲名冀圖挾制其  
于蔡霖淦等犯姦輒代免汎弁說合罰捐寢息  
旣包攬官事經手財物于前復商串控情砌詞  
誣捏于後並以蔡霖淦不應到案質証恐嚇畏  
懼致令脫逃種種生事不法跡寔等於棍徒事  
悉出於擾害王振聲卽王佐廷職銜先經咨草  
應照兇惡棍徒屢次生事擾害例發極邊足四  
千里充軍到配折責安置王鳳廷因戶書誤收  
錢糧輒捏控官吏加派並明知伊兄王振聲爲

蔡霖淦等代辦損罰之米捏爲承辦官米不給價值遣弟王侍廷京控妄思陷害殊屬刁健惟控情尚非全虛自應酌量問擬王鳳廷監生業已斥革應於驀越赴京告重事不實擬軍例上量減一等杖一百徒三年王侍廷聽從伊兄京控其囑令案証張發儒避匿希圖延案亦屬不合王侍廷係生員先已斥革應照不應重律杖八十該縣劉宗錫失察書吏浮折漕糧已有應得之咎乃於部民犯姦之案並不照例詳辦輒

敢違例濫行罰捐始則以米折銀繼則退銀收米以致門丁亦乘機詐贓實屬乖謬不職未便因所罰之米業已散賑並未人已僅照坐贓致罪律擬徒致滋輕縱長山縣知縣捐陞知府劉宗錫相應請

旨革職發往軍台効力贖罪千總姜佩從中說合雖訊無染指情事以武弁而干預公事亦屬謬妄姜佩應革去千總於劉宗錫罪上減一等擬杖百徒三年到配折責安置蔡霖淦張發儒高

彭城宿娼犯案捐罰米石濟賑共出大錢五百  
千零折半計銀二百兩零若照坐贓二百兩杖  
七十徒一年半與者減五等律罪止杖七十應  
仍照犯姦本例間擬蔡霖淦應革去監生張發  
儒革去布政司經歷職銜高彭城革去千總職  
銜均照軍民相姦姦夫姦婦各枷號一個月杖  
一百例各枷號一個月杖一百戶書蘇昌德誤  
行多收王鳳廷糧銀二兩雖經稟官更正究屬  
不合應照不應重律杖八十漕書馬元聰因收



漕業已閉厥將王侍廷尾欠漕米折錢代納輒  
敢多收京錢四千五百餘文與知情之散書沈  
書章分用此外又獨自浮折零星小戶漕米錢  
文不記確數據供約計大錢六七千文折銀六  
七兩應照詐贓問擬馬元聰合依蠹役詐贓五  
兩至十兩杖一百徒三年例杖一百徒三年散  
書沈書章于馬元聰多收王侍廷一戶漕米尾  
欠京錢四千五百餘文知情不阻復又分肥雖  
此外別無浮折情弊亦應按例問擬沈書章合

依蠹役詐贓一兩至五兩杖一百枷號一個月  
例杖一百枷號一個月事犯均在嘉慶二十五  
年八月二十七日欽奉

恩詔以前惟王鳳廷王侍廷京控在後復奉道光元  
年四月初七日

恩詔除王振聲係棍徒擾害情節較重劉宗錫姜佩  
均係現任職官不准援免外餘俱准其援免蘇  
昌德馬元聰沈書章仍草役追出多收糧銀並  
浮折漕米錢交給主具領蔡霖淦並免緝拿戶

書王曰平等于馬元聰浮折漕米訊不知情差  
役孫兆豐等因王振聲係誣告在逃之犯奉官  
飭令鎖銬看守訊無私行辱詐情事官親韓姓  
幕友鄭姓家丁周炳金桂訊係王鳳廷捏砌牽  
告均應免議抱告廉元由於王鳳廷主令代遞  
呈詞不知控情亦免置議門丁孫姓于姓瞞官  
牽詐銀兩旋即退還早經該縣驅逐無踪事犯  
均在

赦前例得免罪孫姓等并免緝究所罰米石均經該

縣西北鄉被水貧民領食應免着追各犯應追  
執照飭令分別追出繳銷無干概行省釋除全  
案供招送部外所有會審定擬緣由理合恭摺  
具

奏伏乞

皇上聖鑒勅部核覆施行謹

奏

道光元年六月二十七日拜發奉

硃批刑部議奏欽此

月  
二  
三  
四  
五  
六  
七  
八  
九  
十  
十一  
十二

三

福建布政使臣徐忻跪

奏爲恭報微臣接印任事日期叩謝

天恩仰祈

聖鑒事竊臣仰蒙

簡命調任福建布政使當卽繕摺敬陳感激下忱

奏明迎赴前途籲請

陛見奉

硃批不必來京欽此臣遵卽徑赴新任茲行抵福建省城於九月初六日准署藩司按察使唐仲冕

臣等謹將三司正二司三

將布政使印信並庫欵文案卷宗移交前來臣

恭設香案望

闕叩頭祇領任事伏念閩省為海疆要地一切吏

治民風倉庫錢糧皆藩司專責臣渥膺

委任倍切悚惶惟有勉竭愚誠事事實心實力矢慎

矢勤以期仰報

高厚鴻慈於萬一所有微臣接印任事日期理合繕

摺具

奏恭謝

天恩伏祈

皇上聖鑒謹

奏

道光元年九月初六日拜發十月十三日恭遞

十一月十七日接奉

硃批知道了欽此



史記卷之三十三

卷三

再臣由東省經過江蘇浙江一帶江以北陰雨  
連綿江以南雨澤稀少而秋禾收成牽算尙不  
致歉薄自入夏以後各省時症傳染甚多近已  
安帖閩省去秋被旱本年春夏之間糧價增昂  
現在各屬新稻登場市價平減民氣恬熙堪以  
仰慰

聖懷理合附片奏

聞謹

奏

同日奉

殊批覽欽此

護理福建巡撫布政使臣徐忻跪

為恭報微臣接護撫篆日期叩謝

天恩仰祈

聖鑒事竊臣於道光二年正月二十八日接奉陞任

撫臣顏檢行知准吏部咨開奉

上諭福建巡撫葉世倬未到任以前著徐忻暫行護

理欽此旋於二月初三日將福建巡撫關防並

王命旗牌及一切文卷等項移交到臣當即恭設香

案望

關叩頭敬謹祇領任事伏念臣才踈識淺愚陋無  
知疊蒙

聖主簡任之恩未効涓埃方深兢惕茲復欽奉

綸命暫護撫篆下懷感悚莫可名言惟有勉竭駑駘  
事事實心實力矢慎矢勤以期仰報

高厚鴻慈於萬一所有微臣接護撫篆日期理合恭

摺具

奏叩謝

天恩伏祈

皇上聖鑒謹

奏

道光二年二月初三日拜發三月初六日恭遞  
閏三月初八日接奉

硃批覽欽此

正  
老  
三

五

閩浙總督臣慶保  
護福建巡撫布政使臣徐忻跪

奏為遵

旨督飭水師員弁實力巡緝海洋恭摺覆

奏事竊臣等接准軍機大臣字寄道光二年正月

二十二日欽奉

上諭粵東閩浙各省洋盜自蔡牽烏石二等殲擒之後洋面早就肅清近年該三省復時有海洋行劫之案該地方營縣各員若查拏稍形疎懈必致肆相糾結聚成大夥為害商旅不可不防其漸著該



督撫等督飭所屬實力偵緝並飭知該水師提鎮等董率舟師員弁常川出洋巡查防範毋得畏難苟安如有匪徒蹤跡立即跟踪躡緝悉數擒獲務使洋面一體肅清倘不認真查拏以致養癰貽患惟該督撫提鎮等是問將此諭令知之欽此仰見皇上垂念海疆除莠安良之至意臣等跪誦之下曷勝感悚伏查閩浙洋面自巨盜蔡牽等殲滅之後已無著名盜匪惟零星土盜間或乘機窺伺必須實力緝捕悉數擒獲方可斷絕根株臣慶

保自去冬抵任後業將飭屬嚴密查辦情形恭摺奏

聞在案臣徐忻前在藩司任內卽經分飭地方官認

真查緝茲蒙

聖恩暫護撫篆又復移行文武實力奉行臣等查上

年閩省洋面通共報劫十一案已獲盜犯陳角等二十二名業經按律審辦嗣又續獲陳萼等六名飭提審訊現計閩省出洋兵船共六十五號員弁兵丁共二千七百餘名浙省出洋兵船

共九十號員弁兵丁三千八百餘名聲勢聯絡  
足資巡緝惟兵船高大賊匪多係小船易於望  
風駛避今擬兵船之外亦酌量添僱捕魚釣船  
扮作平民誘緝異可就擒臣慶保復又節次通  
飭閩浙兩省文武凡有各船進出俱令汛口登  
簿查驗並恐巡緝兵船或有收泊內港私圖安  
逸飭令沿海各州縣於兵船經過停泊處所隨  
時瞭望稽查據實通報以杜捏飾其港汊口岸  
悉派兵役駐劄按旬查點烟戶門牌訪拏匪類

並恐閩浙洋面境地毘連此逃彼竄飭令不分  
畛域互相訶察數月以來雖無報劫之案不敢  
因現尚平靜稍有鬆勁臣等受

恩深重仰蒙

委任惟有督飭所屬不遺餘力認真查察務期洋面  
口岸一律肅清上慰

宸厪所有遵

旨督飭實力巡緝緣由理合恭摺覆

奏伏乞

皇上聖鑒謹

奏

道光二年二月十九日拜發四月初九日准咨  
于閏三月二十八日在温州府途次接奉

硃批另有旨欽此

再臣等正在繕摺覆奏間復接

廷寄道光二年正月二十七日奉

上諭據慶保等奏閩省沿海各灣零星土盜爲害商旅皆因姦民接濟水米不肖兵役得規縱放且有荒僻村崖接水消贓以致易於藏匿現在嚴密查辦等語前因粵東閩浙各省時有海洋行劫之案已降旨令該督撫等飭知水師提鎮督率員弁實力偵緝慶保等旣已派員會同巡查着卽令於通海各口認真盤詰毋使奸民隱溷接濟匪徒遇有

劫掠案犯上緊查拏審辦勿使一名漏網如水師將備及沿海廳縣有奉行不力心存玩視之員立即指名叅處以期洋面一體肅清將此諭令知之欽此仰蒙

聖明指示周詳臣等敢不實心實力嚴督所屬文武訪查偵緝伏思土盜出沒遇有孤單商船方敢乘間伺劫所得糧食無多必將貨物變換水米始可偷生而變換貨物必另有通盜之人私相接應是以臣等以爲防範口岸尤爲杜絕盜源

之要務現在出洋兵船各路巡查足資踴緝其沿海緊要各隘口節經臣慶保嚴飭閩浙二省水陸文武訪拏接水消贓並令隨時點查烟戶門牌不使稍有隱溷復派誠實員弁於荒僻村崖密加訪察一切應禁軍火器物及淡水米穀等項概不許運近海口以杜隱射凡有獲到盜犯臣等卽飭研訊水米等項係從何處口岸向何人買得若係內地姦民私相接濟或兵役得規縱放卽可從此根究嚴行懲辦倘沿海文武



各員稍有奉行不力或出洋舟師巡緝疎懈  
臣  
等立即指名叅

奏總期盜匪無所容身奸民無從接濟以仰副  
皇上諄切訓誡之至意合併附片陳明謹  
奏

同日奉

硃批惟在實力奉行經久毋懈隨時認真稽查辦理  
總期洋面一律肅清地方安靜所奏知道了欽此

護理福建巡撫布政使 臣 徐忻跪

奏爲恭報道光二年正月分雨雪糧價情形仰祈  
聖鑒事竊照福建省道光元年十二月分雨雪糧價  
情形經前撫臣顏檢恭摺

奏報在案嗣據內地九府二州屬具報道光二年  
正月上旬初二三初五六初八九中旬十四十  
七十九二十下旬二十二三二十四五二十八  
九等日先後得有雨澤並據屏南順昌南平建  
安建陽崇安浦城松溪政和光澤歸化福鼎福

安等縣先後稟報正月初二初五初八初九十七二十二等日得雪一二寸至三四寸不等正值二麥秀發含漿吐穗之時得此春澤渥霑於農田大有裨益茲據署藩司吳箴彙開各屬糧價前來臣覆加查核較上月價值間有增減均屬中平民氣恬熙地方安靜堪以上慰

聖懷謹繕具內地道光二年正月分並臺灣府屬上年十月分糧價清單恭呈

御覽伏祈

皇上聖鑒謹

奏

道光二年二月二十八日拜發三月二十七日

恭遞四月初二日接奉

硃批知道了欽此



再福建省收捐監生自嘉慶五年三月起至道光元年十二月止共收銀一百七十一萬三千四百四十兩除節次解部動撥並歸補司庫封貯等項外計存銀三萬五千八百二十兩經前撫臣顏檢於上月

奏報在案茲據署布政使吳箴詳報道光二年正月分共收捐監生銀二千一百兩連前共存銀三萬七千九百二十兩理合附片奏

聞謹

奏

同日奉

殊批覽欽此

護理福建巡撫布政使臣徐忻跪

奏爲遴員委署知府循例恭摺奏

聞仰祈

聖鑒事竊臣接准安徽撫臣孫爾準咨會汀州府知府徐鏞本生父徐映瓏在桐城縣原籍病故例應丁憂業經由該撫臣孫爾準恭疏

題報在案所遺汀州府知府員缺應卽遴員接署查閩省現無候補知府惟試用同知洪煌在閩年久才具明晰堪以委令署理據署藩臬兩司



會詳前來臣與督臣慶保往返札商意見相同  
除檄飭遵照外理合恭摺具

奏伏乞

皇上聖鑒謹

奏

道光二年二月二十八日拜發三月二十七日

恭遞四月初二日接奉

硃批知道了欽此

護理福建巡撫布政使 臣徐忻跪

奏爲特叅驗報逆倫重案不實之署知縣請

旨革職嚴審以成信讞事竊據署建陽縣知縣李從

龍通詳縣民連斗盛因病至素好之翁日良家

就醫上年七月十七日連斗盛之妻連陳氏遣

令長子連才佬卽連步魁攜帶白糖桔餅前往

探望連才佬因伊父連斗盛平日約束嚴厲并

不許其承耕祭田心懷忿恨起意毒斃父命十

八日早連才佬私帶家存砒末至翁日良家將

砒末和糖沖湯給與連斗盛吃下旋卽毒發斃命驗明填格錄供通詳並將犯証解省聽候審辦嗣據屍子連才佬以伊父連斗盛遵照縣示平糶米石被傳金仔等架詞控縣斷令買米補糶被丁役翁高等押詐伊父死在差家等情遣弟連步隴赴學政衙門呈控移咨到院經前撫臣顏檢查核縣詳與控詞情節懸殊行司提集全案犯証至省確審詳辦旋據該署縣李從龍通稟訪查連斗盛係在保人翁日良家胃痛病

發誤服鴉片中毒並非伊子連才佬謀毒斃命  
不敢迴護前詳據寔檢舉復經前撫臣批司督  
飭福州府提訊該犯連才佬極口呼冤堅不承  
認謀毒父命復提屍弟連斗扳屍姪連正英保  
人翁日良縣役翁高等節次研訊供係連斗盛  
與傅金仔等互控平糶一案經縣訊明斷令連  
斗盛取保釋回脩米補糶門丁李五欲令連斗  
盛補糶明白方許回家連斗盛在保人翁日良  
家胃痛復發私服翁日良同住之縣役翁高所

買鴉片以致中毒斃命該署縣李從龍因連斗  
盛未死之先伊子連才佬曾將白糖沖湯給與  
連斗盛吃下疑有謀毒父命情事從此根究連  
才佬亦卽長刑誣服錄供詳揭前來臣查此案  
先據該署縣李從龍訊係連才佬因恨伊父管  
束嚴厲乘間毒斃驗訊何等確鑿乃一經屍屬  
控訴忽又通稟檢舉前後出入大相逕庭恐其  
中另有情弊且該署縣旣將平糶控案訊明斷  
令保回補糶何以又任門丁李五私行管押致

令自服鴉片殞命難保無串差押詐忿激服毒情事又不卽將門丁李五交案質究尤滋疑竇該署縣於辦理人命重案隨意顛倒全難憑信其原驗中毒情形恐亦未必確實相應叅

奏詞

旨將署建陽縣事建寧府經歷李從龍革職以便提同全案犯証丁役人等秉公確驗嚴審按律定擬以成信讞除飭查明該員經手倉庫錢糧有無未清另辦外臣謹恭摺奏

奏伏乞

皇上聖鑒再督臣慶保現赴延平邵武汀州等處校

閱營伍未及會銜合併陳明謹

奏

道光二年二月二十八日拜發三月二十七日

恭遞四月初二日接奉

硃批另有旨欽此

道光二年三月二十八日奉

旨這所叅驗報重案不實之署建陽縣事建寧府經歷李從龍着革職交該撫葉世倬提同全案犯証丁役人等秉公確驗嚴審定擬具奏欽此



				三三 ニ
--	--	--	--	---------

護理福建巡撫布政使 臣徐忻跪

奏爲審明營縣互訐一案按律分別定擬恭摺具  
奏仰祈

聖鑒事竊照前署寧德縣知縣秦友蘇稟訐福寧右  
營遊擊許雙冠干預詞訟夥鬻鴉片袒兵抗糧  
各款又福寧府知府誠安通稟遊擊許雙冠移  
訐知縣秦友蘇征收糧米浮折錢文勒派繳穀  
補倉該縣米價昂貴民心惶惶俱出怨嘆之語  
請飭傳集人証解訊各等情並據遊擊許雙冠

稟同前由經前撫臣顏檢恭摺奏

奏於道光元年十月二十九日奉到

硃批浮折勒派煮熬鴉片均係大干禁令之事必須徹底嚴究按律定擬所奏另有旨欽此又奏

上諭顏檢奏文武各員互相稟訐請旨革審一摺福寧府知府誠安福寧右營遊擊許雙冠署寧德縣知縣秦友蘇兼署經歷福寧府司獄劉文煥着一併革職交該撫提同案內人証秉公嚴審按律定擬具奏欽此查已革知縣秦友蘇據閩縣詳報於

道光元年十月十二日在省病故查訊伊子秦  
廷璐供明伊父秦友蘇沾染吐瀉時症身故並  
無別情復經前撫臣催提人証卷宗至省飭司  
提同該叅員等秉公審擬去後茲據兼署布政  
使事督糧道吳箴兼署按察使事鹽法道王楚  
堂審擬詳解前來督臣慶保前赴延平邵武汀  
州等處查閱營伍未及會審 臣親提該叅員等  
逐一嚴訊緣秦友蘇係湖南舉人大挑知縣分  
發福建試用委署寧德縣知縣許雙冠原籍海

澄縣寄居閩縣由騎都尉世職學習期滿題補都司陞授福寧鎮標右營遊擊與秦友蘇近在同城道光元年四月十二日許雙冠以署寧德縣秦友蘇將征收糧米每石折錢五千六百文又將所徵之錢派令錢當米舖各繳穀一二百石不等每石百觔僅發價錢一千四百文以致民食維艱等情移府查辦該府誠安於十七日飭書繕就告示曉諭該縣紳士耆庶如被多折錢文科派採買許令指控叅辦札委兼署經歷

府司獄劉文煥賁赴該縣分貼一面令其密查稟覆詎劉文煥抵縣後先行面見秦友蘇將前情洩漏查詢秦友蘇征收糧米每石折錢五千六百文採買穀石每石發價一千四百文屬寔劉文煥於二十四日卽將前情稟府仍在彼守候府批待至二十九日始將告示發貼嗣據秦友蘇以抵任後查出嘉慶二十三年起積欠銀米多係營兵抗欠造冊移催許遊擊袒庇遷怒妄捏誣謗等情稟府該府誠安復改委試用未

入流金鎮往提胥役兵丁查訊閱時兩月迄未  
揭報旋據秦友蘇以遊擊許雙冠干預詞訟夥  
鬻鴉片營兵被民人控告冤毆姦淫窩竊窩賭  
該遊擊一味阿庇甚至袒兵抗糧於知府誠安  
四任路過縣境之時聳令該府門丁需索供應  
撫砌浮折糧米科派採買等款移府查辦誠知  
府札委署經歷劉文煥到縣密查並發示招告  
劉文煥向稱據許遊擊說若要彌縫此事除非  
拏出數千金分用等語該縣置之不理一面下

鄉征糧越日劉文煥又崑差賁函到鄉內云奉  
府批回依然官話但其中尚有可商之語如固  
執已見惟有遵照辦理旋即分貼告示而去等  
情具稟通報該府誠安始將接准許遊擊移查  
并出示委員查稟及移飭傳提人証未到等情  
稟請核辦臣查該參員等互訐各款內惟該縣  
浮折勒派該遊擊夥鬻鴉片祖兵抗糧情節較  
重亟應徹底研究該縣秦友蘇雖已病故無可  
質訊其經管糧倉各書自必知其詳細隨訊據



糧書陳永安供稱寧德縣每年額征秋米三千五百餘石大戶向係一米二穀運穀上倉零星小戶按照時價折錢完納道光元年四五月間米價昂貴每石時價三千六百七十文秦本官恐日後復貴不敷買入每升折錢五十六文每石合錢五千六百文共計折收零米四十一石一斗零內中每升給經書錢一文作爲紙筆之用並非全是折色訊之倉書陳洪供稱本縣每遇採買倉穀向係勸令殷實錢當舖戶領價分

買嘉慶二十五年前任姚本官調署惠安縣秦  
本官接准移交倉穀共盤折一百二十四石姚  
本官因奉催速赴新任不及買補每石折錢一  
千四百文移交秦本官代買至道光元年二三  
月間各舖戶承領買補彼時糧價尚平每穀一  
石價錢一千三百零或一千四百零通盤牽算  
所發價值足數買繳不至賠貼並無派令錢當  
各戶買穀一二百石及大小米舖各買一二十  
石之事臣查秦友蘇旣已折價派買必不止於

此數復嚴加詰訊該書等堅供現在本官業已身故無所廻護此外實無浮折勒派糧穀情事是秦友蘇折價浮收得錢入已確鑿可據又查縣卷上年二月內據地保黃開榮林必陞以許遊擊之姪許白在東門外開設鴉片館兵丁馬國寶等買食鴉片經該縣飭差確查許白旋即逃逸現訊地保黃開榮等與所稟相同質之兵丁馬國寶彭國陸黃世英姚龍標林華各認向許白買吃鴉片並無夥同開館販賣情事又秦

友蘇前送清摺內開兵丁字識馬國寶等七十  
二名寔欠嘉慶二十三四五並道光元年分糧  
銀五百二十六兩八錢八分六厘又外委林國  
安等七十九名積欠糧穀二百三十六石一斗  
二升四合訊據許雙冠供稱兵丁欠完錢糧叅  
員接到秦泰令造冊移知當卽陸續查扣內有  
病故裁汰亦有換班戍臺未能按名完清但叅  
員未將兵丁卽時革伍送究又未能掃數追完  
這是叅員糊塗其兵丁與民人互控兇毆姦淫

竊賭等事因縣中並未審結移營故未將兵丁  
革伍至煮熬鴉片一節參員原籍漳州海澄縣  
自祖出仕遷居省城寄籍閩縣只有胞弟雙壽  
一人並無親堂弟姪本家在署道光元年二月  
間有詔安縣人許白來認本家參員未卽拒絕  
兵丁們因此呼許白爲姪少爺迨後許白在外  
開設鴉片館參員聞知卽已擯斥不容進署許  
白旋卽遠遁叅員實無駭驚情事惟不能預爲  
約束事後又未經嚴拏移縣拘究致被聞風遠

遁又兵丁馬國寶等多人在許白館內買吃鴉片參員失於查究均屬咎無可辭至秦叅令採買穀石民食增昂是以移府查辦參員與府縣文武異途從何串通索詐亦無囑令劉文煥調停說合只有前遇已故巡檢璩友槐間談道及秦叅令光景裕如同寅在此甚苦亦無說要數千金之語璩友槐如何向秦叅令捏說並不曉得委無與誠知府商同分肥情事至所稱干預詞訟係屬某人某案如果實有其事秦叅令何

以不能指寔只求詳察又訊據兼署府經歷叅  
革司獄劉文煥供稱奉本府札委赴寧德縣賫  
貼告示飭令密查稟覆叅員面見秦友蘇詢知  
實有浮收糧米之事據寔稟覆秦叅令下鄉催  
糧臨行面囑叅員俟本府批回卽行通知迨本  
府批到是以寫信通知所有信內可商之語原  
想秦叅令回來商量同至府城向本府求情至  
秦叅令所稟數千金之語因叅員與已故石堂  
司巡檢璩友槐同在寧德縣署中吃飯璩友槐

向秦叅令述及前與許遊擊相遇許遊擊曾說秦令光景裕如同寅光景甚苦將來須要幫助之言此係瓌友槐向秦友蘇與叅員告知並非許遊擊囑托寔無藉事訛詐亦無別有授意情事惟不應面見秦友蘇又私寫書信囑令同至府城求情並發貼告示遲延在彼耽擱靜候數日實屬冒昧糊塗無可置辯又訊據叅革知府誠安供稱叅員接准許遊擊移稱署寧德縣秦友蘇折收糧米私派採買當卽飭委司獄劉文



煥前往密查並出示嚴禁書役藉端訛詐嗣據秦友蘇稟覆以營兵抗欠錢糧甚多因其時加催追致觸營員之怒叅員細核文武稟移均不相符另委試用未入流金鎮行提倉書兵丁人等查訊以期水落石出無如營縣均不解訊以致審辦遲延這是叅員不是嗣將文武稟移互異緣由通稟亦在秦友蘇通稟之後叅員自四月間由泉郡交卸回任路經寧邑不肯絲毫沾染所帶門丁何敢需索且門丁是何姓名需索

何物如果寔有其事秦友蘇生前親供豈肯不吐可見全屬虛捏至告示原杜書役嚇詐並非招告該令之示秦友蘇原稟將示內書役索詐之語刪除彼時原卷在府叅員奉調來省見秦友蘇粘抄示稿並無書役之句恐係繕書漏寫是以前次親供叙入經書漏寫字樣至劉文煥致秦友蘇信內尚有可商之語係劉文煥私自面見秦友蘇寫給私信叅員不能預知如有授意情事何以不令劉文煥始終調停又改委別

員前往惟委員辦理不善亦係參員之咎各等  
供臣查參員許雙冠當許白認爲本家任其出  
入營署迨後知其在外開設鴉片烟館並不拏  
究顯係知情縱容且恐實有駁鬻情弊至兵丁  
積欠錢糧接准縣移並不卽時斥革送究亦係  
有意袒護復加嚴詰據許雙冠供稱許白煮賣  
鴉片並未駁鬻同鬻賣參員身任三品職官何肯  
作此不肖之事惟不卽將許白嚴拏送究寔屬  
咎無可諉至兵丁積欠錢糧並未隨時移究自

知袒護無可置辯詰訊劉文煥供稱許遊擊所說秦叅令光景裕如同寅須要幫助之語實係據友槐向秦叅令閒說曾經同時聽聞叅員並無向秦叅令告知許遊擊說要彌縫此事非數千金不可之語當日奉府委查本府亦並無授意惟叅員不將告示卽時發貼又面見秦叅令向其洩漏并自寫私信札商秦叅令欲其同至府城求情希圖周旋其事且司獄有監獄之責亦不應在外耽擱這是叅員糊塗不是復向誠

安反覆究詰均各堅供不移似無遁飾查例載  
私開鴉片烟館引誘良家子弟者照邪教惑衆  
律擬絞監候又律載應捕人知罪人所在而不  
卽捕者減罪人罪一等又有司官吏因公擅自  
科歛所屬財物入己者計贓以枉法論又有祿  
人枉法贓五十五兩杖一百流三千里又例載  
指稱規避處分誑騙未成議有定數財未接受  
杖一百徒三年加枷號兩個月並未議有定數  
杖一百加枷號一個月各等語此案已草遊擊

許雙冠稟訐秦友蘇浮折糧米派令舖戶買穀  
非盡虛捏至與巡檢璩友槐說及秦友蘇光景  
裕如伊等在此甚苦之語是秦友蘇原稟許遊  
擊說要彌縫此事除非拏出數千金分用之語  
事非無因祇緣璩友槐秦友蘇均先後身故毫  
無憑証得以飾詞諉卸且該叅員經許白認爲  
本家任其出入營署復在外開館煮賣鴉片引  
誘良民並不卽時拿究致被遠颺許白獲日罪  
應擬絞該叅員知情不捕應于許白絞罪上減

等擬流惟該叅員于所管兵丁任其赴館吃烟  
其平日漫無約束營務廢弛已可概見又袒護  
兵丁抗欠積年錢糧計有七十餘人銀至五百  
二十餘兩穀至二百三十餘石之多僅擬滿流  
不足蔽辜許雙冠應請發往新疆効力贖罪以  
示懲戒其原襲騎都尉世職現應何人承襲飭  
縣查取供結辦理已革知縣秦友蘇代前任買  
補倉穀按照時值發交舖戶領買尚無抑勒惟  
征收零星小戶糧米每升折錢五十六文每石

得錢五千六百文吊核該縣旬報印摺每石僅  
止三千六百七十文計每石浮收一千九百三  
十文已折收四十一石一斗零共得浮收錢七  
十九千三百二十三文折寔紋銀七十九兩三  
錢二分三厘數在五十五兩以上秦友蘇除稟  
訐營員各款尚非全虛不議外合依有司官吏  
因公科歛所屬財物入已計贓以枉法論有祿  
人枉法贓五十五兩杖一百流三千里律應杖  
一百流三千里業已病故應毋庸議仍將浮收



贓錢於秦友蘇家屬名下照數追繳入官已革  
兼署經歷府司獄劉文煥奉委密查並賫帶告  
示到縣既知秦友蘇浮折屬寔卽應遵札貼示  
乃羈留數日始則私見秦友蘇將密查事件向  
其洩漏繼復自寫私信札致秦友蘇回縣相商  
因秦友蘇置之不答靜候二日始將告示分貼  
核其信內語句調停說合隱約其詞乃因事無  
質証藉詞支飾現據供認欲令秦友蘇同至府  
城向本府求情是其意圖誑騙得財藉以周旋

寅好情弊顯然惟例無作何治罪明文若比照指稱規避處分誑騙未成並未議有定數例僅予杖責不足示懲劉文煥應請比照指稱規避處分誑騙未成議有定數財未接受杖一百徒三年例擬杖一百徒三年係職官免其枷號已革知府誠安雖供無投意圖索情事但所屬地方正值米價昂貴該管知縣有浮收累民之事豈可一日姑容乃該叅守於路過該縣時既毫無覺察及准營員移揭又據委員查寔猶復觀

望遷延並不卽時詳請叅辦閱時兩月之久直待秦友蘇稟訐之後始行稟請飭提人証仍未將該縣揭叅查該叅守係方面大員察吏安民責無旁貸乃一任劣員浮收擾累民怨咨嗟無論其出示招告與否核其因循玩悞之咎實屬溺職自應照例革職業經叅革應毋庸議兵丁馬國寶彭國陞黃世英姚龍標林華訊係買吃鴉片均合依軍民人等買食鴉片者杖一百枷號一個月例應枷號一個月滿日折責革伍糧

書陳永安每升得錢一文係屬官給紙筆之費  
應免科罪惟當本官浮收之時並不力爲稟阻  
亦屬不合應照不應重律杖八十折責革役許  
白開設鴉片烟館該管地保黃開榮林必陞業  
已稟縣府書林特璋繕寫告示並無錯悞均應  
免議仍嚴拏許白務獲究辦兵丁馬國寶等積  
欠未完銀穀現在曾否追完應飭縣核明征冊  
分別征追無干省釋未到人証並免提質再秦  
友蘇所稟民人控告營兵冤毆姦淫窩竊窩賭

等款內除窩賭一欵查無案卷餘俱兵民互控  
並無重情現已逐案訊明斷結另錄審結供詞  
咨部查核除將全案供招咨部外所有審明定  
擬緣由謹恭摺具

奏伏乞

皇上聖鑒謹

奏

道光二年二月二十八日拜發三月二十七日恭  
遞四月初二日接奉

硃批刑部議奏欽此

刑部議奏欽此

刑部

中華書局影印

卷三

三

護理福建巡撫布政使臣徐忻跪

奏爲恭報本年二月分雨水糧價情形仰祈

聖鑒事竊照福建省本年正月分雨雪糧價情形業

經臣恭摺

奏報在案嗣據內地九府二州屬具報二月上旬

初三初四初五初七初十中旬十一十三十四

十八下旬二十一二十四五二十七八等日先

後得有雨澤餘日陰晴相間正當二麥結穗早

稻播種之時得此暄潤相資於農田洵有裨益



茲據署藩司吳箴彙開各屬糧價前來 臣覆加  
查核惟福州府屬糧價較上月微有加增其餘  
均與上月相同民氣安恬地方綏靜堪以仰慰  
聖懷謹繕內地本年二月分並臺灣府屬道光元年  
十一月分糧價清單恭呈

御覽伏祈

皇上聖鑒謹

奏

道光二年二月二十四日拜發五月初三日接

奉

硃批知道了欽此

三才圖會

卷三

三

再福建省收捐監生自嘉慶五年三月起至道光二年正月止共收銀一百七十一萬二千四百四十兩除節次解部動撥并歸補司庫封貯等項外計存銀三萬七千九百二十兩經臣於上月

奏報在案茲據署布政使吳篋詳稱道光二年二月分收捐監生銀五千二百兩連前共存銀四萬三千一百二十兩理合附片奏

聞謹

奏

同日奉

硃批覽欽此

護理福建巡撫布政使 臣徐忻跪

奏爲支銷囚糧銀兩循例恭摺奏

聞事竊照福建省應給獄囚口糧不敷銀兩向於存  
公銀內動給節經

奏明支銷在案茲據署按察使王楚堂會同署布  
政使吳箴詳稱福建省道光元年分各州縣監  
犯口糧柴薪塩菜並看犯支更禁卒燈油等項  
共用銀二千五百八十三兩零除動支各州縣  
額載囚犯月糧銀一千三百七兩零又奉文撥

奏公費銀六百兩通融勻給外尚不敷銀六百七十六兩零照例於存公銀內動支詳請具

奏前來臣查核冊造均係內結重案人犯按日計口支給並無浮冒所有前項不敷銀兩自應照例在於道光元年分存公項下支銷謹循例恭摺具

奏伏祈


皇上聖鑒謹

奏

道光二年三月二十四日拜發五月初三日接  
奉

硃批該部知道欽此





بِسْمِ اللَّهِ الرَّحْمَنِ الرَّحِيمِ  
الحمد لله الذي هدانا لهذا  
الذي كنا لنهتدي لولا أن هدانا الله  
والحمد لله رب العالمين

護理福建巡撫布政使臣徐忻跪

奏爲司庫積存平糶穀價盈餘銀數循例奏

聞事竊照福建省買補平糶倉穀于原糶價銀之外積存盈餘遇有採買不敷之處照例撥補每屆三年

奏報一次上屆截至嘉慶二十四年二月底止計存盈餘銀六千五百六十六兩零經前任撫臣史致光恭摺具

奏在案茲據署布政使吳箴詳稱自嘉慶二十四

年三月起截至道光二年二月底止新收屏南  
縣買補平糶穀石核減盈餘銀一百三十五兩  
連前共存新舊盈餘銀六千七百一兩零均實  
財司庫詳請具

奏前來 臣覆核無異謹循例恭摺具

奏伏祈

皇上聖鑒謹

奏

道光二年三月二十四日拜發五月初三日接

奉

硃批戶部知道欽此

日本書紀卷之三十一

卷之三十一

上

護理福建巡撫布政使臣徐忻跪  
奏爲審明平和縣民曾步雲京控一案分別按律  
定擬恭摺具

奏仰祈

聖鑒事竊照漳州府平和縣民曾步雲赴京具控朱  
幅等搶割田禾毆傷伊兄曾文瑞身死串囑縣  
書延不緝究等情經步軍統領衙門訊供具  
奏道光元年九月二十四日奉

旨此案着交顏檢親提人証卷宗秉公嚴審定擬具

奏原告曾步雲該部照例解往備質欽此旋於十  
二月初九日將原告曾步雲遞解到閩經前撫  
臣顏檢檄飭該府縣嚴拿各犯解省審辦嗣據  
該府縣先後拿獲犯証朱幅朱旺朱水娘朱秋  
等同各卷宗申解到省並聲明朱幅之父朱白  
及朱衍朱錦屍父曾定幗屍弟曾序俱已病故  
書役朱周游法業經退郊外出等情臣親提犯  
証逐一嚴訊緣朱幅與曾步雲胞兄曾文瑞隔  
村居住素識無嫌曾步雲之祖曾孟淵契買朱

幅族人朱文雍田地作爲祭產與朱姓公田毗連中有田塍爲界朱姓公田向係朱幅之父朱白與族人朱水娘朱衍朱錦朱土等輪年耕種嘉慶二十一年五月間曾步雲之父曾定幘因田塍坍塌界址不清赴縣控告朱白等侵佔經該前縣姚瑩訊明曾定幘懷疑誤控斷令劃定界址飭遵完案二十二年九月二十九日曾文瑞與弟會序赴田巡視適朱白朱幅朱旺先在已田工作朱白向曾文瑞言及前次控案係由



伊父曾定憫誤控之非曾文瑞不服爭鬧并舉拳向毆朱幅朱旺上前攔勸曾文瑞詈其幫護朱旺用鑲鉄尖挑戳傷曾文瑞左腿曾文瑞轉向朱旺撲打朱幅恐朱旺吃虧順用舂泥木槌毆傷曾文瑞右腋肱曾文瑞奪過木槌回毆朱幅閃側拾取木挑毆傷曾文瑞左臂膊並戳傷其腰眼倒地墊傷左右膝曾序喝阻不及回報曾步雲趕往查看曾文瑞旋即殞命報縣驗訊通詳飭緝兇犯未獲照例開叅嗣該前縣鄭瑤

傳到朱土並朱衍之子朱秋查訊押追根究朱幅等下落旋因朱土朱秋患病取保釋回曾步雲素知朱幅族人朱凌漢朱麟書與縣書朱周交好朱幅等在逃未獲心疑朱凌漢等串同胥役弊縱又見朱土等在押放回疑係賂差私釋并誤聞朱炙當時在場隨捏曾文瑞被朱幅朱旺朱炙佔田搶割致斃朱凌漢等串同胥役舞弊朦詳賂釋賄縱等情先後赴院司道府衙門呈控均經批飭嚴拏究辦詎兇犯朱幅等日久

未獲曾步雲因兄命無償復赴步軍統領衙門  
呈控遞回質審各供前情不諱臣復嚴加究詰  
據朱幅等堅供實係一時口角起衅爭毆適傷  
並非有心致死委無佔田搶割情事質之原告  
曾步雲亦自認砌詞飾控矢口不移案無遁飾  
查律載共毆人致死以致命傷爲重下手致命  
傷重者絞監候餘人杖一百又告二事以上重  
事告實輕事招虛者免罪各等語此案曾文瑞  
先被朱旺戳傷不致命左腿尚能趕毆迨被朱

幅戳傷致命腰眼立時倒地其傷甚重應以朱幅擬抵朱幅合依共毆人致死以致命傷爲重下手致命傷重者絞律擬絞監候朱旺合依餘人律杖一百事犯在嘉慶二十五年八月二十七日欽奉

恩詔以前朱幅朱旺所得絞杖各罪均請援免仍於朱幅名下勒追埋葬銀二十兩給付屍親具領倘釋放後再行滋事犯法應照所犯之罪加一等治罪曾步雲所控朱凌漢等串囑書差賄縱

訊係懷疑誤告其所控朱幅等佔田搶割雖係  
虛詞第呈訴命案重事業已訊明屬實應照律  
免議朱水娘朱秋訊係無干亦毋庸議未到人  
証均免提質曾朱兩姓田畝仍飭按照劃定界  
址各管各業除備錄全案供招咨部並咨步軍  
統領衙門外所有審明定擬緣由理合恭摺具

奏伏祈

皇上聖鑒勅部核覆施行謹

奏

道光二年三月二十四日拜發五月初三日接  
奉

硃批刑部議奏欽此

五  
卷二

卷二

五

閩浙總督臣慶保  
護理福建巡撫布政使臣徐忻跪

奏爲琉球國恭遣陪臣賚進慶賀

表文方物到閩循例奏

聞仰祈

聖鑒事竊臣等接據署福建布政使吳箴詳稱接准

琉球國中山王尚灝來咨該國僻處海隅世沐

天朝鴻恩有加無已恭逢

皇上膺圖受籙正朔惟新敬遣陪臣王舅向廷謀正

議大夫鄭文洙敬謹賚捧



表文恭

進慶賀方物赴京叩祝

聖釐又肅脩

仁宗睿皇帝香燭祭品於本年二月二十一日駕坐船

隻到閩抄錄該國王咨送奏稿詳請具

奏前來臣等查琉球國恪守藩封素稱恭順茲因

欽逢

鉅典遣使賫表伸悃遠涉風濤之險用抒嚮慕之誠  
愛戴情殷陳詞懇切除飭司選派妥員照料該

使臣等暫在驛館安置另行委員伴送赴京賚  
進外理合恭摺具

奏並照繕該國王咨到奏稿敬呈

御覽伏祈

皇上聖鑒謹

奏

道光二年三月二十八日拜發五月初三日接  
奉

硃批該部知道欽此

					一 二 三 四 五 六 七 八 九 十 十一 十二 十三 十四 十五 十六 十七 十八 十九 二十 二十一 二十二 二十三 二十四 二十五 二十六 二十七 二十八 二十九 三十 三十一 三十二 三十三 三十四 三十五 三十六 三十七 三十八 三十九 四十 四十一 四十二 四十三 四十四 四十五 四十六 四十七 四十八 四十九 五十 五十一 五十二 五十三 五十四 五十五 五十六 五十七 五十八 五十九 六十 六十一 六十二 六十三 六十四 六十五 六十六 六十七 六十八 六十九 七十 七十一 七十二 七十三 七十四 七十五 七十六 七十七 七十八 七十九 八十 八十一 八十二 八十三 八十四 八十五 八十六 八十七 八十八 八十九 九十 九十一 九十二 九十三 九十四 九十五 九十六 九十七 九十八 九十九 一百
--	--	--	--	--	--

再琉球國歷係兩年一次

貢獻方物向有接

貢船隻來閩恭迎

勅書賞賜茲據署布政使吳篋詳稱上屆嘉慶二十  
五年該國遣使進

貢現在接

貢夷人等卽附搭此次

貢使船隻之內同日到閩除飭一併安插驛館妥  
爲照料外理合附片奏

聞謹

奏

同日奉

硃批知道了欽此

浙江總巡 撫臣 帥承瀛  
閩浙總巡 督臣 慶保  
兩江總巡 督臣 孫玉庭  
江西巡撫 撫臣 毓  
護理福建巡撫 徐  
政使 臣 徐

奏為查明封禁山並無流民潛匿等議各添巡防

嚴密稽察章程恭摺會

奏仰祈

聖鑒事竊 臣等欽奉

諭旨御史朱為弼奏江西浙江福建連界之封禁山  
近有無藉之徒盤踞山內伐木作炭墾種地畝著  
各該督撫會籌妥議密查封禁山之內是否果有

流民潛匿居住相機辦理等因欽此時臣慶保毓

岱尚未到任臣孫玉庭等隨卽欽遵咨行各派

委員前往封禁山密查旋據委員稟覆查無流

民在山潛住臣等因核所稟該山出入路徑情

形尚未詳細復飭確切查勘嗣臣毓岱欽奉

諭旨飭令督同臣邱樹棠確查會同三省督撫妥議

具奏隨於抵任後添派委員會同覆查臣慶保

到任飭據委員勘覆因仍未涉歷全山隨嚴飭

覆勘一面籌議巡查章程所有臣等先後查辦

緣由均經恭摺

奏蒙

聖鑒在案茲據江西九江鎮臣塔青阿福建署建寧  
鎮趙裕福浙江署衢州府知府譚瑞東會同各  
委員等稟稱遵卽馳抵封禁山勘得該山周圍  
三百餘里除山場地畝業經報墾陞科外寔在  
封禁之山約計百餘里該山南屬福建之崇安  
浦城二縣北屬江西之上饒廣豐二縣崇安與  
上饒毘連以岑陽關爲界浦城與廣豐毘連以



梅溪關爲界禁山之外廣豐縣境內有小徑二條一通浙江之江山等縣一通浙江之龍泉等縣其坐靠閩省各山均係高峰峻嶺浙省又中隔民山三百餘里向來入山均須由江西各汛進口隨從上饒外口之高洲汛廣豐外口之橫山殿汛由內口范家坳脫衣塘各汛深入禁山之內連日各處搜查寔無流民在內潛匿居住惟山內樹木叢密間有砍伐之處訪詢土人據稱附近居民間有進山樵採並無外來流民等

情將該山內外路徑繪圖稟覆前來臣等伏查封禁山界連江西福建而管轄禁山之江西廣豐縣福建浦城縣又通浙省路徑紛岐則人易偷越林菁深僻則地易藏奸江閩兩省歷次籌議設卡防守每年責令文武員弁巡哨查禁不爲不嚴前據御史朱爲弼以聞有無藉之徒在山盤踞伐木作炭墾種地畝奏奉諭旨飭查並於臣等覆奏摺內荷蒙恩訓認真料理仰見

皇上聖謨遠大杜漸防微之至意臣等敬謹凜遵遴  
員前往密查確訪復飭令遍入深山逐一搜勘  
茲據查覆寔在並無流民在內潛匿居住三省  
文武各員分查會勘先後所稟相同似屬可信  
惟防弊必於未萌立法期於經久禁山之內雖  
無沃土良材而樹木叢密燒炭作飄均可漁利  
利之所在卽衆之所趨現在雖無潛匿之人日  
久難保無偷藏之弊如狃於目前而不計久遠  
恐轉因安靜而漸致懈弛且據查該山間有附

近居民進山樵採可見御史所奏非盡無因在窮民偶爾樵爨原與流棍盤踞有間惟禁之不早安知該居民不借樵採之名而啓勾引容留之弊杜漸防微尤關緊要現在臣等將居民樵採一節剴切出示勒石嚴禁所有禁山與民山交界處所均豎立高大石碑以分界限如有越界樵採之徒立即嚴拏究辦至該山四面舊設防守汛卡已屬周匝惟山谷之蹊徑變遷無定匪徒之出沒踪跡靡常一處稍疎卽有一處可

蹈之隙一日偶懈卽有一日可乘之機必須要  
隘之防閑密之又密員弁之稽察勤而又勤方  
可經久無弊臣等熟籌審計各就境內添設巡  
防使三省之稽察節節認真斯全山之籓籬層  
層周密謹將籌議章程爲我

皇上陳之

一江西上饒廣豐二縣應各添巡卡一處并責  
令員弁按月巡查也查封禁山西北岑陽關以  
內係上饒縣所轄向設有外口高洲船坑岑陽

源口四汛又理錢村總口一汛內口范家坵金竹坪螺螄尾燈盞塘四汛封禁山東北梅溪關以內係廣豐縣所轄向設有外口橫山殿霞霧嶺小峰汛木城關四汛又水洋坑總口一汛內口脫衣塘洞門底坵頭橫稜四汛外口界在民山內口與禁山貼近今據委員勘稟臣等詳查確核江西爲禁山進口之地欲嚴出沒之防必扼路徑之要上饒入山路徑三處一係高洲一係鉄山街一係源口高洲源口均已設汛惟鉄

山街地方向未設卡該處距外口各汛較遠住  
有居民路頗平坦從此入山可以繞過內口各  
汛易滋偷越廣豐縣入山路徑三處一係橫山  
殿一係霞霧嶺一係小峯汛均已設汛惟離小  
峯汛四十里之小峯村地方向未設卡該處南  
距福建梅溪汛十五里可以直達禁山均屬要  
隘應於鉄山街小峯村二處各添一卡由九江  
鎮營每卡撥兵四名駐劄防守庶防範益臻周  
密第兵丁分卡散居無所董率若不隨時督察

則日久懈生匪徒潛行偷度不擇險夷非逐處  
搜查恐顧此失彼必須派定員弁按期巡察方  
足以專責成而收寔效查上饒八房場巡檢廣  
豐洋口司巡檢均與封禁山相近應令該巡檢  
等會同上廣兩營外委一員每月分帶兵役十  
名入山巡查兩次搜查山內有無流民稽考卡  
兵是否足額有無疎懈按次通報其該巡檢外  
委有無虛捏由各該縣縣丞及該營千總就近  
指察按月報查並令廣信府通判會同該營叅



將每季入山查勘一次仍責成該府縣隨時督查並將員弁是否寔力奉行之處按季結報如有巡查不力之員卽行據寔叅辦倘知府叅將扶同徇隱一并叅處至饒九道九江鎮每年巡查會哨之處仍照舊例辦理則禁山之內此來比往無旬日不查之時深入窮搜無一處不到之地惟是此等微末員弁若不給以薪水之資恐致畏難飾報待至查出叅處於巡緝已多廢弛自應量爲酌給以收寔效其進山巡查之巡

檢外委縣丞千總每年每員酌給巡費銀三十兩通判叅將每年各給巡費銀五十兩以爲夫馬薪水之資巡山兵役每名每次給薪水銀五分此項經費爲數無多由臣江西巡撫衙門暨藩司巡道捐給如此隨地防閑隨時巡察庶山外無從私越山內無從潛藏員弁不致畏難兵役不敢懈惰於巡防較有寔濟矣

一福建應於浦城要隘添設一汛並於崇安原設汛內酌加兵丁仍令知縣道府分巡會查也

查封禁山之東南屬浦城縣管轄向設梅溪鷓  
鴣二汛正南西南屬崇安縣管轄向設山均新  
嶺岑陽三汛派撥兵丁分汛巡防該二縣所轄  
均係禁山之背其與民山毘連處所俱係峭壁  
中隔深澗並無路徑可通舊設各卡已屬周密  
惟匪徒之偷越有間卽乘兵弁之稽查以多爲  
貴未便因入口門戶盡在江西稍有踈忽查浦  
城所轄境內有張村地方在山均塘之東與浦  
城交界尙未設卡該處逼近禁山之九井山等

處雖地甚險峻而旣與禁山逼近卽應嚴加防  
閑崇安所屬之山坳塘與禁山內口江西上饒  
縣之范家坳相近從前本有小路可通禁山現  
在雖無舊逕究屬要隘該汛向止設兵五名亦  
恐巡察難周應請於浦城之張村添設一汛撥  
兵五名責成浦城汛弁查察並於崇安山坳塘  
添派兵丁三名以資巡緝第兵弁微末誠恐日  
久懈弛必須大員隨時稽察向例每年秋冬建  
寧鎮總兵與江西九江鎮會哨一次嗣後每年

於舊例兩鎮會查之外閩省再派浦城崇安二縣按月分巡一次該管巡道知府每季入山會查一次均責令親身前往周歷查察將有無流民潛匿私越之處具結申報如員弁虛應故事巡察不寔卽行據寔叅辦如此增汛添兵共計閩省連界之處已有六汛星羅碁布互相稽察防範益臻嚴密矣

一浙江之江山龍泉等縣應令文武員弁隨時查察按季巡哨以昭嚴密也浙省衢州府屬之

江山縣與江西廣豐接界計程七十五里再由廣豐界南去一百二十餘里爲禁山外口又處州府屬之龍泉縣與福建浦城接界距禁山三百四十餘里須由浦城取道以達禁山是該二縣之距禁山俱二三百里不等且均有民山間隔並無小路徑達禁山之處但其間多係崇山峻嶺荒僻無人現經江閩兩省嚴設汛防層層稽察未便以浙省相距較遠防範稍疎臣慶保與臣帥承瀛往返咨商查衢處二府俱設有總

兵一員其分駐各營汛俱極周密無庸復議更張應請嗣後飭令衢州處州二府督率江山龍泉等縣會同各該營弁隨時查察並令每年每季由該總兵派委都守一員會同文員前至廣豐浦城交界地方於各處山隘巡哨一次具結通報查核如有怠玩虛捏情弊立即據寔奏辦如此則巡哨嚴密自可無匪徒偷越之虞而於江閩兩省之汛防聲勢益徵聯絡矣

以上各條臣等再四籌畫往返會商意見相同

雖分地以巡防寔合力以整飭臣等仍當一體  
嚴飭員弁寔力認真互相覺察並隨時遴派誠  
寔可靠之員改裝密訪務期整飭巡查不致有  
名無寔始勤終怠使禁山嚴密安靜經久無弊  
仰副

聖主綏靖地方至意所有臣等會同查議緣由謹合  
詞恭摺具

奏並繪山圖恭呈

御覽伏乞



皇上聖鑒訓示謹

奏

道光二年閏三月十二日拜發五月初七日閩  
浙總督在浙江海寧州舟次接奉

硃批隨時認真巡緝不可日久生懈所奏知道了欽  
此

閩浙總督臣慶保跪  
護理福建巡撫布政使臣徐忻

奏爲應發本年臺灣澎湖餉項分載兵船委員督  
運循例具

奏仰祈

聖鑒事竊臣等接據署藩司吳篋詳稱道光二年臺  
灣各營應領俸餉馬乾養廉等銀二十二萬六  
千七百六十五兩零內據臺灣府查照歷辦成  
案將臺灣各廳縣應解錢糧等欸詳請劃抵銀  
三萬二千四十一兩零又臺灣文武員弁兵丁

應扣應追各項並歸補司庫要款由司酌扣銀  
四萬二千五百四十二兩零實支銀一十五萬  
二千一百八十一兩零又澎湖二營應領俸餉  
等銀三萬五千四百一十二兩零內據澎湖通  
判查照歷辦成案詳請劃抵銀一千五百三十  
六兩零由司酌扣要款銀七千二百七十二兩  
零實支銀二萬六千六百三兩零又應發還臺  
灣府庫墊給班兵餉銀等項共銀四萬一百五  
十九兩零以上統計發銀二十一萬八千餘兩

應調撥兵船八號分載運交所需防船軍火及  
弁兵口糧卽於額派出洋緝匪弁兵數內挑帶  
支給等情詳請具

奏前來 臣等查臺灣澎湖遠隔重洋兵餉緊要歷  
年俱經酌撥兵船裝運並派水師大員督解本  
年仍應照辦除移咨水師提督挑選堅固兵船  
八號配足軍火砲械撥赴廈門均勻裝配專委  
銅山營叅將孫得發督飭領餉暨委護員弁小  
心管運分赴臺灣澎湖交收外謹循例恭摺具

奏伏祈

皇上聖鑒謹

奏

道光二年閏三月十二日拜發五月初七日閏

浙總督在浙江海寧州舟次接奉

硃批知道了欽此

閩浙總督臣慶保跪  
護理福建巡撫布政使臣徐浙

奏爲琉球國貢

貢使臣自閩起程進京日期循例奏

聞仰祈

聖鑒事竊照琉球國王尚灝恭遣陪臣貢捧慶賀

表文方物到閩經臣等飭令暫在驛館安置

奏明另行委員伴送進京在案茲該使臣向廷謀  
等業將

表文貢物敬謹裝束定期於閏三月二十二日自

閩起程恭查嘉慶十六年欽奉

諭旨嗣後遇有外藩使臣入貢著各該督撫均於文武員弁內揀派明幹者兩三員伴送來京以昭慎重欽此欽遵在案茲查有延平府知府兼護延建邵道蔡鑾揚候補直隸州知州陳士榮督標中軍副將張斯賢堪以委令伴送臣等已分咨前途經由各省一體派員接護並面囑該委員等沿途妥爲照料事竣仍令照例伴送回閩理合恭摺具

奏伏祈

皇上聖鑒謹

奏

道光二年閏三月十六日拜發四月二十日恭  
遞五月二十二日接奉

硃批知道了欽此



四不書三子子子

卷三

三

--	--	--	--	--	--	--	--	--	--

閩浙總督臣慶保跪  
護理福建巡撫布政使臣徐忻

奏爲福州泉州臺灣三廠修造戰船動支銀數循

例奏

聞事竊照修造戰船銀數在五百兩以上例應奏明  
辦理茲據署福建布政使事督糧道吳箴詳稱  
烽火營慶字四號船一隻屆應小修又慶字一  
號船一隻屆應拆造移准塩法道王楚堂檄委  
署福州府瑞齡勘覆該二船均已損壞不堪駕  
駛應行分別修造由道按例估計除酌扣舊料

變價銀一百三十八兩零實應給正價銀二百四十六兩八錢零應給津貼並另加銀四百四十八兩二錢零又金門鎮右營湯字三號船一隻屆應拆造又水師提標右營萬字三號四號船二隻屆應大修又萬字八號船一隻屆應小修移准興泉永道倪琇檄委廈防同知陞寶勘覆各該船均已損壞不堪駕駛應行分別修造由道按例估計除酌扣舊料變價銀二百七十七兩六錢零實應給正價銀六百五十五兩七

錢零應給津貼并另加銀一千九十六兩零又  
臺灣協中營善字二號左營善字五號六號右  
營善字七號九號船五隻屆應大修又艍舩營  
知字十四號船一隻屆應小修移准臺灣道胡  
承琪檄委攝理臺防同知蓋方泌勘覆各該船  
均已損壞不堪駕駛應行分別修理由道按例  
估計善字二號等船五隻除酌扣舊料變價銀  
二百五十四兩零寔應給正價銀二百六十八  
兩五錢零應給津貼並另加運費銀五百二十

三兩二錢零均請在於司庫道光元年地丁存  
公各銀內分別動支其臺灣營大修船五隻應  
給另加津貼運費銀四百六十一兩九錢零在  
於臺灣所屬耗羨銀內動支各等情詳請具

奏前來 臣等查各該船應拆應修已屆例限既據  
委員勘驗損壞屬寔亟須分別修造所估例價  
貼運銀兩應准動支給發飭令依限趕辦以資  
配緝除分案另疏具

題外理合恭摺具

貼運銀兩應准動支給發飭令依限趕辦以資  
配緝除分案另疏具

題外理合恭摺具

奏伏祈

皇上聖鑒謹

奏

道光二年閏三月十六日拜發四月二十日恭  
遞五月二十二日接奉

硃批另有旨欽此

道光二年四月二十一日內閣奉

上諭慶保等奏請動項修造戰船一摺福建福州泉州臺灣三廠戰船內現有損壞船隻不堪駕駛據該督等查明均屆例限亟須分別修造著照所請除酌扣舊料變價銀兩外所有估需例價貼運等銀均准其在于司庫道光元年地丁存公各款內照數支給其臺灣營大修船五隻應給另加津貼運費銀四百六十一兩零卽著於臺灣所屬耗羨銀內動支該督等務分飭各屬依限趕辦以資配

緝工竣核實驗銷該部知道欽此



附錄

卷三

三

閩浙總督臣慶保跪  
護理福建巡撫布政使臣徐忻跪

奏為委署知府兼護道篆循例奏

聞仰祈

聖鑒事竊照延平府知府兼護延建邵道蔡鑿揚現

經委令伴送琉球使臣進京所遺員缺應即委

員接署查有應補泉州府揀調遺缺知府錫霖

經前任撫臣顏檢會同臣慶保

奏明俟新授興化邵武各實缺知府陸續到齊察

看何員堪勝泉州府繁缺之任再行

今特傳聞

三

奏請分別調補荷蒙

俞允在案現在該府錫霖業已到閩而興化邵武等府均尚未到應請卽委錫霖先行署理延平府知府其本任知府蔡鑾揚兼護延建邵道篆務查新任道員孔昭虔不日可到應令錫霖暫爲兼護茲據署藩臬兩司具詳前來除檄飭遵照外理合循例具

奏伏祈

皇上聖鑒謹

奏

道光二年閏三月十六日拜發四月二十日恭

遞五月二十二日接奉

硃批知道了欽此

平不書古三又三止

三三

三三

閩浙總督臣慶保跪  
護理巡撫使臣徐斯

奏爲甄汰衰病闕茸之知縣請

旨分別降補勒休以肅吏治事竊照知縣爲親民之  
官必須勤幹有爲方足以資治理 臣等隨時留  
心察訪查有署順昌縣知縣呂淳建陽縣知縣  
劉俊哲於所屬地方捕務未能認真偵緝 臣慶  
保於校閱營伍時途次接見察看該二員才識  
迂鈍不能振作又福安縣知縣劉忠皓年力衰  
邁諸事因循福鼎縣知縣文中運染患中風病

證雖已漸痊尚覺精神恍惚手足動作均不能  
舒展自如又試用知縣樊裕發識見迂拙難膺  
民社均未便任其戀棧致滋貽誤臣等查署順  
昌縣知縣呂淳試用知縣樊裕發皆由舉人大  
挑知縣建陽縣知縣劉俊哲由拔貢卽用知縣  
該三員年力正強以之司鐸尚堪勝任相應請  
旨以教職降補其福安縣知縣劉忠皓福鼎縣知縣  
文中運或精力就衰或病體竭廢應請  
旨勒令休致仍查明該員等經手倉庫錢糧有無未

清另行核辦外謹恭摺具

奏伏祈

皇上聖鑒謹

奏

道光二年閏三月十六日拜發四月二十日恭

遞五月二十二日接奉

硃批另有旨欽此

道光二年四月二十一日內閣奉

上諭慶保等奏甄汰衰病闕茸之知縣請分別降補



勒休一摺署順昌縣知縣呂淳建陽縣知縣劉俊  
哲捕務未能認真試用知縣樊裕發識見迂拙惟  
該員等係舉人拔貢出身尚堪司鐸呂淳劉俊哲  
樊裕發俱著以教職降補福安縣知縣劉忠皓年  
力衰邁福鼎縣知縣文中運染患風症俱著勒令  
休致該部知道欽此

護理福建巡撫布政使臣徐忻跪

進

蓮心茶五大瓶

花香茶六大瓶

鄭宅芽茶三十小瓶

鄭宅片茶三十小瓶

燕窩二匣

道光二年閏三月二十二日恭進

甲子年三月二十三日

十一

護理福建巡撫布政使 臣徐忻跪

奏爲恭報三月分雨水糧價情形仰祈

聖鑒事竊照福建省本年二月分雨水糧價情形業

經 臣恭摺

奏報在案嗣據內地九府二州屬具報三月上旬

初三四初五初六初七初九中旬十一二十六七

下旬二十四五六二十八九等日甘霽頻霑餘

日陰晴相間正當二麥成熟早稻插秧之候得

此暘雨應時暄潤相濟洵於農田有裨茲據署

藩司吳箴彙開各屬糧價前來 臣覆加查核較  
上月有減無增民氣恬熙地方安靜堪以仰慰  
聖懷謹繕內地本年三月分並臺灣府屬上年十二  
月分及本年五月分糧價清單恭呈

御覽伏祈

皇上聖鑒謹

奏

道光二年閏三月二十六日拜發四月二十五  
日恭遞五月二十七日接奉

殊扯知道了欽此

人...  
一  
...



再福建省收捐監生自嘉慶五年三月起至道光二年二月止共收銀一百七十一萬七千六百四十兩除節次解部動撥並歸補司庫封貯等項外計存銀四萬三千一百二十兩經臣於

上月

奏報在案茲據署布政使吳箴詳稱道光二年三月分收捐監生銀四千五百兩連前共存銀四萬七千六百二十兩理合附片奏

聞謹



附錄書目考正 卷二

三

奏

同日奉

硃批覽欽此

護理福建巡撫布政使臣徐圻跪

奏爲恭報閩省內地各屬二麥收成分數仰祈

聖鑒事竊照福建省入春以來二麥情形經臣於每

月雨水糧價摺內

奏報在案茲當成熟之候將次刈穫登場據署布政使吳箴詳稱查明內地九府二州屬二麥收成分數分晰造冊請

奏前來臣覆加查核收成九分者龍溪等六縣收成八分有餘者閩縣等十九州縣收成八分者

福清等二十一縣收成七分有餘者長樂等十  
一縣收成七分者惠安等三州縣合計閩省內  
地九府二州屬道光二年分二麥收成共八分  
有餘除飭臺灣府屬趕緊查報並照例另疏具

題外理合恭摺奏

聞並繕清單恭呈

御覽伏祈

皇上聖鑒謹

奏

道光二年閏三月二十六日拜發四月二十五日  
恭遞五月二十七日接奉  
硃批知道了欽此

老三

三

謹將福建省內地九府二州屬道光二年分二  
麥收成分數敬繕清單恭呈

御覽

收成九分者六縣

龍溪縣 詔安縣 將樂縣 沙縣

光澤縣 德化縣

收成八分有餘者十九州縣

閩縣 侯官縣 羅源縣 永福縣

漳浦縣 海澄縣 順昌縣 建陽縣

崇安縣 政和縣 邵武縣 長汀縣

歸化縣 連城縣 上杭縣 武平縣

永定縣 福安縣 永春州

收成八分者二十一縣

福清縣 古田縣 屏南縣 仙遊縣

安溪縣 長泰縣 平和縣 南平縣

尤溪縣 永安縣 建安縣 甌寧縣

浦城縣 松溪縣 建寧縣 泰寧縣

清流縣 寧德縣 壽寧縣 大田縣

寧洋縣

收成七分有餘者十一縣

長樂縣 連江縣 閩清縣 莆田縣

晉江縣 南安縣 同安縣 寧化縣

霞浦縣 福鼎縣 漳平縣

收成七分者三州縣

惠安縣 南靖縣 龍巖州

通計福建省內地九府二州屬二麥收成

共八分有餘



口不事与三考正

卷三

二十七

閩浙總督臣慶保跪  
護聖福建巡撫布政使臣徐忻

奏爲酌籌陸路緝匪經費以裨捕務仰祈

聖鑒事竊照閩省舟師出洋巡緝節經前督撫臣體  
察情形奏請借撥司庫銀兩發商生息以爲各  
官兵緝匪津貼口糧等項之用迄今按款核支  
無虞掣肘惟查陸路延平建寧邵武汀州等處  
向有擔匪丐匪會匪等項名目或假充夫役乘  
機竊劫或討乞爲名擾害鄉里或結黨成羣肆  
行搶奪甚至擄人勒贖恃衆逞兇節經嚴飭文

武寔力踵緝近日疊據各該屬申報獲犯解訊  
尚不敢稍有疎縱無如懸賞購線差役盤費委  
員薪水在在均需籌措地方官每因用項無出  
不免心存觀望是以歷年來各屬盜案疎防承  
緝不力依限開叅者層見疊出伏思奸宄一日  
不除則閭閻一日不靖欲速收弭盜之效必先  
籌捕盜之資臣等再四熟商因思近日洋面祇  
有零星土盜疊經嚴飭水師寔力偵緝並責令  
沿海營縣嚴拿接濟透漏無難淨絕根株核計

所需經費較前稍減尚可酌盈劑虛應請將前  
督臣阿林保等於嘉慶十四年奏明借撥關稅  
盈餘項下銀十萬兩發商生息案內歲額息銀  
一萬二千兩每年酌撥一半銀六千兩作爲陸  
路緝匪之用如此挹彼注茲既無須另請

帑項而地方捕盜有資可期應手弋獲於除暴安  
良之事洵有裨益臣等爲整飭捕務綏靖地方  
起見是否有當理合恭摺具

奏伏祈

皇上聖鑒謹

奏

道光二年閏三月二十六日拜發  
日恭遞五月二十七日接奉

硃批另有旨欽此

道光二年四月二十六日內閣奉

上諭慶保等奏酌籌陸路緝捕經費一摺閩省陸路延平等處盜案較繁緝捕用項無出自應酌籌經費以資捕務著照所請准其於借撥關稅盈餘項

下歲額息銀內撥銀六千兩作爲陸路緝匪之用  
該地方旣捕盜有資可期應手弋獲務須實力偵  
緝俾奸宄淨除用收實效該部知道欽此

口  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

一

閩浙總督臣慶保跪  
護理福建巡撫布政使臣徐忻跪

奏爲查明閩省攤捐各款酌擬請刪請留恭摺覆  
奏仰祈

聖鑒事案准戶部咨開奉

上諭英和等奏各省捐攤流弊請定限制一摺各省  
地方公務應行動項借項辦理者原准於正項及  
耗羨項內動支如有不敷亦准其於存留襍項充  
公銀兩內酌加津貼而近來州縣捐攤之款按缺  
分派自數百兩至數千兩不等逐年遞加何所底



止扣廉不敷復令解繳州縣竭蹶以供每至侵公帑而股民生現經戶部查明各省捐攤欸目曾經奏明報部者多係辦理軍需省分通省扣廉不過一二三成而止其餘省分並無捐攤案據何以紛紛派累所在多有著通諭各直省督撫嗣後應用欸項務令按例支銷如例支實有不敷必應按缺扣廉者各將應扣成數奏明請旨其扣過銀數仍於歲底彙奏一次以資考核而示限制其向來浮多不清之扣欸概行刪除毋得陽奉陰違仍滋流

弊欽此仰見

聖主體恤周詳俾臣工等祿入足瞻其身家得項足  
養其廉潔曷勝欽感悅服伏查閩省每歲扣廉  
之款爲數不貲臣等悉心酌核謹將應刪應留  
各款分別詳細陳之

一攤扣核減軍需銀兩應請裁革也查閩省攤  
捐養廉惟軍需一欵最爲喫重緣乾隆五十一  
年剿辦臺灣逆匪林爽文六十年剿辦逆匪陳  
周全嘉慶十年剿辦逆匪蔡牽以上三案共動

用餉銀九百九十餘萬兩奉部駁減並按例核  
刪銀二百四十餘萬兩在於各官養廉內按二  
成核扣自乾隆五十八年起除豁免追完及事  
故各員空缺外計已捐扣銀四十一萬餘兩尚  
未捐扣銀一百七十九萬餘兩每年司道以下  
州縣以上通省應支養廉銀十一萬餘兩共應  
捐扣銀二萬餘兩須俟八十餘年方能完竣於  
國帑所補無多而於各員辦公每形竭蹶且支用  
在數十年以前分賠在數十年以後事非經手

人非同案與

恩詔條款內應行豁免之例相符相應仰懇

聖恩俯准刪免

一錢局加買紅銅價值應請作正開銷也查閩省採辦滇銅鼓鑄因滇省硎老山空所產之銅成色低潮僅有八成經前督臣玉德等

奏明加買二成以資配鑄計額銅四十二萬觔應加買二成銅八萬四千觔並所需耗銅水脚等項由閩省捐廉辦理自

奏准加買以來歷辦四次共應捐廉銀六萬一千餘兩現在祇捐銀一萬五千餘兩尚未捐銀四萬五千餘兩至今墊款久懸仍屬有名無寔伏思加買銅觔鼓鑄原係

國家正用現奉

諭旨應用款項務令按例支銷所有前項未捐銀兩應請作正開銷嗣後循照辦理毋庸再行攤扣一緝匪墊用銀兩應請以生息存款撥抵也查閩省從前海洋不靖需用浩繁曾於嘉慶六年

間詳定凡例不准銷之款先行墊用以濟急需  
事後仍於各官養廉內勻捐歸補迨後嘉慶十  
四年雖設有關稅生息銀兩作爲緝匪例不准  
銷之用無如歲額所入除按年動用外盈餘無  
多勢不能將節年例外墊款全數歸補是以相  
沿仍按廉勻派現在海洋漸就肅清關稅生息  
款內積有餘存銀四萬七千餘兩自未便再令  
各官攤補查節年例外墊用緝匪未歸銀四萬  
二千餘兩應請於生息項下如數撥清毋庸再

行攤派

一年例應捐及隨時派捐各款應仍循照舊章辦理也查閩省向有應解內閣飯銀三百兩係由督撫藩司捐解其通省公捐者如提塘報資刊刻條例膳黃工料資助窮員津貼運銅及運解顏料盤費增設塘站夫工食加給驛遞各夫工食津貼囚糧藥資添設禁卒工食解運坵折船價每年共應捐銀一萬九千餘兩有自雍正年間詳定者有自乾隆年間起捐者均係事所

必需歷今數十年捐解無異實係難以裁減應  
仍請照舊攤捐此外如部頒則例各書應繳工  
價添造戰船不敷例價及本省修理鎮海樓琉  
球館工料攤捐無著京借養廉等項本非常年  
所有歲無定額向係隨時派捐墊款支發事後  
歸補從前清理司庫曾經

奏咨有案現在尚有未捐銀四萬三千餘兩均係  
有關歸補司庫之款仍應按照舊章捐補以清  
墊項



以上各條臣等通盤籌計再四熟商應刪者免致辦公竭慮應留者均係勢難減裁理合查明

恭摺覆

奏伏祈

皇上聖鑒謹

奏

道光二年閏三月二十六日拜發四月二十五

日恭遞五月二十七日接奉

硃批另有旨欽此

道光二年四月二十六日奉

旨著交戶部查核具奏欽此



護理福建巡撫布政使臣徐忻跪

奏爲審明南安縣民謝乞京控一案按律分別定

擬恭摺具

奏仰祈

聖鑒事竊照泉州府南安縣民謝乞赴京具控葉時  
等劫殺伊母謝黃氏並伊伯叔謝彭謝鹿三命  
武生葉學海串通賄脫歷控不辦等情經都察  
院訊供具

奏道光元年九月初八日奉

旨此案著交顏檢親提人証卷宗秉公嚴訊案關刦  
殺三命延擱多年該撫卽飭屬嚴拿正克務獲如  
已革武生葉學海寔有賄串情弊一併提究按律  
定擬具奏原告謝乞該部照例解往脩質欽此於  
十一月二十日由部將原告謝乞遞解到閩經  
前撫臣顏檢檄飭嚴拿各犯解省審辦嗣據該  
府縣先後報獲犯証葉鉄葉九蓮葉時葉學海  
葉式薦並葉春輕葉添香葉致葉廣大葉草等  
提同差役王泰洪治連卷申解到省聲明被告

案犯葉壽山葉添恩葉開葉完等俱已身故訊  
取族隣供結存卷等情臣卽親提各犯証逐一  
嚴訊緣葉銑等與謝乞之母謝黃氏胞伯謝彭  
堂叔謝庇隣村居住素無嫌隙葉銑等族人葉  
壽山有園地一坵栽種地瓜雜糧與謝姓住屋  
毘連常被謝姓放畜踐踏嘉慶六年十一月十  
九日傍晚已故案犯葉壽山葉開葉完葉添恩  
同到案之葉九蓮葉時各帶柴刀砍柴走回路  
經園邊葉壽山見謝姓猪牛復在園內踐食邀

同葉開等上前趕打致猪牛驚逸村外謝庇瞥見斥罵執棍趕毆葉時用刀格開戟傷謝庇左肋葉開亦刀戳謝庇左後肋跑走謝庇轉身追趕葉壽山攔阻謝庇卽向撲毆被葉壽山格格落木棍刀戳肚腹倒地謝庇之嫂謝黃氏拉住葉九蓮喊嚷葉完葉添恩趕上勸解謝黃氏斥其幫護當被葉添恩刀砍左耳根葉完砍傷左太陽謝黃氏扭住葉九蓮拚命葉九蓮掙扎不脫用刀嚇砍適傷謝黃氏咽喉鬆手倒地謝庇堂

兄謝彭聞鬧趕出喊衆幫毆適葉鉄赴蔡守宿  
帶有裝便防獸竹銃經見喝阻謝彭拾石擲打  
葉鉄點銃嚇放致傷謝彭肚腹倒地維時謝黃  
氏之子謝乞謝庇之子謝仁自外回家查問謝  
黃氏謝庇尚能言語告知先後被傷情由是夜  
俱各因傷身死謝彭亦於次早殞命是日謝彭  
姪婦謝方氏帶同幼男謝雙謝蔭幼女謝罔娘  
並週歲小女往葉姓村內親戚葉檜葉黃氏  
家探望留住未回謝彭堂弟謝學隨添砌葉姓



匪徒各執竹銃刀械夤夜入室搜劫謝彭等抵禦被殺斃命並擄去男婦幼孩五人開粘贓單同謝乞謝仁連名報縣經前南安縣譚掄勘驗通報傳到葉姓族長等查訊僉供謝方氏等五人實係探親留住後經回歸復傳謝學謝乞謝仁質訊當堂出具謝方氏等均非被擄甘結附卷嗣謝學等因葉姓族人武生葉學海卽葉朝恩在鄉素稱能事爲族衆信服託其幫擒兇犯葉學海不理謝學隨赴縣府指告串役賄縱二

十五年四月間有葉式薦呈控梁業欠伊販苧  
番銀百元請縣拘追梁業隱恨葉式荐指控設  
計傾陷並與葉學海素有嫌隙捏稱兇犯葉時  
倚恃武生葉學海賄差包寢變名葉式薦與伊  
涉訟囑令謝乞具告謝乞初不知梁業私挾葉  
式荐控欠之嫌卽據所告控縣跟交復赴學具  
呈牽控該學卽將葉學海詳革謝乞又以葉時  
逃匿葉學海家縣役王泰洪治並不查拘先後  
赴泉州府暨巡撫衙門呈控批飭比交訊詳嗣

據該縣查訊葉式薦並非葉時變名傳訊族房長亦稱葉時另有其人武生葉學海並無包兇抗匿詳請開復衣頂經前撫臣批司飭府確查詳覆該府因命案尚未獲兇訊明未經議准開復謝乞復赴總督衙門呈控批府提究該府尚未審詳謝乞復將從前原報刦殺擄禁情節並添敘葉學海包訟匿兇赴都察院呈控遞回質審各供前情不諱臣復嚴加究詰據葉時葉九蓮堅供當日實因謝姓猪牛踐食葉壽山園蔬

起衅葉時葉開葉壽山致傷謝庇葉添恩葉完  
葉九蓮致傷謝黃氏各身死并據葉鐵堅供委  
因謝彭喊衆幫毆該犯路過喝阻被擲放銃致  
傷謝彭斃命並非糾刦拒殺亦非預謀糾毆謝  
方氏攜帶子女先往隣村探親委無擄禁情事  
質之原告謝乞供稱原控糾衆刦擄希圖緝兇  
究辦添砌聳聽今已獲犯葉鐵等訊認不敢誣  
執只求究償惟查葉開一名尚未病故懇求拘  
究至所控葉時改名葉式薦一節訊據葉式薦

供稱伊被謝乞指爲逃犯葉時今葉時本身業  
已到案可見伊非葉時變名復提已革武生葉  
學海嚴行究訊堅供寔無賄串庇兇情事質之  
謝乞亦不能指出賄串憑據自認誤控反覆究  
詰矢口不移案無遁飾查律載故殺者斬監候  
又共毆人致死以致命傷爲重下手致命傷重  
者絞監候又例載共毆人傷皆致命過後身死  
當究明何傷致死以傷重者坐罪又因爭鬪擅  
將竹銃施放殺人者以故殺論又有關人命應

擬斬絞各犯脫逃二三年後就獲如故殺情重  
之犯應監候者改爲立決又律載告二事以上  
重事告寔輕事招虛者免罪各等語此案現經  
訊明寔係一時起衅爭毆致死並非刦擄拒殺  
自應各按本律本例定擬葉鐵銃傷謝彭身死  
合依因爭鬪擅將竹銃施放殺人以故殺論故  
殺者斬律擬斬監候該犯脫逃年久始行就獲  
應照例改爲立決先行刺字事犯在嘉慶二十  
五年八月二十七日欽奉

恩詔以前係故殺改擬立決之犯應不准其援免謝  
黃氏先被葉添恩葉完砍傷左耳根左太陽雖  
係致命之處維時該氏尚能扭結迨被葉九蓮  
砍傷咽喉旋即倒地其傷寔重應以葉九蓮擬  
抵葉九蓮合依共毆人傷皆致命過後身死當  
究明何傷致死以傷重者坐罪例擬絞監候謝  
庇先被葉時葉開刀戳不致命左肋左後肋後  
被葉壽山戳傷致命肚腹倒地其傷實重應以  
葉壽山擬抵葉壽山合依共毆人致死以致命

傷爲重下手致命傷重者絞律擬絞監候該犯業已身故應毋庸議葉時合依及傷人律杖八十徒二年事犯在

恩詔以前葉九蓮葉時所得絞徒各罪均請援免仍於葉九蓮名下勒追埋塋銀二十兩給付屍親具領倘該犯等釋放後再行滋事犯法照所犯之罪加一等治罪葉開葉添恩葉完罪應杖徒經縣查已病故惟現據謝乞供指葉開尚在應飭該縣再行確查辦理謝乞聽從梁業之言具



控葉式荐卽案犯葉時改名本不知梁業傾陷  
隱情且其呈訴命案重事現訊屬實應照律免  
議梁業飭拘務獲另結葉式薦訊係被誣縣役  
王泰洪治並非本案原差應與訊被牽控之葉  
春輕等均毋庸議已革武生葉學海訊無賄串  
縱犯情事惟在縣尚有被控另案未便准其開  
復仍飭縣作速確訊照例辦理無干省釋未到  
人等並免提質除脩錄全案供招咨送部院外  
所有審明定擬緣由理合恭摺具

奏伏祈

皇上聖鑒勅部核覆施行謹

奏

道光二年四月十三日拜發五月二十四日恭

遞奉

硃批刑部議奏欽此

日本書紀卷之三

卷三

右

護理福建巡撫布政使臣徐炘跪

奏爲提解臺灣府屬嘉慶二十二年上下忙錢糧  
銀數恭摺具

奏仰祈

聖鑒事竊照州縣徵收錢糧經戶部

奏明自嘉慶二十一年爲始除例准留支及實欠  
在民外所有徵存銀兩例應儘數提解上忙限  
五月底下忙限十二月底截清解司銀數造冊  
送部並專摺具

奏所有福建省內地九府二州屬提解銀數均經  
依限

奏咨聲明臺灣遠隔重洋俟催造到日核辦在案  
茲催據各廳縣先後造送由署藩司吳箴核明  
具詳請

奏前來 臣查臺灣府屬錢糧向係就近解交府庫  
解司劃兌兵餉該府屬淡水澎湖二廳臺灣鳳  
山嘉義彰化四縣嘉慶二十二年分額徵人丁  
餉稅錢糧內額編留支銀一萬六百三兩零應

解府銀三千四百四十五兩零據報上忙徵完  
銀四千二百六十一兩零除留支各款銀三千  
五百三十六兩零實應解府銀七百二十四兩  
零下忙徵完銀六千二百四十二兩零除留支  
各款銀五千五百二十四兩零並據淡水廳冊  
報墊給舖司兵工食銀一百三十七兩零飭催  
彰化縣照數解還外寔應解府銀五百八十一  
兩零又額徵耗羨內坐支各款銀一萬一千四  
百二十六兩零應解府銀三千一十四兩零據

報上忙徵完銀二千八十三兩零除坐支銀一  
千六百五十九兩零實應解府銀四百二十三  
兩零下忙徵完銀八千八十三兩零除坐支銀  
六千八百八十八兩零應解府銀一千一百九  
十五兩零以上正耗錢糧均已照數提解府庫  
彙入臺灣嘉慶二十二年分奏銷案內造報又  
上忙徵完現年稅契當稅官莊銀六千六百五  
十四兩零帶徵完節年當稅官莊銀七千八百  
九十五兩零下忙徵完現年稅契當稅官莊銀

二萬四千五百一十一兩零帶征完節年當稅  
官莊銀八千四百九兩零亦經劃扣司庫茲據  
按款備造清冊詳送臣覆核無異除飭將以後  
各年提解銀數接續查造並咨報戶部外臣謹  
會同閩浙總督臣慶保恭摺具

奏伏祈

皇上聖鑒謹

奏

道光二年四月十三日拜發五月二十四日恭



遞奉

硃批戶部知道欽此

福建布政使 臣徐忻跪

奏爲恭報 微臣交卸撫篆日期仰祈

聖鑒事竊 臣欽遵

諭旨巡撫葉世倬未到任以前暫行護理自二月初

三日接印受事歷今三月有餘茲撫臣葉世倬

於四月十六日抵閩 臣謹將福建巡撫關防並

王命旗牌及一切文卷等項委員賫送接收並准署

藩司督糧道吳箎將布政使印信移送前來 臣

卽於是日接收回任惟有倍矢勤慎勉竭血誠

事事實心實力以期仰報

高厚鴻慈於萬一所有微臣交卸撫篆回任日期理

合恭摺具

奏伏祈

皇上聖鑒謹

奏

道光二年四月十六日拜發奉

硃批知道了欽此

前任福建布政使臣徐忻跪

奏為恭謝

天恩事竊臣接奉撫臣行知准吏部咨開道光二年

九月二十二日奉

上諭徐忻著來京另候簡用欽此臣跪讀之下伏地

碰頭感激悚惶莫知所措伏念臣畿輔庸愚毫

無知識由乾隆六十年會試授職內閣中書考

充軍機章京嘉慶四年經尚書那彥成

奏明隨帶陝西軍營辦事差旋後游陞內閣侍讀

福建道監察御史十二年射中布靶奉

旨賞戴花翎

京察一等

簡放江南河庫道兩署江寧布政使十八年因在徐州

軍營隨同防禦

賞加按察使銜歷陞江西按察使調補湖南按察使兩

署湖南布政使旋授陝西布政使護理撫篆三

次二十五年仰蒙

皇上特達之知調任山東布政使護理撫篆 次甫

經半載復蒙

恩調補福建布政使抵任後護理撫篆一次疊沐  
聖王隆施逾格生成豢養

教誡矜曲至優極渥自惟通籍後服官京外二十餘  
年未能稍報涓塵循省滋慚正深悚懼茲欽奉

恩綸

諭令來京另候簡用

鴻慈高厚卽捐糜頂踵亦難圖報於萬一五中啣結  
淪浹難名現經撫臣委員接署篆務臣交代後

卽起程趨詣

闕廷叩覲

天顏恭候

聖訓所有

微臣

感激下忱謹繕摺恭謝

天恩伏乞

皇上聖鑒謹

奏

道光二年十月十八日拜發十二月十四日丹

陽舟次接奉

殊批知道了欽此

臣等謹將

卷一百一十一

三十一





候補三四品京堂臣徐忻跪

奏爲恭謝

天恩事道光三年正月初九日內閣奉

上諭徐忻著以三四品京堂候補欽此竊臣畿輔庸

愚毫無知識由內閣中書充補軍機章京供職

十有餘載自嘉慶十四年出膺外任由道員游

陞藩司屢護撫篆涓涖未効兢惕時深茲欽奉

恩綸以三四品京堂候補聞

命之下感悚交榮從此向榮小草近依

日月之光

高厚矜全莫名啣結臣惟有勉竭血誠力圖報稱以

期仰答

聖主鴻慈於萬一所有微臣感激下忱謹繕摺恭謝

天恩伏乞

皇上聖鑒謹

奏

道光三年正月初十日奉

旨知道了欽此

新授內閣侍讀學士臣徐炘跪

奏爲恭謝

天恩事道光三年五月二十四日奉

旨徐炘補授內閣侍讀學士欽此竊臣畿輔庸愚毫

無知識由乾隆六十年會試後挑取內閣中書

在軍機章京上行走陞補內閣侍讀

京察一等補放外任十有餘載本年正月內遵

旨來京仰荷

恩綸以三四品京堂候補自惟駑駘下質涓埃未効

循省悚惶今蒙

簡授內閣侍讀學士聞

命之下啣感難名伏念臣通籍之初卽備員薇省茲

復忝侍清班渥沐

鈞陶彌增淪浹惟有勉竭血誠倍矢勤慎以期仰報

高厚鴻慈於萬一所有微臣感激下忱謹繕摺恭謝

天恩伏乞

皇上聖鑒謹

奏

道光三年五月二十五日奉

旨知道了欽此

中華書局影印

卷四

二

新授陝西布政使臣徐忻跪

奏爲恭謝

天恩事道光六年四月二十三日內閣奉

上諭陝西布政使員缺著徐忻補授等因欽此竊臣

津甸庸愚毫無知識仰蒙

皇上逾格隆施

簡授京職涓埃未効慙悚方深茲復渥沐

殊恩異以藩司重任聞

命之下感惕難名伏念陝省爲西路衝要之區藩司



內有軍自考正  
卷四  
臣  
有總覈錢糧考察屬員之責  
賦質駑鈍報稱  
爲難惟有仰求

恩訓敬謹服膺於地方一切應辦事宜實心實力  
慎矢勤以冀稍酬

高厚鴻慈於萬一所有微感激下忱理合繕摺恭謝  
天恩伏乞

皇上聖鑒謹

奏

道光六年四月二十四日接奉

殊批知道了欽此

今季學臣奏疏

卷一

七

四不書三考正

卷四

五

陝西布政使臣徐忻跪

奏爲恭報微臣接印任事日期叩謝

天恩仰祈

聖鑒事竊臣仰沐

皇上逾格隆施簡授陝西布政使于四月二十四日

二十六日疊蒙

召見

教誡殷諄跪聆之餘感悚交集

陛辭後于五月初三日啓程二十六日行抵西安准

署布政使陝西臬司顏伯燾將印信庫欵文案

卷宗移交前來

臣

恭設香案望

闕叩頭祇領任事訖伏念陝省爲西路衝要之區

藩司表率通省屬官職司錢糧總匯

臣

自惟駑

駘下質深切兢惶惟有恪遵

訓諭殫竭血誠事事幫同撫臣妥爲經理于倉庫則

務歸實貯于州縣則無稍姑容一切勉矢慎勤

不敢存欲速之心不敢萌因循之念以期仰報

高厚鴻慈於萬一所有

微臣

接印任事日期並感激

下忱理合繕摺恭謝

天恩伏乞

皇上聖鑒謹

奏

道光六年六月初一日拜發十六日恭遞七月

初一日接奉

硃批知道了欽此

平 不 言 与 考 政 綱 卷 四

十

再臣由直隸山西取道赴陝所有沿途經過地方麥收未能豐稔自五月初三日至十二三四及二十三日均已節次普得透雨禾苗蔥茂農田預慶有秋至陝省二麥收成較勝于直隸山西兩省市集糧價平賤民情乂安堪以仰慰宸廑理合附片奏

聞謹

奏

同日奉



殊批覽欽此

護理陝西巡撫布政使臣徐忻跪

奏爲恭報微臣接護撫篆日期叩謝

天恩仰祈

聖鑒事竊臣於七月十七日經撫臣鄂山行知承准  
廷寄道光六年七月十三日奉

上諭現經降旨派楊遇春酌帶官兵馳赴回疆堵捕  
逆回張格爾等著鄂山迅卽馳驛前赴甘肅署理  
陝甘總督楊遇春起程後一切應用軍需糧餉馱  
載等項已有旨令楊遇春與藩臬兩司妥商酌定

鄂山到甘隨時妥速籌備接濟陝省亦著徐炘一體籌備均毋得稍有遲誤鄂山接奉此旨卽將陝西巡撫關防交徐炘護理迅速起程等因欽此卽於是日准撫臣將陝西巡撫關防竝

王命旗牌及一切文卷等項移交到臣當卽恭設香案望

闕叩頭祇領任事訖伏念臣猥以庸愚毫無知識渥沐

皇上逾格隆施畀以藩司鉅任涓埃未効復奉

特旨護理撫篆聞

命之下感悚難名查新疆逆回張格爾等滋事撫臣接准甘省調兵堵捕之信即以軍餉最關緊要與臣商酌籌備協濟業經撫臣

奏明動撥銀四十萬兩委員分起解赴甘省茲撫臣啟程時復諄囑臣欽遵

諭旨一體籌備並經撫臣密札各鎮臣不動聲色妥爲預備設若續有征調所有應行支借俸賞行裝銀兩臣即照例妥爲應付俾得剋日儻行至

沿途接遞文報臣與臬司顏伯燾嚴飭經由驛  
站迅速馳遞均不敢稍有遲誤臣受

恩深重惟有勉竭駑駘倍矢勤奮以冀仰報

高厚鴻慈於萬一所有微臣接護撫篆日期及籌備  
緣由理合恭摺具

奏叩謝

天恩伏乞

皇上聖鑒謹

奏

道光六年七月十八日拜發八月初三日恭遞  
十九日接奉  
硃批知道了欽此

日本書紀卷之三

卷之三

十一

再此次陝省撥解甘肅餉銀四十萬兩司庫尙存報部備撥銀二十餘萬兩此外仍可籌備銀二三十萬兩如尙須續行撥解卽當一面奏聞一面酌撥惟查陝省滿漢各營俸餉及雜支等項亦須隨時動用現值甘省籌濟軍需又不得不寬爲儲備若俟臨期再請於鄰省協撥誠恐解運需時緩不濟急因思甘省於每年冬季由部奏撥經費銀三百餘萬兩歷久遵行在案可否先期於鄰近省分由部量爲籌撥解貯甘省司



庫當大兵雲集之時可以源源供億應付從容  
卽日奏捷歲功或無須再行接濟仍可將解貯  
之銀抵作常年應撥之款在各省不過早撥數  
月而甘省緩急有資不致稍虞掣肘似於軍務  
有裨臣因欽奉

諭旨飭令一體籌備謹就愚昧之見所及附片奏  
聞是否有當伏候

聖裁謹

奏

同日奉

硃批已有旨欽此

大清高宗純皇帝

實錄

卷一百一十五

卷之三十三

護理陝西巡撫布政使臣徐忻跪  
奏爲准咨兼攝總兵印務恭摺奏

聞仰祈

聖鑒事竊臣于七月二十三日接准

欽差大臣楊遇春移咨現奉

諭旨前往口外勦辦逆回已飭令西安鎮總兵德克  
登額來蘭隨帶進征所有總兵印務現在乏員  
署理令卽就近兼攝等因旋准鎮臣德克登額  
于是日將總兵印一顆及一切文卷飭委中軍

遊擊姜得仁移送前來臣卽查照接收兼攝伏  
念臣才識庸愚營務未能熟練現雖暫時承乏  
誠恐統率多疎查西安鎮管轄潼關宜君商州  
金鎮關盤屋五營本標中左右三營存城額設  
兵一千六百六十八名除派往新疆換防並此  
次鎮臣隨帶兵共五十七名實在存城兵一千  
六百十一名此內現已挑備候調兵一千名所  
有應帶軍械火藥俱已分配齊全俟一經咨調  
卽當飭令前往不致遲悞臣惟有督率將備等

按日勤加訓練不敢稍有懈忽所有兼攝總兵  
印務緣由理合恭摺具

奏伏乞

皇上聖鑒謹

奏

道光六年七月二十三日拜發八月初六日恭  
遞十九日接奉

硃批知道了欽此

中  
不  
書  
五  
卷  
正  
未  
正

一  
三

再查顏伯燾自蒙

恩簡放臬司後尙未趨詣

闕廷恭請

聖訓前經署督臣鄂山奏明俟新任糧道潼商道到任署糧道查廷華回鹽道本任再行遴委署理臬司印務以便令顏伯燾交卸起程仰蒙

聖鑒在案現在潼商道慶祿雖已到任糧道尹佩珩甫經調補來陝尙需時日鹽道查廷華經署督臣奏調甘省辦理軍務省城地方緊要刻下大



員乏人臬司顏伯燾熟諳刑名正資籌辦一切  
臣與署督臣鄂山商酌謹據實陳明應請仍令  
暫緩

陛見合併附片奏

聞謹

奏

同日奉

硃批已諭令署理藩司矣暫停來京欽此

再臣接准署督臣鄂山來咨

奏調鹽法道署糧道查廷華署商州知州朱紹穎  
等前赴甘省委辦軍務所有鹽法道員缺本係  
知府韋德成護理其所署糧道員缺查有新授  
西安府知府貴麟堪以委令護理並請暫緩送  
部引

見其商州知州員缺查有涇陽縣知縣恒亮先經署  
督臣鄂山奏請以該員陞補商州知州應卽令  
其前往署理茲准署督臣札致臣復與臬司顏

伯燾會商均意見相同除分飭遵照外理合附

片奏

聞謹

奏

同日奉

硃批知道了欽此

護理陝西巡撫布政使臣徐忻跪

奏爲接准部咨籌備過境官兵妥速僱行恭摺奏  
聞仰祈

聖鑒事竊臣于道光六年八月初三日接准兵部咨

開內閣奉

上諭現在逆回張格爾與布魯特勾連偷入喀什噶  
爾卡內搶佔一帶地方回疆幅幘遼廓必須馬隊  
前往始能迅速勦滅今已調吉林黑龍江滿洲索  
倫兵二千此項兵丁至彼應用帶隊巴圖魯侍衛

著交御前大臣領侍衛內大臣等會同在三旂侍  
衛前鋒章京護軍叅領護軍校內揀選年壯技藝  
諳練者七八十員分作兩日帶領引見候朕酌派  
三十餘人差往軍營預備調用欽此又于八月初  
五日復准部咨內閣奉

上諭著交管理火器營健銳營王大臣等會同武隆  
阿於兩營兵丁內擇其年力精壯技藝嫻熟者各  
揀選一百名交武隆阿帶往軍營仍著武隆阿於  
該兩營章京內擇其素知管轄好堪以帶兵者奏

派數員卽令將派出兵二百名分起帶往欽此欽  
遵抄出到部查該官兵定于初三初五初七日  
分起起程每起約需車四十餘輛馬二百五六  
十匹由五百里行文速飭經由各州縣遵照妥  
速預備毋致臨期有悞等因臣查新疆逆裔糾  
衆不法滋擾回城梗塞臺站殊堪髮指仰蒙  
皇上飭發京營勁旅馬隊精兵

簡派重臣統領勦捕自能立就殄除所有各起官兵  
途次應需車馬已飭經由各州縣遵照部文先

期寬爲預備以免臨時遲悞臣復與臬司顏伯  
燾公同等議溯查乾隆四十九年甘省勦平石  
峯堡逆回案內經前撫臣畢沅奏定陝省支應  
各起官兵尖宿章程現在援照辦理仍遴派道  
府大員分投照料自陝省潼關入境經由華陰  
華州至渭南交界皆係同州府所屬卽派潼商  
道慶祿同州府知府徐名綏督率各廳州縣妥  
爲經理由渭南臨潼進省由省至咸陽興平醴  
泉乾州永壽皆係西安糧道所屬卽派護糧道

貴麟督率各州縣妥爲經理由邠州至長武出境遴派鳳翔府知府廷勳督率該州縣妥爲經理臣與臬司顏伯燾就近在省城照料竝另派撫標中軍泰將貴山城守營泰將班金布往來護送俾各起官兵入境後迅速僦行剋期前進以資會勦仍飭沿途州縣于各腰站多設馬匹遞送文報不任稍有延緩所有准咨籌備緣由理合恭摺附驛具

奏並繕錄官兵過境尖宿清單恭呈



御覽伏乞

皇上聖鑒謹

奏

道光六年八月初八日拜發十七日恭遞二十

五日接奉

硃批知道了欽此

再臣接准

欽差大臣楊遇春檄調西安鎮屬臆壯馬三百匹令  
卽派委妥員趕緊解送來營等因臣卽督率中  
軍遊擊姜得仁于所屬各營內飭調馬三百匹  
遴委妥幹員弁分起解送前往俾資騎用理合  
附片奏

聞謹

奏

同日奉

殊批知道了欽此

再臣接准署督臣鄂山咨開奏調陝西綏德州知州陳元煦孝義廳同知雲麟隴州知州石珩西鄉縣知縣張廷槐西鄉縣縣丞羅廷表畧陽縣縣丞陸銓並佐雜八員迅速赴甘聽候差委等因當卽飛速飭調查照派往內除孝義廳員缺先經委員署理西鄉縣知縣及縣丞等缺應照例委員接署外所有綏德州知州員缺查有署三原縣知縣鄧培綬堪以委令署理所遺三原縣知縣員缺查有延川縣知縣談宗岳堪以

委令署理隴州知州員缺查有藍田縣知縣邵  
琨堪以委令署理再查永壽縣地當孔道知縣  
趙家震人甚拘謹現在兵差過境恐未能經理  
裕如查商南縣事務較簡知縣李希曾年壯才  
明堪以暫行對調署理臣與臬司顏伯燾熟商  
意見相同除檄飭遵照外理合附片奏

聞謹

奏

同日奉

硃批覽欽此

今奉旨欽此

欽此

欽此

中華書局影印

三三三

謹將陝西省預備官兵過境尖宿清單恭呈

御覽

計開

潼關尖站

華陰廟鎮宿站

華州柳子鎮尖站

渭南縣宿站

臨潼縣零口鎮尖站

臨潼縣宿站



西安省城宿站

咸陽縣尖站

興平縣店張驛宿站

乾州柳眉鎮尖站

永壽縣監軍鎮宿站

永壽縣尖站

邠州宿站

長武縣亭口鎮尖站

長武縣宿站

同日奉

硃批未有里數路程遠近何由得知欽此



護理陝西巡撫布政使臣徐炘跪  
奏爲挑派西安鎮標官兵前赴口外協勦恭摺奏  
聞仰祈

聖鑒事竊臣於八月十二日承准

欽差大臣楊遇春照會內稱喀什噶爾逆回勢漸蔓  
延前調官兵不敷進勦今酌擬在西安鎮標及  
所屬協營挑派兵五百名配帶擡砲十尊趕赴  
軍營以資進勦等因臣當卽督同將備等如數  
挑派並將配帶砲位及應需鍋帳軍械等項逐

一齊備分爲兩起行走因西安滿營官兵亦經  
調派一千名先行分起前進若令鎮標官兵同  
時並行恐沿途車馬輪轉不及今擬于二十一  
日俟滿營官兵全數啟程後卽飭令署金鎖關  
都司魯福山率同營弁八名帶領官兵二百五  
十名于二十三日啟程署商州營遊擊劉紫玉  
率同營弁七名帶領官兵二百五十名于二十  
五日起程該署遊擊劉紫玉署都司魯福山皆  
係曾歷行陣經楊遇春指派調往統領弁兵足

資管束 臣又接准楊遇春移咨調派陝省延綏鎮及所屬官兵二千名查該鎮距省城較遠所有應給行裝等項 臣已行知榆林道府就近照例支給催令妥速啟行俾資進勦所有挑派西安鎮標官兵前赴口外協勦緣由理合恭摺附驛具

奏伏乞

皇上聖鑒謹

奏

道光六年八月十四日拜發二十二日恭遞二

十七日接奉

硃批知道了欽此

再此次甘省自口外軍興以來由陝撥解銀四十萬兩計日已可運到臣現接署督臣鄂山來信轉准

欽差大臣楊遇春函致途次接閱英惠來書催取先後調撥銀兩該處轉運糧石調用軍械軍火在在均需雇用車脚刻不容緩必得速爲運去方免短缺署督臣鄂山以軍需孔急囑臣查照前奏將籌備銀五十萬兩迅速委員押解赴甘等語臣查甘省由蘭州至肅州哈密等處節節安



設糧臺爲前途接應一切供億支發刻難停待  
卽日大兵雲集應需軍火糧餉尤須寬爲儲備  
外省撥解之餉一時不能解赴甘庫委係實在  
情形但臣接准部咨各省藩庫實存銀兩毋得  
輕動是以未敢卽行撥解今甘省撥運急需應  
否將司庫籌備銀五十萬兩一面委員起解一  
面分欵專案報部之處理合

奏明伏候

訓示謹

奏

同日奉

硃批另有旨欽此

奏  
同日奉  
硃批另有旨欽此

奏

四庫全書  
卷四

三九

軍機大臣 字寄

署陝西巡撫布政使徐 道光六年八月二十  
二日奉

上諭據徐忻奏甘省應需軍火糧餉必須寬爲儲備  
應否將陝西司庫籌備銀五十萬兩委員解甘  
等語本日又據鄂山奏明前所籌撥銀五十萬  
兩其數不在戶部指撥之內飛咨解甘備用著  
徐忻迅將陝西司庫籌備銀五十萬兩速卽解  
往甘肅備用毋得遲悞俟各省解甘銀兩過陝

臣等謹將臣等所奏各款開列於左

再行截留歸款將此由五百里諭令知之欽此

遵

旨寄信前來

護理陝西巡撫布政使臣徐沂跪

奏爲恭報微臣交卸藩司篆務日期仰祈

聖鑒事竊臣接准吏部咨開八月初二日內閣奉

上諭徐沂現護陝西巡撫顏伯燾著署理布政使何

承薰著署理按察使等因欽此臣當卽遵照行知

于八月十六日將布政使印信並庫欵文案卷

宗移交顏伯燾接收一面札行陝安道何承薰

令其迅速來省署理臬篆臣查陝省現值照料

出口官兵過境軍書絡繹各營鎮將備弁凡久

歷戎行者率皆調赴軍營南山五方雜處最易  
藏奸臣惟有殫竭愚誠于地方一切事宜與署  
藩司顏伯燾署臬司何承薰熟商妥辦並諄囑  
陝安漢中鎮道率同文武各員隨時留心防範  
稽查不敢稍涉因循不任稍有疎懈以期仰副  
聖主委任之至意所有管交卸藩司篆務日期理合  
繕摺具

奏伏祈

皇上聖鑒謹

奏

道光六年八月二十日拜發九月初三日恭遞

十六日接奉

硃批知道了欽此



平一書局

老臣

三

護理陝西巡撫布政使臣徐忻跪

奏爲揀員調補要缺知縣以禪地方仰祈

聖鑒事竊照渭南縣知縣吳曾貫告病出缺前經撫  
臣鄂山具

題在案所遺員缺係衝繁難兼三要缺例應在外  
揀員調補藩司係臣本任與臬司顏伯燾在於  
通省簡缺知縣內逐加遴選非現居要缺卽人  
地未宜曾與臣鄂山詳細商酌惟查有褒城縣  
知縣何耿繩年三十九歲山西靈石縣進士引

見奉

旨以知縣卽用籤掣陝西道光二年十二月初一日  
到陝

題補今職三年十月二十九日到任臣鄂山以該  
員年壯才優循聲素著並無違碍處分以之調  
補渭南縣知縣實堪勝任惟到任未滿三年與  
調補之例稍有未符但渭南縣係兼三要缺漢  
回雜處賦重事繁人地實在相需例得專摺

奏請恭候

欽定如蒙

聖恩俯准以何耿繩調補渭南縣知縣於地方實有裨益該員以知縣調補知縣銜缺相當毋庸送部引

見至所遺褒城縣員缺係專衝簡缺陝省現有應補人員容臣另行請補合併陳明所有揀員調補知縣緣由謹會同署督臣鄂山合詞恭摺具奏伏祈

皇上聖鑒謹

奏

道光六年八月二十日拜發九月初三日恭遞  
十六日接奉

硃批另有旨欽此

道光六年九月初四日內閣奉

上諭徐忻奏揀員調補要缺知縣一摺著照所請陝  
西渭南縣知縣准其以何耿繩調補該部知道欽  
此

護理陝西巡撫布政使臣徐忻跪

奏爲恭報陝西秋禾約收分數仰祈

聖鑒事竊照秋禾約收分數例應先行恭摺

奏報茲據西安延安鳳翔漢中榆林同州興安商  
州邠州乾州鄜州綏德十二府州將所屬秋禾  
約收分數開摺呈報由司具詳前來臣覆加查  
核統計陝西各屬九十一廳州縣高低牽算約  
計收成七分有餘理合繕具清單恭呈

御覽伏祈

皇上聖鑒謹

奏

道光六年八月二十日拜發九月初三日恭遞  
十六日接奉

硃批知道了欽此

謹將道光六年西安等十二府州屬秋禾約收  
分數開列清單恭呈

御覽

計開

約收九分有餘者

咸寧長安臨潼渭南涇陽咸陽興平盩厔藍

田鄜縣華州華陰洋縣十三州縣

約收九分者

富平扶風澄城武功四縣



約收八分有餘者

耀州三原醴泉高陵甘泉鳳翔岐山麟遊汧  
陽郿縣南鄭城固定遠褒城畧陽沔縣鳳  
縣大荔潼關白水蒲城朝邑韓城紫陽洵  
陽商州邠州乾州洛川二十九廳州縣

約收入分者

孝義隴州寶雞三廳州縣

約收七分有餘者

同官延長留壩寧羗西鄉榆林郃陽白河漢

陰石泉平利鎮安商南三水淳化雒南長武永壽中部宜君二十廳州縣

約收七分者

宜川佛坪安康三廳縣

約收六分有餘者

寧陝安定定邊安塞懷遠葭州神木府谷磚

坪山陽鄜州綏德清澗十三廳州縣

約收六分者

膚施靖邊米脂吳堡四縣

約收五分有餘者

保安延川二縣

以上西安等十二府州九十一廳州縣高

低牽算秋禾約收七分有餘

護理陝西巡撫布政使臣徐忻跪

奏爲恭報雨水糧價情形仰祈

聖鑒事竊照陝省本年六月內及七月上旬各屬陸

續得雨及秋禾襍糧長發情形業經署督臣鄂

山恭摺具

奏在案茲據西安延安鳳翔漢中榆林同州商州

乾州鄜州綏德各府州屬先後具報於七月十

二三二十八九及八月初一二三等日得雨二

三四寸至深透不等臣查陝省自夏秋以來暘

雨應時暄潤相濟現在早禾晚穀俱已吐穗揚  
花升漿結實包穀漸次成熟平原山境農田普  
慶有秋民氣恬熙糧價平減堪以仰慰

聖懷謹將七月分各屬糧價敬繕清單恭呈

御覽伏祈

皇上聖鑒謹

奏

道光六年八月二十日拜發九月初三日恭遞

十六日接奉

殊批知道了欽此

八  
九  
十  
十一  
十二  
十三  
十四  
十五  
十六  
十七  
十八  
十九  
二十

廿一

中華書局影印

卷四

謹將陝西省道光六年七月分各屬糧價開具  
清單恭呈

御覽

計開

西安府屬價貴

大米每倉石價銀自一兩七錢五分至四兩  
九錢

較上月減一錢三分



小米每倉石價銀自一兩四錢二分至二兩

四錢

較上月減四分

小麥每倉石價銀自一兩三錢七分至二兩

一錢二分

較上月減一錢

大麥每倉石價銀自八錢六分至一兩四錢

七分

與上月相同

豌豆每倉石價銀自一兩五錢至二兩六錢  
一分

較上月減五分

延安府屬價貴

大米每倉石價銀自二兩六錢三分至五兩  
二錢八分

與上月相同

小米每倉石價銀自一兩二錢八分至二兩  
二錢二分

與上月相同

小麥每倉石價銀自一兩三錢九分至二兩

三錢九分

與上月相同

糜米每倉石價銀自一兩一錢五分至二兩

三錢

與上月相同

豌豆每倉石價銀自九錢至一兩七錢三分

較上月減三分

鳳翔府屬小麥豌豆價中餘俱價貴

大米每倉石價銀自二兩一錢五分至三兩二錢

與上月相同

小米每倉石價銀自一兩四錢五分至二兩一錢二分

與上月相同

小麥每倉石價銀自一兩二分至一兩九錢  
與上月相同

大麥每倉石價銀自六錢五分至一兩一錢四分

與上月相同

豌豆每倉石價銀自一兩一錢三分至一兩六錢

與上月相同

漢中府屬價貴

大米每倉石價銀自一兩五錢二分至一兩九錢二分

與上月相同

小米每倉石價銀自一兩三錢五分至二兩

六錢六分

與上月相同

小麥每倉石價銀自一兩三錢三分至二兩

四錢

與上月相同

大麥每倉石價銀自六錢四分至一兩三錢

二分

與上月相同

豌豆每倉石價銀自一兩九分至二兩五分

與上月相同

黃豆每倉石價銀自七錢二分至二兩一錢

與上月相同

榆林府屬價費

大米每倉石價銀自二兩七錢至四兩六錢

一分

與上月相同

小米每倉石價銀自二兩至二兩六錢六分

與上月相同

糜米每倉石價銀自二兩一錢至三兩三分

與上月相同

小麥每倉石價銀自一兩九錢二分至二兩

六錢六分

與上月相同

豌豆每倉石價銀自一兩四錢六分至二兩

六分



與上月相同

同州府屬價貴

大米每倉石價銀自二兩四錢五分至三兩

九錢五分

較上月減四分

小米每倉石價銀自一兩八錢八分至二兩

六錢

與上月相同

小麥每倉石價銀自一兩七錢五分至二兩

三錢五分

較上月減六分

大麥每倉石價銀自八錢四分至一兩五錢四分

較上月減三分

豌豆每倉石價銀自一兩四錢至二兩三錢一分

較上月減六分

興安府屬大麥價貴餘俱價中

大米每倉石價銀自一兩五錢至二兩三錢

四分

與上月相同

小米每倉石價銀自一兩一錢八分至一兩

八錢四分

與上月相同

小麥每倉石價銀自一兩三錢至一兩八錢

四分

較上月減五分

大麥每倉石價銀自五錢五分至一兩三錢

較上月減五分

豌豆每倉石價銀自七錢八分至一兩五錢

四分

較上月減六分

黃豆每倉石價銀自一兩五分至一兩三錢

與上月相同

商州屬價貴

大米每倉石價銀自二兩五錢八分至三兩

一錢

與上月相同

小米每倉石價銀自二兩一錢至二兩五錢

一分

與上月相同

小麥每倉石價銀自一兩八錢至二兩二錢

四分

與上月相同

大麥每倉石價銀自七錢一分至一兩一錢

二分

與上月相同

豌豆每倉石價銀自一兩六錢四分至二兩二錢

較上月減四分

邠州屬價貴

大米每倉石價銀自二兩五錢二分至四兩二錢

與上月相同

小米每倉石價銀自一兩四錢四分至二兩

三錢八分

與上月相同

小麥每倉石價銀自一兩四錢四分至二兩

一錢七分

與上月相同

豌豆每倉石價銀自一兩二錢一分至二兩

一錢

與上月相同

乾州屬小麥價中餘俱價貴

大米每倉石價銀自二兩六錢六分至四兩

五錢八分

與上月相同

小米每倉石價銀自一兩七錢二分至二兩

七錢八分

與上月相同

小麥每倉石價銀自一兩四錢三分至一兩

九錢八分



與上月相同

大麥每倉石價銀自九錢七分至一兩二錢

較上月減一分

豌豆每倉石價銀自一兩四錢三分至二兩

五分

與上月相同

鄜州屬小麥價賤餘俱價中

小米每倉石價銀自一兩一錢至一兩二錢

二分

與上月相同

小麥每倉石價銀自一兩一錢至一兩一錢  
九分

與上月相同

豌豆每倉石價銀自一兩一錢至一兩一錢  
五分

與上月相同

綏德州屬豌豆價中餘俱價貴

小米每倉石價銀自一兩九錢四分至二兩

四錢

與上月相同

小麥每倉石價銀自一兩九錢一分至二兩

三錢

與上月相同

豌豆每倉石價銀自一兩二錢五分至一兩

六錢

與上月相同

再查郿縣所屬之營頭口洋縣所屬之華陽鐵冶河等處於夏間因雨後谿河各水漲發間有被淹處所經 臣飭委鳳翔府知府廷勳漢中府知府楊名颺督同各該縣詳加履勘多係河灘坡地磽确山田水退迅速已捐給撫卹籽種補種晚秋均勘不成災現在田禾一律暢茂民情極爲安貼理合附片奏

聞謹

奏

同日奉

硃批知道了欽此

再前奉

上諭嗣後奏報捐監銀兩均應叙明某年開捐起收過  
捐監銀若干已經解部及奏明動用若干現在若干  
俟湊足十萬兩卽行解部不得含混聲叙欽此查陝  
西省自嘉慶五年三月開捐起至道光六年六  
月底止共收捐監銀二百八萬四千一百五十  
兩內除

奏明提歸軍需項下動用銀六十四萬六千一百  
兩採買倉穀動用銀一十六萬五千四百兩節

次解部銀八十八萬九千五百一十兩提收司  
庫封貯銀三十五萬兩寔應存銀三萬三千一  
百四十兩業經

奏報在案今道光六年七月分又收捐監銀四千  
四百兩連前共存銀三萬七千五百四十兩理  
合附片奏

開謹

奏

同日奉

護理陝西巡撫布政使臣徐忻跪

奏爲西安鎮總兵丁憂出缺循例由驛奏

聞事竊照西安鎮總兵德克登額現署固原提督伊親母年七十五歲迎養在西安鎮署於九月初八日因病身故德克登額係屬親子例應丁憂除飛咨署督臣委員接署固原提督印務外其西安鎮總兵印務現在係臣兼攝相應請旨簡放以重職守所有西安鎮總兵出缺緣由理合循例恭摺由驛具



奏伏乞

皇上聖鑒謹

奏

道光六年九月初八日拜發十五日恭遞二十

日接奉

硃批另有旨欽此

殊批覽欽此

分  
行  
部  
門  
處  
理

處  
理

三

11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100

101  
102  
103  
104  
105  
106  
107  
108  
109  
110  
111  
112  
113  
114  
115  
116  
117  
118  
119  
120  
121  
122  
123  
124  
125  
126  
127  
128  
129  
130  
131  
132  
133  
134  
135  
136  
137  
138  
139  
140  
141  
142  
143  
144  
145  
146  
147  
148  
149  
150

道光六年九月十五日內閣奉

上諭固原提督楊芳帶兵出關其缺係德克登額署理今德克登額丁憂著何占鰲前往署理固原提督直隸古北口提督著海凌阿署理何占鰲接奉諭旨將該提督印務交提標中軍叅將代拆代行卽行來京陛見後馳驛前往海凌阿將宣化鎮總兵印務交中軍遊擊暫行護理迅速赴任毋庸來京請訓所有宣化鎮總兵著那彥成揀員署理欽此

附錄三

卷四

三

護理陝西巡撫布政使臣徐忻跪  
奏爲京營山東官兵過陝出境日期並西安滿兵  
四川官兵接續前進情形恭摺奏

聞仰祈

聖鑒事竊照此次勦辦口外逆回仰蒙

欽派大臣揀選侍衛章京並火器健銳兩營京兵二  
百名前往會勦由部行知臣卽與署藩司顏伯  
燾督飭沿途各廳州縣將應需車馬等項寬爲  
預備並遴委文武大員分段照料業經

奏明在案茲叅贊大臣武隆阿帶領侍衛章京等二十七員京兵三十五名於八月二十五日自潼關入境二十五日行抵西安省城適河南城守尉侍衛蘇清阿先期在西安守候隨同前往于九月初二日由長武縣出境副都統容安帶領侍衛章京等十七員京兵八十八名於八月二十五日自潼關入境二十八日行抵西安省城九月初五日由長武縣出境內閣學士容照帶領侍衛章京等十七員京兵七十七名於八

月二十七日自潼關入境九月初一日行抵西  
安省城初七日由長武縣出境又山東叅將周  
志林帶領山東官兵二百名並砲位兵械於八  
月二十九日自潼關入境九月初六日已過西  
安省城西行此外經揚威將軍長齡續調西安  
滿營官兵一千名亦卽分起前進又四川官兵  
三千名准咨於九月初三日起至初十日止先  
後行抵川省廣元取道陝省寧羌畧陽入甘省  
階州交界臣已移行署漢中鎮蔡文瑾護陝安



道楊名颺督飭文武各員妥爲護送惟查陝省自八月中旬以來陰雨連綿將及兼旬途間泥淖尺餘一切車馬行走均不能迅速臣與署藩臬兩司商令添僱騾頭酌加津貼是以各起官兵供頓均無貽悞現在天氣晴霽各屬均已播種秋麥比戶安恬卽日吉林黑龍江索倫官兵過境臣已飭令沿途各廳州縣將道路修理一律平坦車馬先期籌備協濟並商令署臬司何承薰屆期馳赴潼關會同前次

奏派道將等督飭妥爲照料俾得僱程前進所有  
各起官兵過陝出境及接續前進情形理合恭  
摺由驛具

奏伏乞

皇上聖鑒謹

奏

道光六年九月初九日拜發十七日恭遞二十  
五日接奉

硃批所奏俱悉欽此

明倫彙編

卷四

五

再臣承准

廷寄道光六年八月二十二日奉

上諭據徐炘奏甘省應需軍火糧餉必須寬爲儲備  
應否將陝西司庫籌備銀五十萬兩委員解甘等  
語本日又據鄂山奏明前所籌撥銀五十萬兩其  
數不在戶部指撥之內飛咨解甘備用着徐炘迅  
將陝西司庫籌備銀五十萬兩速卽解往甘肅備  
用毋得遲悞俟各省解甘銀兩過陝再行截留歸  
款等因欽此當卽行知署藩司顏伯燾委員趕緊

分批起解現在河南山東山西四川各省撥解  
甘省餉銀均已陸續解入陝境源源運往足資  
接濟俟各省後起解甘餉銀路過陝省時卽行  
如數截留歸欵理合附片奏

聞謹

奏

同日奉

硃批知道了欽此

護理陝西巡撫布政使臣徐忻跪

奏爲恭報雨水糧價情形仰祈

聖鑒事竊照陝省本年七月分各屬雨水田禾情形

業經臣恭摺具

奏在案茲據西安延安鳳翔漢中榆林同州興安  
商州邠州乾州鄜州綏德各府州屬具報於八  
月初九日十一二三四日十七八日及二十一  
二三日得雨二三四五寸至深透不等臣查陝  
省入秋以來雨水頻霑南北兩山暨平原各屬

早稻晚秋已次第刈穫登場坡田包穀襍糧亦成實有收其留種秋麥之地現在乘時播種已漸出苗芽土脈一律滋潤糧價平減民情歡悅堪以仰慰

宸懷謹將八月分各屬糧價敬繕清單恭呈

御覽伏乞

皇上聖鑒謹

奏

道光六年九月二十三日拜發十月初六日恭

遞十八日接奉

硃批知道了欽此



水口

再前奉

上諭嗣後奏報捐監銀兩均應叙明某年開捐起收過捐監銀若干已經解部及奏明動用若干現在若干俟奏足十萬兩卽行解部不得含混聲叙欽此查陝西省自嘉慶五年三月開捐起至道光六年七月底止共收捐監銀二百八萬八千五百五十九兩內除

奏明提歸軍需項下動用銀六十四萬六千一百兩採買倉穀動用銀一十六萬五千四百兩節

次解部銀八十八萬九千五百一十兩提收司  
庫封貯銀三十五萬兩實應存銀三萬七千五  
百四十兩業經

奏報在案今道光六年八月分又收捐監銀四千  
四百兩連前共存銀四萬一千九百四十兩理  
合附片奏

聞謹

奏

同日奉

硃批覽欽此

奉  
天  
行  
軍  
機  
處  
奏  
為  
...

...

圖書室奏疏卷四

全

護理陝西巡撫布政使臣徐忻跪

奏為查明榆林縣秋禾被雹較重之村莊懇

恩緩徵下忙銀糧草束以紓民力仰祈

聖鑒事竊照榆林縣地方於八月初五日風雷大作

秋禾間被雹傷當經該縣週歷查驗內有老莊

岔等三十一村莊被雹甚輕禾稼無碍勘不成

災惟常樂堡楊家新莊等三十村莊受傷五六

分統計存留禾苗不過十之四五未免稍形歉

薄經該管榆林府知府熊常錞親詣逐一覆勘

無異由署藩司顏伯燾核明應行緩徵銀糧草束具詳請

奏前來臣查榆林地處北邊歲僅一收全賴秋成豐稔今常樂堡等村莊被雹受傷稍重誠恐應行徵收之項完納不無拮据合無仰懇

天恩俯准將被雹稍重之常樂堡楊家新莊等三十村莊應納本年下忙地丁銀糧草束緩至來年秋後徵收以紓民力除將緩徵銀糧草束細數另行恭疏

題報外所有勘明被雹情形理合恭摺具

奏伏乞

皇上聖鑒謹

奏

道光六年九月二十三日拜發十月初五日恭

遞十八日接奉

硃批另有旨欽此



丁巳年三月十五日

卷四

奇

道光六年十月初六日內閣奉

上諭徐炘奏查明被雹村莊懇請緩徵一摺陝西榆林縣地方秋禾間被雹傷收成歉薄據該護撫查明懇請恩施著照所請加恩將被雹較重之常樂堡楊家新莊等三十村莊應納本年下忙地丁銀糧草束緩至來年秋後徵收以紓民力該部知道

欽此

陽明學問考通

卷四

三

護理陝西巡撫布政使臣徐忻跪

奏爲審明京控案件分別定擬仰祈

聖鑒事竊照都察院奏陝西大荔縣民人朱士成京  
控回匪聚衆焚搶一案於道光六年四月十五  
日奉

旨此案着交鄂山督同臬司顏伯燾飭拿要犯務獲  
親提嚴訊按律定擬具奏原告朱士成該部照例  
解往備質欽此同日奉

上諭本日都察院奏陝西大荔縣民人朱士成控告

田匪牧放羊馬踐食禾苗復聚眾焚搶逞兇一案  
已明降諭旨交鄂山督同臬司嚴拿審辦矣田民  
縱放羊羣踐食禾苗最爲農田之害徃徃有因鄉  
民驅逐輒復聚眾逞兇之事地方官早應嚴行飭  
禁此案該民人朱士成所控田匪等縱羊食禾復  
糾眾焚搶該縣旣經勘驗屬實拏獲案犯于邪子  
虎于四娃于起蛟三人訊據供認毆搶不諱卽應  
嚴究夥黨悉數查拏何以輒將該犯等釋放並因  
鄉約朱正已不敢私和竟加掌責是否該民人一

面之詞抑該縣意存消弭延案不辦均不可不徹  
底根究著該撫卽飭該縣將知名指控于邢子虎  
等三十六人嚴拏務獲並飭提一千人証秉公嚴  
審務得確情無許存化大爲小之見致有枉縱將  
此諭令知之欽此旋于五月二十八日准兵部將  
原告朱士成遞解到陝經前撫臣鄂山飭提人  
証卷宗來省審辦因人証未齊難以定案旋值  
卸事臣接准移交催提人卷與臬司顏伯燾逐  
一嚴審緣朱士成籍隸大荔縣龍池村距王閣

金家二村五里許素止認識王閣村回民鄉約  
于邪子虎卽于紅彥于四娃卽于庭保于長春  
于二禿卽于成甲長于起蛟金家村回民鄉約  
金二禿卽金庭孝回民金黑麻金有素其餘回  
民均不相識王閣村現獲回民于益海于修貴  
于修寶于牙絲于二娃于元兒馬禿子于吾兒  
于油布馬圪塔于三娃于魏貫于中得金王元  
馬平兒于一兒于修德卽于三保于速夫于吾  
二林金中兒與在逃之回民于葉兒于三四回

各共畜羊一百七十五隻均交于吾兒子油布馬圪塔三人牧放道光五年五月十三日早間于吾兒子油布馬圪塔將羊趕往野地牧放由龍池村東邊小路經過因羊多照料不到致羊走入漢民鄉約朱爾保地內踐踏秋苗朱爾保瞥見喊同村人朱棕魁千興兒蘇三全兒赴地將羊邀至街口空廟內圈住稱欲投約講理于吾兒等攔阻不住奔回邀約于三娃于魏貫于中得金王元馬平兒五人一共八人徒手前去



向朱爾保認錯討羊見朱爾保等同坐廟前點  
火吃烟朱爾保聲言定欲回民鄉約同往寫立  
永不侵犯字據始肯給羊于吾兒等不依欲進  
廟內趕羊朱爾保等撩棄烟袋火繩起身攔阻  
于吾兒與朱爾保扭結于興兒趕攏幫護用身  
帶小刀扎傷于吾兒右胎膊彼此放手于吾兒  
等一齊舉拳欲毆朱爾保等避開于吾兒等擁  
擠進廟將廟內格扇供桌木架牌樓擠倒維時  
火繩被風吹至廟旁草堆燃燒麥草朱爾保等

急忙撲救已燒燬麥草三束于吾兒等乘空將  
羊趕回查點數目少羊十八隻于一兒于修德  
于速夫于吾二林金中兒五人工作回歸問知  
前情卽徒手先往龍池村外找尋無獲復欲進  
村內尋羊適朱爾保等在村東口外詢知上前  
阻擋于一兒不依爭吵被蘇三全兒用尖刀扎  
傷左臂膊于一兒等見漢民拏刀逞兇卽同轉  
回投知鄉約于邪子虎于四娃于長春于二禿  
欲赴縣控告于邪子虎等應允于一兒等復在

羊羣查點伊等五人之羊並未短少隨逼令于  
吾兒等將羊趕往他處牧放此回民于吾兒等  
八人徒手相毆于一兒等五人往尋羊隻被毆  
各散之原委也是日下午于益海自潘邑鎮趕  
集回家聞知前往清查所少羊十八隻係伊與  
于修貴等九人之羊疑係朱爾保等收藏糾風同  
于修貴等同往尋羊維時金庭孝與于邪子虎  
向阻弗聽于益海卽偕于修貴于修寶于牙絲  
于二娃于元兒各帶木棍馬禿子于三回回各

帶長柄尖刀于葉兒徒手一共九人行抵龍池村由東邊街口進內卽往各處場院查尋並無羊隻行至西邊街口見紫微菴關鎖疑係藏匿菴內各舉腳將門踢開損壞門扇進內找尋致將兩邊廂房窓格推損神前供葉擠倒細找亦無羊隻同出菴外朱爾保見其踐踏廟宇邀同朱棕魁朱年兒周四朱元成朱正凱各帶長柄尖刀棍棒趕至叫罵于益海等回置朱棕魁用刀扎傷于益海左腋肌朱年兒用刀扎傷于葉

兒右肱肱朱爾保等各用棍棒撲毆于益海等  
齊舉刀棍將其尖刀棍棒格落于葉兒拾起磚  
塊擲傷朱爾保右腮腋連鼻梁馬禿子用刀扎  
傷朱元成左腿于三回回用刀扎傷周四右腿  
朱爾保等退避于益海因羊不足數見各家門  
首晒有衣服倡言漢民趕失伊等羊隻伊等亦  
拏漢民衣物作抵隨與于修貴等順取朱春成  
朱忭得王金蘭世芳李太忠門外晒放衣物並  
順牽朱棕常黑犍牛一隻賣錢花用此回民于

益海等九人結夥持械爭毆順便攫取衣物之情形也旋經龍池村鄉約朱正已查明報縣勘驗估贓飭差拘究于益海等聞風脫逃飭傳鄉約于邪子虎于四娃到案著落交人于邪子虎等令于起蛟作線協同差役王興等查拏未獲朱爾保等先後赴府司等衙門呈控節經批行該縣嚴比緝拏在案迨六年二月間金黑麻與金有素至潘邑鎮趕會撞遇差役王興等談及此案朱爾保邀人趕羊先有不是經朱爾保族

人朱士成路過聽聞代爲剖辯金黑麻等斥其偏護同宗出言辱詈並稱朱姓不過赴省具控有何他技朱士成又係年老之人遂肆口詆毀經王興等勸散詎朱士成心懷不服起意赴京控告冀圖回民以後不敢輕視漢民日後又可使村衆推重又慮及據實控告不能聳聽遂捏寫王閣金家兩村回匪趕羊數羣踐食伊等村外禾苗朱爾保理勸觸怒哨聚千餘人蜂擁至村砍傷人口拆毀廟宇搶去供桌將朱爾保等

遺火燒燬麥草改爲田民放火又將田民順取  
門外晒放衣物改爲用木橛撞開門戶持械入  
室搜搶衣飾財物並添砌縣差王興等拿獲于  
邪子肅等到案聽囑懲縣令鄉約朱正巳與田  
漢和息不從致被掌責反將于邪子虎等釋放  
等情因並不知田民姓名遂在王閣金家二村  
附近訪知于修貴于修寶于三娃于一兒于中  
得于速夫于吾二林于三田田于修德金王元  
于黑羊于三省于得山于棗木根王玉兒王省



兒王邪子李山狗李二娃李玉兒金順兒金五  
三金五六金王英金三娃金收成金滿拉金禿  
七兒二十八人連素識之于邪子虎于四娃于  
長春于二禿于起蛟金二禿金黑麻金有素八  
人共三十六人不論虛實一併指爲搶劫匪  
抄單粘呈並將歷年辦結回民各案列入單內  
赴都察院衙門呈控

奏奉

諭旨飭交前撫臣鄂山督同臬司顏伯燾審辦卽經

行提人証先後到省撫臣鄂山旋即卸事臣接  
准移交與臬司顏伯燾親提逐加嚴訊各供前  
情如一臣恐該回民等實有倚強縱羊踐苗及  
聚衆焚搶情事意存避重就輕捏詞支飾復向  
駁詰不特于益海等堅供委因羊隻悞踐秋苗  
致被邀截走失糾人索討爭毆情急乘機攫取  
衣物順手牽牛作抵委無故毀禾苗及撞門入  
室焚搶財物之事卽質之原告朱士成亦稱並  
未到場目擊所有質訊人証伊多半不能認識

律例 卷四 三  
俯首無詞自認捏砌妄控不諱再四究詰並將  
回犯等加以刑嚇矢口不移案無遁飾查例載  
回民結夥三人以上執持器械毆人者不分首  
從發雲貴兩廣極邊烟瘴充軍如結夥雖在三  
人以上而俱徒手爭毆並無執持器械者均各  
於軍罪上減一等杖一百徒三年又驀越赴京  
告重事不實並全誣十人一上者發邊遠充軍  
又律載及傷人者杖八十徒二年又木與人鬪  
毆因而竊取財物者計贓准竊盜論免刺竊盜

贓一兩至一十兩杖七十各等語此案回民于益海糾同于修貴等九人各持刀棍齊抵龍池村尋羊無獲輒與漢民朱爾保等爭毆殊屬兇橫其攫取衣物訊係爭毆後順携作抵並非平空搶奪律得計贓准竊盜論罪止擬杖惟于益海等結夥在三人以上而又持械傷人自應照例問擬于益海于修貴于修寶于牙絲于二娃于元兒馬禿子並在逃之于葉兒于三回回除鬪毆竊取財物計贓擬杖輕罪不議外合依回

民結夥三人以上執持器械毆人者不分首從發雲貴兩廣極邊烟瘴充軍例俱實發雲貴兩廣極邊烟瘴充軍原告朱士成所控匪于修貴等三十六人放火撞門入室搜搶財物如果屬寔于修貴等均罪干重辟今訊止于修貴等十人分起在場索羊爭毆攫取財物其餘于黑羊等二十六人皆係無辜盡被平空添砌赴京誣控自應照例問擬朱士成合依驀越赴京告重事不實並全誣十人以上發邊遠充軍例發

邊遠充軍回民于吾兒于油布馬圪塔因羊被  
朱爾保等邀去糾同于三娃于魏貫于中得金  
王元馬平兒八人前往討羊徒手爭毆其于益  
海等九人于一兒等五人後往尋羊毆打于吾  
兒等均不知情實與于益海等毆不同場應仍  
各科各罪于吾兒于油布馬圪塔于三娃于魏  
貫于中得金王元馬平兒合依回民結夥雖在  
三人以上而俱徒手爭毆並無執持器械者均  
各于軍罪上減一等杖一百徒三年例各杖一

百徒三年漢民朱棕魁朱年兒千興兒蘇三全  
兒扎傷佃民四人合依及傷人者杖八十徒二  
年律各杖八十徒二年與于益海等分別定地  
發配折責安置佃民于一兒因羊隻短少糾人  
徒手前往找尋竝未爭毆惟當朱爾保阻擋之  
時于一兒輒與爭吵究有不合應與聽糾同往  
之于修德卽于三保于速夫于吾二林金中兒  
及阻止不力之鄉約于邪子虎卽于紅彥于四  
娃卽于庭保于長春于二禿卽于成金二禿卽

金庭孝斥詈朱士成致肇訟端之金黑麻金有  
素邀羊起衅之朱爾保隨同爭毆之周四卽周  
元貴朱元成朱正凱均照不應重律杖八十各  
折責發落買贓不知姓名人請免查究于益海  
等與于吾兒等先後損壞菴廟門窻等項飭令  
分別賠修其攫取衣物牛隻估銀十八兩七錢  
八分在于該犯于益海等名下著追給領朱爾  
保等趕失回民羊十八隻共估銀十八兩亦令  
朱爾保繳出飭給各回民具領于吾兒等各傷



均已平復逸犯于葉兒于三回回獲日照擬發  
配兩造所執刀棍據供遺失棄燬無存請免查  
起無干省釋詞內牽控舊案均早經擬結應毋  
庸議前大荔縣知縣鄧培綬于此案具報後卽  
經親詣查勘因回民在逃差緝未獲旋卽卸事  
該署縣俞逢辰到任陸續緝獲于一兒于吾兒  
等十三人因于益海等九人避匿無踪未能卽  
時究辦遲延有因應請免議除全案供招咨部  
外所有審明定擬緣由理合恭摺具

奏伏乞

皇上聖鑒勅部核覆施行謹

奏

道光六年九月二十三日拜發十月初六日恭

遞十八日接奉

硃批刑部議奏欽此



護理陝西巡撫布政使臣徐忻跪  
奏爲遵

旨催僱過境官兵並吉林頭二起官兵業經過省出境三四起官兵已接續由潼關全行進發情形  
恭摺奏

聞仰祈

聖鑒事竊臣於九月十八日承准  
廷寄道光一年九月十四日奉

上諭現在楊威將軍長齡與叅贊楊遇春不日可抵

阿克蘇各路官兵多未出關應令迅速馳赴軍營  
以備及時進剿所有吉林黑龍江兵丁經過直隸  
河南陝西甘肅及哈密至阿克蘇一帶著該督撫  
大臣並各飭所屬於應需車馬供支速爲備辦催  
令進行無致稍有遲滯其原調續調陝西四川兵  
丁計已先後起程著該將軍督撫飭令趕緊前行  
經過地方妥爲照料並著鄂山等於各路官兵未  
出關者催令兼程前進其已出關者務令星馳進  
發能早到一日卽可得一日之用是爲至要等因

欽此 臣 跪誦之下仰見

皇上聖謨密運

籌示機先下懷曷勝欽服伏查陝省前調西安滿營兵一千名西安鎮標兵五百名延綏鎮標兵二千名早經行抵甘省計日已可陸續出關其續調西安滿營兵一千名及四川兵三千名均已僱出陝境惟吉林黑龍江官兵程途較遠 臣 於接准部咨後卽經嚴飭所屬將應需車馬供支早爲備辦嗣探聞吉林官兵將次入境當卽商

令署藩司顏伯燾馳赴潼關華陰一帶督飭照  
料入境署臬司何承薰馳赴邠州長武一帶督  
飭照料出境茲吉林兵一千名分四起行走經  
協領壽昌委叅領永謙帶領頭起官兵於九月  
十六日行抵潼關二十三日由長武縣出境副  
都統倭楞泰帶領二起官兵於十九日進關協  
領依勒東阿帶領三起官兵於二十二日進關  
隨於二十二日二十五日先後過省未起官兵  
副都統吉勒通阿帶領於二十五日亦已進關

沿途一應供頓均先期寬爲預備不使稍有停滯現據西路探報烏魯木齊提督達凌阿喀喇沙爾辦事大臣巴哈布督兵在阿克蘇地方與逆回接仗殲斃賊匪奪獲器械甚多阿克蘇境內現已肅清約計楊威將軍長齡叅贊楊遇春亦皆行抵該處卽日大兵雲集乘勝長驅定可尅期蕙事誠如

聖諭各路官兵能早到一日卽可得一日之用臣惟有率同署藩臬兩司督飭所屬將後起黑龍江



兵一千名續調吉林黑龍江兵一千名及續調  
四川兵三千名俟行抵陝境時分投催僱以期  
乘時會勦仰副

聖主策勵戎行速靖邊疆之至意所有催僱過境官  
兵及吉林兵出入陝境情形理合恭摺由驛具

奏伏祈

皇上聖鑒謹

奏

道光六年九月二十五日拜發十月初一日恭

遞初六日接奉

硃批知道了欽此

臣 等 謹 奏

為 事

一

再吉林黑龍江官兵先經直隸督臣那彥成奏  
明每兵一名加給口糧銀五分每日給銀一錢  
嗣准河南撫臣程祖洛咨會豫省亦照直省章  
程奏明增給查該兵經過陝省事同一例應請  
援照直豫兩省奏蒙

恩准之案畫一支發俾軍行益臻寬裕理合附片陳  
明謹

奏

同日奉

硃批依議行欽此

再臣承准

廷寄欽奉

上諭著鄂山徐炘查明斌良行抵何處卽傳知令其  
迅速回京候旨等因欽此查侍衛斌良於九月十  
八日已出陝境尙未行抵蘭州臣飛咨該侍衛  
令其欽遵迅速回京合併附片奏

聞謹

奏

同日奉

硃批覽欽此

再各省撥解餉銀欽奉

諭旨飭令飛催沿途妥爲照料俾得早解甘省伏查  
此次口外軍興以來陝省先解銀四十萬兩於  
八月十三日以前已全數解到嗣又暫行借撥  
陝省銀五十萬兩現在亦已運交甘省藩庫此  
外僭出陝境各省餉銀計河南省已解過銀二  
十一萬兩山西省已解過銀一百二十萬兩山  
東省已解過銀三十萬兩湖北省已解過銀二  
十五萬兩四川省撥解銀八十九萬兩全入陝



境日內亦可全數出境共已解過銀三百七十  
五萬兩足資接濟至陝省一切協濟支發各款  
需用不貲所有前次借撥甘省餉銀五十萬兩  
經署督臣鄂山及臣先後

奏蒙

俞允俟各省後起餉銀路過陝省時卽行如數截留  
歸款茲據署藩司顏伯燾詳請將山東末起餉  
銀十五萬兩先行截留濟用其餘惟江西撥解  
之銀最後應請俟該省餉銀解到時再行截留

歸款除咨明戶部外理合附片奏

聞謹

奏

同日奉

硃批知道了欽此



護理陝西巡撫布政使臣徐忻跪  
奏爲委員接署同知州縣各缺恭摺奏

聞仰祈

聖鑒事竊照署督臣鄂山前撫臣盧坤奏請調派陝  
省實缺知縣及實任候補試用佐雜各員欽奉  
上諭陝西長武縣知縣李肇慶藍屋縣知縣白維清  
商南縣知縣李希曾富平縣知縣郭階平雒南縣  
知縣劉瓊石泉縣知縣蓋鉦朝邑縣知縣謝長年  
等七員卽著徐忻檄調並於陝省實任及候補試

用佐貳雜職內擇其勤能者多爲派撥前赴甘肅俾資差委等因欽此臣卽欽遵檄調派撥並與署藩司顏伯燾署臬司何承薰熟商將應行遴委各缺酌量人地相宜揀員接署內有以實缺知縣調署者例應具摺

奏明查整厓縣員缺請以鄜縣知縣祝淳禧署理商南縣知縣李希曾本係署理永壽縣事所遺永壽縣員缺請以宜君縣知縣滿德安署理富平縣員缺請以咸陽縣知縣吳鳴捷署理所遺

咸陽縣員缺請以武功縣知縣段嘉謨署理石  
泉縣員缺請以延長縣知縣郭熊飛署理惟長  
武縣與甘省接壤爲各起官兵及運送軍械軍  
火各省餉鞘出境總滙之地該縣李肇慶照料  
妥速正在喫緊之時未便驟易生手致令貽悞  
應請仍留陝省另行調派定遠廳同知龔蘭泰  
華州知州張坦洵陽縣知縣王壬垣前往該三  
員誠實可靠辦事勤能署督臣鄂山前撫臣盧  
坤皆所深知所遺定遠廳同知員缺查有臨潼

縣知縣孫鳳堪以署理所遺臨潼縣員缺查有  
寶雞縣知縣劉用霖堪以署理其所遺寶雞縣  
員缺查有高陵縣知縣恒熙堪以署理華州知  
州員缺查有靖邊縣知縣現署榆林縣事郭守  
倫堪以署理據署藩臬兩司具詳請

奏前來臣查此次甘省奏調陝省實缺知縣七員  
今已調派實缺同知州縣共九員候補知縣及  
實缺試用佐雜二十七員足資差委除分別咨  
報並檄飭遵照外理合恭摺具

奏伏乞

皇上聖鑒謹

奏

道光六年九月二十五日拜發十月初一日恭

遞初六日接奉

硃批知道了欽此

大清宣統元年九月二十五日

奏

二



日本書紀卷之四十四

三

護理陝西巡撫布政使臣徐忻跪

奏爲遵

旨分賞勁旅皮衣銀兩並吉林官兵備出陝境黑龍  
江官兵全過西安接續出境情形恭摺覆

奏仰祈

聖鑒事竊臣於九月二十八日承准軍機大臣字寄  
道光六年九月二十三日奉

上諭前據楊遇春奏所調各兵因天氣寒涼錢價食  
物較昂懇請馬兵每名借銀十兩步兵每名借銀

六兩當經降旨久行朕思前調吉林黑龍江勁旅  
三千名前赴軍營長途遠涉際茲將屆初冬未必  
皆有禦寒之具若酌賞銀兩該兵丁途次紛紛售  
買轉恐耽延時日有悞遄行著鄂山徐忻預爲籌  
辦每兵一名賞給老羊皮馬褂一件未過西安者  
由徐忻辦給已過西安者由鄂山辦給其兵丁本  
有皮衣者折賞銀四兩俾得挾纊有資所有動用  
銀兩俱准其作正開銷將此由五百里諭令知之  
欽此是日吉林未起官兵已過西安適副都統

安福帶領黑龍江頭起官兵二百名趕抵省城

臣當卽將欽奉

諭旨敬謹宣示該副都統安福率領官兵環跪祇聆  
伏地碰頭據稱該兵丁等世受

生成豢養分應効力行間前此啟程時已蒙

聖恩賞給行裝銀兩到京後又荷

賞賚優加茲復叨沐

逾格殊施

俯念邊徼衝寒禦冬無具遠道授衣雖慈父母之子

子亦未必能體恤因時如此至周且備兵丁等  
具有天良惟有服膺挾纊之

仁共矢同仇之義以期仰報

高厚鴻慈于萬一 臣察其情詞懇切實出至誠二起  
帶隊總管特松阿三起副總管福興四起協領  
鄂爾托彥末起副都統阿勒罕保各帶兵二百  
名到省 臣一一傳示其感激圖報情詞先後如  
出一口惟該兵丁等無論本有皮衣與否皆願  
折領價銀緣辦給老羊皮馬褂每件工料銀不

過三兩有零者估衣則價值更減西安現因各起兵差過境市僧製辦各色皮襖馬褂携赴售賣者紛集該兵丁等或量物之新舊或稱身之短長如式自置皆可各隨其便俾適意而適體餘剩價銀尙可添補零星衣履抑或分潤餘丁

同沾

渥澤委係實在情形臣當卽行令署藩司顏伯燾每起支給銀八百兩交付各起領隊大員分散均極歡忭安靜再吉林官兵前經由部行知每起

因欽奉  
間二日行走黑龍江官兵每起間一日行走臣

諭旨飭催當卽令吉林未起官兵間一日行走黑龍  
江官兵按起接連逐日行走因沿途車馬輪轉  
不及並量爲添僱以利進行現在吉林官兵于  
十月初一日已全出陝境黑龍江官兵頭二起  
于初二初三日出境三四起末起均過西安統  
計初七日亦可全數出境除俟續調吉林黑龍  
江官兵入境時一體欽遵傳

過三兩有零若估衣則價值更減西安現因各起兵差過境市僧製辦各色皮襖馬褂携趁售賣者紛集該兵丁等或量物之新舊或稱身之短長如式自置皆可各隨其便俾適意而造體餘剩價銀尚可添補零星衣履抑或分潤餘丁

同沾

渥澤委係實在情形臣當卽行令署藩司顏伯燾每起支給銀八百兩交付各起領隊大員分散均極歡怵安靜再吉林官兵前經由部行知每起



間二日行走黑龍江官兵每起間一日行走臣  
因欽奉

諭旨飭催當卽令吉林未起官兵間一日行走黑龍  
江官兵按起接連逐日行走因沿途車馬輪轉  
不及並量爲添僱以利進行現在吉林官兵于  
十月初一日已全出陝境黑龍江官兵頭二起  
于初二初三日出境三四起末起均過西安統  
計初七日亦可全數出境除俟續調吉林黑龍  
江官兵入境時一體欽遵傳

旨頒賞並催儻前進外謹將遵辦緣由恭摺由驛覆  
奏並將副都統安福留交恭謝

天思奏摺敬呈

御覽伏乞

皇上聖鑒謹

奏

道光六年十月初三日拜發初九日恭遞十五  
日接奉

硃批知道了欽此

中華書局影印

卷三

再陝省兩次調撥西安滿營官兵二千七十三員名經將軍慶山咨領一月葢菜口糧裹帶前進查係援照從前經畧額勒登保奏定章程並嘉慶十八年陝省奉調滑縣協勦教匪官兵奏准成案循例支發除造冊咨部核銷外理合附片奏

聞謹

奏

同日奉

殊批覽欽此

護理陝西巡撫布政使臣徐忻跪  
奏爲籌備駝隻撥運局錢解赴肅州濟用恭摺覆  
奏仰祈

聖鑒事竊臣欽奉

諭旨飭令在於所屬採買駝二千隻務須一律臚壯  
委員迅速解送肅州並轉飭署藩司于庫存兵餉  
錢文內撥出三萬串各儘額設車輛運交肅州軍  
需局應用等因欽此臣正在繕摺將籌辦情形覆  
奏間復承准

廷寄奉

上諭陝省採買駝二千隻亦應酌量購備聽候鄂山等知會與各處所備車駝通盤覈計務期足用無致浮多可也等因欽此 臣跪讀之下仰見

皇上籌示周詳無微不至曷勝欽服伏查甘肅蘭州省城至阿克蘇軍營道里綿長節節設立糧臺一應軍火軍械糧餉輪番轉運需用孔急一時就近猝辦不及委係實在情形 臣于未經恭奉諭旨之先接准署督臣鄂山前撫臣盧坤移咨卽與

署藩臬兩司詳細商酌定議趕緊雇備緣陝省  
向非產駝之區祇有運送往來客貨駝隻若籌  
議發價採買在駝戶以受雇營生必不肯將廕  
壯者棄賣且必延挨擡價居奇轉不能迅速濟  
用若僅照常雇覓卽無須另雇拉駝人夫亦無  
須沿途逐日供支草料及另行製備鞍架繩屨  
等物况駝隻爲駝夫已業餽養自必經心設有  
疲羸倒壞均可核實扣除事竣後亦不致變價  
製肘當經行令涇陽榆林等處雇備健駝附載



大布二千捆代爲甘省購買製辦帳房之用並  
將撥運西安鎮標帳房鑼鍋並製備角弓戰箭  
軍裝等項一併馱載委員押送前往至撥運局  
錢三萬串若各儘額設車輛解運恐路遠錢多  
轉致濡滯亦就現雇駝隻勻配馱載以期便捷  
而應急需計由陝省前後共雇健駝四千餘隻  
分起陸續解往此外復酌雇騾頭協濟如已足  
敷輪轉祇須按日照給雇資倘若稍覺浮多卽  
可隨時量爲裁撤似不致虛糜餉項亦無虞短

缺遲延較爲安速所有遵  
旨籌辦緣由理合恭摺據實覆

奏伏祈

皇上聖鑒謹

奏

道光六年十月十八日拜發十月二十四日恭  
遞二十九日接奉

硃批另有旨欽此

トニ 幸ニ 三ニ 三ノ 正ニ

ヲト

名

道光六年十月二十四日內閣奉

上諭徐忻奏雇備健駝四千隻附載局錢軍裝等項  
解赴肅州濟用一摺現由烏魯木齊轉運軍糧所  
需駝隻甚多該署撫旣於陝省雇駝四千隻自較  
發價採買沿途餵養解送更覺省便辦理甚爲得  
宜惟各駝內附載軍裝等項是否祇解肅州抑徑  
解阿克蘇其按日照例給予雇價口內應發若干  
口外應發若干自巳酌定將來陸續附載局錢軍  
裝交卸後是否卽可隨時迅解烏魯木齊以備轉

運糧石之用該署撫卽一面覆奏一面飛咨鄂山  
等令其將各項應須馱載籌計盈絀妥爲應付可  
也將此由五百里諭令知之欽此

再臣接准署督臣鄂山照會籌調更換接乏馬匹飭撥西安鎮屬馬三百匹陸續解送肅州設槽餵養再行解赴大營備用等因查西安鎮屬前已撥解馬三百匹茲臣又於所屬各營內如數飭調臆壯馬三百匹遴委妥弁分起解送前往俾資備用理合附片奏

聞謹

奏

同日奉

硃批知道了欽此

護理陝西巡撫布政使臣徐忻跪

奏爲恭報續調吉林黑龍江官兵全數過陝出境

日期仰祈

聖鑒事竊照此次勦辦口外逆匪原調吉林黑龍江

官兵二千名業經臣將分起過境緣由恭摺

奏報在案茲查續調吉林黑龍江官兵一千名每

二百五十名爲一起各分二起間二日前進協

領安楚拉帶領頭起吉林官兵於十月初六日

進潼關初八日行抵西安十二日由長武縣出



境前鋒統領哈朗阿帶領二起官兵於初九日  
進關十一日行抵西安十五日由長武縣出境  
總管舒凌阿帶領頭起黑龍江官兵於十三日  
進關十五日行抵西安計十九日出境副總管  
胡圖凌額帶領二起官兵於十五日進關十七  
日行抵西安計二十一日出境所有仰蒙

天恩賞賜皮衣 臣遵

旨一一明白宣示各起兵丁等均照前求領價銀自  
行置買 臣卽令署藩司顏伯燾每起發給銀一

千兩交帶隊大員均勻分散該兵丁等感沐  
皇仁倍加奮勉惟自十月初四五及十一等日祥霽  
普沛雨雪載途車馬涉水衝泥未能兼程馳驟  
是以前二起祇能按照原定章程仍間二日行  
走末起因天已晴霽催僱遄行間一日行走途  
次均甚安靜所有續調吉林黑龍江官兵過陝  
出境日期理合恭摺由驛具

奏伏祈

皇上聖鑒謹

奏

道光六年十月十八日拜發二十四日恭遞二

十九日接奉

硃批知道了欽此

再續調四川兵三千名仍照前次由川省廣元  
取道陝省寧羌畧陽赴甘省階州前進臣接據  
護陝安道楊名颺節次稟報自九月二十七日  
起至十月初八日止逐日分起入境現已僦出  
陝境兵一千三百餘名其餘兵丁接續進行計  
二十日內可以全出陝境合併附片陳明謹

奏

同日奉

硃批知道了欽此

口 丁 巳 年 十 月 三 日 申 時

庚 子

護理陝西巡撫布政使臣徐忻跪

奏爲恭報雨雪糧價情形仰祈

聖鑒事竊照陝省本年八月分各屬雨水田禾情形業經臣恭摺具

奏在案茲據西安延安鳳翔漢中榆林同州興安商州邠州乾州鄜州各府州屬具報於九月初一初七十二三四十八九日二十一二三四日陸續得有雨澤十月初三四五六日及十一日先後普霑雪澤自一二三四五六寸至深透不

等臣查陝省本年秋雨連綿南北兩山暨平原各屬土膏極爲滋潤二麥播種齊全苗芽一律勃發今又瑞雪應時麥根盤結穩固糧價俱屬中平民情歡忭堪以仰慰

宸懷謹將九月分各屬糧價敬繕清單恭呈

御覽伏祈

皇上聖鑒謹

奏


道光六年十月二十四日拜發十一月初六日

恭遞十九日接奉

硃批知道了欽此

今  
奉  
聖  
旨  
欽  
此





Handwritten text, possibly a title or page number, oriented vertically along the right edge of the frame.

1951

再前奉

上諭嗣後奏報捐監銀兩均應叙明某年開捐起收過  
捐監銀若干已經解部及奏明動用若干現在若干  
俟湊足十萬兩卽行解部不得含混聲叙欽此查陝  
西省自嘉慶五年三月開捐起至道光六年八  
月底止共收捐監銀二百九萬二千九百五十  
兩內除

奏明提歸軍需項下動用銀六十四萬六千一百  
兩採買倉穀動用銀一十六萬五千四百兩節

次解部銀八十八萬九千五百一十兩提收司  
庫封貯銀三十五萬兩實應存銀四萬一千九  
百四十兩業經

奏報在案今道光六年九月分又收捐監銀六千  
一百兩連前共存銀四萬八千四十兩理合附  
片奏

聞謹

奏

同日奉

殊批覽欽此

奉 旨 欽 此

欽 此

欽 此

五 萬 國 公 報

二 〇 一 一

護理陝西巡撫布政使臣徐忻跪

奏爲修理貢院動用耗羨銀兩循例奏

聞事竊照陝省道光五年乙酉科鄉試修理貢院房屋號舍各工經署督臣鄂山於上年委員勘估核明共需工料銀二千二百四十餘兩造冊具題奉部覆准在案茲據署藩司顏伯燾詳稱查乙酉科鄉試修理貢院房屋共計二百五十八間並號舍等項原估工料銀二千二百四十二兩四錢七分四厘內除在干地丁銀內動支銀一

千一百七十五兩五錢三分三厘尚不敷銀一  
千六十六兩九錢四分一厘經前藩司鄧廷植  
查照向例在于司庫耗羨銀內動支所有用過  
銀數詳請具

奏前來臣查動用耗羨銀數在五百兩以上例應  
專摺具奏除飭令趕造報銷冊結另行恭疏  
題報外所有動用耗羨銀兩理合循例恭摺具  
奏伏祈

皇上聖鑒謹

奏

道光六年十月二十四日拜發十一月初六日

恭遞十九日接奉

硃批戶部知道欽此





護理陝西巡撫布政使臣徐忻跪  
奏爲徒犯授例納贖恭摺奏

聞請

旨事竊照朝邑縣已革生員謝溫因道光五年陝省  
鄉試雇倩生員雷寅丙鎗替傳遞未成審將該  
犯於應試生儒用財雇替傳遞例上量減一等  
擬杖一百徒三年定地發配在案茲據署藩司  
顏伯燾署臬司何承薰詳稱據朝邑縣紳士舉  
貢生員李元春等合詞呈請援照納贖徒罪銀

八百兩公費銀四十兩之例懇請贖罪核其所犯情節尙非常赦所不原似與准其贖罪之例相符詳請具

奏前來臣查乾隆元年三月二十六日奉

旨贖罪一條原係古人金作贖刑之義况在內由部臣奏請在外由督撫奏請皆屬斟酌情有可原者方准納贖其事尙屬可行嗣後將贖罪一條仍照舊例辦理欽此欽遵在案又向來辦理各項贖罪之案內由刑部外由督撫各就本案核其情節奏明請

旨此案已革生員謝溫犯事原案臣覆加查核尚非  
常赦所不原據署藩臬兩司詳稱該紳士李元  
春等合詞籲請納贖應否准其援例納贖之處  
出自

聖主天恩理合恭摺具

奏請

旨伏祈

皇上聖鑒訓示謹

奏

道  
光  
六  
年  
十  
月  
二  
十  
四  
日  
拜  
發  
十  
一  
月  
初  
六  
日

恭  
遞  
十  
五  
日  
接  
奉

硃  
批  
另  
有  
旨  
欽  
此

道  
光  
六  
年  
十  
一  
月  
初  
七  
日  
內  
閣  
奉

上  
諭  
徐  
忻  
奏  
徒  
犯  
援  
例  
納  
贖  
一  
摺  
謝  
溫  
著  
准  
其  
贖  
罪

欽  
此

護理陝西巡撫布政使臣徐忻跪

奏爲遵

旨覆奏事竊臣於十月二十九日承准軍機大臣字  
寄道光六年十月二十四日奉

上諭徐忻奏雇備健駝四千隻附載局錢軍裝等項  
解赴肅州濟用一摺現由烏魯木齊轉運軍糧所  
需駝隻甚多該署撫旣於陝省雇駝四千隻自較  
發價採買沿途餒養解送更覺省便辦理甚爲得  
宜惟各駝內附載軍裝等項是否祇解肅州抑徑

解阿克蘇其按日照例給予雇價口內應發若干口外應發若干自己酌定將來陸續附載局錢軍裝交卸後是否即可隨時迅解烏魯木齊以備轉運糧石之用該署撫卽一面覆奏一面飛咨鄂山等令其將各項應須馱載籌計盈絀妥爲應付可也將此由五百里諭令知之欽此伏查此次口外軍營轉運糧餉等項需用馱載繁多先經署督臣鄂山前撫臣盧坤咨令代雇馱騾二千頭解赴甘省應用臣因騾頭馱載無多不能如駝隻

之負重且騾駝雇價相等雇用一駝足抵兩騾  
之用是以僅爲代雇馱騾五百二十頭復與署  
督臣鄂山等札商改爲代雇健駝二千隻嗣又  
經鄂山等

奏明飭令採買二千隻臣與署藩司顏伯燾署臬  
司何承薰籌議陝省雇覓駝隻較爲便捷若採  
買轉恐遲延是以雇備四千隻以符代雇並採  
買之數至附載軍裝局錢解交肅州交卸該處  
爲辦理軍需出口總滙之所一切收支必須由



該局核明方有稽考再由肅州分撥前進可以隨時迅解烏魯木齊以備轉運糧石之用其雇  
用價值議定間住每日給予銀三錢放空行走  
每日給銀四錢負重每日給銀五錢自蘭州以  
西閑住與放空均日給銀三錢負重日給銀五  
錢如有疲瘦倒斃均隨時刪減扣除現接署督  
臣鄂山來信口外已有駝六七千隻加以甘省  
籌辦並各處撥進雇備共有駝一萬五千餘隻  
等語除一面飛咨鄂山等令其將各項應須駝

載籌計盈絀妥爲應付外理合遵

旨據實恭摺由驛覆

奏伏祈

皇上聖鑒謹

奏

道光六年十一月初一日拜發初七日恭遞十

五日接奉

硃批知道了欽此

平不事与事通

卷四

三十一

護理陝西巡撫布政使臣徐忻跪

奏爲恭報交卸總兵印務日期仰祈

聖鑒事竊臣於七月二十三日准前署督臣楊遇春  
咨開飭令西安鎮總兵德克登額隨帶進征所  
有總兵印務交臣就返兼攝臣卽於是日接印  
任事當經

奏明在案茲新任總兵得志於十一月初一日行  
抵西安臣卽飭委中軍遊擊姜得仁將總兵印  
一顆並

王命旗牌及一切文卷移送接收訖臣權理三月有餘於操防訓練事宜未敢稍有疎懈計自任事以來挑派前赴軍營兵五百名馬三百匹其續調馬三百匹經署督臣鄂山照會現在口外馬匹已敷騎用所有續調之馬於途次截回仍歸原營餵養此外調撥軍裝軍械等項均經隨時查照運往並無延誤尙有應行代爲製辦軍營需用各件俱移交後任督飭妥爲辦理所有交卸總兵印務日期理合恭摺具

奏伏祈

皇上聖鑒謹

奏

道光六年十一月初二日拜發十四日恭遞二十五日接奉

硃批所奏均悉欽此

四  
不  
難  
三  
考  
正

老  
四

三  
百  
三

署理陝甘總督陝西巡撫臣鄂山跪  
護理陝西巡撫布政使臣徐炳

奏爲揀員調補首邑要缺仰祈

聖鑒事竊照西安府咸寧縣知縣陳元杰因病出缺  
業經恭疏

題報在案所遺員缺係衝繁疲難四項相兼要缺  
且係省會首邑政務殷繁例應在外揀調必須  
精明幹練之員方足以資治理臣等往返札商  
與署藩臬兩司在于通省知縣內逐加遴選非  
現居要缺卽人地未宜實無合例堪調之員惟



查有咸陽縣知縣吳鳴捷年五十七歲安徽進士籤發陝西以知縣卽用嘉慶十年到陝

題補高陵縣知縣十八年調補今職道光元年補行二十五年

大計案內保薦

恩准卓異加級候陞該員才具老練辦事安詳任內竝無違碍處分以之調補咸寧縣知縣實堪勝任惟以繁調繁與例稍有未符但首邑員缺緊要人地實在相需例得專摺

奏請合無仰懇

皇上天恩俯准以咸陽縣知縣吳鳴捷調補咸寧縣  
知縣於地方實有裨益如蒙

俞允該員以知縣調補知縣銜缺相當毋庸送部引  
見其所遺咸陽縣員缺係銜繁難要缺容俟另行調  
補再咸寧縣知縣員缺現在卽令該員署理合  
併陳明所有揀員調補首邑要缺緣由謹合詞  
恭摺具

奏伏祈

皇上聖鑒謹

奏

道光六年十一月初二日拜發十四日恭遞二十五日接奉

硃批另有旨欽此

道光六年十一月十四日內閣奉

上諭鄂山等奏揀員調補首邑要缺一摺著照所請陝西咸寧縣知縣准其以吳鳴捷調補該部知道欽此

再蓋厓縣知縣白維清調往甘省差遣委用所  
遺員缺

奏明以鄜縣知縣祝淳禧署理在案茲該縣祝淳  
禧具報丁憂所遺蓋厓縣知縣員缺應另委員  
接署查有米脂縣知縣王鵠年力富強辦事勤  
慎堪以調署蓋厓縣印務據署藩臬兩司具詳  
前來除檄飭遵照外理合附片奏

聞謹

奏

同日奏

硃批覽欽此

護理陝西巡撫布政使臣徐忻跪

奏爲恭報雪澤糧價情形仰祈

聖鑒事竊照陝省本年九月分並十月初旬雨雪糧價情形業經臣恭摺具

奏在案茲據西安等十二府州屬具報於十月二十日至二十三日二十八日十一月初一二日先後祥霽渥沛瑞雪頻霑除融化外積地自一寸至盈尺不等臣查陝省向以麥收爲重本年秋間陰雨涵濡二麥及時播種入冬後復連得

雪澤根荳穩固苗芽滋生收成可期豐稔糧價  
中平民情歡悅堪以仰慰

宸懷謹將十月分各屬糧價敬繕清單恭呈

御覽伏祈

皇上聖鑒謹

奏

道光六年十一月二十六日拜發十二月初七

日恭遞二十一日接奉

硃批知道了欽此

再前奉

上諭嗣後奏報捐監銀兩均應叙明某年開捐起收過  
捐監銀若干已經解部及奏明動用若干現在若干  
俟湊足十萬兩卽行解部不得含混聲叙欽此查陝  
西省自嘉慶五年三月開捐起至道光六年九  
月底止共收捐監銀二百九萬九千五十兩除  
奏明提歸軍需項下動用銀六十四萬六千一百  
兩採買倉穀動用銀一十六萬五千四百兩節  
次解部銀八十八萬九千五百一十兩提收司



庫封貯銀三十五萬兩實應存銀四萬八千四  
十兩業經

奏報在案今道光六年十月分又收捐監銀八千  
五百八十兩連前共存銀五萬六千六百二十  
兩內除署藩司顏伯燾詳請咨部撥支口外軍  
需兵差動用銀四萬六千四百兩實存銀一萬  
二百二十兩理合附片奏

聞謹

奏

同日奉

硃批覽欽此

人... 2

...

...

陽春書目考 卷四

三

再富平縣知縣郭階平調赴甘省差委所遺員  
缺經臣奏請以咸陽縣知縣吳鳴捷署理茲吳  
鳴捷調補咸寧縣知縣所有富平縣員缺應卽  
另行揀員委署查有岐山縣知縣陳堯書在陝  
年久辦事認真堪以調署富平縣印務其所遺  
岐山縣員缺查有沔縣知縣徐通久年壯才明  
辦事勤奮堪以調署據署藩臬兩司詳請具  
奏前來除批飭遵照外理合附片奏

聞謹

奏

同日奉

硃批知道了欽此

護理陝西巡撫布政使臣徐忻跪

奏爲遵

旨查明據實覆奏仰祈

聖鑒事竊臣承准軍機大臣字寄道光六年十月初

六日奉

上諭本年陝西西鄉等三縣被水被雹節經該省奏到均已隨時降旨加恩小民諒可不至失所惟念來春青黃不接之時民力不免拮据如有應需接濟之處卽查明據實覆奏等因欽此仰見

皇上軫念黎元

恩施無已之至意臣查本年西鄉蓋厘二縣被水其  
時節氣尙早自借給籽種補種晚秋後場雨應  
時收成一律豐稔其榆林縣秋禾被雹業經緩  
徵下忙銀糧草束民力已紓臣與署藩司顏伯  
燾詳加體察該三縣民食均無虞缺乏輿情安  
貼來春無須再爲接濟所有遵

旨查明緣由理合恭摺據實覆

奏伏祈

皇上聖鑒謹

奏

道光六年十一月二十五日拜發十二月初七日

恭遞二十一日接奉

硃批知道了欽此



<p>         1. 姓名          2. 性别          3. 年龄          4. 籍贯          5. 民族          6. 职业          7. 文化程度          8. 婚姻状况          9. 健康状况          10. 宗教信仰          11. 政治面貌          12. 其他       </p>	<p>         1. 姓名          2. 性别          3. 年龄          4. 籍贯          5. 民族          6. 职业          7. 文化程度          8. 婚姻状况          9. 健康状况          10. 宗教信仰          11. 政治面貌          12. 其他       </p>	<p>         1. 姓名          2. 性别          3. 年龄          4. 籍贯          5. 民族          6. 职业          7. 文化程度          8. 婚姻状况          9. 健康状况          10. 宗教信仰          11. 政治面貌          12. 其他       </p>	<p>         1. 姓名          2. 性别          3. 年龄          4. 籍贯          5. 民族          6. 职业          7. 文化程度          8. 婚姻状况          9. 健康状况          10. 宗教信仰          11. 政治面貌          12. 其他       </p>
--	--	--	--

護理陝西巡撫布政使臣徐忻跪

奏爲盤獲脫逃太監委員解部審辦仰祈

聖鑒事竊臣接據署大荔縣知縣俞逢辰稟報十一月十二日盤獲太監一名訊據供稱姓張名進忠年三十四歲係順天宛平縣人先在四執事行走後在掌儀司當差因聞伊胞兄張老二在山西太原地方居住於道光六年三月二十四日起意獨自逃走出京行至太原訪得伊兄又往陝西隨即沿途尋覓一路潛踪行走無人知

覺來到大荔縣境卽被盤獲並無爲匪不法情  
事等語臣當卽飭提來省與署藩司顏伯燾署  
臬司何承薰詳加訊問據供與該縣所稟無異  
臣等復反覆究詰堅供委因探親逃走並無犯  
法及詐稱奉差招搖情弊但係一面之詞無憑  
質証且計其逃走之日至今已閱八月之久是  
否隱匿犯事實情抑或假托姓名飾詞影射均  
難懸定查例載拿獲逃走太監徑解刑部辦理  
等語除委員解送刑部審辦外理合恭摺具

奏伏祈

皇上聖鑒謹

奏

道光六年十一月二十五日拜發十二月初七

日恭遞二十一日接奉

硃批刑部知道欽此

口  
不  
言  
与  
三  
考  
疏  
卷  
四

三  
天

護理陝西巡撫布政使臣徐忻跪

奏爲恭報接護京餉運送出境日期仰祈

聖鑒事竊照此次勦辦口外逆回荷蒙

皇上飭部先後籌撥各省餉銀四百萬兩已於十月初旬全數僱出陝境早經解抵甘省濟用嗣又

欽奉

諭旨頒發內庫帑銀二百萬兩臣接准部咨後卽經分飭沿途各廳州縣將應需車輛先期預備並遴派潼商道慶祿督糧道尹佩珩會同署宜君

營叅將馬國鎰護西安鎮標左營遊擊張朝玉  
率同文武員弁兵役分投照料于十一月初九  
日至十二日經山西委員將前項餉銀分四起  
運抵潼關每起銀五十萬兩該道將等督飭節  
節妥爲接運于二十一日至二十四日將四起  
餉銀按照分批全數由長武縣運送出境交明  
甘省涇州接收轉運計十二月初旬內即可解  
抵甘肅藩庫現當口外大兵雲集乘勝進發之  
時復添此項餉銀接濟俾後路寬爲儲備源源

供億于軍務實有裨益所有接運京餉出境日期理合恭摺由驛具

奏伏祈

皇上聖鑒謹

奏

道光六年十一月三十日拜發十二月初六日  
恭遞十四日接奉

硃批知道了欽此



卷之三

老

八

再此次陝西支應本省滿漢官兵調赴軍營俸  
賞行裝等項並京營東三省勁旅四川官兵過  
境所需車馬夫騾供頓分例由潼關至長武及  
北路由府谷至定邊沿途添設臺站修理橋道  
一切支應解送駝馬餉鞘軍裝費用均應由陝  
省照例報銷至爲甘省代購布疋代製軍裝軍  
械軍火並代雇騾頭駝隻均係因甘省總局備  
辦不及暫由陝省墊款代辦以應急需所用工  
價銀兩若由陝省另行請項開銷不惟事涉紛

臣等謹將三奏理  
卷四  
三  
歧且恐陝省之所銷與甘省之所用彼此轉轉  
轉難稽考應請由甘省將墊用銀兩如數撥還  
陝省統由蘭州總局併案核實報銷以歸畫一  
而免牽混是否有當理合附片具

奏伏候

聖裁謹

奏

同日奉

硃批戶部速議具奏欽此

護理陝西巡撫布政使臣徐忻跪  
奏爲查明錢糧完解數目循例奏

聞事竊照嘉慶八年五月內准戶部咨開令將新徵  
錢糧數目於十二月內先行奏明仍於次年四  
月內具題等因歷經遵照在案茲據署布政使  
顏伯燾詳報道光六年分額徵民屯更起運並  
糧折等項除各屬留支外實應解司銀一百三  
十三萬一千五百一十七兩零內除自本年二  
月起至五月底止已完銀八十九萬七千二百

兩零業經

奏報在案今自六月起至十一月底止續完銀四十萬八千八十二兩零均經解貯司庫仍未完銀二萬六千二百三十四兩零統計本年新徵錢糧已完九分有餘又帶徵道光五年緩征地丁舊欠截至本年五月底止未完銀五百七十兩零今截至十一月底止續完銀四百三十六兩零仍未完緩徵銀一百三十四兩零等情詳請具

奏前來 臣覆核無異除將未完銀兩嚴飭督催徵  
解外所有道光六年正賦錢糧並帶徵錢糧截  
至十一月底止已未完數目理合循例恭摺具  
奏伏乞

皇上聖鑒謹

奏

道光六年十二月十二日拜發二十二日恭遞七  
年正月初八日接奉

硃批戶部知道欽此

四庫全書

卷四

署理陝甘總督陝西巡撫臣鄂山跪  
護理陝西巡撫布政使臣徐忻

奏爲陝省榆林府屬創設義倉核明官民捐輸穀  
數循例懇

恩獎勵仰祈

聖鑒事竊照陝省各屬勸捐社穀建修倉廩經臣鄂

山恭摺具

奏欽奉

諭旨分別獎勵在案惟榆林府所屬州縣坐落省北  
邊界間閭素鮮蓋藏積貯尤關緊要經署藩司



顏伯燾于延榆綏道任內督同榆林府知府熊常錞率同該州縣等公同籌議仿照前任直隸督臣方觀承奏設義倉成案創設義倉以補常平社倉之所不逮專派候補縣丞魏一德董率其事計榆林縣並客籍紳民共捐穀一萬一千四百四十一名九斗三升于城鄉分設倉廩九處存貯此外葭州共捐穀三百二十石懷遠縣共捐穀二千二百七石四斗一升神木縣共捐穀一千六十七石八斗府谷縣共捐穀二千五

百一十四石五斗八升均各籌建設倉廩以脩  
續捐而期經久經該管道府覆加盤驗所有捐  
穀紳民應照例酌加獎勵由藩司彙核詳請具  
奏前來臣查常平倉官爲職守一時不敢擅動社  
倉照常出借未免輾轉遲延惟義倉取富戶樂  
歲之有餘備貧民歉年所不足係由紳民自行  
經理一有緩急卽可賑貸兼施較之常社兩倉  
最爲便捷况榆林地瘠民貧田多沙漠彫劫本  
甲于通省霜雹屢碍于收成是地利天時均不

足恃所賴預籌于平日方能取濟于臨期湖查  
乾隆十八年前任直隸督臣方觀承奏定義倉  
章程紳衿士庶人等捐輸義倉穀十石者州縣  
給以花紅三十石以上者獎以匾額五十石以  
上者報明上司遞加旌獎各年所捐前後通算  
至二百石者核實具題給以九品頂帶三百石  
者八品頂帶四百石者七品頂帶其捐至千石  
以上者照例從優議叙等語今榆林府屬新設  
義倉應請援照直隸成案辦理以示鼓勵而資

勸勉除捐數在百石以下者照例分別給予花紅匾額外所有捐數在二百石及三百石以上之紳民謹開具清單恭呈

御覽伏候

聖主恩施再候補縣丞魏一德派司勸捐隨同道府盡心籌辦且首先捐穀一千石身爲民倡實屬急公勤奮可否遇缺儘先補用出自

天恩臣等未敢擅便除將所捐穀數造冊咨部立案外謹合詞恭摺具

日不... 老

三

奏伏祈

皇上聖鑒謹

奏

道光六年十二月十二日拜發二十二日恭遞

七年正月初八日接奉

硃批該部議奏單併發欽此

謹將捐輸義倉穀二百及三百石以上之紳衿  
士庶姓名開具清單恭呈

御覽

計開

榆林縣捐職理問張恩慶捐穀一千石

福建候補縣丞張錫勳捐穀一千石

靖邊縣生員張鶴捐穀一千石

定邊縣監生高利捐穀六百石

榆林縣捐職從九張樞捐穀四百石

廩生柳毓秀捐穀四百石

廩生賀鴻才捐穀四百石

民人慕蘭捐穀四百石

靖邊縣監生王佐捐穀四百石

民人高養心捐穀四百石

神木縣生員賀正捐穀四百石

定邊縣監生高大仁捐穀二百石

榆林縣童生趙尊義捐穀二百石

懷遠縣童生李滋捐穀二百石

童生馬斯才捐穀二百石

神木縣童生薛繩先捐穀二百石

童生王富春捐穀二百石

府谷縣童生甄盡善捐穀二百石

童生李域捐穀二百石

童生蘇蔭棠捐穀二百石

童生韓景行捐穀二百石

童生李逢春捐穀二百石

民人高光捐穀二百石



民人藺登第捐穀二百石

葭州童生劉鍾岫捐穀二百石

署理陝甘總督陝西巡撫臣鄂山跪  
護理陝西巡撫布政使臣徐炘

奏爲遴員陞補南山要缺知縣以重地方仰祈

聖鑒事竊照安康縣知縣諸能定題陞寧羌州知州

出缺經臣鄂山前在陝西時與臣徐炘等商定

以俸滿保薦應陞之平利縣鎮坪縣丞徐廷琛

題請陞補茲准部咨稱安康縣係在外題補之缺

例應以候補正途人員先儘題補如候補無人

方准以應陞人員題陞該省現有候補人員例

得先儘補用所有徐廷琛陞補安康縣知縣之

四庫全書  
卷四  
二二二  
處與例不符仍令另選合例人員題補等因臣  
等查安康縣係繁疲難要缺附郭首邑地居南  
山五方雜處素稱難治必得熟悉情形勤明勇  
幹之員方足以資治理前自該縣出缺後臣等  
卽在於候補正途知縣內逐加遴選皆係人地  
生疎實無諳練堪以題補之員惟查有平利縣  
鎮坪縣丞徐廷琛年五十六歲係江蘇海州沐  
陽縣附監生遵工賑例捐納縣丞分發陝西嘉  
慶八年到省嗣因軍務出力保奏以府經歷縣

丞遇缺卽補旋經咨補富平縣縣丞俸滿保薦  
歸入卓異班內陞用調補今職該員在陝年久  
歷署安定澄城縣知縣印務辦理裕如任內前  
無違碍處分該員現任鎮坪與安康接壤該處  
情形素所熟悉惟陝省現有候補人員今請以  
該員陞補與例稍有未符但人地實在相需例  
得專摺奏請茲據署藩司顏伯燾署臬司何承  
薰詳請具

奏前來臣等往返札商意見相同合無仰懇

天恩俯念南山員缺緊要准以徐廷琛陞補安康縣  
知縣於地方實有裨益如蒙

俞允照例給咨送部引

見所有遴員陞補要缺知縣緣由謹合詞恭摺具

奏伏乞

皇上聖鑒謹

奏

道光六年十二月十二日拜發二十二日恭遞  
七年正月初八日接奉

殊批另有旨欽此

一、

二、

三、

史記卷之三十三  
卷之三十三  
史記



三十三

道光六年十二月二十四日內閣奉

上諭鄂山等奏遴員陞補南山要缺知縣一摺着照所請陝西安康縣知縣准其以徐廷琛陞補照例送部引見該部知道欽此



平  
不  
三  
三  
三  
三  
三  
通  
カ  
ー

二  
五  
四

再鄜州知州嚴淳因親老告請終養所遺員缺  
查有耀州知州張利溥誠實老練堪以委令署  
理其所遺耀州知州員缺查有韓城縣知縣康  
節勤慎精明堪以委令署理又寧羗州知州諸  
能定調赴甘省所遺員缺查有漢陰廳通判趙  
廷俊謹飭奮勉堪以委令署理據署藩臬兩司  
會詳請

奏前來除批飭遵照外理合附片奏

聞謹

皇清三十二年三月

奏

同日奉

硃批覽欽此

護理陝西巡撫布政使臣徐忻跪

奏爲密陳學政聲名循例奏

聞事竊照學政考試聲名例應於年終具奏茲查陝  
甘學政馮贊勲於上年十月內到任歷試西安  
延安鳳翔榆林同州五府邠乾鄜綏四州臣密  
加詢訪並飭提調各府州留心查察隨時稟報  
該學政考試各處關防嚴謹去取公明士論翕  
服並無弊竇所延幕友五人趙秉銜係山西進  
士衛榮簡白顯宗係山西副榜周貽纁龐輝茂

係廣西舉人均籍隸外省並未延請本省紳士  
入幕閱卷亦無拜望鄉宦故舊情事除仍隨時  
留心察訪外理合循例恭摺密

奏伏乞

皇上聖鑒謹

奏

道光六年十二月十五日拜發二十五日恭遞  
七年正月初八日接奉

硃批知道了欽此

護理陝西巡撫布政使臣徐忻跪

奏爲密陳兩司道府考語循例奏

聞事竊照兩司道府賢否例應於年終出具密考陳  
 奏一次久經遵行在案臣暫時護篆何敢援照  
 辦理惟察吏所以安民必須吏治肅清始能民  
 風淳厚欣逢

聖主勤求治理首重澄叙官方所有吏治人材無時  
 不上塵

垂注臣任事已將半載隨地隨時留心考察又何敢

稍有疎漏伏查陝省自前撫臣盧坤署督臣鄂山頻年整飭剔釐已無衰庸在職臣於各該員或就近接見或切實採訪聽其言論以覘其器識核其政事以證其聲名數月以來見聞備悉內除督糧道尹佩珩到任未及三月例不加考外謹就臣愚昧之見所及出具考語敬謹親繕摺單循例密

奏伏乞

皇上聖鑒謹

奏

道光六年十二月十五日拜發二十五日恭遞  
七年正月初八日接奉

硃批單留覽欽此



東洋書目録

三

再查三載考績昉自虞書黜陟攸關典至鉅也  
本年屆應舉行

大計先經臣札商署督臣鄂山應否展限旋准覆  
稱臣護篆已久應卽照例辦理無庸請展臣復  
檢查成案乾隆三十八年前任藩司畢沅於護  
理巡撫印務時曾經辦理

計典臣當卽將應舉應劾各員與署督臣鄂山反  
覆密商並與兩署司悉心確核一一詳慎酌定  
除恭疏具

臣等謹將  
奏  
片  
恭  
摺  
陳  
明  
謹  
奏

題外理合附片陳明謹

奏

同日奉

硃批知道了欽此

臣

護理陝西巡撫布政使臣徐忻跪  
奏爲恭報雪澤糧價情形仰祈

聖鑒事竊照陝省本年十月並十一月初旬得雪及  
糧價情形業經臣恭摺具

奏在案茲據西安延安鳳翔漢中榆林同州興安  
商州邠州乾州鄜州綏德各府州屬具報於十  
一月二十八九日十二月初七八日先後普得  
瑞雪除融化外積地自一二寸至七八寸不等  
臣查陝省入冬以來祥霽疊沛農田渥受滋培

茲復臘雪優霑二麥預慶豐登民情歡悅糧價  
中平堪以仰慰

宸懷謹將十一月分各屬糧價敬繕清單恭呈

御覽伏乞

皇上聖鑒謹

奏

道光六年十二月二十六日拜發七年正月初  
八日恭遞二十一日接奉

硃批知道了欽此

再前奉

上諭嗣後奏報捐監銀兩均應叙明某年開捐起收過  
捐監銀若干已經解部及奏明動用若干現在若干  
俟奏足十萬兩卽行解部不得含混聲叙欽此查陝  
西省自嘉慶五年三月開捐起至道光六年十  
月底止共收捐監銀二百一十萬七千六百三  
十兩除

奏明提歸軍需項下動用銀六十四萬六千一百  
兩採買倉穀動用銀一十六萬五千四百兩撥

四才  
支口外軍需兵差動用銀四萬六千四百兩節  
次解部銀八十八萬九千五百一十兩提收司  
庫封貯銀三十五萬兩實應存銀一萬二百二  
十兩業經

奏報在案今道光六年十一月分又收捐監銀一  
萬五千六百兩連前共存銀二萬五千八百二  
十兩理合附片奏

聞謹

奏

同日奉

硃批覽欽此

大清聖祖高宗

御批

卷一百一



<p>         1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.       </p>	<p>         1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.       </p>	<p>         1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.       </p>
--	--	--

護理陝西巡撫布政使臣徐忻跪  
奏爲延長等四縣採買常平缺額倉糧完竣仰祈  
聖鑒事竊照陝省各屬常平倉貯糧石因節年動用  
多有缺額道光五年麥秋後據延長甘泉安塞  
白水四縣先後詳請買補經前護撫臣鄧廷楨  
署督臣鄂山核准批司飭令發價乘時採買茲  
據署藩司顏伯燾詳稱延長縣具報採買京斗  
穀四千石甘泉縣具報採買京斗穀四千石安  
塞縣具報採買京斗穀三千石白水縣具報採

西  
三  
書  
寫  
考  
正  
卷  
四  
一  
四  
一  
買京斗麥一千五百石以上共採買京斗穀一  
萬一千石京斗麥一千五百石共用價銀八千  
四百兩在于道光五年地丁項下動支由該管  
道府逐一委員盤驗清楚俱係實貯在倉出具  
印結由司具詳請

奏前來臣覆核無異除將用過價銀飭令造具細  
數冊結另行恭疏具

題外所有延長等四縣採買常平缺額倉糧完竣  
緣由理合恭摺具

奏伏乞

皇上聖鑒謹

奏

道光六年十二月二十四日拜發七年正月初

八日恭遞二十一日接奉

硃批知道了欽此

--	--

1  
 2  
 3  
 4  
 5  
 6  
 7  
 8  
 9  
 10  
 11  
 12  
 13  
 14  
 15  
 16  
 17  
 18  
 19  
 20  
 21  
 22  
 23  
 24  
 25  
 26  
 27  
 28  
 29  
 30  
 31  
 32  
 33  
 34  
 35  
 36  
 37  
 38  
 39  
 40  
 41  
 42  
 43  
 44  
 45  
 46  
 47  
 48  
 49  
 50  
 51  
 52  
 53  
 54  
 55  
 56  
 57  
 58  
 59  
 60  
 61  
 62  
 63  
 64  
 65  
 66  
 67  
 68  
 69  
 70  
 71  
 72  
 73  
 74  
 75  
 76  
 77  
 78  
 79  
 80  
 81  
 82  
 83  
 84  
 85  
 86  
 87  
 88  
 89  
 90  
 91  
 92  
 93  
 94  
 95  
 96  
 97  
 98  
 99  
 100

1000

護理陝西巡撫布政使臣徐炘跪  
奏爲查明各屬完解錢糧截至年底數目循例具  
奏仰祈

聖鑒事竊照嘉慶九年六月內准戶部咨令將已未完錢糧數目截至年底止於次年開印前一面報部備查一面專摺具奏等因歷經遵行在案茲據署布政使顏伯燾詳稱道光六年額徵民屯更起運並糧折價共銀一百三十三萬一千五百一十七兩零除截至上年十一月底止已

11/11/1891

完銀一百三十萬五千二百八十三兩零業經  
奏報在案仍未完銀二萬六千二百三十四兩零  
今自上年十二月起至年底止續完銀二萬二  
百七十一兩零連前已完共銀一百三十二萬  
五千五百五十五兩零止未完銀五千九百六  
十二兩零又帶徵道光五年地丁舊欠截至上  
年十一月底止未完銀一百三十四兩零今截  
至年底止仍未完解等情臣覆核無異除飭將  
未完銀兩責令該管府州趕緊督催徵解外所

有道光六年各屬應徵錢糧截至年底止已未完數目理合循例恭摺具

奏伏祈

皇上聖鑒謹

奏

道光七年正月二十四日拜發二月初六日恭

遞十九日接奉

硃批知道了欽此



三  
三  
三  
三  
馬  
馬  
馬  
馬  
馬

二

護理陝西巡撫布政使臣徐忻跪

奏爲遵

旨審明定擬具

奏仰祈

聖鑒事竊臣於道光六年十月二十八日准刑部咨

開道光六年九月三十日奉

上諭鄂山奏參規避換防之守備請革職嚴審一摺  
署陝西延綏鎮屬鎮靖堡都司鎮標中營守備席  
殿魁前於四月間經楊遇春派赴喀什噶爾換防

告假未准旋據該守備稟稱賠墊修署等項銀兩  
並稱鎮標中營遊擊高殿熬署中營守備葉步雲  
等冒銷侵吞科攤尅扣等情所稟均非近日之事  
乃在營時並未隨時稟報及換防起程之際忽行  
具稟是希圖藉案避差顯然易見迨經鄂山發交  
兩司訊供又欲掩其規避之跡稟懇緩訊愿赴軍  
前効力居心實爲狡猾且不候接署都司之員到  
任交代卽行起程回籍尤屬膽大妄爲席殿魁著  
卽革職解往陝西交徐忻督飭延榆綏道嚴行審

究由該護撫按律定擬具奏如果遊擊高殿鰲等實有冒銷等弊一併據實叅奏欽此臣欽遵督飭延榆綏道楊簧提集案內應質人証逐一嚴行審究去後旋據該道稟稱該革備席殿魁指控各款毫無憑據任意狡展經該道押帶全案人証進省審辦臣當卽行令署藩司顏伯燾署臬司何承薰會同延榆綏道楊簧虛衷研鞫臣隨親提審訊綠席殿魁籍隸甘肅臯蘭縣由武舉拔補千總曾在滑縣及南山各軍營出力

奏陞柏林營守備調補延綏鎮中營守備歷署綏  
德神木營鎮靖堡都司道光六年四月內經署  
督臣楊遇春派赴喀什噶爾換防該革備席殿  
魁因係苦差懇求鎮標中營遊擊高殿鰲署中  
營守備葉步雲幫助銀數百兩高殿鰲等未允  
該革備欲回籍措辦盤費稟假未准遂不候接  
署守備魏朝棟交代先行回籍迨聞該管總兵  
姜長齡以擅離職守稟揭該革備卽懷恨遊擊  
高殿鰲等不代爲挽求並挾不允幫助之嫌起

意捏詞列款具稟希圖藉案避延且欲以拖累  
洩忿經署督臣鄂山委員提訊該革備情虛畏  
審復敢稟求緩訊捏稱願赴軍營効力竟欲起  
滅自由兼以掩飾其規避之跡實屬居心狡猾  
惟所稟賠墊銀兩各款虛實均應究明而所稟  
遊擊高殿鰲等冒銷侵吞等款尤關係重要誠恐  
該遊擊等實有舞弊營私情事必須嚴切根究  
以期水落石出當卽逐款究訊該革備所稟賠  
修衙署銀兩一款訊係嘉慶二十五年該革備

因中營守備衙署破爛詳請修理隨擅自私買地基添造違例逾額濫用經工部按照工程做法核算照例止准銷銀一百三十餘兩該草備捏稟賠銀五百五十兩事隔七年之久早經報部結案乃敢追溯刁翻殊屬荒謬且與遊擊高殿鰲等毫無干涉又所稟節省馬乾銀兩一款訊係鎮標馬乾銀兩經前督臣全保奏明合朋官爲餵養夏秋六分下廠四分收槽冬春四分下廠六分收槽所有節省乾銀經前督臣勒保

奏明存營充公應用迨後歷年節省銀兩歷係  
照數支發營中公用有案可稽復查延綏鎮標  
中營額設馬二百餘匹每馬一匹每年應支乾  
銀十兩有零共應領銀二千八百餘兩遊擊高  
殿鰲自道光三年二月內到任起至六年六月  
止約計共領馬乾銀九千三百餘兩卽一馬不  
養亦不能節省銀二萬六千餘兩是該革備所  
控節省之數兩倍于所領之銀殊非情理質之  
經手餵馬外委張毓泰等僉供遊擊高殿鰲實



係照額餽養如數給領並無少發及短餽情事  
又所稟賠買馬價及鎮標虛領馬價銀兩一欸  
訊係嘉慶十九年該革備到中營守備任內時  
舊有例馬十八匹經前任延綏鎮總兵韋陀保  
照數發價買補足額該革備並未賠貼乃十餘  
年默無一言忽於被揭之後捏開賠銀三百七  
十兩實屬任意支飾至馬價銀兩訊係該營應  
領倒馬例價經委員將營中馬匹逐一查驗均  
係足數廠內尙有預買馬匹以備倒斃補數歷

有倒馬印冊買馬印摺可憑委無虛領價銀情  
事又所稟賠修馬棚及鎮標請修馬棚銀兩一  
欸訊係嘉慶二十五年前任延綏鎮總兵薛國  
相捐修鎮標三營馬棚左右兩營各發銀一百  
八十兩因中營馬棚該草備先已修葺止發銀  
六十兩該草備實用銀五十五兩零尙餘銀四  
兩零賞給工匠並未賠銀道光二三年間馬棚  
被雨淋塌遊擊高殿鰲呈請修理旋經藩司議  
駁令其自行設法粘補並未領銀該草備因伊

所修馬棚祇領銀六十兩較左右兩營所領銀數減少是以一併牽控冀圖找發又所稟賠墊莊田銀兩一欸訊係中營向有莊田一所每年收穀七十餘石該草備曾於嘉慶二十四年造報無虧銷冊有案因時值換防冀欲多幫銀兩捏稟賠墊又所稟賠虧軍物銀兩及鎮標現領征兵衣履銀兩一欸訊係從前川楚軍需鎮標出征兵丁帶缺軍械凱旋時兵丁急需操演各自製造腰刀撒袋等物退糧各自携去續經接

充兵丁買補齊全該革備會出無虧印結委無  
賠虧銀兩情事遊擊高燬熬詳請修製軍械因  
無款可籌經藩司議令緩修並未領銀製辦該  
革備指稱現領銀兩實屬虛捏又所稟賠墊字  
工紙張銀兩鎮標每年領過加銷字工銀兩盡  
數侵吞一欵訊係鎮標每年造辦兵馬朋合奏  
銷各欵冊籍俱係遊擊衙門造送在該營應領  
公費內開銷並無另有額設銀兩今稱遊擊高  
燬熬盡數侵吞致伊賠銀五百兩實無指據又

所稟苦累不均派差不公一欵訊係道光三年  
城守營都司張之仁換防遺缺未委該革備署  
理心懷不平因此捏稱不公又所稟剋扣兵餉  
一欵訊係聽聞該鎮轉行藩司發銀文內有司  
中應扣公項粘單文尾疑係科攤冊費嗣經調  
查該中營節年粘單並無私扣銀數又五年五  
月內遊擊高燾熬在署守備葉步雲箭道內較  
射適該革備亦經前往維時高燾熬等未經理  
會該革備心懷氣忿捏稟坐視不管每日聚賭

又該革備見兵丁鮑興魏賀朋等時至葉步雲衙門出入指控葉步雲受錢包差現查鮑興魏賀朋均赴口外出征如果受錢包差焉有派赴軍營之事臣復吊查各卷逐一確核均與各供無異卽如請修馬棚軍械節經藩司議駁停辦竝未給領銀兩從何侵冒又本年口外軍興陸續調撥該營戰馬多匹如果遊擊高殿鰲所養馬不足數何能應調無悞此其明証反覆究詰在被告則並無侵冒攤扣等事層層確鑿有據

在原告則所控賄墊虛冒各款種種虛誕無憑  
况事閱多年詞皆誣砌乃不申訴于在營之日  
而獨稟許于換防之時實因遊擊高殿鰲等於  
該管總兵姜長齡揭叅後並未代爲挽求又不  
量爲資助一時逞忿挾嫌輒以毫無影響之詞  
肆意架捏聳聽既欲訛扳拖累又思藉案宕延  
其狡狴詭計顯然逐次研鞫該草備  
認罪無可置辦案無遁飾查例載赴督撫處告  
重事不實者發邊遠充軍等語此案該草備席

殿魁奉派換防因差苦懇求幫助未允又因稟  
假回籍未准所請卽不候交代擅自回籍迨聞  
該管總兵稟揭後復捏列侵冒剋扣多欸先後  
赴總兵並署督臣衙門稟許殊屬藐法妄爲查  
冒銷剋扣等項均係重事自應照例問擬席殿  
魁合依赴督撫處告重事不實者發邊遠充軍  
例發邊遠充軍該革備係屬職官規避防差擅  
離職守又復挾嫌妄控應請發往伊犁充當苦  
差以示懲戒遊擊高殿鰲署守備葉步雲訊無



侵冒情弊應令回營供職餘屬無干概行省釋  
除全案供招咨部外所有審明定擬緣由理合  
恭摺具

奏伏祈

皇上聖鑒謹

奏

道光七年正月二十四日拜發二月初六日恭  
遞十九日接奉

硃批另有旨欽此

道光七年二月初七日內閣奉

上諭徐忻奏審擬規避防差之革弁一摺此案已革  
守備席殿魁派赴喀什噶爾換防意圖規避又不  
候交代擅離職守復挾遊擊高殿鰲等未允資助  
之嫌捏砌侵冒尅扣多欸妄行稟許實屬藐法席  
殿魁著發往伊犁充當苦差以示懲儆餘俱著照  
所擬完結欽此



護理陝西巡撫布政使臣徐忻跪

奏爲恭報雪澤糧價情形仰祈

聖鑒事竊照陝省上年十一月並十二月上旬得雪糧價情形業經臣恭摺具

奏在案茲據西安延安鳳翔漢中榆林同州興安商州邠州乾州鄜州綏德各府州屬具報於十二月二十日二十一日至二十七日前本年正月十一日先後續得瑞雪除融化外積地一三三四寸不等臣查陝省向以麥收爲重自去歲

入冬後節次普沛祥霽農田滋潤二麥蟠根穩  
固出土青葱現屆春日融和長發漸形茂密民  
情安貼糧價中平堪以仰慰

宸懷謹將十二月分各屬糧價敬繕清單恭呈

御覽伏祈

皇上聖鑒謹

奏

道光七年正月二十八日拜發二月初九日恭  
遞二十一日接奉

殊批知道了欽此

大清會典事例

卷一百一十一

三十一

皇清通志 卷五

三

7-261

再前奉

上諭嗣後奏報捐監銀兩均應叙明某年開捐起收過捐監銀若干已經解部及奏明動用若干現在若干俟奏足十萬兩卽行解部不得含混聲叙欽此又於道光五年正月內接准部咨

奏明暫停歸補每奏足五萬兩卽行解京等因查陝西省自嘉慶五年三月開捐起至道光六年十一月底止共收捐監銀二百一十二萬三千二百三十兩除



奏明提歸軍需項下動用銀六十四萬六千一百  
兩採買倉穀動用銀一十六萬五千四百兩撥  
支口外軍需兵差動用銀四萬六千四百兩節  
次解部銀八十八萬九千五百一十兩提收司  
庫封貯銀三十五萬兩實應存銀二萬五千八  
百二十兩業經

奏報在案今道光六年十二月分又收捐監銀四  
萬五百兩連前共存銀六萬六千三百二十兩  
除飭司委員照例彈兌銀五萬兩解部交納外

理合附片奏

聞謹

奏

同日奉

硃批覽欽此

卷之三十一

三十一

署理陝甘總督陝西巡撫臣鄂山跪  
護理陝西巡撫布政使臣徐忻

奏為遴員請陞要缺直隸州知州仰祈

聖鑒事竊照鄜州直隸州嚴淳因親老告請終養業

經恭疏具

題在案所遺員缺係繁疲難兼三要缺例應在外

揀調該州地處北山界連甘省管轄中部洛川

宜君三縣政務殷繁董率稽查在在均關緊要

臣鄂山久任該州深悉彼處士習民風必須精

明幹練有守有為之員方足以資治理臣等往

返札商並與署藩司顏伯燾署臬司何承薰在  
於通省直隸州知州及同知內逐加遴選非現  
居要缺卽人地未宜實無合例堪調之員惟查  
有咸寧縣知縣吳鳴捷年五十七歲係安徽歙  
縣人由嘉慶六年辛酉科進士籤發陝西以知  
縣卽用補授高陵縣知縣調補咸陽縣知縣道  
光元年補行二十五年

大計案內保薦

恩准卓異加級候陞六年十月內調補今職該員才

華肆應爲守兼優在陝年久熟悉地方情形且  
係曾經卓薦應陞之員任內並無違碍處分以  
之陞補鄜州直隸州要缺知州實堪勝任合無  
仰懇

皇上天恩俯准以咸寧縣知縣吳鳴捷陞補鄜州直  
隸州知州於北山要地實有神益如蒙

俞允該員係知縣陞補直隸州知州應俟部覆至日  
給咨送部引

見所遺咸寧縣知縣員缺係衝繁疲難兼四要缺容

臣等書呈奏正  
一  
俟另行揀員請調合併陳明所有請陞要缺直隸州知州緣由謹合詞恭摺具

奏伏祈

皇上聖鑒謹

奏

道光七年正月二十八日拜發二月初九日恭遞二十一日接奉

硃批另有旨欽此

道光七年二月初十日內閣奉

上諭鄂山等奏遴員陞補要缺直隸州知州一摺著  
照所請陝西鄜州直隸州知州准其以吳鳴捷陞  
補照例送部引見該部知道欽此





護理陝西巡撫布政使臣徐忻跪

奏爲借撥甘省餉銀業已委員如數解往俾濟要  
需仰祈

聖鑒事竊臣於二月二十六日承准

廷寄道光七年二月二十一日奉

上諭本日鄂山等奏軍營尅期進兵轉餉愈遠請續  
籌銀兩備用此次回疆軍需前經發給餉銀六百  
萬兩據鄂山等節次撥解大營軍餉及烏魯木齊  
等處運糧備用腳費省局各屬雇買車駝備供兵

差暨官兵借支俸裝養庶等銀共發過銀六百三十八萬八千八百六十九兩零現在大兵雲集分路進勦支發鹽菜草乾等項每月約需銀三十餘萬兩指日大兵奏凱辦理善後事宜經費浩繁尤應寬爲籌備前據琦善等奏先行籌墊淮南商捐銀一百萬兩李鴻賓等奏粵東洋鹽二商公捐銀一百一十萬兩劉彬士奏兩浙墊解商捐銀一百萬兩共銀三百一十萬兩俱應迅解甘省以濟要需所有兩淮未經起解銀兩著卽遴委妥員分起

管解迅速前進浙江廣東籌撥銀兩計已起運在途著催令趕緊行走均不許稍有遲誤並著經過之江蘇安徽江西湖北河南陝西各督撫飭屬一體催儻妥爲照料毋任貽誤仍將起程及沿途經過日期隨時奏聞至此項協濟銀兩一時未能趕到著徐炘先於陝西司庫存貯欸內就近撥銀五十萬兩委員卽行解甘備用俟粵東解運洋鹽二商銀兩經由陝省時再行扣留歸欸等因欽此臣查口外軍營現經揚威將軍泰贊大臣等督兵

進勦轉餉愈遠所需供億各項正在喫緊之時指日大功告成一切凱旋善後事宜尤需寬爲籌備亟應就近暫行借撥俾及早解到一日卽早濟一日之用臣於未經恭奉

諭旨之先于二月十七日接准署督臣鄂山等移咨卽經行令署藩司顏伯燾於司庫內借動銀五十萬兩遴委妥員分作五批于二十一日至二十五日全行起解計三月半前卽可全抵甘省足資接濟俟廣東商捐之項路過陝省時再行

如數扣留歸欵再查粵東兩浙兩淮各商共捐銀三百一十萬兩准兩廣督臣李鴻賓咨稱已於上年十二月二十日起陸續分批起解原限四五月間解抵甘省其兩浙兩淮捐項尙未准咨起解日期此外尙有江蘇安徽江西河南山東山西各省藩運關庫咨報應行找解部撥甘省本年例餉銀一百八十萬五千餘兩本年二月內計已償出陝境及已解入陝境銀五十萬三千餘兩此後源源解運似亦可藉以通融先

其所急臣惟有欽遵飭屬一體催償妥爲照料毋任貽誤所有借撥餉項及催償緣由理合恭摺由驛覆

奏伏祈

皇上聖鑒謹

奏

道光七年二月二十八日拜發三月初五日恭遞十三日接奉

硃批知道了欽此

護理陝西巡撫布政使臣徐忻跪

奏爲恭報雨雪糧價情形仰祈

聖鑒事竊照陝省上年十二月並本年正月中旬雪

澤糧價情形業經臣恭摺具

奏在案茲據西安延安鳳翔漢中榆林同州興安

商州邠州乾州鄜州綏德各府州屬具報於正

月二十二日二十九日三十日及二月初一日

初三日十一日至十五日陸續得有雪雨自一

二寸至三四寸及深透不等土脉極爲滋潤現



值東作方興春犁遍野南北山暨平原各屬麥  
苗菜豆一律長發葱茂民情歡欣糧價中平堪  
以仰慰

宸懷謹將正月分糧價敬繕清單恭呈

御覽伏乞

皇上聖鑒謹

奏

道光七年二月二十八日拜發三月初十日恭  
遞二十二日接奉

殊批知道了欽此

欽此

1311

中華書局影印  
老玉

一三

再前奉

上諭嗣後奏報捐監銀兩均應叙明某年開捐起收過  
捐監銀若干已經解部及奏明動用若干現在若干  
俟湊足十萬兩卽行解部不得含混聲叙欽此又於  
道光五年正月內接准部咨

奏明暫停歸補每湊足五萬兩卽行解京等因查  
陝西省自嘉慶五年三月開捐起至道光六年  
十二月底止共收捐監銀二百一十六萬三千  
七百三十兩除

奏明提歸軍需項下動用銀六十四萬六千一百兩採買倉穀動用銀一十六萬五千四百兩撥支口外軍需兵差動用銀四萬六千四百兩節次解部銀八十八萬九千五百一十兩提收司庫封貯銀三十五萬兩實應存銀六萬六千三百二十兩業經

奏報在案今道光七年正月分又收捐監銀二千四百兩連前共存銀六萬八千七百二十兩除委葭州吏目陸世燾解部銀五萬兩實存銀一

萬八千九百二十一兩理合附片奏

聞謹

奏

同日奉

硃批覽欽此

下  
一  
三  
五  
七  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

三三

護理陝西巡撫布政使臣徐忻跪

奏爲查明陝省上年下忙徵收錢糧已未完數目  
循例具

奏仰祈

聖鑒事竊照嘉慶二十年六月內經戶部奏准各省  
每年上下忙應徵錢糧除留支外實應解司銀  
數分別正課雜項依限詳報督撫二十日內具  
奏等因歷經遵行在案茲據署布政使顏伯燾  
詳稱道光六年分額徵民屯更起存並糧折銀



除屯丁兌食及存留外應解司庫銀一百三十  
三萬一千五百一十七兩零內除上忙已完銀  
八十九萬七千二百兩零未完銀四十三萬四  
千三百一十七兩零今下忙續完銀四十二萬  
八千三百五十四兩零仍未完銀五千九百六  
十二兩零又原額鹽課銀八千九百八十兩零  
除上忙已完銀一千九百三十兩零今下忙續  
完銀五千一百九十九兩零仍未完銀一千八  
百五十兩零又帶征道光五年未完緩征銀五

百七十兩零今下忙續完銀四百三十六兩零  
仍未完銀一百三十四兩零等情臣覆核無異  
除將未完銀兩嚴飭該管府州督催徵解外所  
有道光六年分下忙徵收錢糧已未完數目理  
合循例恭摺具

奏伏祈

皇上聖鑒謹

奏

道光七年二月二十八日拜發三月初十日恭

以不事... 考正... 卷三

遞二十二日接奉

硃批戶部知道欽此

護理陝西巡撫布政使臣徐忻跪

奏爲恭報雨水糧價情形仰祈

聖鑒事竊照陝省正月下旬暨二月中旬連得雨雪  
並糧價情形經臣恭摺具

奏在案茲據西安延安鳳翔漢中榆林同州興安  
七府商州邠州乾州鄜州綏德五州所屬具報  
於二月二十二日二十三日三月初九初十日  
十三至十六日得雨自一二三四寸至深透不  
等春膏渥被平原麥豆蔬菜得此甘雨滋培均

皆長發暢茂農田可望有收南山一帶亦皆及  
時播種包穀糧價中平民情安貼堪以仰慰  
宸懷謹將二月分糧價敬繕清單恭呈

御覽伏祈

皇上聖鑒謹

奏

道光七年三月二十五日拜發四月初七日恭  
遞十九日接奉

硃批知道了欽此

再前奉

上諭嗣後奏報捐監銀兩均應叙明某年開捐起收過  
捐監銀若干已經解部及奏明動用若干現在若干  
俟湊足十萬兩卽行解部不得含混聲叙欽此又於  
道光五年正月內接准部咨

奏明暫停歸欵每湊足五萬兩卽行解京等因查  
陝西省自嘉慶五年三月開捐起至道光七年  
正月月底止共收捐監銀二百一十六萬六千一  
百三十兩除

奏明提歸軍需項下動用銀六十四萬六千一百  
兩採買倉穀動用銀一十六萬五千四百兩撥  
支口外軍需兵差動用銀四萬六千四百兩節  
次解部銀九十三萬九千五百一十兩提收司  
庫封貯銀三十五萬兩實應存銀一萬八千七  
百二十兩業經

奏報在案今道光七年二月分又收捐監銀六千  
二百四十兩連前共存銀二萬四千九百六十  
兩理合附片奏

聞謹

奏

同日奉

硃批知道了欽此



卷之三

三

再署大荔縣知縣俞逢辰

題署城固縣知縣業經由部咨覆議准應卽飭赴  
新任所遺大荔縣員缺係屬漢民回民雜處事  
務較繁查有紫陽縣知縣張琛明幹有爲堪以  
調署其所遺紫陽縣員缺查有署城固縣知縣  
陳俊儒誠實謹飭于交卸城固縣事後堪以就  
近委令署理據署藩臬兩司會詳請

奏前來除批飭遵照外理合附片奏

聞謹

奏

同日奉

硃批覽欽此

署理陝甘總督陝西巡撫臣鄂山跪  
護理陝西巡撫布政使臣徐炳

奏爲揀員調署首邑要缺知縣仰祈

聖鑒事竊照西安府咸寧縣知縣吳鳴捷經臣等

奏陞鄜州直隸州知州欽奉

諭旨允准在案所遺員缺係衝繁疲難四項相兼要

缺例應在外揀員調補該縣爲省會首邑政務

殷繁必須精明幹練之員方足以資治理臣等

往返札商與署藩臬兩司在於通省知縣內逐

加遴選非現居要缺卽人地未宜實無合例堪

調之員惟查有長武縣知縣李肇慶山東舉人  
年四十七歲於嘉慶二十二年丁丑科會試後  
大挑一等以知縣用簽掣陝西親老告迭改掣  
直隸歷經委署武邑縣完縣知縣嗣因丁憂回  
籍服闋後仍赴陝西試用道光四年二月內到  
陝委署鎮安縣要缺辦理裕如六年三月內  
題署長武縣知縣尙未實授該員才具明敏幹練  
有爲上年料理兵差一切頗著勤能任內並無  
違碍處分以之調署咸寧縣知縣實堪勝任惟

歷奉未滿三年未經實授與調補之例稍有未符但人地實在相需例得專摺

奏請合無仰懇

皇上天恩俯念首邑員缺緊要

准其以長武縣知縣李肇慶調署咸寧縣知縣於地方實有裨益如蒙

俞允俟試署期滿另請實授再該員以知縣調署知縣銜缺相當毋庸送部引

見其所遺長武縣員缺係簡缺容俟另行請補合併

陳明所有揀員調署首邑要缺緣由謹合詞恭  
摺具

奏伏祈

皇上聖鑒謹

奏

道光七年三月二十五日拜發四月初七日恭

遞十九日接奉

硃批另有旨欽此

道光七年四月初八日內閣奉

上諭鄂山等奏揀員調署首邑要缺知縣一摺著照所請陝西咸寧縣知縣准其以李肇慶調署仍俟試署期滿另請實授該部知道欽此



Date									
11/11									

Date

11/11

11/11

護理陝西巡撫布政使臣徐忻跪

奏爲恭報雨水糧價情形仰祈

聖鑒事竊照陝省二月下旬暨三月中旬連得雨澤  
並糧價情形業經臣恭摺具

奏在案茲據西安延安鳳翔漢中榆林同州興安  
商州邠州乾州鄜州綏德等府州屬先後具報  
於三月十六日十八九日二十一至二十三日  
二十七至三十日得雨自一寸至四寸及深透  
不等現在正屆二麥吐穗揚花之際晴雨應時

郊原彌望青蔥顆粒倍形飽綻南山稻秧包穀  
萌芽茂密北邊早禾及時播種糧價中平民情  
歡忭堪以仰慰

宸懷謹將三月分糧價敬繕清單恭呈

御覽伏乞

皇上聖鑒謹

奏

道光七年四月二十一日拜發五月初二日恭  
遞十四日接奉

殊批知道了欽此

				<p>         日          一          二          三          四          五          六          七          八          九          十          十一          十二          十三          十四          十五          十六          十七          十八          十九          二十          廿一          廿二          廿三          廿四          廿五          廿六          廿七          廿八          廿九          三十          三十一          三十二          三十三          三十四          三十五          三十六          三十七          三十八          三十九          四十          四十一          四十二          四十三          四十四          四十五          四十六          四十七          四十八          四十九          五十          五十一          五十二          五十三          五十四          五十五          五十六          五十七          五十八          五十九          六十          六十一          六十二          六十三          六十四          六十五          六十六          六十七          六十八          六十九          七十          七十一          七十二          七十三          七十四          七十五          七十六          七十七          七十八          七十九          八十          八十一          八十二          八十三          八十四          八十五          八十六          八十七          八十八          八十九          九十          九十一          九十二          九十三          九十四          九十五          九十六          九十七          九十八          九十九          一百       </p>
--	--	--	--	---

再前奉

上諭嗣後奏報捐監銀兩均應叙明某年開捐起收過  
捐監銀若干已經解部及奏明動用若干現在若干  
俟湊足十萬兩卽行解部不得含混聲叙欽此又於  
道光五年正月內接准部咨

奏明暫停歸補每湊足五萬兩卽行解京等因查  
陝西省自嘉慶五年三月開捐起至道光七年  
二月底止共收捐監銀二百一十七萬二千三  
百七十兩除

奏明提歸軍需項下動用銀六十四萬六千一百  
兩採買倉穀動用銀一十六萬五千四百兩撥  
支口外軍需兵差動用銀四萬六千四百兩節  
次解部銀九十三萬九千五百一十兩提收司  
庫封貯銀三十五萬兩實應存銀二萬四千九  
百六十兩業經

奏報在案今道光七年三月分又收捐監銀五千  
五百二十兩連前共存銀三萬四百八十兩理  
合附片奏

聞謹

奏

同日奉

硃批覽欽此



日本書紀自卷四

卷三

三

再查粵東兩浙兩淮各商捐餉銀三百一十萬

兩經臣欽遵

諭旨分別移行催償現在粵東餉銀於四月初一日  
十二日先後解入陝境銀二十五萬兩兩浙餉  
銀於四月初十日十五日十六日十八日先後  
解入陝境銀五十二萬五千兩兩淮餉銀於四  
月十三日十四日十七日先後解入陝境銀三  
十萬兩計共解入陝境銀一百七萬五千兩節  
節催償於四月中旬陸續解交甘境約至月底

可以全數運出陝境除將未入陝境後批餉銀  
迎提催償外理合附片奏

聞謹

奏

同日奉

硃批知道了欽此

署理陝甘總督陝西巡撫臣鄂山跪  
護理陝西巡撫布政使臣徐忻

奏爲揀員陞補南山邊缺同知以重地方仰祈

聖鑒事竊臣等接准部咨寧陝廳同知朱紹穎推陞  
浙江嚴州府知府所遺員缺係繁疲難邊缺行  
令照例在外揀員陞調伏查寧陝廳爲南山扼  
要之地幅輳遼濶山徑崎嶇客民雜處非勤敏  
幹練有守有爲之員不足以資治理臣等往返  
札商與署藩臬兩司在于通省同知內逐加遴  
選非現居要缺卽人地未宜實無堪調之員惟

查有蒲城縣知縣蔡信芳年五十三歲湖南善化縣人由嘉慶十四年進士以國子監學正學錄用呈請歸班銓選二十四年簽掣江西南康縣知縣調補陝西清澗縣知縣道光四年調繁蒲城縣知縣因經徵五年地丁錢糧全完接准部咨准其照例卽陞六年

大計經臣等保薦卓異尙未接准部覆該員循聲素著爲守兼優且本係照例應陞人員以之陞補寧陝廳同知實堪勝任合無仰懇

皇上天恩俯准以蒲城縣知縣蔡信芳陞補寧陝廳  
邊缺同知實于南山地方有裨如蒙

俞允俟部覆至日給咨送部引

見其所遺蒲城縣知縣員缺係繁疲難要缺容俟另  
行揀員請調合併陳明所有揀員陞補邊缺同  
知緣由謹合詞恭摺具

奏伏祈

皇上聖鑒謹

奏

道光七年四月二十一日拜發五月初二日恭  
遞十四日接奉

硃批另有旨欽此

道光七年五月初三日內閣奉

上諭鄂山等奏揀員陞補南山要缺同知一摺著照  
所請陝西寧陝廳同知准其以蔡信芳升補照例  
送部引見該部知道欽此

護理陝西巡撫布政使臣徐忻跪

奏爲恭報西安等九府州屬二麥約收分數仰祈  
聖鑒事竊照二麥約收分數例應先期恭摺

奏報茲據西安鳳翔同州漢中興安商州邠州鄜  
州乾州等九府州將所屬二麥約收分數開摺  
具報並據署藩司彙詳前來臣覆加查核統計  
西安等九府州屬七十二廳州縣多寡牽算約  
收七分有餘謹繕清單恭呈

御覽至延安榆林綏德三府州屬節氣較遲向來均



於開報實收分數時一併具報合併陳明理合

恭摺具

奏伏祈

皇上聖鑒謹

奏

道光七年四月三十日拜發五月十二日恭遞

閏五月初二日接奉

硃批覽欽此

謹將陝西省道光七年西安等九府州屬二麥  
約收分數開繕清單恭呈

御覽

計開

約收九分有餘者

咸寧長安臨潼高陵大荔五縣

約收九分者

蒲城澄城二縣

約收八分有餘者

咸陽盩厔醴泉鄠縣興平渭南藍田富平涇  
陽三原耀州鳳翔隴州扶風岐山郿縣汧陽  
寶雞潼關華州華陰朝邑白水武功二十四  
廳州縣

約收八分者

麟遊定遠郃陽韓城三水永壽六廳縣  
約收七分有餘者

孝義南鄭寧羗洋縣沔縣城固西鄉紫陽白  
河磚坪平利邠州長武淳化乾州商州鎮安

十七廳州縣

約收七分者

同官商南洛川三縣

約收六分有餘者

寧陝留壩佛坪褒城畧陽鳳縣漢陰安康洵  
陽石泉山陽雒南鄜州中部宜君十五廳州  
縣

以上西安等九府州屬七十二廳州縣多  
寡牽算二麥約收七分有餘

供  
奉  
禮  
金  
目  
録

再粵東兩浙兩淮商捐餉銀三百一十萬兩自  
四月初一日起截至四月初八日止共已解入  
陝境銀一百七萬五千兩催令趕緊前進業經

臣附片

奏明在案茲查粵東餉銀於四月二十日至二十  
七日續經解入陝境銀三十五萬兩兩浙餉銀  
於四月二十日至二十三日續經解入陝境銀  
四十一萬五千兩兩淮餉銀於四月二十日至  
二十五日續經解入陝境銀三十八萬兩計共

續解入陝境銀一百一十四萬五千兩連前共  
解過銀二百二十二萬兩約計五月初旬可以  
全數償出陝境除將後批未經入境餉銀迎提  
催償外理合附片奏

聞謹

奏

同日奉

硃批知道了欽此

護理陝西巡撫布政使臣徐忻跪

奏爲陝西省道光六年分徵收新舊錢糧截至奏  
銷以前已未完數目開列上三年比較清單恭  
摺具

奏仰祈

聖鑒事竊照前准戶部咨開欽奉

諭旨州縣實徵實解銀數各省督撫於奏銷題報外  
照例具奏摺內開具清單明列通省三年比較等  
因欽此嗣又准部咨統以年底截數次年二月



春撥時開單奏報卽以道光五年春撥爲始遵照辦理六年正月復准部咨通全年額錢糧勢難於春撥時統行確核行令仍以奏銷截數開單奏報並於單內將已完銀數下註明造入春秋撥冊若干頒發清單式樣畫一辦理等因茲據署布政使顏伯燾詳報陝西省道光六年分額徵新賦地丁正項銀一百三十三萬一千五百一十七兩零截至奏銷止十分全完內造入道光六年秋撥銀九十四萬九千八百七十一

兩零七年春撥銀三十七萬五千六百八十三兩零實貯庫銀五千九百六十二兩零俟七年秋撥冊內造報候撥又帶徵道光五年未完緩徵銀五百七十兩零截至道光六年奏銷止十分全完內造入七年春撥銀四百三十六兩零實貯庫銀一百三十四兩零俟七年秋撥冊內造報候撥等情具詳前來臣逐細覆核無異除咨明戶部外所有六年應徵新賦並帶徵五年舊欠截至奏銷止十分全完緣由理合恭摺具

奏敬繕比較細數清單恭呈

御覽伏乞

皇上聖鑒謹

奏

道光七年四月三十日拜發五月十二日恭遞

閏五月初二日接奉

硃批戶部知道單併發欽此

謹將陝西省道光六年分徵收新舊錢糧比較  
上三年完欠分數繕具清單恭呈

御覽

計開

一道光六年分額徵新賦地丁正項銀一百三  
十三萬一千五百一十七兩零截至奏銷止  
十分全完內造入六年秋撥銀九十四萬九  
千八百七十一兩零七年春撥銀三十七萬  
五千六百八十三兩零實貯庫銀五千九百

六十二兩零俟七年秋撥冊內造報候撥

計十分全完

一比較道光三年應徵銀一百三十三萬一千

七百四十四兩零於是年奏銷前十分全完

計全完相等

一比較道光四年應徵銀一百三十三萬九千

四百二十兩零於是年奏銷前十分全完

計全完相等

一比較道光五年應徵銀一百三十三萬九百

四十七兩零於是年奏銷前十分全完

計全完相等

舊賦項下

一道光六年分應帶徵道光五年未完緩徵銀  
五百七十兩零截至道光六年奏銷止十分  
全完內造入七年春撥銀四百三十六兩零  
實貯庫銀一百三十四兩零俟七年秋撥冊  
內造報候撥

計十分全完

一比較道光三年應帶徵嘉慶二十四年並道光元二等年舊欠銀一千四百二十五兩零已完五分六厘銀七百九十一兩零未完四分四厘銀六百三十三兩零

計多完四分四厘

一比較道光四年應帶徵嘉慶二十四年舊欠銀六百三十三兩零十分全完

計全完相等

一比較道光五年應帶徵道光四年舊欠銀二

百一兩零十分全完

計全完相等



五

卷五

五

護理陝西巡撫布政使臣徐忻跪

奏爲查明司庫實存耗羨銀數循例奏

聞事竊照司庫耗羨收支動存各款例應於奏銷地  
丁錢糧時恭摺具

奏茲查陝西省道光六年奏銷冊造司庫現存耗  
羨及缺官扣半養廉共銀一十六萬九千四百  
七十七兩零除將清冊咨部外謹循例恭摺具  
奏並開繕清單敬呈

御覽伏祈

皇上聖鑒謹

奏

道光七年四月三十日拜發五月十二日恭遞

閏五月初二日接奉

硃批戶部知道單併發欽此

謹將陝西布政司庫道光六年分耗羨銀數開  
繕清單恭呈

御覽

計開

舊管

一存耗羨銀二十八萬三千六百四十八兩  
零

一存缺官扣半銀一萬三千九兩零

新收

一收耗羨銀二十三萬八千六百五十兩零  
一收缺官扣半銀六千五百三十兩零

開除

一支各項耗羨銀三十六萬四千九百四十  
兩零

一支缺官扣半銀七千四百二十一兩零

實在

一存耗羨銀一十五萬七千三百五十八兩  
零

一存缺官扣半銀一萬二千一百一十九兩  
零

中華民國二十二年三月廿二日

第 一 〇 〇 〇 號

護理陝西巡撫布政使臣徐忻跪

奏爲陝西省道光六年應徵並帶徵錢糧數目循

例具

奏仰祈

聖鑒事竊照向例辦理錢糧奏銷應將每年完欠數

目分晰具

奏歷經遵照在案茲據署布政使顏伯燾詳稱陝西省道光六年分應徵銀糧草束等項除榆林縣因災緩徵糧七十六石零草一百一十七束



零外所有應徵正耗銀一百八十四萬九千九百六十九兩零本色糧一十九萬八千五百一十一石零本色草一萬五千五百一十五束零又帶徵道光五年緩徵正耗銀六百五十五兩零糧一千六十八石零草九百六十八束零俱已全數通完其榆林縣未完緩徵糧石草束責令該管府縣屆限催徵完解等情具詳前來臣覆核無異理合恭摺具

奏並將已未完數目繕具簡明清單恭呈

御覽伏祈

皇上聖鑒謹

奏

道光七年四月三十日拜發五月十二日恭遞

閏五月初二日接奉

硃批戶部知道單併發欽此

日本書紀卷之四

卷之三

卷之三

謹將陝西省道光六年應徵並帶徵正耗等項  
已未完細數開繕清單恭呈

御覽

計開

應徵道光六年銀糧等項已未完數目

一道光六年額徵地丁等項銀一百六十一萬

一百四十九兩零現已通完

一道光六年額徵耗羨銀二十三萬七千三百

八十一兩零現已通完

一道光六年額徵糯米折價銀二千四百三十  
九兩零現已通完

一道光六年額徵本色糧一十九萬八千五百  
八十七石零今已完糧一十九萬八千五百  
一十一石零未完緩徵糧七十六石零

一道光六年額徵本色草一萬五千六百三十  
二束零今已完草一萬五千五百一十五束  
零未完緩徵草一百一十七束零

以上道光六年應徵正耗銀糧草束共

已完銀一百八十四萬九千九百六  
十九兩零已完糧一十九萬八千五  
百一十一石零已完草一萬五千五  
百一十五束零仍未完緩徵糧七十  
六石零未完緩徵草一百一十七束  
零

一帶徵道光五年地丁正銀五百七十兩零現  
已通完

一帶徵道光五年耗羨銀八十五兩零現已通

完

一帶徵道光五年本色糧一千六十八石零現

已通完

一帶徵道光五年本色草九百六十八束零現

已通完

以上帶徵舊欠正耗共已完銀六百五

十五兩零糧一千六十八石零草九

百六十八束零

護理陝西巡撫布政使臣徐忻跪

奏爲籌議捐修省會城垣恭摺奏

聞仰祈

聖鑒事竊照西安省會原建城垣一座外甃內土週圍四千九百餘丈自乾隆五十一年請項大修後迄今四十餘載早經保固限滿閱時旣久積年雨水浸滲刷滌海墁多有坍塌卸地腳漸次隳陷于嘉慶二十四年至道光六年節據咸長兩縣報坍塌皮段落共湊長二千餘丈寬二三尺



至二丈餘不等所有馬道卡房角樓堞口女牆  
均經坍塌外皮城身駝塊亦間段剝落又北門  
頭重大樓接連城臺券洞于上年秋間被雨坍塌  
塌十二丈經臣與署藩司顏伯燾率同府縣親  
歷查勘委員確估因正在辦理口外軍務需用  
浩繁准戶部咨行一切工程概行停緩三年欽  
遵在案臣與署藩臬兩司再四熟籌並與署督  
臣往返商議當此經費支絀之時固不敢冒昧  
請修又未敢因循不辦因思陝省西安同州鳳

翔三府土沃風淳紳民向知慕義急公似應俯  
察輿情量加勸諭當將此項工程行司逐一核  
實估計約需銀十二萬餘兩由司擬定于西安  
府屬捐銀六萬兩同州府屬捐銀四萬兩鳳翔  
府屬捐銀二萬兩轉飭遵照妥辦去後旋據各  
州縣陸續稟覆該紳民等聞風踴躍報効情殷  
有已呈繳捐貲者有先呈明捐數者俟收有成  
數隨時解交司庫另欸存貯倘有不敷仍當另  
行籌計卽責成該管糧道尹佩珩督同府縣趨

此天氣晴和未值大雨時行之候先將坍塌各段鳩工清理一面購集料物次第興辦由署藩司顏伯燾署臬司何承薰會詳請

奏前來臣查西安省城爲全秦保障現在城垣旣已坍塌過甚若不亟籌興修勢必坍塌愈多工費益鉅溯查陝省三原縣三水縣城垣均經該紳民等捐貲修葺本有成案可循自應仿照辦理祇令殷實紳士富饒商民聽其量力捐輸弗稍抑勒科派欣逢本年麥收上稔該紳民等咸

知捍衛梓桑之舉無不勉抒芹曝之誠除俟工竣後將捐修數目分別等差另行照例具

奏籲懇

天恩獎勵外所有籌議捐修省會城垣緣由謹會同署總督臣鄂山合詞恭摺具

奏伏祈

皇上聖鑒謹

奏

道光七年五月二十一日拜發閏五月初三日

恭遞十六日接奉

硃批奏到時再降諭旨欽此

護理陝西巡撫布政使臣徐忻跪

奏爲恭報雨水糧價情形仰祈

聖鑒事竊照陝省三月分連得雨澤並糧價情形業

經臣恭摺具

奏在案茲據西安延安鳳翔漢中榆林同州興安

商州邠州乾州鄜州綏德十二府州屬先後具

報於四月初二日初九日十七日至二十二日

得雨自二三四寸及深透不等臣查陝省二麥

正當成熟之際及時甘雨滋培穗粒益臻圓足

現已將次登場農田慶洽南山稻秧包穀一律  
長發暢茂北邊早禾萌芽茂密市集糧價中平  
比戶恬熙民情歡欣堪以仰慰

宸懷謹將四月分糧價敬繕清單恭呈

御覽伏祈

皇上聖鑒謹

奏

道光七年五月二十一日拜發閏五月初三日  
恭遞十六日接奉

殊批知道了欽此

人... ..

...

...



陳書卷五

三

再前奉

上諭嗣後奏報捐監銀兩均應叙明某年開捐起收過  
捐監銀若干已經解部及奏明動用若干現在若干  
俟奏足十萬兩卽行解部不得含混聲叙欽此又於  
道光五年正月內接准部咨

奏明暫停歸補每奏足五萬兩卽行解京等因查  
陝西省自嘉慶五年三月開捐起至道光七年  
三月底止共收捐監銀二百一十七萬七千八  
百九十兩除

奏明提歸軍需項下動用銀六十四萬六千一百  
兩採買倉穀動用銀一十六萬五千四百兩撥  
支口外軍需兵差動用銀四萬六千四百兩節  
次解部銀九十三萬九千五百一十兩提收司  
庫封貯銀三十五萬兩實應存銀三萬四百八  
十兩業經

奏報在案今道光七年四月分又收捐監銀三千  
兩連前共存銀三萬三千四百八十兩現在接  
准部咨令將上年撥支兵差銀四萬六千四百

兩于司庫存貯商稅銀項下如數提還捐監  
原款卽行解部等因除飭司遵照將前項銀四  
萬六千四百兩并于現存項下動支銀三千六  
百兩奏足五萬兩迅速委員解部交納外計尙  
存銀二萬九千八百八十兩理合附片奏

聞謹

奏

同日奉

硃批覽欽此

天  
下  
無  
雙  
美  
人  
圖  
卷  
之  
一

天

再粵東兩浙兩淮商捐餉銀三百一十萬兩截  
至四月二十七日共已解過陝境銀二百二十  
二萬兩催令趕緊前進業經臣附片具

奏在案茲查粵東餉銀於四月二十九日三十日  
五月十四日續經解入陝境銀二十五萬兩兩  
浙餉銀於四月二十八日續經解入陝境銀六  
萬兩兩淮餉銀於四月三十日五月初三日初  
六日初九日續經解入陝境銀三十二萬兩計  
共解入陝境銀六十三萬兩連前共解銀二百

八十五萬兩計兩浙兩淮商捐銀二百萬兩已  
全數解過陝境其粵東餉銀一百一十萬兩已  
解赴甘省銀六十萬兩扣留陝省司庫銀二十  
五萬兩尚有後批未經入境銀二十五萬兩俟  
解到時一併扣留陝省歸還原借五十萬兩之  
數理合附片奏

聞謹

奏

同日奉

殊批知道了欽此



吟香書室考頂

卷五

五

護理陝西巡撫布政使臣徐忻跪

奏爲本年上忙徵收新舊錢糧已未完數目循例  
恭摺具

奏仰祈

聖鑒事竊照嘉慶二十年六月內經戶部奏准行令  
各省于每年上下忙應徵錢糧除留支外實應  
解司銀數分別正課雜項依限詳報督撫二十  
日內專摺具奏等因茲據署布政使顏伯燾詳  
報道光七年分額徵民屯更起存並糧折價除

屯丁免食外共銀一百六十二萬二千九百九  
兩零內除存留銀二十八萬三千四百九十三  
兩零止該解司銀一百三十三萬九千四百一  
十六兩零計自二月開徵起至上忙截數止已  
完解司銀九十四萬六千三十三兩零未完銀  
三十九萬三千三百八十二兩零又原額鹽課  
銀八千九百八十兩零今上忙已完解司銀一  
千七百六十四兩零未完銀七千二百一十六  
兩零又帶徵道光五年原未完緩徵屯地丁起

運銀一百三十四兩零今上忙全數通完又帶  
徵道光六年原未完民屯更地丁起運銀五千  
九百六十二兩零今上忙全數通完又帶徵道  
光六年原未完鹽課銀一千八百五十兩零今  
上忙全數通完等情具詳前來臣覆核無異除  
將未完銀兩責令該管府州於下忙秋徵時督  
催依限迅速完解外所有道光七年分上忙徵  
收新舊錢糧已未完數目理合循例恭摺具

奏伏祈

阿不... 卷三

三

皇上聖鑒謹

奏

道光七年閏五月初三日拜發十四日恭遞二

十七日接奉

硃批戶部知道欽此

護理陝西巡撫布政使臣徐忻跪

奏爲本年錢糧現已徵完過半循例恭摺具

奏仰祈

聖鑒事竊照嘉慶八年五月經戶部奏准令各省於  
每年五月將徵完舊欠及當年新糧徵完若干  
專摺奏明等因查徵完舊欠錢糧數目業經臣  
於本年奏銷時恭摺

奏明在案茲據署布政使顏伯燾詳稱道光七年  
分應徵錢糧額徵民屯更起運存留共銀一百

六十二萬二千九百九兩零內除存留銀二十  
八萬三千四百九十三兩零實徵解起運銀一  
百三十三萬九千四百一十六兩零計自二月  
開徵起至五月止現已徵貯司庫銀九十四萬  
六千三十三兩零統核徵解新賦計有七分有  
餘已逾上忙應徵一半之數仍未完銀三十九  
萬三千三百八十二兩零等情臣覆核無異除  
將未完銀兩責令該管府州於下忙秋徵時督  
催依限迅速完解外所有道光七年額徵錢糧

已未完數目理合循例恭摺具

奏伏祈

皇上聖鑒謹


奏

道光七年閏五月初三日拜發十四日恭遞二

十七日接奉

硃批戶部知道欽此





護理陝西巡撫布政使臣徐忻跪

奏爲知縣年衰患病請

旨勒令休致以肅官方事竊照知縣爲親民之官責任綦重必須年富力強精明幹練方足以資治理臣隨時留心考覈查有候補知縣程開泰浙江貢生由衡工例捐納知縣於嘉慶二十年分發到陝歷經署理代理縣事尙無貽悞該員年六十歲臣察其精力就衰艱於步履又復患病難望振作有爲未便因其尙未得缺稍事姑容

相應請

旨將候補知縣程開泰勒令休致以肅官方理合恭摺具

奏伏祈

皇上聖鑒謹

奏

道光七年閏五月初三日拜發十四日恭遞二十七日接奉

硃批另有旨欽此

道光七年閏五月十五日內閣奉

上諭徐炘奏請勒休知縣一摺陝西候補知縣程開泰年衰患病著卽勒令休致該部知道欽此

中華書局影印  
卷三

三

再蒲城縣知縣蔡信芳業經欽奉

諭旨陞補寧陝廳同知應卽給咨赴部引

見所遺蒲城縣員缺查有扶風縣知縣袁汝嵩勤明  
誠樸堪以委令署理其所遺扶風縣員缺查有  
麟遊縣知縣謝濟經資俸較深堪以委令署理  
據署藩臬兩司會詳請

奏前來除批飭遵照外理合附片奏

聞謹

奏

同日奉

硃批覽欽此

護理陝西巡撫布政使臣徐炘跪  
奏爲委署知府廳縣各缺循例奏

聞仰祈

聖鑒事竊照同州府知府徐名綬鳳翔府知府廷勳  
長安縣知縣鄭謙於上年

大計保薦卓異現准吏部咨覆議准行令給咨赴  
部引

見所遺各缺應卽委員接署查有潼關廳同知張聰  
賢老成練達堪以就近兼署同州府知府印務



西安府同知慶林勤慎安詳堪以委署鳳翔府  
知府印務所遺西安府同知員缺查有延安府  
同知廣崇年壯才明堪以委令署理又長安縣  
知縣員缺查有褒城縣知縣郭維暹奮勉有爲  
堪以委令署理據署藩臬兩司會詳請  
奏前來除批飭遵照外理合循例恭摺具

奏伏祈


皇上聖鑒謹

奏

道光七年閏五月二十二日拜發六月初三日

恭遞十六日接奉

硃批知道了欽此



護理陝西巡撫布政使臣徐忻跪

奏爲恭報雨水糧價情形仰祈

聖鑒事竊照陝西省四月分雨水糧價情形業經臣

恭摺具

奏在案茲據西安延安鳳翔漢中榆林同州興安  
商州邠州乾州鄜州綏德十二府州屬先後具  
報於五月初四初五初七十八十九二十一至  
二十四日得雨自二寸至四寸及深透不等臣  
查陝省本年二麥登場收穫均已完畢復得連

卷之四  
時播種次第出土南北山包穀雜糧一律潤澤  
長發市集糧價中平比戶恬熙民情歡忭堪以  
仰慰

宸懷謹將五月分糧價敬繕清單恭呈

御覽伏祈

皇上聖鑒謹

奏

道光七年閏五月二十二日拜發六月初三日

恭遞十六日接奉

硃批知道了欽此

奉  
旨  
欽  
此

欽  
此

國朝書目考 卷三

十一

再前奉

上諭嗣後奏報捐監銀兩均應叙明某年開捐起收過捐監銀若干已經解部及奏明動用若干現在若干俟湊足十萬兩卽行解部不得含混聲叙欽此又於道光五年正月內接准部咨

奏明暫停歸補每湊足五萬兩卽行解京等因查陝西省自嘉慶五年三月開捐起至道光七年四月底止共收捐監銀二百一十八萬八百九十兩除





奏

同日奉

硃批覽欽此

大清高宗純皇帝

御批

四庫全書  
卷三

...

護理陝西巡撫布政使臣徐忻跪

奏爲恭報雨水糧價情形仰祈

聖鑒事竊照陝省五月分雨水糧價情形業經臣恭摺具

奏在案茲據西安延安鳳翔漢中榆林同州興安商州邠州乾州鄜州綏德十二府州屬先後具報於閏五月初一初四十一初四十六二十及二十三初四二十八二十九三十日連次得雨自二三四寸至深透不等時當盛夏甘霖接續頻霑山

地平原土脉均皆滋潤農田禾苗芄茂市集糧  
價中平四境恬熙民情歡忭堪以仰慰

宸懷謹將閏五月分糧價敬繕清單恭呈

御覽伏祈

皇上聖鑒謹

奏

道光七年六月十八日拜發二十九日恭遞七

月十二日接奉

硃批知道了欽此

再前奉

上諭嗣後奏報捐監銀兩均應叙明某年開捐起收過捐監銀若干已經解部及奏明動用若干現在若干俟奏足十萬兩卽行解部不得含混聲叙欽此又於道光五年正月內接准部咨

奏明暫停歸補每奏足五萬兩卽行解京等因查陝西省自嘉慶五年三月開捐起至道光七年五月底止共收捐監銀二百一十八萬三千六百五十兩除

奏明提歸軍需項下動用銀六十四萬六千一百  
兩採買倉穀動用銀一十六萬五千四百兩節  
次解部銀九十八萬九千五百一十兩提收司  
庫封貯銀三十五萬兩實應存銀三萬二千六  
百四十兩業經

奏報在案今道光七年閏五月分又收捐監銀二  
千五百二十兩實存銀三萬五千一百六十兩  
俟收足五萬兩卽行解部理合附片奏

聞謹

奏

同日奉

硃批覽欽此



皇朝書目考卷五

三

再陝省入夏以來各屬秋禾雜糧一律條暢惟當大雨時行之際近山濱河村莊或因暴雨猛注或因山水驟發間有被沖處所據該管地方官先後稟報臣隨行司委查並檄飭該管道府迅速親勘去後旋據查明佛坪留壩三原華陰商州五廳州縣間有被水沖塌廬舍傷及人口者有浸損蓋藏淹沒田禾者其地在該廳州縣中俱不及百分之一經該地方官一面查勘一面捐廉散給口糧籽種房價葬費由該管道府

暨委員等詳查稟覆實已安貼如常臣與署藩  
司林則徐覆加確覈該廳州縣被水村莊爲數  
有限情形甚爲輕微其涸復地畝仍可及時補  
種既經各地方官捐廉妥爲安撫無須再請撫  
卹臣仍與署藩司隨時體察情形如有應需調  
劑之處卽當據實

奏明辦理不敢稍有諱飾理合附片奏

聞謹

奏

同日奉

硃批仍應留心查看欽此

大清高宗純皇帝

一

明香書室奏疏

卷五

七

護理陝西巡撫布政使臣徐忻跪

奏爲籌備凱撤兵差欽遵申明例禁仰祈

聖鑒事竊照回疆四城收復邊徼肅清荷蒙

宣詔班師止戈爲武所有各營官兵從事行間者現

已陸續酌撤臣復接准部咨內開御史阿成條

奏請禁凱旋官兵沿途騷擾一摺欽奉

上諭著沿途各督撫等隨時嚴加稽察倘有不肖兵

丁私携男女幼孩及途間擾累居民舖戶查明立

卽按律治罪並將該管官員叅奏等因欽此仰見

聖主厯念兵民無微不至臣當卽恭繕刊刻謄黃敬  
謹張貼咸使聞知仍移令帶兵官員一體遵照  
伏查陝省凱撤歸伍及過境官兵爲數較多行  
程不一如西安滿營官兵應由長武縣入境至  
省城歸伍西安鎮標官兵亦由長武縣入境至  
省城及宜君耀州潼關各營歸伍延綏鎮標官  
兵由定邊縣入境至懷遠榆林神木靖邊延安  
各營歸伍四川官兵由畧陽寧羌過境臣與署  
藩司林則徐署臬司何承薰悉心商酌已移行

該管鎮道督同地方文武查照上年章程分頭  
迎送又京營東三省山東官兵均由長武縣入  
境至潼關廳出境道里綿長將士紛集所需車  
馬供頓必須寬爲籌備臣與兩署司惟應循照  
舊章量加協濟並分段酌派道府及文武委員  
逐站彈壓接護屆期並於兩署司中酌令會同  
鎮將等輪替分往照料俾臻安速仍隨時嚴加  
稽察如有私携男女幼孩及擾累居民舖戶者  
欽遵



諭旨立即按律懲辦以仰副

皇上體恤輿情整肅戎政之至意所有籌備凱撤兵  
差並申明例禁緣由理合恭摺具

奏伏乞

皇上聖鑒謹

奏

道光七年六月十八日拜發二十九日恭遞七

月十二日接奉

硃批知道了欽此

再臣接准署督臣鄂山咨開逆裔巴布頂之子  
阿里雅汗一犯由軍營派員押解進京令於過  
境時妥爲照料等因臣與署藩臬兩司選派署  
西安府同知廣崇會同邠州營都司王之貴由  
長武接護入境至西安省城又自省城至潼關  
出境遴委署同州府知府張聰賢會同西鳳營  
叅將順承保照料遞送除俟將入境出境日期  
屆時奏

聞外理合附片陳明謹

奏

同日奉

硃批覽欽此

護理陝西巡撫布政使臣徐忻跪

奏爲恭報雨水糧價情形仰祈

聖鑒事竊照陝西省閏五月分各屬雨水糧價情形業經臣恭摺具

奏在案茲據西安延安鳳翔漢中榆林同州興安商州邠州乾州鄜州綏德十二府州屬陸續具報於六月初四至初六日初八至十二日十八九日二十一至二十九日先後得雨自二三四五寸及深透不等臣查陝省本年伏秋烈熱異

常農田微覺望澤旋卽渥沛甘霖山境平原所  
有一切禾稼均得及時滋培長發倍形暢茂現  
在稻穀結穗包穀升漿收成可期豐稔集市糧  
價中平民氣安恬輿情歡忭堪以仰慰

宸懷謹將六月分糧價敬繕清單恭呈

御覽伏祈

皇上聖鑒謹

奏

道光七年七月二十二日拜發八月初三日恭

遞十五日接奉

硃批知道了欽此

東洋文庫  
圖書部  
東洋文庫  
圖書部

111

再前奉

上諭嗣後奏報捐監銀兩均應叙明某年開捐起收過捐監銀若干已經解部及奏明動用若干現在若干俟湊足十萬兩卽行解部不得含混聲叙欽此又於道光五年正月內接准部咨

奏明暫停歸補每湊足五萬兩卽行解京等因查陝西省自嘉慶五年三月開捐起至道光七年閏五月底止共收捐監銀二百一十八萬六千一百七十兩除



奏明提歸軍需項下動用銀六十四萬六千一百  
兩採買倉穀動用銀一十六萬五千四百兩節  
次解部銀九十八萬九千五百一十兩提收司  
庫封貯銀三十五萬兩實應存銀三萬五千一  
百六十兩業經

奏報在案今道光七年六月分又收捐監銀三千  
九百六十兩實存銀三萬九千一百二十兩俟  
收足五萬兩卽行解部理合附片奏

聞謹

奏

同日奉

硃批覽欽此



署理陝甘總督陝西巡撫臣鄂山跪  
護理陝西巡撫布政使臣徐炳

奏爲揀員陞補南山要缺同知以重地方仰祈

聖鑒事竊照寧陝廳同知蔡信芳因病詳請回籍調

理業經恭疏具

題在案所遺員缺係繁疲難要缺例應在外揀員

陞調伏查寧陝廳爲南山扼要之地幅員遼濶

山徑崎嶇客民雜處必須勤敏幹練熟悉情形

之員方足以資治理臣等往返札商與署藩臬

兩司在于通省同知內逐加遴選非現居要缺

卽人地未宜實無堪調之員其軍營保奏出力  
甫經奉

旨以同知直隸州陞用之員又遠在喀什噶爾隨營  
經理糧餉及一切善後事宜差旋尙需時日南  
山要地非平原中簡缺分可比未便久懸查有  
長安縣知縣鄭謙年五十一歲河南舉人嘉慶  
十三年戊辰科會試後大批一等以知縣用籤  
掣廣東親老告近改掣陝西是年九月十一日  
到陝歷經委署鳳縣洵陽安康白河縣事道光

三年

題署長武縣知縣八月初六日到任試署期滿奉

文實授調補今職六年

大計經臣等保薦卓異現經給咨赴部引

見該員悃愾無華爲守兼優熟悉南山情形以之陞

補寧陝廳同知實堪勝任合無仰懇

皇上天恩俯准以長安縣知縣鄭謙陞補寧陝廳要

缺同知實于南山地方有裨如蒙

俞允其所遺長安縣知縣員缺係省會首邑要缺容

臣等另行揀員請調所有揀員陞補要缺同知  
緣由謹合詞恭摺具

奏伏祈

皇上聖鑒謹

奏

道光七年七月二十二日拜發八月初三日恭

遞十五日接奉

硃批另有旨欽此

道光七年八月初四日內閣奉

上諭鄂山等奏揀員陞補南山要缺同知一摺著照所請陝西寧陝廳同知員缺准其以鄭謙陞補照例送部引見該部知道欽此



--	--	--

192-2

192-2

再耀州知州張利溥委署鄜州知州所遺員缺  
奏明以韓城縣知縣康節署理在案茲該員康節  
具報丁憂所遺耀州知州員缺應另委員接署  
查有同官縣知縣孔傳勳勤慎安詳堪以委署  
耀州知州印務據署藩臬兩司具詳前來除檄  
飭遵照外理合附片奏

聞謹

奏

同日奉

四不讀書卷之三

殊批覽欽此

護理陝西巡撫布政使 臣徐忻跪

奏爲新設廳治應建工程請動耗羨銀兩仰祈

聖鑒事竊照陝省洋縣蓋厓適中之佛坪地方經前  
撫臣盧坤督同前陝安道嚴如煜相度形勢扼  
要添設廳城節次奏蒙

允准所有應建

文廟

關帝廟

先農壇

社稷

風雲雷雨邑屬各壇工程計房六十二間並照壁池  
臺圍墻等項經委員留壩廳同知唐錫鐸會同  
該廳同知景梁曾逐一搏節確估共需工料銀  
六千二百四十兩六錢七分八厘造具冊結經  
該管道府加結核轉由藩司具詳到臣因值部  
議停辦工程之時經費倍宜慎重當又檄司再  
行確查是否可以緩辦核實妥議去後茲據署  
藩司林則徐覆查佛坪廳係新設要治一切應

建城垣衙署倉廩監獄各工均蒙

發帑興造所有應建

壇廟工程祀典攸關且於部議停辦各工以前早經  
估勘請建未便延緩核其工料亦屬加意撙節  
詳請具

奏前來臣覆核無異相應遵例

奏明請於司庫耗羨銀內將所需工料銀兩如數  
動支俾得及時興辦仍俟工竣委勘核實報銷  
除將估計細數冊結另疏具

題咨部查核外理合恭摺具

奏伏祈

皇上聖鑒謹

奏

道光七年七月二十二日拜發八月初三日恭

遞十五日接奉

硃批另有旨欽此

道光七年八月初四日內閣奉

上諭徐炘奏新設廳治應建工程請動支耗羨銀兩  
一摺陝西佛坪地方前經盧坤奏准添設廳治茲  
據該護撫查明該廳應建

壇廟各工程早經委員估勘共需工料銀六千二百  
四十兩零著照所請准其於司庫耗羨銀內動支  
興辦俟工竣勘明核實報銷該部知道欽此



正統御製通志卷五

三

護理陝西巡撫布政使臣徐忻跪

奏爲畧陽縣被水情形及現辦撫卹事宜恭摺奏

聞仰祈

聖鑒事竊臣接據畧陽縣知縣金在紳稟報該縣自

六月下旬陰雨連綿至二十七日忽起大風暴雨如注西城外嘉陵江河水陡漲東城外八渡河匯流入江水勢湧猛由東北兩門漫城而進致將衙署民房均被淹漫該縣督同典史先將監禁人犯提至高阜處所倉廩原在高臺建立

飭役看管一面將被水居民覓船渡救等情同日復據護陝安道該管漢中府知府楊名颺稟同前由該護道因距省窳遠恐稟報往返遲延當卽携帶府庫備貯銀二千兩親往履勘督同該令並照磨等隨查隨撫俾災黎不致失所臣查畧陽縣地勢低窪山崖逼窄江河縈繞節年水患頻仍此次漫城被淹情形較重當與署藩司林則徐商令就近飭委城固縣知縣俞逢辰署沔縣知縣任廷傑馳往畧陽隨同該護道詳

查安卹並動支司庫銀四千兩另委試用知縣  
王以銘解往備用去後茲據該護道稟稱馳抵  
該縣逐一查勘城垣石堤被水衝刷僅存三分  
之一廟宇書院衙署監獄兵房坍塌四百四十  
八間當城內猝被水漫之時經該縣金在紳會  
同遊擊王卓覓船紮筏將災民均已援引救渡  
並先行捐給麥石暫資果腹現復確切查明城  
內關廂並沿江一帶北鄉之白水江東鄉之登  
雲舖南鄉之夾門子落索河青白西鄉之石

碑子南壩橫現河相公山且口西淮壩明水等  
十二村實在乏食貧民一千五百五十五戶男  
女大口四千六百六十三口小口一千三百九  
十一口照例各給予撫卹一月折色口糧又淹  
損大小民人六口並衝塌房間照例給予修掩  
等費共需銀三千七百三十兩二錢八分業經  
該護道督同印委各員親身散放不假胥役之  
手該貧民等得沾實惠感戴

皇仁淪肌浹髓現在水旱消退間有衝淤田畝本係

依山開墾傍水耕耘可以乘時修復且查明應  
征錢糧數本極微早經完納無可蠲緩現飭補  
種晚蕎雜糧民情均屬安貼此外尙有該縣西  
鄉之藥木院南鄉之落索河續報被水處所經  
該護道督飭委員就近勘辦一併妥速安撫除  
將散放戶口等項細數另行恭疏具

題並將坍塌城垣各工確勘妥議分別核辦外所  
有畧陽縣被水查明撫卹緣由理合恭摺具

奏伏祈

皇上聖鑒謹

奏

道光七年七月二十二日拜發八月初三日恭

遞十五日接奉

硃批另有旨欽此

再畧陽縣城垣堤工及衙署一切工程此次坍塌過甚亟須趕緊勘辦據該護道楊名颺稟稱該縣城左河右江水口壁立地本狹隘勢復紆迴自建城以來歷遭水患嘉慶二十四年甫衝城堤越五年又衝今越三年又衝不但帑項虛糜且恐後患未已現經相度城東三里許鳳山之麓有平坡一段背山面河形勢足據卽以修復舊城之費已足敷移建一切之需而工程可期鞏固等語臣思該處設立縣城相沿已久應



臣等謹將各屬災戶口應否再予調劑亦須體察情形  
否照舊修復抑或另行改遷未便輕率定議且  
該處被災戶口應否再予調劑亦須體察情形  
事關民瘼不厭周詳署藩司林則徐練達精明  
盡心公事現在臬司方載豫尚未據報自托克  
遜啓程來陝林則徐交卸尙需時日臣商令該  
藩司親往周歷確勘再行定議具  
奏以昭慎重而期妥善理合附片奏

聞謹

奏

同日奉

硃批另有旨欽此

日本書紀卷之三十三

三十三

道光七年八月初四日內閣奉

上諭徐忻奏查明畧陽縣被水情形現辦撫卹一摺  
陝西畧陽縣因雨後江河水漲淹及城垣衙署並  
居民廬舍經該護撫委員攜帶司庫銀兩隨同該  
護道詳查撫卹現已查明城內關廂並沿江一帶  
之白水江等十二村實在乏食貧民一千五百五  
十五戶照例給予撫卹一月折色口糧及淹損人  
口衝坍房間例給修掩等費共需銀三千七百三  
十餘兩業經該護道督同委員妥爲散放其該縣

西南鄉續報被水處所亦已就近勘辦應如何撫  
卹着一併妥速散放覈實報銷又據另片奏畧陽  
縣城左河右江水口壁立頻遭水患據該護道楊  
名颺稟請移建已委署藩司林則徐親往確勘著  
卽飭該署藩司查明是否應行移建詳勘定議並  
將該縣被災地方戶口應否再予調劑之處體察  
情形奏明辦理該部知道欽此

護理陝西巡撫布政使 臣徐忻跪

奏爲恭報陝西秋禾約收分數仰祈

聖鑒事竊照秋禾約收分數例應先行恭摺

奏報茲據西安延安鳳翔漢中榆林同州興安商

州邠州乾州鄜州綏德十二府州將所屬秋禾

約收分數開摺呈報由司具詳前來 臣覆加查

核統計陝西各屬九十一廳州縣多寡牽算約

計收成七分有餘理合繕具清單恭呈

御覽伏祈

皇上聖鑒謹

奏

道光七年八月初七日拜發十八日恭遞九月

初三日接奉

硃批知道了欽此

謹將道光七年西安等十二府州屬秋禾約收  
分數開列清單恭呈

御覽

計開

約收九分有餘者

咸陽興平白水三縣

約收九分者

鄜縣富平盩厔涇陽澄城武功六縣

約收八分有餘者



咸寧長安渭南臨潼三原醴泉耀州藍田鳳  
翔隴州汧陽岐山扶風郿縣麟遊南鄭洋  
縣沔縣蒲城潼關華州華陰朝邑韓城紫  
陽邠州三水淳化乾州二十九廳州縣

約收八分者

高陵寶雞西鄉大荔郃陽安康商州商南長  
武永壽十州縣

約收七分有餘者

孝義同官延長城固畱壩佛坪定遠神木平

利洵陽漢陰磚坪山陽綏德米脂清澗十  
六廳州縣

約收七分者

寧陝甘泉宜川保安鳳縣畧陽懷遠石泉白

河雒南鎮安洛川宜君十三廳縣

約收六分有餘者

膚施安塞寧羌褒城榆林葭州府谷鄜州中

部吳堡十州縣

約收六分者

安定靖邊定邊三縣

約收五分有餘者

延川一縣

以上西安等十二府州九十一廳州縣多

寡牽算秋禾約收七分有餘

護理陝西巡撫布政使臣徐忻跪

奏爲陝省承辦兵差動支銀兩遵照部咨分別題銷攤補各清各案仰祈

聖鑒事竊照陝省自上年回疆軍興以來動支本省滿漢各營官兵俸賞行裝及支應京營東三省山東四川各省官兵過境一切車馬供億並代甘省雇備驛駝購買布疋製造軍械等項需用繁多先後咨部動撥銀二十九萬六千五百二十一兩零嗣因支用不敷兼須預備凱旋差費

復經前署藩司顏伯燾詳請在於司庫春撥實存項下動撥銀十五萬兩均經按款隨時報部又查照則例核扣平餘銀一千八百十八兩零一併續入收欸統計支發在案嗣接准部咨令將供應兵差並代辦軍裝物料等項動支銀兩仿照直隸奏准成案核明實在用數按款題銷如有例不准銷之欸亦照直隸成案分攤歸補至凱旋時再將用項另行結算專案報銷毋稍牽混等因經前署藩司顏伯燾現署藩司林則

徐等逐一核實勾稽按款造報共請銷銀三十  
二萬三千三百三十六兩零業經分案恭疏具  
題此外如預備過境官兵飯食及修理橋道加給  
車馬守候回空價值並代製軍裝軍伙器械採  
買布疋解運錢文委員盤飯等項一切雜費共  
支發銀五萬九千六百七十九兩零均係實支  
實用並無浮濫惟因格於成例碍難造銷應請  
遵照部咨援照直隸成案由本省分攤歸補倘  
尙有奉部核減之項亦請一併歸案攤補其餘

存剩銀六萬五千三百二十四兩零仍收入後  
案畱爲凱撤官兵各項支用另行專案報銷免  
致軫轄所有陝省動支兵差銀兩分別題銷攤  
補緣由謹會同署督臣鄂山合詞恭摺具

奏伏祈

皇上聖鑒謹

奏

道光七年八月初七日拜發十八日恭遞九月  
初三日接奉

硃批戶部知道欽此

大清會典事例

卷四

四十一



中華書局影印

三

署理陝甘總督陝西巡撫臣鄂山跪  
護理陝西巡撫布政使臣徐斯瞻

奏爲遵

旨揀員請調首府仰祈

聖鑒事竊臣等接准部咨奉

上諭陝西西安府知府員缺緊要著該署督等於通  
省知府內揀員調補所遺員缺著韋德成補授欽  
此查西安府係省會首郡管轄十八縣州縣地  
方遼濶政務殷繁且時有發審案件必須精明  
幹練勤敏通達之員方足以資治理臣等於通

省知府內詳加遴選非現居要缺卽人地未宜  
惟查有榆林府知府熊常錚江西鉛山縣人年  
四十一歲由嘉慶十四年進士授職翰林院編  
修二十四年

京察一等道光三年六月內奉

旨簡放漢中府遺缺知府到陝後經前撫臣盧坤委  
署西安府知府嗣經補授榆林府知府該員署  
理首府將及一載兼護鳳邠道篆經理裕如迨  
赴榆林府任事兼護延榆綏道篆二次籌建社

倉辦理地方一切事務均能認真整飭該員年富力強明敏謹飭以之調補西安府知府實於要缺有裨如蒙

俞允其所遺榆林府知府員缺卽請以韋德成補授  
臣等往返札商意見相同並據署藩臬兩司具詳前來臣等謹合詞恭摺具

奏伏祈

皇上聖鑒謹

奏

道光七年八月初七日拜發十八日恭遞九月初三日接奉

硃批另有旨欽此

道光七年八月十九日內閣奉

上諭鄂山等奏揀員調補首府一摺著照所請陝西西安府知府准其以熊常醇調補所遺榆林府知府員缺卽以韋德成補授該部知道欽此

護理陝西巡撫布政使臣徐炘跪

奏爲恭報雨水糧價情形仰祈

聖鑒事竊照陝西省六月分各屬雨水糧價情形業

經臣恭摺具

奏在案茲據西安延安鳳翔漢中榆林同州興安

商州邠州乾州鄜州綏德十二府州屬先後具

報於七月初一日初三日十二三日十七八日

二十三日二十五六日二十九三十日得雨自

二三四寸至深透不等臣查陝省各屬自入秋

以來賜雨應時暄潤相濟一切禾稼雜糧正在  
秀穗結實之際疊獲甘澍頻霑顆粒益加飽綻  
農田慶協有秋市集糧價平減堪以仰慰  
宸懷謹將七月分各屬糧價敬繕清單恭呈

御覽伏祈

皇上聖鑒謹

奏

道光七年八月二十六日拜發九月初九日恭  
遞二十三日接奉

硃批知道了欽此

欽此

欽此

欽此



中華書局影印  
考正  
卷三

三

再前奉

上諭嗣後奏報捐監銀兩均應叙明某年開捐起收過捐監銀若干已經解部及奏明動用若干現在若干俟湊足十萬兩卽行解部不得含混聲叙欽此又於道光五年正月內接准部咨

奏明暫停歸補每湊足五萬兩卽行解京等因查陝西省自嘉慶五年三月開捐起至道光七年六月底止共收捐監銀二百一十九萬一百三十兩除

奏明提歸軍需項下動用銀六十四萬六千一百  
兩採買倉穀動用銀一十六萬五千四百兩節  
次解部銀九十八萬九千五百一十兩提收司  
庫封貯銀三十五萬兩實應存銀三萬九千一  
百二十兩業經

奏報在案今道光七年七月分又收捐監銀四千  
五百六十兩實存銀四萬三千六百八十兩俟  
收足五萬兩卽行解部理合附片奏

聞謹

奏

同日奉

硃批覽欽此



護理陝西巡撫布政使 臣徐忻跪

奏爲覆勘畧陽縣被水情形懇

恩再予調劑以廣

皇仁事竊照畧陽縣城垣被水淹漫衝坍衙署民房

業經 臣恭摺

奏明給予撫卹一月口糧其西南鄉續報被水村莊飭卽安速查辦並令署藩司林則徐親往確勘城垣情形覆查被災戶口應否再加調劑酌議辦理欽奉

上諭著卽飭該署藩司查明是否應行移建詳勘定議並將該縣被災地方戶口應否再行調劑之處體察情形奏明辦理等因欽此仰見

皇上軫念窮黎勤求保衛之至意臣當卽檄行該署藩司欽遵籌辦茲據署藩司林則徐稟稱續查畧陽縣西鄉之藥木院南鄉之落索河二處被水貧民男女二百五十五大口一百一十五小口經護陝安道楊名颺照例一律散給一月口糧銀一百一十八兩二錢五分該署藩司到彼

後察看民情均屬安靜惟被水之後泥淖壅積已坍之房未能遽行修復貧民棲處岩穴生計拮据此時天氣漸寒察看情形殊堪憫惻請將前後查明被水十四村莊仍按照戶口加給一月口糧共需銀一千二十兩七錢八分其城垣坍塌過甚容再詳勘酌議等情臣查此次畧陽縣江河異漲貧民猝被水災蕩析離居生業未能遽復委係實在情形合無仰懇

皇上天恩俯如所請再給一月口糧俾資接濟臣已



批令該署藩司會同該護道督縣覈實散放該  
貧民等復邀加展口糧更不致一夫失所至城  
垣情形猶須慎重籌議容俟該署藩司明確查  
覆另行察核會

奏再據署寧羗州知州趙廷俊稟報該州所屬之  
陽平關一帶村莊與畧陽縣接壤同時被水情  
形較輕業經逐細履勘捐廉妥爲撫卹無庸再  
行調劑惟駐劄陽平關之州同千總衙署及演  
武廳多已被水衝塌等情除飭照例勘辦外合

併陳明伏祈

皇上聖鑒謹

奏

道光七年八月二十六日拜發九月初九日恭

遞二十三日接奉

硃批另有旨欽此

中華書局影印

卷三

道光七年九月初十日內閣奉

上諭徐忻奏覆勘畧陽縣被水情形請再予調劑一摺陝西畧陽縣被水前據該護撫查明城內關廂及沿江之白水江等十二村照例給予撫恤一月折色口糧並勘明該縣續報西鄉之藥木院南鄉之落索河一律散給此時天氣漸寒貧民生計拮据殊堪憫惻著加恩將畧陽縣前後查明被水十四村莊仍按照戶口加給一月口糧該護撫卽飭屬覈實散放毋任吏胥尅扣務令實惠及民俾資

接濟該部知道欽此

再臣接准部咨欽奉

上諭鄂山等奏籌備善後經費懇酌量加撥銀兩一摺着照所請准其動撥甘肅藩庫銀五十萬兩陝西藩庫銀三十萬兩以資接濟等因欽此臣當卽行司遴委委員分爲三批於八月十七日十九日二十一日如數解往計九月初十日以內可以全數解抵甘省足資接濟至撥解部庫銀一百萬兩臣已飭令沿途各廳州縣將應需車輛先期預備屆期另行委員照料護送俾臻妥速

除將動撥司庫銀欸另行造冊報部外理合附  
片奏

聞謹

奏

同日奉

硃批知道了欽此

護理陝西巡撫布政使臣徐忻跪  
奏爲盤獲脫逃太監遵例解部審辦恭摺奏

聞仰祈

聖鑒事竊臣接據潼關廳同知張聰賢稟報七月二十日盤獲太監張進忠一名訊據供稱係順天府宛平縣人年三十五歲先在

四執事當差因疊次逃走被獲改撥掌儀司供役嗣于道光六年三月內因欠債不能償還逃到山西陝西一帶尋伊胞兄張二被獲解京責處



仍發回掌儀司復因窮苦於本年五月初二日  
逃走出京一路潛踪行走無人知覺來到潼關  
卽被盤獲並無爲匪不法情事等語當經行提  
來省臣與署臬司何承薰詳加訊問據供與該  
廳所稟情節無異查太監張進忠於上年十一  
月內逃走到陝行至大荔縣被獲經臣提訊  
奏明解京未及半載又復潛逃檢查檔案此次脫  
逃後尙未接准部文咨緝有無隱混別情難以  
懸定反復究詰堅供委係因貧逃走實無犯法

及詐稱奉差招搖情事伏查道光五年五月內  
欽奉

上諭着通諭直省各督撫嚴飭所屬凡遇通緝在逃  
太監務當認真緝拏等因欽此又查例載拏獲逃  
走太監徑送刑部辦理等語除委員解送刑部  
審辦外理合恭摺具

奏伏祈

皇上聖鑒謹

奏

道光七年八月二十六日拜發九月初九日恭

遞二十三日接奉

硃批刑部知道欽此

軍機大臣 字寄

署陝甘總督陝西巡撫鄂 護理陝西巡撫徐

道光七年八月二十二日奉

上諭據福綿奏接鄂山等咨會押解逆犯阿里雅汗  
一名進京由晉行走妥爲護送其凱撤各路官兵  
內有京營東三省官兵出陝西境或由山西經過  
一切須及早籌備方免貽誤等語現在解京之逆  
犯阿里雅汗已定由山西行走著福綿派員護送  
並飭沿途州縣營汛各帶兵役協同小心押解至

凱撤之火器健銳二營及吉林黑龍江官兵昨已  
降旨令該署督於進關時卽分爲二百名一起間  
四日行走經過之陝西河南直隸奉天等省按起  
應付該署督等卽遵照前旨辦理令各州縣將車  
馬輪流遞送無庸由山西行走將此諭知鄂山徐  
炳並諭福綿知之欽此遵

旨寄信前來

護理陝西巡撫布政使臣符焘跪

奏爲陝省應付兵差各州縣蒙

恩蠲免錢糧應請分年劃抵仰祈

聖鑒事竊臣接准部咨欽奉

上諭陝西省應付本省官兵啓行並各省兵差過境  
各州縣著加恩將上年本年錢糧蠲免十分之六  
其已經徵收者准其劃抵下年錢糧賦課等因欽  
此仰見

皇上俯恤輿情

鴻施曲逮臣當卽敬謹刊刻謄黃遍行張貼小民具  
有天良扶老攜幼祇誦

恩綸莫不頂祝歡呼感深淪浹伏查陝省土沃風淳  
素知急公奉上民間應納錢糧向係年清年欸  
近因連歲雨暘時若慶協屢豐輸將倍形踴躍  
不惟上年錢糧早經全完卽本年錢糧全完者  
亦已大半所剩祇係零星尾項若以應蠲六分  
之數參差劃抵誠恐多寡紛岐新舊鞅轉致  
易滋影射應請將本年錢糧帶欠仍照定額徵

收統于道光八年九年兩屆正賦內各免十分之六以抵上年及本年應蠲之款俟道光十年仍照舊全徵俾免牽混查上年應付兵差過境之潼關華陰華州渭南臨潼咸寧長安咸陽興平醴泉乾州永壽邠州長武等廳州縣爲各省官兵經由總路其四川省官兵則由寧羗畧陽二州縣過境本省延綏鎮官兵則由榆林府谷懷遠神木靖邊定邊等縣經行以上二十二廳州縣錢糧均應查照



恩免分數按年蠲除此外或由分駐汛堡酌調官兵  
數名或僅經過一二起爲數無多概不在蠲免  
之列又潼關等廳州縣民田之外尙有額徵屯  
更折色本色錢糧係由屯軍輸納例供滿漢官  
兵餉項向不應付差務北邊之榆林等縣應徵  
本色糧草例供延綏鎮兵馬之需芻糈攸關均  
仍應照舊徵納臣與署藩司林則徐悉心稽核  
剴切曉諭務使界限分明咸知遵守庶應免者  
不致絲毫重複應徵者不任觀望拖延以期實

惠及民奉行無弊用副

聖主垂廬民依愛育益下之至意所有欽遵辦理緣  
由理合恭摺具

奏伏祈

皇上聖鑒謹

奏

道光七年九月初十日拜發十六日恭遞二十  
四日接奉

硃批知道了欽此

--	--	--	--	--	--	--	--	--	--

DE K... ..

...

7-001

再臣接准部咨欽奉

上諭據那彥成查明各州縣並無藉差挪移庫項情弊所辦甚是其河南陝西甘肅三省事同一律着各該省督撫仿照直隸確查辦理兵差各州縣有無藉差虧短情事其支發軍需總局務須立定章程劃清款項按款報銷不許壓前積後以杜牽混軫轄之弊等因欽此臣查陝省上年各屬應付兵差一切供支需費經前署藩司顏伯燾署臬司何承薰督率局員隨時撙節核發其例應開銷

者業經臣分案具

題例不准銷者亦經臣恭摺

奏明攤補均已逐款清釐仰蒙

聖鑒在案所有承辦兵差之二十二廳州縣庫欵復

經署藩臬兩司及該管道府確查並無藉差挪

移之弊理合附片奏

聞謹

奏

同日奉

殊批知道了欽此

今下等道表流

卷五

百九

No.	姓	名	字	號	貫	郡	縣	里	坊	門牌

護理陝西巡撫布政使 臣徐忻跪

奏為接奉

諭旨遵將籌備應付凱撤官兵緣由恭摺覆

奏仰祈

聖鑒事竊 臣於九月初一日承准軍機大臣字寄道

光七年八月二十二日奉

上諭據福綿奏接鄂山等咨會押解逆犯阿里雅汗  
一名進京由晉行走妥為護送其凱撤各路官兵  
內有京營東三省官兵出陝西境後或由山西經



過一切須及早籌備方免貽誤等語現在解京之  
逆犯阿里雅汗已定由山西行走著福綿派員護  
送並飭沿途州縣營汛各帶兵役協同小心押解  
至凱撤之火器健銳二營及吉林黑龍江官兵昨  
已降旨令該署督於進關時卽分爲二百名一起  
間四日行走經過之陝西河南直隸奉天等省按  
起應付該署督等卽遵照前旨辦理令各州縣將  
車馬輪流遞送無庸由山西行走將此諭知鄂山  
徐炳並諭福綿知之欽此伏查解京阿里雅汗一

犯現由陝省協護出境移交晉省接護前進已  
于另摺陳明至凱撤之火器健銳二營官兵二  
百餘員名上年分爲三起西行此次自應併爲  
一起北上臣接據前途探報知內閣學士容照  
管帶回京已于七月杪由喀拉沙爾過境約於  
十月內計可行抵陝境其吉林黑龍江官兵聞  
亦於七月杪自喀什噶爾凱撤起程須于冬仲  
方能過陝臣前准西路來信卽經咨明豫省俟  
前項各兵凱撤路出陝境時仍循照歷次凱撤

舊章以陝省潼關廳爲尖站豫省閩鄉縣爲宿  
站卽以陝省車馬送至閩鄉縣交替並未議及  
由晉省行走今准兵部行知復奉

廷寄

諭旨飭令京營東三省各兵以二百名爲一起間四  
日行走俾得應付便捷輪轉從容仰見

聖主訓示周詳于整肅戎政之中仍寓體恤輿情之  
意臣惟有督飭各州縣將應付車馬屆期妥爲  
預備不敢稍有缺誤亦斷不任稍涉浮糜以期

悉臻妥協理合恭摺覆

奏伏祈

皇上聖鑒謹

奏

道光七年九月初十日拜發十六日恭遞二十

四日接奉

硃批知道了欽此

陳有書金三三三

三三三

護理陝西巡撫布政使臣徐忻跪

奏爲協護解京逆犯過境日期恭摺奏

聞仰祈

聖鑒事竊照前任哈密幫辦大臣嵩惠奉

旨押解逆犯阿里雅汗進京臣接准署督臣鄂山移

咨卽經選派文武各員分段協護業經恭摺

奏明在案茲於八月二十六日該大臣嵩惠押解

逆犯行抵陝西長武縣入境經原派之署西安

府同知廣崇會同邠州營都司王之貴小心接

護於九月初二日至西安省城復經署同州府知府張聰賢會同西鳳營叅將順承保由省城護送於初八日至潼關出境所有經過沿途州縣營汛均各帶兵役協同妥速押解移交山西委員接護前進理合恭摺具

奏伏祈

皇上聖鑒謹

奏

道光七年九月初十日拜發十六日恭遞二十

四日接奉

硃批知道了欽此





再西安副都統卓爾琿保管帶西安滿營官兵  
一千五百二十四員名于八月十二日全數回  
營歸伍署定邊協副將達明阿等管帶延綏鎮  
屬官兵六百七十三員名于八月十九日全數  
回營歸伍漢中鎮總兵呂天俸管帶漢中鎮屬  
官兵一百三員名于八月二十五日回任四川  
重慶營遊擊李思貴等管帶四川省官兵五百四  
十九員名于八月二十六日由畧陽寧羌出境  
經各該地方官妥爲照料應付行走均屬安靜

理合附片陳明謹

奏

同日奉

硃批知道了欽此

護理陝西巡撫布政使臣徐忻跪

奏爲恭報雨水糧價情形仰祈

聖鑒事竊照陝西省七月分各屬雨水糧價情形業  
經臣恭摺具

奏在案茲據西安延安鳳翔漢中榆林同州興安  
商州邠州乾州鄜州綏德十二府州屬陸續具  
報於八月初一至十一日十六至二十二日先  
後得雨自二寸至五寸及深透不等正值秋禾  
雜糧成熟之際得此渥澤滋培顆粒倍臻圓足

現已次第刈穫登場二麥亦皆翻犁播種可期  
盤根穩固民情歡忭糧價中平堪以仰慰

宸懷謹將八月分各屬糧價敬繕清單恭呈

御覽伏祈

皇上聖鑒謹

奏

道光七年九月二十二日拜發十月初四日恭  
遞十七日接奉

硃批知道了欽此

再前奉

上諭嗣後奏報捐監銀兩均應叙明某年開捐起收過捐監銀若干已經解部及奏明動用若干現在若干俟湊足十萬兩卽行解部不得含混聲叙欽此又於道光五年正月內接准部咨

奏明暫停歸補每湊足五萬兩卽行解京等因查陝西省自嘉慶五年三月開捐起至道光七年七月底止共收捐監銀二百一十九萬四千六百九十兩除

奏明提歸軍需項下動用銀六十四萬六千一百  
兩採買倉穀動用銀一十六萬五千四百兩節  
次解部銀九十八萬九千五百一十兩提收司  
庫封貯銀三十五萬兩實應存銀四萬三千六  
百八十兩業經

奏報在案今道光七年八月分又收捐監銀三千  
三百六十兩連前共存銀四萬七千四十兩內  
除撥解甘省回疆籌備善後經費銀四萬兩實  
存銀七千四十兩俟收足五萬兩卽行解部理

合附片奏

聞謹

奏

同日奉

硃批覽欽此



甲子年三月廿五日

...

再延綏鎮屬鎮靖堡都司福興等帶領官兵五百七十四員名自八月二十八日至九月初六日陸續回營歸伍連前撤回延綏鎮屬官兵六百七十三員名共已歸伍官兵一千二百四十七員名又四川永寧營叅將甘華保等帶領官兵四百九十九員名自九月初七日至十一日由畧陽寧羌出境連前過境川省官兵五百四十九員名共已撤回過境官兵一千四十八員名經各地方官妥爲照料應付並無貽悞理合

口 不 詳 旨 者 正 二 卷 五

二 三 三 九

附片奏

聞謹

奏

同日奉

硃批知道了欽此

署理陝甘總督陝西巡撫臣鄂山疏  
護理陝西巡撫布政使臣徐炘

奏爲委勘畧陽縣城垣應請移建緣由仰祈

聖鑒事竊照畧陽縣城垣猝被漫淹坍塌過甚據護

陝安道楊名颺稟稱該縣城左河右江水口壁

立頻遭水患請另擇地移建經臣徐炘恭摺

奏明委令署藩司林則徐親往確勘再行定議茲

據該署藩司林則徐稟稱遵卽親赴該縣督同

漢中府知府兼護陝安道楊名颺周歷履勘該

縣城垣三面臨水惟北面依傍象山之麓地勢

稍高其西則有嘉陵江源出甘肅流入四川甚  
爲浩瀚東則有入渡河爲東北山溪諸水之總  
匯南則入渡河與夾渠河合流以入嘉陵江此  
三面地本低窪且多沙土又因下游水口爲雨  
山所夾水勢壅遏未能迅流每遇盛漲之時宣  
洩不及轉致上溢考諸志乘自建城以來疊遭  
水患因于城外砌築石堤東西共長二百餘丈  
以資保護自嘉慶二十四年被水衝塌石堤嗣  
後屢修屢圯本年七月間江河異漲衝塌石堤

一百餘丈皴裂十餘丈以致水湧入城上漫塼  
牆下洩根腳查原建甌城周圍五百八十八丈  
現在全坍者三百五十丈二尺半坍者九十二  
丈二尺廟宇衙署兵房等項多被水衝坍塌蓋  
緣近年深山老林開墾殆盡山水奔騰直下沙  
石隨流填積察看嘉陵江對岸挺淤沙嘴江流  
至此一折直逼城根已有引水入袖之勢誠恐  
波翻浪擊愈塌愈寬雖有城堤亦不足恃此舊  
城易遭水患而近來更甚於往昔之情形也卽

以工程而論舊城已圯之處十居七八卽未圯之處根腳汕刷亦已虛空今若照舊興修必須重培基址名爲修復已不啻拆造之工而東西兩道石堤皆爲護城而設不修則保衛難資並修則經費愈鉅且卽使城堤並修而逼近江河水勢頂衝終非久計隨覆勘城東三里許鳳山之側有平坡一段地名文家坪後枕高岡前對筆峯有居高臨下之勢此次該縣被水共有十四村莊該處獨未受淹堪爲地居高阜之明驗

當卽周歷丈量東西較寬南北稍狹擬就地勢築城周圍三百六丈較之修復舊城計省二百八十二丈且不須修砌石堤更多節省似此一轉移間于

帑項不至多糜而工程可期經久爰集紳耆再三詢訪均稱妥便其舊城內坍塌廟宇衙署兵房等項均係必須修復之工亦卽于新城內相度基址勘估移建等情並繪具圖說呈請會核覆奏前來 臣等查畧陽縣毗連甘省控扼蜀門城垣



最關緊要既須永圖捍衛不使貽患生靈尤應  
樽節

帑金不致虛糜勞費既據該署司勘明修復舊城  
所費多而難免水患移建新城所費少而永保  
民居權其利害安危自應舍舊圖新定議移建  
臣等往返札商意見相同應請

俯准估辦俾臻穩固除飭確估造冊另行照例辦理  
外謹合詞恭摺具

奏並繪圖貼說敬呈


御覽伏祈

皇上聖鑒謹

奏

道光七年九月二十三日拜發十月初四日恭  
遞十七日接奉

硃批另有旨欽此



1170

1170

再查現值停辦工程之際如果移建城垣勢在可緩自應暫議停修惟畧陽爲關隴門戶實係扼要之區與別項工程可緩者不同因查前督臣那彥成奏准畧陽營移駐弁兵案內應建該縣所屬之觀音寺黑河汛把總衙署兵房估需工料銀九百七十九兩已准部覆尙在緩辦又題准該縣所屬之觀音寺黑河新設縣丞應建堡城一座據該府縣約估需銀七千餘兩當令署藩司林則徐就近確勘應否照辦一併查覆

茲據該署藩司稟稱親至該處體察情形堡城須環山砌築地勢本凸凹不平且逼近河溝衝刷無常難期經久至該處既有縣丞一員足資彈壓前議移駐弁兵之處似可毋庸紛更請仍歸何家岩白水江二汛舊制等情 臣等覆核該署藩司所稟委係實在情形應請將該處衙署兵房堡城均無庸辦理卽將此項節省銀兩併入現議移建新城之費洵有裨益理合附片奏

聞謹

奏

同日奉

硃批另有旨欽此

五十二卷

七

道光七年十月初五日內閣奉

上諭鄂山等奏請移建畧陽縣城垣一摺陝西畧陽縣城垣三百臨水累年疊遭水患本年七月間江河異漲衝塌城外石隄以致水湧入城坍塌處所十居七八未坍之處亦經油刷據該署督等委員勘明若照舊興修必須重培基址兼築石隄不特經費甚鉅勢仍難期經久勘得城東三里之文家坪地居高阜向未受淹就該處移建新城可免水患且無須補築隄工較修復舊城工費少而可資



鞏固著准其照議移建新城並將舊圻廟宇衙署  
兵房等項一併於新城內相度基址勘估辦理至  
另片奏前任總督那彥成奏准畧陽營移駐弁兵  
案內應建該縣所屬觀音寺黑河汛把總衙署兵  
房估需工料銀九百七十九兩並題准新設縣丞  
應建堡城約估需銀七千餘兩現在弁兵無須移  
駐此項工程均無庸辦理所有節省銀兩着卽併  
入現議移建新城之費照估覈辦該部知道欽此

署理陝甘總督陝西巡撫臣鄂山  
護理陝西巡撫布政使臣徐斯  
跪

奏爲揀員調補首邑要缺仰祈

聖鑒事竊照長安縣知縣鄭謙經

臣等

奏請陞補寧陝廳同知業經奉

旨允准所遺長安縣員缺係衝繁疲難四項相兼要

缺且係省會首邑政務殷繁例應在外揀調必

須精明幹練之員方足以資治理

臣等往返札

商與署藩臬兩司在於通省知縣內逐加遴選  
非現居要缺卽人地未宜實無合例堪調之員

惟查有褒城縣知縣郭維暹年三十五歲河南  
洛陽縣人由道光三年癸未科會試二甲進士  
籤掣陝西以知縣卽用是年十月內到陝歷經  
委署興平涇陽縣事六年九月內

題補褒城縣知縣該員才明年壯奮勉有爲現在  
署理長安縣印務將及半載經理裕如以之調  
補長安縣知縣實堪勝任惟歷俸未滿三年與  
例稍有未符但首邑員缺緊要人地實在相需  
例得專摺

奏請合無仰懇

皇上天恩俯准以褒城縣知縣郭維暹調補長安縣  
知縣於地方實有裨益如蒙

俞允該員以知縣調補知縣銜缺相當毋庸送部引  
見其所遺褒城縣員缺係專衝簡缺陝省現有應補  
人員容俟另行請補所有揀員調補首邑要缺  
緣由謹合詞恭摺具

奏伏祈

皇上聖鑒謹

奏

道光七年九月二十三日拜發十月初四日恭  
遞十七日接奉

硃批另有旨欽此

道光七年十月初五日內閣奉

上諭鄂山等奏請揀調省會首邑要缺知縣一摺著  
照所請陝西長安縣知縣准其以郭維暹調補該  
部知道欽此

再洵陽縣知縣王壬垣業經

題請調補三原縣知縣該員已由肅州總局差竣  
回陝應卽飭令先赴三原縣新任所遺洵陽縣  
員缺以大挑知縣現署澄城縣車禘

題署亦應飭令赴洵陽縣新任所有澄城縣印務  
查有畧陽縣知縣金在紳謹慎明晰堪以調署  
所遺畧陽縣員缺現議移建城垣查有延長縣  
知縣署石泉縣郭熊飛明白工程堪以調署又  
高陵縣知縣恒熙調署寶雞縣已及一載應卽

飭回高陵縣本任所遺寶雞縣員缺查有採買  
洋銅差竣回陝之華陰縣知縣孫玉樹安詳誠  
實堪以委令署理又華州知州張坦上年調赴  
甘省幫辦蘭州總局事務茲因局務漸簡飭回  
華州本任其署華州知州郭守倫應仍令回赴  
榆林縣署任據署藩臬兩司會詳前來除批飭  
遵照外理合附片奏

聞謹

奏

同日奉

硃批覽欽此

欽此

四



三才圖會  
卷五

三

護理陝西巡撫布政使臣徐忻跪

奏爲特叅知縣教諭互相詳揭請

旨分別革職解任審訊仰祈

聖鑒事竊臣接准三水縣知縣牟雯詳報該縣教諭

劉兆泰性情暴戾行同市僧掌責鄉民王秀棍

責生員李芝又武生王正興被控行學戒飭該

教諭受錢釋放本年秋季丁祭該教諭欲將犧

牲全行剝皮經該縣阻止輒赴縣署肆意喧鬧

八月初十日恭逢

皇上萬壽聖節該教諭未赴

朝賀等情臣接閱之下深爲駭異當卽行司飭提該教諭來省查訊究辦旋據該教諭劉兆泰詳揭知縣牟雯於徵收正糧鹽課每石共合銀一兩四錢六分零浮收至二兩有奇常糧出易聞以三斛半麥完納兩斛想不止踢斛淋尖又攤派差費及署中一切食用之物均短發價值又春秋祭祀驗收犧牲皆有陋規不詳其數一遇民詞事無大小賄賂公行未得其詳不敢妄舉

近有民人王俊王秀係同胞兄弟家產計有萬金王俊無後取族姪王居安爲己子王俊物故王秀控王居安于縣案不知如何問理將王居安斷離而一無所與卽此一案可証其餘等語細核所揭欸跡一則曰不詳其數再則曰未得其詳多係游移恟恍之詞况知縣牟雯如果貪鄙營私該教諭近在同城何不舉發於平昔相安之時而獨詳報於甫經被揭之後顯係聞知該縣將其劣跡通詳急切據拾多欸爲反噬報

復之計事關知縣教諭互相揭叅虛實均應澈  
底根究以儆官邪而肅

功令據署藩臬兩司及該管道州揭報前來相應  
奏明請

旨將三水縣教諭劉兆泰革職三水縣知縣牟雯解  
任以便提同應質人証審訊定擬具

奏除已分別委員摘印接署並飭查牟雯經手倉  
庫錢糧有無未清另報外謹會同署督臣鄂山  
恭摺叅

奏伏祈

皇上聖鑒謹

奏

道光七年九月二十三日拜發十月初四日恭  
遞十七日接奉

硃批務要秉公嚴審斷不可稍有不實不盡之處若  
審斷不公或徇情輕縱何以服通省之官吏何以  
稱朝廷之任用慎之勉之另有旨諭欽此



道光七年十月初五日內閣奉

上諭徐炘奏叅互相詳揭之知縣教諭請分別革職  
解任一摺此案陝西三水縣知縣牟雯以該縣教  
諭劉兆泰性情暴戾掌責鄉民棍責生員等情詳  
報旋據劉兆泰詳揭牟雯浮收正糧鹽課攤派差  
費得受陋規賄賂公行各款雖該教諭詳揭該縣  
在飭提之後斷不可預存成見致稍有不實不盡  
之處若審斷不公或徇情輕縱何以飭官方而稱  
委任事關知縣教諭互相揭叅虛實均應澈底根



口  
卷之三  
究劉兆泰著草職牟雯着解任交徐忻督同臬司  
方載豫親提應質人證秉公嚴審按律定擬具奏

欽此

護理陝西巡撫布政使臣徐炘跪

奏爲接解京餉運送出境日期仰祈

聖鑒事竊臣前准戶部咨開撥解部庫銀一百萬兩  
解往甘肅備用當卽分飭沿途各廳州縣將應  
需車輛先期預備並遴派潼南道慶祿潼關廳  
同知張聰賢率同文武員弁於九月十七日二  
十一日由潼關接解到省復由省城派委督糧  
道尹佩珩署西安府同知廣崇率同文武員弁  
接運於十月初二日初五日將前項餉銀一百

萬兩先後全數解出長武縣境交明甘省涇州接收轉運計十月十五日以內即可解抵甘肅藩庫濟用無誤所有接解京餉入陝出境日期理合恭摺具

奏伏祈

皇上聖鑒謹

奏

道光七年十月初八日拜發十八日恭遞十一月初一日接奉

殊批知道了欽此

皇 朝 通 志 卷 之 一 十 一

卷 之 一 十 一

再延綏鎮屬撤回官兵一千二百四十七員名  
四川撤回官兵一千四十八員名業經臣附片  
奏明在案茲延綏鎮雲騎尉世職張喜等帶領各  
營堡官兵二百七十七員名于九月二十一日  
起至二十七日止陸續回營連前共已撤回歸  
伍官兵一千五百二十四員名又四川建昌鎮  
左營遊擊王應熊等帶領各營官兵五百一十  
員名於九月十五日起至二十四日止由畧陽  
寧羌出境連前共已撤回過境川兵一千五百

五十八員名行走均屬安靜理合附片陳明謹  
奏

同日奉

硃批知道了欽此

護理陝西巡撫布政使臣徐忻跪

奏爲陝西省承辦支應兵差局務最爲出力者四

員額懇

天恩俯加鼓勵仰祈

聖鑒事竊照回疆自上年軍興以來陝省爲支應總

路與蘭州肅州兩局互相策應不獨調派本省

滿漢征兵例需應付其京營東三省四川山東

各路官兵無不經由陝境且疊次代製軍械軍

裝雇覓騾頭駝隻代購布疋運送錢文撥解餉



項支應紛繁頭緒叢雜是以奉部覆准令設立  
總局委員經理專司其事經臣等遴委布政司  
理問朱世鐸等常川在局經理自上年至今一  
載有餘一切供支應付及綜理文案等件俱能  
實心實力辦理無誤所有報銷銀款均經逐案  
題銷不致壓前積後輻輳不清據署藩司林則徐  
署臬司何承薰擇其尤爲出力者四員內布政  
司理問朱世鐸總司局務始終奮勉且係  
大司卓異應升知州人員應請以同知卽補先換

頂戴候補未入流董淦稽核稿案不辭勞瘁應請免補本班以縣丞卽補候補未入流徐繼耀幫辦稿案細心認真應請遇缺卽補吏員候選從九品王庭芝幫辦局務勤慎出力應請免補本班以主簿歸部卽選稟請具

奏前來臣查回疆四城克復大功告蕝所有在事出力人員均蒙

皇上俯念微勞

隆施曲逮茲該員朱世鐸等承辦局務夙夜盡心悉

臻周妥最爲出力可否

俯加鼓勵之處出自

聖主天恩臣不敢壅於

上聞謹會同署督臣鄂山合詞恭摺具

奏伏乞

皇上聖鑒謹

奏

道光七年十月初八日拜發十八日恭遞十一  
月初一日接奉

硃批另有旨欽此

日本書紀卷之三十一

三十一

道光七年十月十九日內閣奉

上諭徐忻奏支應兵差出力各員請加鼓勵一摺陝西省支應各路官兵自上年至今一載有餘經該護撫委員承辦一切供應及綜理文案等件俱能經理無誤所有尤爲出力之布政司理問朱世鐸著以同知卽補先換頂帶候補未入流董淦著免補本班以縣丞卽補候補未入流徐繼耀著遇缺卽補吏員候選從九品王廷芝著免補本班以主簿歸部卽選該部知道欽此



護理陝西巡撫布政使臣徐炘跪

奏爲委署藩司印務仰祈

聖鑒事竊臣於十月十九日接准署浙江撫臣劉彬  
士咨稱藩司林則徐親父由原籍福建侯官縣  
起程就養途次患病於九月二十七日在衢州  
府城寓所病故等情查藩司林則徐於本年閏  
五月間到陝署理藩司篆務將及半載勤明練  
達結實可靠茲因其父途次病故例應丁憂所  
有陝西布政使印務應卽委員接署查陝安道



何承薰於上年八月間奉

旨署理臬司迄今已閱年餘諸臻妥協應卽令其暫  
行兼署藩司篆務現在新任臬司方載豫已具  
報行抵蘭州計十一月初間卽可到陝屆時再  
令方載豫接署藩篆理合恭摺具

奏伏祈

皇上聖鑒謹

奏

道光七年十月二十日拜發十一月初一日恭

遞十五日接奉

硃批知道了欽此

今  
等  
臣  
奏  
疏  
／  
卷  
五

夏  
三

日本書紀卷之三十一

護理陝西巡撫布政使臣徐忻跪  
奏爲恭報雨雪糧價情形仰祈

聖鑒事竊照陝西省八月分各屬雨水糧價情形業  
經臣恭摺具

奏在案茲據西安延安鳳翔漢中榆林同州興安  
商州邠州乾州鄜州綏德十二府州屬具報於  
九月初十日十六日續得雨澤十八至二十一  
日先後瑞雪優霑自一寸至四寸及深透不等  
臣查陝省本年秋雨應時土脉極爲潮潤二麥

萌芽滋長復得渥沛祥霽盤根倍臻穩固市集  
糧價中平民情歡忭堪以仰慰

宸懷謹將九月分各屬糧價敬繕清單恭呈

御覽伏祈

皇上聖鑒謹

奏

道光七年十月二十四日拜發十一月初六日

恭遞二十日接奉

硃批知道了欽此。

再前奉

上諭嗣後奏報捐監銀兩均應叙明某年開捐起收過捐監銀若干已經解部及奏明動用若干現在若干俟湊足十萬兩卽行解部不得含混聲叙欽此又於道光五年正月內接准部咨

奏明暫停歸補每湊足五萬兩卽行解京等因查陝西省自嘉慶五年三月開捐起至道光七年八月底止共收捐監銀二百一十九萬八千五十兩除

奏明報歸軍需項下動用銀六十四萬六千一百  
兩採買倉穀動用銀一十六萬五千四百兩節  
次解部銀九十八萬九千五百一十兩提收司  
庫封貯銀三十五萬兩撥解甘省籌備回疆善  
後經費銀四萬兩實應存銀七千四十兩業經  
奏報在案今道光七年九月分又收捐監銀六千  
九百六十兩連前共存銀一萬四千兩俟收足  
五萬兩卽行解部理合附片奏

聞謹

奏

同日奉

硃批覽欽此



史記卷一百一十五  
卷三

三

護理陝西巡撫布政使臣徐忻跪  
奏爲軍營陞用人員請酌定補缺班次以免紊淆

仰祈

聖鑒事竊照上年回疆軍興以來陝省州縣佐雜各  
員調赴軍營承辦兵差出力節蒙

皇上天恩准以同知直隸州及知州知縣府經縣丞  
分別陞用現在遇有缺出例應查照請補惟各  
項班次不一若不明定章程誠恐無所遵循易  
滋糾混查銓選則例內載官員承辦要務著有

勞績欽奉

特旨留於該省先儘補用及遇缺卽補者遵

旨歸於候補班內遇有本項缺出無論應題應調應選之缺悉准酌量補用等語是此項軍務出力人員自應歸入候補班內照例補用惟查候補班內尙有各項人員卽如知縣一項則有各科進士分發卽用例准不論題調選缺先儘補用此等人員爲數較多若俟軍務出力之員盡行補畢始令挨補卽此進士卽用一班已不勝其

積壓此外尙有大挑議叙捐納拔貢教習等班  
更致叙補無期似不足以昭平允查知縣補缺  
定例陞調所遺者以十缺爲一輪候補班內應  
得十缺之三其告病病故休致之缺則候補與  
大挑兩項間用所有軍務出力人員旣歸候補  
班內卽應按照本班輪補不得統壓各班又丁  
憂叅劾二項缺出例許軍務出力人員扣留補  
用是其補缺之途已較別項人員爲優應請嗣  
後知縣缺出除丁憂叅劾二項照例專補軍務

出力人員外其陞調等項遺缺輪應候補到班者應令與同班人員比較奉

旨日期以定挨補之先後庶不致參差攙越而辦理亦歸畫一至此次應陞同知直隸州人員爲數較多而陝省同知直隸州題調缺分甚少且多係南山緊要及衝繁之缺非人地實在相需不足以資治理應請嗣後同知直隸州兩項除中簡缺出仍儘卽補人員補用外若南山及衝繁要缺人地不甚相宜容隨摺聲明酌量揀補不

必拘定軍務人員先補之例以重地方而資治理其府經縣丞兩班陝省缺少人多有試用數十年尙未得缺者將來新例截勿分發人數更多應請亦照知縣之例將軍務出力人員作爲候補一班與別項人員相間補用庶陞補各有次叙而各班亦免向隅臣管見所及是否有當理合恭摺具

奏伏祈

皇上聖鑒飭部核覆施行謹



護理陝西巡撫布政使 臣 徐忻跪

奏爲凱旋京營官兵過陝出境日期仰祈

聖鑒事竊照回疆克復四城大功告成由喀什噶爾  
撤回健銳火器京營官兵二百餘名分起進關  
東行所有應需車馬經 臣 督同署藩臬兩司先  
期分飭沿途各廳州縣妥爲預備並分派文武  
大員屆時逐站照料茲內閣學士咨照管帶官  
兵一百一十三員名於十月十六日由長武縣  
入境二十五日由潼關廳出境又頭等待衛奕



陝省書目考卷三  
三十一  
山管帶官兵一百二十二員名于十月十九日  
由長武縣入境二十八日由潼關廳出境均經  
循照舊章以陝省車馬送至豫省閩鄉縣首站  
交替沿途應付妥速官兵行走均極安靜理合  
恭摺由驛具

奏伏祈

皇上聖鑒謹

奏

道光七年十一月初一日拜發初七日恭遞十

五日接奉

硃批知道了欽此

今奉聖旨

欽此

欽此

日本書紀卷之三十一

三十一

奏

人止如無何故無

北口

1100000

護理陝西巡撫布政使臣徐忻疏

賀

皇上元旦天喜

護理陝西巡撫布政使臣徐忻跪

進

元狐皮五張

海龍皮五張

洋獺皮二十張

天馬皮一千張

烏雲豹皮一千張

吉利茶五瓶

邠棗五桶

富餅五匣

百合粉五匣

道光七年十一月十五日拜發十二月 日恭

進

護理陝西巡撫布政使臣徐忻跪

奏爲凱撤吉林黑龍江頭二三起官兵過陝出境

日期並欽遵

諭旨傳知都統哈朗阿途次折回緣由恭摺覆

奏仰祈

聖鑒事竊照吉林黑龍江勁旅由喀什噶爾大營凱  
撤分起進關茲吉林頭起官兵二百四十五員  
名經副都統銜協領安楚拉管帶於十一月初  
五日行抵陝西長武縣入境十二日至潼關廳



出境二起吉林官兵二百六十七員名經都統  
哈朗阿管帶於十一月初七日行抵長武縣入  
境十五日至潼關廳出境臣卽于十五日承准  
軍機大臣字寄道光七年十一月初十日奉

上諭前據長齡等奏西四城及阿克蘇烏什酌留滿  
漢官兵一萬八千名著照所請行內吉林勁旅留  
五百名黑龍江勁旅留五百名已降旨令哈朗阿  
吉勒通阿於所帶凱撤官兵內挑選得力精銳折  
回喀什噶爾哈朗阿等行抵何處卽著楊遇春鄂

山徐忻傳諭該二員挑選勁兵每員分帶五百名  
折回喀什噶爾聽候長齡等差遣委用總兵成玉  
亦係帶兵得力大員伊行抵何處亦著楊遇春等  
傳諭該鎮令其折回聽候差委將此由五百里各  
諭令知之欽此臣當卽欽遵飛咨哈朗阿令其速  
行折回該都統于十六日在豫省閩鄉途次接  
准移咨將所帶官兵交營總色布興額管帶北  
上卽星速折回西行至副都統吉勒通阿總兵  
成玉現在行抵何處尙未據前途探有確信臣

已分咨該副都統等一體欽遵又第三起黑龍  
江官兵一百四員名經副總管富興管帶于十  
一月十二日行抵陝境十七日由西安東行計  
二十日可以出境所有沿途各廳州縣將應需  
車馬先期寬爲預備應付妥速各起官兵行走  
亦均極安靜理合恭摺由驛覆

奏伏乞

皇上聖鑒謹

奏

道光七年十一月十九日拜發二十四日恭遞  
十二月初二日接奉

硃批知道了陝省距京不遠此等摺奏儘可由驛馳  
遞何必亦用四百里識之欽此

四不書金夏歷  
卷三

三

7-741

再臣於十一月初七日承准軍機大臣字寄道光七年十月二十八日奉

上諭陝西河南山西山東湖北各該撫將所收監餉每湊足五萬兩卽行奏明改解甘肅藩庫交收俟該省藩庫共收足二百萬兩之數卽由該督奏請停止仍著各該省將監銀照常解部交納等因欽此除俟每湊足捐銀五萬兩卽欽遵

諭旨奏明改解甘肅藩庫交收外理合附片覆

奏謹

奏

同日奉

硃批覽欽此

再上年回疆軍興先後調派西安滿營駐防兵  
二千名官三十一員除已陸續撤回歸伍官兵  
一千五百二十四員名業經 臣附片

奏明在案茲協領德惠管帶官兵二百五十員名  
於十一月初二日回抵西安又協領阿勒金布  
管帶官兵二百五十七員名於十一月初六日  
回抵西安共計官兵五百七員名連前已全數  
撤回歸伍理合附片奏

聞謹



臣等謹將...  
...  
...

奏

同日奉

硃批知道了欽此

護理陝西巡撫布政使臣徐忻跪

奏為恭報雪澤糧價情形仰祈

聖鑒事竊照陝省九月分各屬雨雪糧價情形業經

臣恭摺具

奏在案茲據西安延安鳳翔漢中榆林同州興安

商州邠州乾州鄜州綏德十二府州屬陸續具

報於十月初二日十三日二十九日十一月

初二日至初五日先後得有雪澤自一二寸至

七八寸及深透不等臣查陝省本年節交冬令

卽經瑞雪應時茲復續沛祥霽農田霑足二麥  
盤根滋長預兆年豐市集糧價中乎民情歡忭  
堪以仰慰

宸懷謹將十月分各屬糧價敬繕清單恭呈

御覽伏祈

皇上聖鑒謹

奏

道光七年十一月二十三日拜發十二月初四  
日恭遞十八日接奉

硃批知道了欽此

大清高宗純皇帝

實錄

卷九

四  
卷  
三  
十  
三  
未  
三

四

再陝西省收捐監生銀兩自嘉慶五年三月開捐起至道光七年九月底止共收捐監銀二百二十萬五千一十兩除節次動用外實應存銀一萬四千兩業經

奏報在案今道光七年十月分又收捐監銀六千七百二十兩連前共存銀二萬七百二十兩俟收足五萬兩卽欽遵

諭旨改解甘肅藩庫交納理合附片奏

聞謹

世有言自考馬

三十一

奏

同日奉

硃批覽欽此

護理陝西巡撫布政使 臣徐忻跪

奏爲查明陝省被水各廳州縣來春無需接濟據

實覆奏仰祈

聖鑒事竊 臣承准軍機大臣字寄道光七年十月初

三日奉

上諭本年陝西畧陽縣被水節經該省奏到均已隨時降旨加恩小民諒可不至失所惟念來春青黃不接之時民力或不免拮据如有應需接濟之處卽查明據實覆奏佛坪等五廳州縣被水一併查



明于封印前奏聞等因欽此 臣跪讀之下仰見

皇上軫念黎元

恩施無已之至意伏查本年陝西畧陽縣被水較重

經 臣節次

奏明仰蒙

天恩給予撫卹復又加展一月口糧小民渥受

皇仁均已各安生業其佛坪留壩三原華陰商州五

廳州縣被水村庄爲數無幾經各地方官妥爲

安撫補種晚秋收成尙屬中稔民食有資可以

無虞缺乏臣與署藩司方載豫體察情形來春均無須再行接濟理合遵

旨查明恭摺據實覆

奏伏乞

皇上聖鑒謹

奏

道光七年十一月二十三日拜發十二月初四日恭遞十八日接奉

硃批知道了欽此

<p>馬 車 路 線 圖</p>	<p>第一 次 修 訂 版</p>	<p>第 一 次 修 訂 版</p>	<p>（Blank area for content or drawing）</p>
----------------------------------	-----------------------------------	--	--

再廓爾喀國王遣使噶箕畢熱格薩然咱幫禮  
等進獻

貢品准署四川督臣瑚松額咨稱於本年十月十  
二日自四川成都起程移咨陝省一體派員接  
護臣當卽遴委道府會同武職各員分段接護  
該噶箕等於十月二十三日由四川廣元縣入  
陝西寧羌州境十一月初九日到省臣照例筵  
宴該噶箕等極爲歡忭于十八日經委員護送  
至潼關出境沿途行走妥速安靜理合附片奏

聞謹

奏

同日奉

硃批知道了欽此

護理陝西巡撫布政使臣徐忻跪

奏爲審明謀毒一家二命按律定擬遵例恭摺奏

聞仰祈

聖鑒事竊臣接據雒南縣知縣詳報該縣民人冀明

經因圖產謀毒大功堂弟冀明貴夫婦二命致

斃等情一案當經行提來省委員細心研訊茲

據署臬司何承薰督同審明確情解勘前來臣

提犯親訊緣冀明經籍隸雒南縣係已死冀明

貴大功服兄分居另住已死杜氏係冀明貴之

妻冀明貴家道饒裕冀明經屢向借貸未遂懷恨在心道光七年三月內冀明貴出賣山地未邀冀明經作中書字冀明經查知因不能得作中謝資隨向冀明貴爭鬧經伊分居胞叔冀漢得喝散冀明經愈生忿恨憶及冀明貴之子冀三貫兒幼小起意將其夫婦謀斃圖得財產隨向藥舖謊稱欲買信石巴豆藥毒風犬舖戶劉同心信以爲實當卽賣給携回冀明經將藥研爲細末用紙包裹携帶身邊適於閏五月十四

日探知冀明貴夫婦外出遂潛行進伊家內尋見桌上放有小甕內裝麥仁料其必卽煮食乘空撒入藥末而出迨冀明貴夫婦回歸煮食麥仁俱各吐瀉腹痛其叔冀漢得聞知同族衆往視或稱瘟疫或稱麥仁內恐有毒蟲以致悞中當用冷水浸泡菘菜豆甘草解救冀明貴畧愈其妻杜氏頻服無效于十九日身死至二十二日冀明貴猶吐瀉不止冀漢得延醫診視開給解毒藥方冀明經佯爲不知亦前去探望適冀漢



得令冀明經代爲買藥冀明經恐其不死又趁勢將餘剩藥末摻入藥內煎好給冀明貴吃畢愈加腹痛吐瀉延至二十五日亦因毒身死冀漢得將各屍棺殮掩埋抱回遺子冀三貫兒撫養詎冀明經欲佔種冀明貴遺地族衆以冀明貴有子現經冀漢得撫養應歸冀漢得耕種冀明經又起意將冀三貫兒一併毒斃復買紅糖一包摻和藥末送交冀漢得轉給冀三貫兒吃食不期冀漢得將糖包失手跌落拋撒在地冀

漢得拾起指甲粘有餘糖用舌舐餪其味澁苦  
因向冀明經嚴切盤問並搜出身帶信石報驗  
訊詳提省委員審辦據供前情不諱詰無起衅  
別情亦無同謀加功之人案無遁飾查例載功  
服以下尊長殺死卑幼如係圖謀卑幼財產殺  
害卑幼之命悉照平人謀故殺律問擬又殺一  
家非死罪二人者擬斬立決梟示各等語此案  
冀明經因圖大功堂弟冀明貴財產起意謀毒  
冀明貴同妻杜氏身死應依例照平人謀殺問

四  
擬冀明經除謀毒冀三貫兒已行未傷罪止擬  
徒不議外合依殺一家非死罪二人者斬立決  
梟示例擬斬立決梟示賣藥舖戶劉同心並不  
究明來歷輒賣給信石致戕人命應與失于查  
察之鄉約李泳欣均照例杖八十折責發落無  
干省釋除全案供招咨部外所有審明定擬緣  
由謹遵照刑部頒行條例專摺具

奏伏祈

皇上聖鑒勅部核覆施行謹

奏

道光七年十一月二十三日拜發十二月初四

日恭遞十八日接奉

硃批刑部速議具奏欽此

四庫全書  
卷五

五

護理陝西巡撫布政使 臣徐忻跪

奏爲查明錢糧完解數目循例奏

聞事竊照嘉慶八年五月內准戶部咨開令將新徵錢糧數目於十二月內先行奏明仍於次年四月內具題等因歷經遵照在案茲據署布政使方載豫詳報道光七年分額徵民屯更起運並糧折等項除各屬留支外實應解司銀一百三十三萬九千四百一十六兩零內除自本年二月起至五月底止已完銀九十四萬六千三十

三兩零業經

奏報在案今自六月起至十一月底止續完銀三十八萬二千五十九兩零均經解貯司庫仍未完銀一萬一千三百二十二兩零統計本年新徵錢糧已完九分有餘等情詳請具

奏前來臣覆核無異除將未完銀兩嚴飭督催徵解外所有道光七年正賦錢糧截至十一月底止已未完數目理合循例恭摺具

奏伏乞

皇上聖鑒謹

奏

道光七年十二月十四日拜發二十四日恭遞  
八年正月初九日接奉

硃批戶部知道欽此



民部省官制

卷六

二二二

再副都統銜總管特松阿管帶凱撒黑龍江官兵二百四員各行抵陝境於十一日由西安起程東行計十四日可出陝境又都統安福帶領黑龍江官兵二百員名於十四日由西安起程東行計十七日可出陝境沿站所備車馬輪轉從容應付妥速各起官兵行走亦均極安靜理合附片奏

聞謹

奏

同治三年三月五日

二二二

同日奉

硃批覽欽此

再

欽差大臣那彥成率同內閣學士容照並侍衛章京  
等馳抵西安行程迅速封送

奏摺夾板一副交臣附便呈遞理合一併賚

進伏乞

聖鑒謹

奏

同日奉

硃批覽欽此

四  
卷  
三  
三

126-2

護理陝西巡撫布政使臣徐炘跪  
奏爲密陳學政聲名循例奏

聞仰祈

聖鑒事竊照學政考試聲名例應於年終陳奏一次  
茲查陝甘學政馮贊勳本年除赴甘肅省按試  
外所有考試過陝西省漢中興安二府商州一  
州臣密加詢訪並飭提調各府州留心查察隨  
時稟報該學政考試各處闕防嚴肅校閱公允  
士論貼服所延幕友均籍隸外省並無本省紳

士提調教職等官遇有應稟事宜俱係公同當堂面議亦無私謁情事除仍隨時留心訪察外理合循例恭摺密

奏伏乞

皇上聖鑒謹

奏

道光七年十二月十四日拜發二十四日恭遞  
八年正月初九日接奉

硃批知道了欽此

護理陝西巡撫布政使臣徐忻跪

奏爲密陳兩署司道府考語循例奏

聞仰祈

聖鑒事竊照兩司道府賢否例應於年終出具密考  
陳奏一次久經遵行在案臣仰蒙

恩命護理巡撫篆務一載有餘於所屬各員平日居  
官辦事才具聲名隨時留心體訪察其器識以  
覘可受之大小考其政事以驗奉職之惰勤惟  
虛已以秉公務循名而責實茲屆年終應陳密



考之期謹就臣愚昧之見所及密繕清單循例

恭摺

奏呈

御覽伏乞

皇上聖鑒謹

奏

道光七年十二月十四日拜發二十四日恭遞

八年正月初九日接奉

硃批單留覽欽此

護理陝西巡撫布政使臣徐炘跪

奏爲恭報雪澤糧價情形仰祈

聖鑒事竊照道光七年十月分並十一月初旬陝省  
各屬得雪並十月分糧價情形業經臣恭摺具  
奏在案茲據西安延安鳳翔漢中榆林同州興安  
商州邠州乾州鄜州綏德十二府州屬先後具  
報於十一月十八日二十日至二十二日三十  
日續得雪澤除融化外積地自一二寸至七八  
寸不等臣查陝省入冬以來祥霽疊沛農田渥

受滋培二麥出土鬱葱盤根穩固民情歡忭糧  
價中平堪以仰慰

宸懷謹將十一月分糧價敬繕清單恭呈

御覽伏祈

皇上聖鑒謹

奏

道光七年十二月二十八日拜發八年正月初  
九日恭遞二十二日接奉

硃批知道了欽此

再陝西省收捐監生銀兩自嘉慶五年三月開捐起至道光七年十月月底止共收捐監銀二百二十一萬一千七百三十兩除節次動用外實應存銀二萬七百二十兩業經臣附片

奏明在案今道光七年十一月分又收捐監銀七千八百兩連前共存銀二萬八千五百二十兩俟收足五萬兩卽欽遵

諭旨改解甘肅藩庫交納理合附片奏

聞謹

奏

同日奉

硃批覽欽此

再吉林營總德成額管帶凱撤吉林官兵二百  
三員名於十二月二十一日行抵西安協領依  
凌阿帶領吉林官兵一百四十六員名於二十  
四日行抵西安副都統倭楞泰帶領吉林官兵  
一百四十四員名於二十六日行抵西安均次  
第照料起程東行沿途妥爲應付行走俱屬安  
靜又署陝甘督臣楊遇春於二十六日行抵西  
安二十八日起程前進理合附片奏

聞謹

奏

同日奉

硃批知道了欽此

護理陝西巡撫布政使臣徐忻跪

奏爲扶風等九廳州縣採買常平缺額倉糧完竣

仰祈

聖鑒事竊照陝省各屬常平倉貯糧石因節年動用多有缺額道光六年秋收後據扶風留壩城固洋縣褒城南鄭沔縣定遠寧羌九廳州縣陸續詳請買補經臣批飭前署藩司顏伯燾發價乘時採買去後茲據署藩司方載豫詳稱扶風縣具報採買京斗穀二百四十二石九斗零留壩



廳具報採買京斗穀一百八十九石三斗零城  
固縣具報採買京斗穀六百三十八石五斗零  
洋縣具報採買京斗穀三百二十石一斗零褒  
城縣具報採買京斗穀三十九石五斗零南鄭  
縣具報採買京斗穀九百一十五石四斗零沔  
縣具報採買京斗穀四千二百二十三石零定  
遠廳具報採買京斗穀一千石寧羗州具報採  
買京斗穀二千石以上共採買京斗穀九千五  
百六十九石零共用價銀五千七百四十一兩

零在於道光六年地丁項下動支由該管道府  
逐一委員盤驗清楚俱係實貯在倉出具印結  
由司詳請具

奏前來 臣覆核無異除將用過價銀飭令造具細  
數冊結另行恭疏具

題外所有扶風等九廳州縣採買常平缺額倉糧  
完竣緣由理合恭摺具

奏伏乞

皇上聖鑒謹

奏

道光七年十二月二十八日拜發八年正月初

九日恭遞二十二日接奉

硃批知道了欽此

護理陝西巡撫布政使臣徐忻跪

奏爲恭報雪澤糧價情形仰祈

聖鑒事竊照陝省上年十一月分得雪糧價情形業

經臣恭摺具

奏在案茲據西安延安鳳翔漢中榆林同州興安

商州邠州乾州鄜州綏德各府州屬先後具報

於十二月初一日初九日至十一日十六日二

十一日二十三日二十六七日陸續復得瑞雪

除融化外積地自一二寸至七八寸及尺餘不

等臣查陝省自去歲入冬後節次渥沛祥霽農  
田極爲透潤二麥盤根穩固出土青葱現屆春  
日融和長發一律茂密民情歡忭糧價中平堪  
以仰慰

宸懷謹將十二月分各屬糧價敬繕清單恭呈

御覽伏祈

皇上聖鑒謹

奏

道光八年正月二十五日拜發二月初五日恭

逸十七日接奉

硃批知道了欽此

					10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100 101 102 103 104 105 106 107 108 109 110 111 112 113 114 115 116 117 118 119 120 121 122 123 124 125 126 127 128 129 130 131 132 133 134 135 136 137 138 139 140 141 142 143 144 145 146 147 148 149 150 151 152 153 154 155 156 157 158 159 160 161 162 163 164 165 166 167 168 169 170 171 172 173 174 175 176 177 178 179 180 181 182 183 184 185 186 187 188 189 190 191 192 193 194 195 196 197 198 199 200 201 202 203 204 205 206 207 208 209 210 211 212 213 214 215 216 217 218 219 220 221 222 223 224 225 226 227 228 229 230 231 232 233 234 235 236 237 238 239 240 241 242 243 244 245 246 247 248 249 250 251 252 253 254 255 256 257 258 259 260 261 262 263 264 265 266 267 268 269 270 271 272 273 274 275 276 277 278 279 280 281 282 283 284 285 286 287 288 289 290 291 292 293 294 295 296 297 298 299 300 301 302 303 304 305 306 307 308 309 310 311 312 313 314 315 316 317 318 319 320 321 322 323 324 325 326 327 328 329 330 331 332 333 334 335 336 337 338 339 340 341 342 343 344 345 346 347 348 349 350 351 352 353 354 355 356 357 358 359 360 361 362 363 364 365 366 367 368 369 370 371 372 373 374 375 376 377 378 379 380 381 382 383 384 385 386 387 388 389 390 391 392 393 394 395 396 397 398 399 400 401 402 403 404 405 406 407 408 409 410 411 412 413 414 415 416 417 418 419 420 421 422 423 424 425 426 427 428 429 430 431 432 433 434 435 436 437 438 439 440 441 442 443 444 445 446 447 448 449 450 451 452 453 454 455 456 457 458 459 460 461 462 463 464 465 466 467 468 469 470 471 472 473 474 475 476 477 478 479 480 481 482 483 484 485 486 487 488 489 490 491 492 493 494 495 496 497 498 499 500 501 502 503 504 505 506 507 508 509 510 511 512 513 514 515 516 517 518 519 520 521 522 523 524 525 526 527 528 529 530 531 532 533 534 535 536 537 538 539 540 541 542 543 544 545 546 547 548 549 550 551 552 553 554 555 556 557 558 559 560 561 562 563 564 565 566 567 568 569 570 571 572 573 574 575 576 577 578 579 580 581 582 583 584 585 586 587 588 589 590 591 592 593 594 595 596 597 598 599 600 601 602 603 604 605 606 607 608 609 610 611 612 613 614 615 616 617 618 619 620 621 622 623 624 625 626 627 628 629 630 631 632 633 634 635 636 637 638 639 640 641 642 643 644 645 646 647 648 649 650 651 652 653 654 655 656 657 658 659 660 661 662 663 664 665 666 667 668 669 670 671 672 673 674 675 676 677 678 679 680 681 682 683 684 685 686 687 688 689 690 691 692 693 694 695 696 697 698 699 700 701 702 703 704 705 706 707 708 709 710 711 712 713 714 715 716 717 718 719 720 721 722 723 724 725 726 727 728 729 730 731 732 733 734 735 736 737 738 739 740 741 742 743 744 745 746 747 748 749 750 751 752 753 754 755 756 757 758 759 760 761 762 763 764 765 766 767 768 769 770 771 772 773 774 775 776 777 778 779 780 781 782 783 784 785 786 787 788 789 790 791 792 793 794 795 796 797 798 799 800 801 802 803 804 805 806 807 808 809 810 811 812 813 814 815 816 817 818 819 820 821 822 823 824 825 826 827 828 829 830 831 832 833 834 835 836 837 838 839 840 841 842 843 844 845 846 847 848 849 850 851 852 853 854 855 856 857 858 859 860 861 862 863 864 865 866 867 868 869 870 871 872 873 874 875 876 877 878 879 880 881 882 883 884 885 886 887 888 889 890 891 892 893 894 895 896 897 898 899 900 901 902 903 904 905 906 907 908 909 910 911 912 913 914 915 916 917 918 919 920 921 922 923 924 925 926 927 928 929 930 931 932 933 934 935 936 937 938 939 940 941 942 943 944 945 946 947 948 949 950 951 952 953 954 955 956 957 958 959 960 961 962 963 964 965 966 967 968 969 970 971 972 973 974 975 976 977 978 979 980 981 982 983 984 985 986 987 988 989 990 991 992 993 994 995 996 997 998 999 1000 1001 1002 1003 1004 1005 1006 1007 1008 1009 1010 1011 1012 1013 1014 1015 1016 1017 1018 1019 1020 1021 1022 1023 1024 1025 1026 1027 1028 1029 1030 1031 1032 1033 1034 1035 1036 1037 1038 1039 1040 1041 1042 1043 1044 1045 1046 1047 1048 1049 1050 1051 1052 1053 1054 1055 1056 1057 1058 1059 1060 1061 1062 1063 1064 1065 1066 1067 1068 1069 1070 1071 1072 1073 1074 1075 1076 1077 1078 1079 1080 1081 1082 1083 1084 1085 1086 1087 1088 1089 1090 1091 1092 1093 1094 1095 1096 1097 1098 1099 1100 1101 1102 1103 1104 1105 1106 1107 1108 1109 1110 1111 1112 1113 1114 1115 1116 1117 1118 1119 1120 1121 1122 1123 1124 1125 1126 1127 1128 1129 1130 1131 1132 1133 1134 1135 1136 1137 1138 1139 1140 1141 1142 1143 1144 1145 1146 1147 1148 1149 1150 1151 1152 1153 1154 1155 1156 1157 1158 1159 1160 1161 1162 1163 1164 1165 1166 1167 1168 1169 1170 1171 1172 1173 1174 1175 1176 1177 1178 1179 1180 1181 1182 1183 1184 1185 1186 1187 1188 1189 1190 1191 1192 1193 1194 1195 1196 1197 1198 1199 1200 1201 1202 1203 1204 1205 1206 1207 1208 1209 1210 1211 1212 1213 1214 1215 1216 1217 1218 1219 1220 1221 1222 1223 1224 1225 1226 1227 1228 1229 1230 1231 1232 1233 1234 1235 1236 1237 1238 1239 1240 1241 1242 1243 1244 1245 1246 1247 1248 1249 1250 1251 1252 1253 1254 1255 1256 1257 1258 1259 1260 1261 1262 1263 1264 1265 1266 1267 1268 1269 1270 1271 1272 1273 1274 1275 1276 1277 1278 1279 1280 1281 1282 1283 1284 1285 1286 1287 1288 1289 1290 1291 1292 1293 1294 1295 1296 1297 1298 1299 1300 1301 1302 1303 1304 1305 1306 1307 1308 1309 1310 1311 1312 1313 1314 1315 1316 1317 1318 1319 1320 1321 1322 1323 1324 1325 1326 1327 1328 1329 1330 1331 1332 1333 1334 1335 1336 1337 1338 1339 1340 1341 1342 1343 1344 1345 1346 1347 1348 1349 1350 1351 1352 1353 1354 1355 1356 1357 1358 1359 1360 1361 1362 1363 1364 1365 1366 1367 1368 1369 1370 1371 1372 1373 1374 1375 1376 1377 1378 1379 1380 1381 1382 1383 1384 1385 1386 1387 1388 1389 1390 1391 1392 1393 1394 1395 1396 1397 1398 1399 1400 1401 1402 1403 1404 1405 1406 1407 1408 1409 1410 1411 1412 1413 1414 1415 1416 1417 1418 1419 1420 1421 1422 1423 1424 1425 1426 1427 1428 1429 1430 1431 1432 1433 1434 1435 1436 1437 1438 1439 1440 1441 1442 1443 1444 1445 1446 1447 1448 1449 1450 1451 1452 1453 1454 1455 1456 1457 1458 1459 1460 1461 1462 1463 1464 1465 1466 1467 1468 1469 1470 1471 1472 1473 1474 1475 1476 1477 1478 1479 1480 1481 1482 1483 1484 1485 1486 1487 1488 1489 1490 1491 1492 1493 1494 1495 1496 1497 149
--	--	--	--	--	---

再陝西省收捐監生銀兩自嘉慶五年三月開  
捐起至道光七年十一月底止共收捐監銀二  
百二十一萬九千五百三十兩除節次動用外  
實應存銀二萬八千五百二十兩業經 臣附片  
奏明在案今道光七年十二月分又收捐監銀一  
萬二千三百六十兩連前共存銀四萬八百八  
十兩俟湊足五萬兩卽欽遵

諭旨改解甘肅藩庫交納理合附片奏

聞謹



奏

同日奉

硃批覽欽此

護理陝西巡撫布政使 臣徐忻跪

奏爲查明各屬完解錢糧截至年底數目循例具  
奏仰祈

聖鑒事竊照嘉慶九年六月內准戶部咨令將已未完錢糧數目截至年底止於次年開印前一面報部備查一面專摺具奏等因歷經遵行在案茲據署布政使方載豫詳稱道光七年額徵民屯更起運並糧折價共銀一百三十三萬九千四百一十六兩零除截至上年十一月底止已

完銀一百三十二萬八千九十三兩零業經

奏報在案仍未完銀一萬一千三百二十二兩零

今自上年十二月起至年底止續完銀四千七

百六十六兩零連前已完共銀一百三十三萬

二千八百六十兩零止未完銀六千五百五十

五兩零等情臣覆核無異除飭將未完銀兩責

令該管道府州趕緊督催徵解外所有道光七

年各屬應徵錢糧截至年底止已未完數目理

合循例恭摺具

奏伏祈

皇上聖鑒謹

奏

道光八年正月二十五日拜發二月初五日恭

遞十七日接奉

硃批戶部知道欽此

四ノ書目三ノ正

老ノ

3

護理陝西巡撫布政使臣徐忻跪

奏爲移建畧陽縣城垣估需動用銀兩循例具

奏仰祈

聖鑒事竊照漢中府屬畧陽縣於上年七月間因江

河異漲城垣被水衝塌委令前署藩司林則徐

親往確勘該縣舊城三面臨水連年疊遭水患

難以修復議請移駐舊治迤東三里許之文家

坪建築新城經臣會同署督臣鄂山恭摺具

奏欽奉

諭旨准其照議移建並接准部咨行令委員勘估照例辦理當卽行令署藩司督飭漢中府知府兼護陝安道楊名颺率同印委各員逐一切實摺節勘估去後茲據署藩司方載豫詳覆接准楊名颺咨稱畧陽縣移駐文家坪地方應請照依舊治建築外磚內土城垣一座週圍共長三百零六丈除門臺三座計外皮頂底均長二百九十六丈九寸裏皮頂底均長二百八十五丈二尺九寸城身露明至拔簷甍下高一丈八尺底

寬一丈八尺頂寬一丈一尺外皮根腳砌埋頭  
石二層露明圍屏石二層裏皮沿邊包築灰土  
中心夯築土牛頂鋪海墁甃二層上砌排垛等  
牆竝出水石橙城樓門臺礪樓礪臺馬道堆房  
等項督同委員署沔縣知縣任廷傑署畧陽縣  
知縣郭熊飛逐一擲節確估共需工料銀四萬  
七千八百九十六兩三分八厘造具估計冊結  
圖說由該管道府加結核轉到司所需工料銀  
兩請照例在于庫貯留備城垣本欵及新收商



筏畜滿等稅並當商生息銀欸內動支具詳請  
奏前來 臣查畧陽縣地處漢南路通隴蜀實係扼  
要之區今移駐文家坪一切倉庫錢糧軍火器  
械監獄均關係要亟須照議建築城垣俾資捍  
衛相應遵例

奏明動欸飭令及時興辦俟工竣勘驗核實造銷  
責令照例保固倘限內稍有坍塌著落承辦之  
員賠修除將估計細數冊結圖說另疏具

題咨部查核外所有估需動用銀兩緣由理合恭

指具

奏伏祈

皇上聖鑒謹

奏

道光八年正月二十五日拜發二月初五日恭

遞十七日接奉

硃批另有旨欽此

卷之三十一

再畧陽縣城移駐文家坪應建知縣衙署計房  
七十九間典史衙署計房二十三間儒學衙署  
計房十三間倉廩房三十五間監獄房十間又  
遊擊衙署計房五十六間守備衙署計房二十  
八間千總衙署計房十五間又把總衙署仍駐  
舊治遺存守備署內祇須添建大門一間廂房  
四間又應建兵房一百一十六間馬棚馬神廟  
計房十八間演武廳計房十五間以上共計房  
四百一十三間並各照壁圍牆旗杆臺等項委

四  
員一併擷節確估通共估需工料銀一萬一千  
五百九十八兩三錢六分五厘造具冊結由署  
藩司方載豫核明加結請在於司庫耗羨銀款  
內動支興修工竣造銷等情臣覆核無異除將  
估計冊結另疏具

題外所有請動耗羨銀兩緣由理合附片奏

聞謹

奏

同日奉

硃批另有旨欽此

八  
卷  
第  
三  
十  
三  
回

下

日本書紀卷之三十一



十一

道光八年二月初六日內閣奉

上諭徐忻奏移建畧陽縣城垣動用銀兩一摺陝西  
畧陽縣城垣上年被水衝塌經鄂山等奏請在迤  
東文家坪移建新城當卽降旨允准茲據該護撫  
委員勘明建築外甃內土城垣一座共估需工料  
銀四萬七千八百九十六兩零著准其在庫貯留  
備城垣本款及新收商筏畜滿等稅並當商生息  
銀款內動支飭令趕緊興辦工竣驗收覈實造銷  
照例保固倘限內稍有坍塌卽著落承辦之員賠



修又另片奏文家坪應建文武各員弁衙署並倉  
廩監獄兵房馬棚馬神廟演武廳等項共估需工  
料銀一萬一千五百九十八兩零着准其在司庫  
耗羨銀款內動支興修工竣一併造銷該部知道

欽此

護理陝西巡撫布政使 臣徐忻跪

奏爲凱撤吉林黑龍江官兵全數應付出境竝四  
川山東官兵過境完竣緣由恭摺奏

聞仰祈

聖鑒事竊臣於正月十五日承准軍機大臣字寄內  
開道光八年正月初七日奉

上諭前據那彥成奏凱撤官兵過境章程當降旨令  
鄂山於吉林黑龍江官兵進關時卽令分二百名  
一起間四日行走現在凱兵已於年前過境者祇

有吉林二起兵四百九十八名黑龍江頭起兵一百名今越二十餘日黑龍江二起官兵始將到京其三起官兵尚無到京信息該兵等或竟沿途逗留管帶各員不能約束必至騷擾地方鄂山徐忻楊國楨屠之申接奉此旨卽飭沿途地方官妥速應付並派明幹道府大員鎮靜彈壓俾得迅速行走雖間遇雨雪不能盡按間四日行走之期亦須計程趨行毋許任意遲延轉致別滋事端將此各諭令知之欽此伏查吉林黑龍江官兵由喀什噶

爾大營凱撤二千名自上年十一月初五日起  
截至年底止已過陝境吉林官兵五起計一千  
零五員名黑龍江官兵三起計五百零八員名  
業經臣節次奏蒙

聖鑒在案茲副都統銜總管明產管帶黑龍江官兵  
二百三員名於正月初八日送出陝境協領壽  
昌管帶吉林官兵三十員名於正月十二日送  
出陝境副總管瑚圖靈額管帶黑龍江官兵二  
百二員名於正月十三日送出陝境副都統德

海管帶黑龍江官兵一百一十二員各於正月十八日送出陝境所有吉林黑龍江官兵除口外留防一千名外其餘撤回官兵已全數應付出境至那彥成奏定撤兵過境章程以二百名爲一起間四日行走彼時已在大營撤兵啓程之後其兵數之多寡起數之後先按照大營排定次序分起行走閱時已久是以進關後不能另爲勻分致令留前待後且其中有川兵數千名相間在內自口外以至進關皆係接踵而行

迨過蘭州後川兵與東三省兵分道兩途各趨  
一路東三省兵遂形脫空此係實在情形自入  
陝境後臣督飭文武各員沿途節節催饋並無  
騷擾逗留情事又山東兵二百名經總兵成玉  
副將周志林等管帶於正月二十一日送出陝  
境四川兵六千名截至正月十一日已過陝境  
五千餘名其餘數百名計二十日以內全數過  
竣沿站行走均屬安靜應付亦俱妥速所有各  
起官兵全數過境日期理合恭摺覆

奏伏祈

皇上聖鑒謹

奏

道光八年正月二十五日拜發二月初五日恭

遞十七日接奉

硃批知道了欽此

護理陝西巡撫布政使臣徐忻跪

奏爲恭謝

天恩事竊臣於正月二十五日接准署督臣鄂山咨  
開道光八年正月初六日內閣奉

上諭護理陝西巡撫藩司徐忻自上年回疆用兵以  
來協辦軍需應付兵差一切悉臻妥速該護撫督  
辦年餘始終其事徐忻著加恩交部從優議叙等  
因欽此臣跪誦之下感激悚惶莫能言喻伏念  
臣渥蒙



皇上逾格隆施畀以藩司鉅任涓埃未効兢惕方殷  
旋因回疆軍興欽奉

特旨命臣護理撫篆嗣又兼權西安鎮總兵三月有  
餘一切挑派官兵撥運軍械軍火協濟庫餉局  
錢並代雇騾駝代購布疋及應付各省滿漢官  
兵過境事事秉承

聖明訓示勉竭駑駘得以幸免貽悞並無微勞足錄  
叨膺

甄叙優加實非蟻悃所敢期猥沐

鴻慈之曲逮捐糜莫報啣結難名現當元惡就擒大  
功告蕝仰賴

天威赫奕

洪福照臨悉除逆裔之根株永慶邊圉之綏靖歡臚  
中外喜溢臣民臣惟有倍矢慎勤益加奮勵以  
期稍報

高厚恩施於萬一所有微臣感激下忱理合恭摺具  
奏叩謝

天恩伏乞

皇上聖鑒謹

奏

道光八年正月二十七日拜發二月初八日恭  
遞二十一日接奉

硃批知道了欽此

護理陝西巡撫布政使 臣徐忻跪

奏爲回疆軍需應付滿漢各營官兵口糧豆草遵  
照部咨恭摺奏

聞仰祈

聖鑒事竊

臣

接准戶部咨開辦理軍需所需官兵口

糧及馬匹豆草如有倉貯廠貯可動者不必另  
爲採買或雖有倉貯廠貯而遠道運送較之就  
近採買所費轉多者令各該督撫查明情形確  
訪時值奏明採買一面將價值開報戶部查核

等因當卽行司確查詳覆去後茲據署藩司方  
載豫署臬司何承薰詳稱溯查陝西省歷次辦  
理軍需及應付滿漢官兵過境所有應需口糧  
豆草均經隨時酌量情形分別動支採買事竣  
報銷在案此次口外回疆軍需因程途遙遠軍  
行迅速所有調派京營吉林黑龍江勁旅山東  
四川綠營官兵及陝西滿漢各營征勦官兵應  
需口糧及騎乘調解馬匹豆草供億繁多需用  
緊急各州縣倉貯穀麥糧色不一尚須碾磨方

能食用誠恐緩不濟急且動支後仍須照舊採  
買補還至豆草兩項陝省並無廠貯是以查照  
採買成案按照報部價值分別採買給發得以  
供支無悞自應據實造報請銷會詳請

奏前來臣覆核無異除造冊報部核銷外謹會同  
署督臣鄂山合詞恭摺具

奏伏乞

皇上聖鑒謹

奏

道光八年二月二十七日拜發三月初九日恭  
遞二十一日接奉

硃批戶部知道欽此

再此次回疆生擒首逆張格爾解送進京所有經過陝省地方自長武縣入境起至潼關廳出境止經署督臣鄂山知會遴委西安鎮總兵得志督糧道尹佩珩小心護送業經奏蒙

聖鑒在案伏思該逆首罪大惡極長途解送倍須加意慎重防範周密臣已傳知該鎮道並分飭沿途地方文武屆時一體妥速接護務保無虞除俟接護出境時另行恭摺馳

奏外理合附片奏



明倫彙編 家範典 卷一百一十五

聞謹

奏

同日奉

硃批知道了欽此

護理陝西巡撫布政使臣徐忻跪

奏爲恭報雨雪糧價情形仰祈

聖鑒事竊照陝省上年十二月分雪澤糧價情形業

經臣恭摺具

奏在案茲據西安延安鳳翔漢中榆林同州興安  
商州邠州乾州鄜州綏德十二府州屬具報於  
正月初四日二十日二十三十四日二十六七八  
日陸續得雪一二三寸不等臣查陝省去冬瑞  
雪優霑土脉涵濡深透茲於正月內復得雪澤

農田倍藉滋培現當春日晴和暄潤相濟南北  
山暨平原各屬麥苗菜豆一律長發暢茂民情  
豫悅糧價中平堪以仰慰

宸懷謹將正月分糧價敬繕清單恭呈

御覽伏乞

皇上聖鑒謹

奏

道光八年二月二十七日拜發三月初九日恭  
遞二十一日接奉

殊批知道了欽此

日本書紀卷之六

六

再陝西省收捐監生銀兩自嘉慶五年三月開  
捐起至道光七年十二月底止共收捐監銀二  
百二十三萬一千八百九十兩除節次動用外  
實應存銀四萬八百八十兩業經臣附片

奏明在案今道光八年正月分又收捐監銀二千  
七百六十兩連前共存銀四萬三千六百四十  
兩俟湊足五萬兩卽欽遵

諭旨改解甘肅藩庫交納理合附片奏

聞謹

奏

同日奉

硃批知道了欽此

0-001

護理陝西巡撫布政使 臣徐忻跪  
奏爲查明陝省上年下忙徵收正賦鹽課錢糧已  
未完數目循例具

奏仰祈

聖鑒事竊照嘉慶二十年六月內經戶部奏准各省  
每年上下忙應徵錢糧除留支外實應解司銀  
數分別正課雜項依限詳報督撫二十日內具  
奏等因歷經遵行在案茲據署布政使方載豫  
詳稱道光七年分額徵民屯更起存並糧折銀



除屯丁兌食及存留外應解司庫銀一百三十  
三萬九千四百一十六兩零內除上忙已完銀  
九十四萬六千三十三兩零未完銀三十九萬  
三千三百八十二兩零今下忙續完銀三十八  
萬六千八百二十六兩零仍未完銀六千五百  
五十五兩零又原額鹽課銀八千九百八十兩  
零除上忙已完銀一千七百六十四兩零今下  
忙續完銀四千八百一十二兩零仍未完銀二  
千四百三兩零等情 臣覆核無異除將未完銀

兩嚴飭該管道府州等督催徵解外所有道光  
七年分下忙徵收正賦鹽課錢糧已未完數目  
理合循例恭摺具

奏伏乞

皇上聖鑒謹

奏

道光八年二月二十七日拜發三月初九日恭  
遞二十一日接奉

硃批戶部知道欽此

陸香書室奏疏

卷六

三

護理陝西巡撫布政使 臣徐忻跪

奏爲審明互相詳揭之知縣教諭分別定擬具

奏仰祈

聖鑒事竊照三水縣知縣牟雯與該縣教諭劉兆泰

先後列款互揭一案經 臣恭摺奏

奏欽奉

上諭徐忻奏參互相詳揭之知縣教諭請分別革職  
解任一摺此案陝西三水縣知縣牟雯以該縣教  
諭劉兆泰性情暴戾掌責鄉民棍責生員等情詳

報旋據劉兆泰詳揭牟雯浮收正糧塩課攤派差費得受陋規賄賂公行各款雖該教諭詳揭該縣在飭提之後斷不可預存成見致稍有不實不盡之處若審斷不公或徇情輕縱何以飭官方而稱委任事關知縣教諭互相揭叅虛實均應澈底根究劉兆泰著革職牟雯著解任交徐忻督同臬司方載豫親提應質人証秉公嚴審按律定擬具奏

欽此 臣 跪讀之下仰見

皇上訓示詳明整飭官方務歸持平允當曷勝欽佩

悅服遵卽親提應質人証督同臬司方載豫秉  
公逐加研鞠緣牟雯籍隸山東由進士以知縣  
卽用籤掣陝西

題補三水縣知縣劉兆泰籍隸渭南縣由副貢生  
捐納教職選授三水縣教諭該縣有生員張祐  
佾生王瑤時至學署謁見劉兆泰劉兆泰亦常  
詢以外間事務張祐向在該縣書院肄業該縣  
牟雯因張祐文理荒謬會於考課點名時當衆  
訓斥張祐不服頂撞牟雯遂將其逐出張祐因

此懷恨挾嫌卽捏稱牟雯浮收攤派得受陋規短價病民向劉兆泰述知又佾生王瑤因其父王居安賴係王俊嗣子與王俊胞弟王秀爭產具控縣案經該縣審斷未准王瑤心疑聽受賄囑亦曾向劉兆泰述及劉兆泰均疑信相參又該縣向有地租一項添辦祭胙牟雯並未將租銀添胙劉兆泰因此不甚滿意道光七年秋間丁祭牟雯傳知屠戶飭令循照舊例犧牲毋庸剥皮以昭誠敬劉兆泰不允負氣赴縣署爭鬧

並聲言該縣所辦之事未必盡皆循例欲行詳揭嗣八月初十日恭逢

皇上萬壽聖節劉兆泰未經隨班行禮牟雯卽將劉兆泰以上二款並從前掌責鄉民棍責生員發交戒飭之武生受錢釋放等款具詳揭叅劉兆泰聞知被揭卽以已故生員張祐並佾生王瑤之言撫拾通報查劉兆泰所揭牟雯浮收受賄各款較牟雯所揭劉兆泰各款尤關係要誠如聖諭雖該教諭詳揭該縣在飭提之後斷不可預存



成見必須嚴切根究以期水落石出當卽逐款  
訊究如所揭牟雯正糧塩課浮收二兩有奇及  
常糧出易以三斛半麥完納兩斛一欸訊係三  
水縣每石土糧額徵正耗並帶征塩課應納庫  
平銀一兩五錢一分七厘所有零星小戶俱歸  
戶首易銀彙納民間常行銀水賤色低潮市集  
習用戥平分兩輕短計加足庫平庫色及傾銷  
火耗並批解脚價等項共須市平元銀一兩八  
錢五分九厘其常糧出易征收每石加鼠耗三

升厯係平斛傳訊里長穆存粟與花戶何逢春  
倉書劉時中等僉稱該縣向係如此征收並非  
始自牟雯該縣牟雯實無浮收二兩有奇及踢  
斛淋尖以三斛半收作兩斛情事並據堅供如  
果有前項情弊伊等顆粒絲毫皆自出已貲豈  
肯身受其累甘心隱忍只求詳情又所揭牟雯  
攤派差費署中一切食用各物短發價值祭祀  
驗收犧牲皆有陋規及官荒地租銀兩並不添  
設祭胙一欸訊據牙人行戶里長人等供稱三

水縣並非大路惟本管邠州係甘省衝途間遇  
大差飭調車馬協濟均係里民自辦牟雯並未  
藉差攤派得受陋規至署中一切食用各物均  
係照價發買若實有折錢短發給與陋規之事  
此時正可供明革除何肯代爲諱匿又查嘉慶  
十八年該前縣張雲龍將官荒地租三十二兩  
零詳請充作書院經費嗣因延師無人將銀添  
作祭昨刊立碑記牟雯到任後延請舉人張汝  
驥在書院講課仍照詳案以前項租銀加增修

脯後因虛席自課積存租銀九十六兩零解州  
修理考棚雖未添胙實未入已又所揭牟雯于  
民間詞訟賄賂公行未得其詳不敢妄舉近有  
王俊嗣子王居安與王秀爭繼控縣將王居安  
斷離一無所與一欵訊係佻生王瑤之父王居  
安爭分王秀故兄王俊遺產控經牟雯審明王  
居安係王俊堂姪其母張氏因貧立約將其寄  
養與王俊家過活王俊爲之娶妻生子王俊故  
後王居安賴係王俊嗣子爭分家產牟雯訊無

嗣單驗明寄約以王居安相依王俊有年斷令  
王秀給地一百二十畝糧五十石錢五十千文  
各居完案是劉兆泰揭稱王居安係王俊嗣子  
縣斷一無所與係屬虛誣詰訊劉兆泰惟自認  
糊塗輕聽無可置辯質之佾生王瑤供稱牟雯  
斷令伊父王居安另住心懷不甘是以曾向劉  
兆泰述及聽受賄囑委無實在憑據隨提到案  
之里長花戶人等詰訊俱稱牟雯平素審理詞  
訟民間允服並無受賄枉法之事至牟雯所揭

劉兆泰掌責鄉民一欵訊係生員郭士相向縣  
民王秀索討遠年借用枋板碰毀器物王秀赴  
學喊稟與門斗董明爭罵並向劉兆泰頂撞劉  
兆泰喝令門斗韓俊將王秀掌責四十屬實斷  
令郭士相賠償器物不准再索枋板又所揭劉  
兆泰棍責生員一欵訊係劉兆泰令門斗鄭三  
昇傳喚附生李芝充補增生李芝外出鄭三昇  
向李芝之父催促吵鬧李芝走回互相揪罵誤  
將傳票扯破稟訴到學劉兆泰令門斗何步隴

將李芝棍責四十屬實又所揭劉兆泰將行學  
戒飭之武生受錢釋放一欵訊係武生王正興  
向楊世德索欠爭扭王正興扯破楊世德衣服  
拳毆左眼胞控縣斷令楊世德還清欠錢王正  
興手足傷人律應擬笞移學戒飭當經劉兆泰  
罰令王正興出錢五十千文免其戒飭亦未移  
知該縣詳報詰據劉兆泰供稱委因學宮後層  
滲漏罰錢補修並未侵蝕入已又所揭劉兆泰  
欲將丁祭犧牲剥皮被阻赴縣肆鬧一欵訊係

道光三年春間牟雯赴淳化兼理縣事丁祭交  
劉兆泰辦理劉兆泰主令開剥皮張變價以後  
遂卽照辦牟雯屢阻弗聽道光七年秋間丁祭  
劉兆泰仍欲將犧牲剥皮牟雯不允差飭屠戶  
只許去毛劉兆泰負氣赴縣署爭鬧屬實又所  
揭劉兆泰恭逢

皇上萬壽聖節未經隨班行禮一欸訊係三水縣向  
於公所恭設

萬壽牌



朝賀七年八月恭逢

皇上萬壽劉兆泰因遇陰雨在明倫堂恭設香案叩  
頭未向牟雯告知反復質訊均各矢口不移伏  
思劉兆泰所揭牟雯浮征攤派各款雖皆係得  
自傳言未必全無影響及質之里民行戶倉書  
人等僉稱並無其事誠恐稍有不實不盡復訊  
劉兆泰令其將所揭各款逐一指實俾治牟雯  
以應得之罪據供實係誤聽張祐王瑤之言於  
被揭後不及致詳卽據拾通報希圖搪抵實在

不能指出確切憑証臣復委員前赴三水縣密訪訊取鄉民供詞均核與已到之里民行戶人等所供無異似無遁飾查例載被劾人員若懷挾私忿摭拾察覈官員別項贖私不干已事奏告以圖報復者不分現任去任文武官員俱革職爲民等語此案劉兆泰恭逢

皇上萬壽聖節在明倫堂望

闕行禮未及隨班尚無不合其掌責民人棍責生員並將應行戒飭之武生擅罰錢文釋放且違

例剥取丁祭犧牲皮張變價見小均已不干例  
議迨被該縣詳揭輒以誤聽虛詞羅列通詳意  
存報復劉兆泰合依被劾人員懷挾私忿摭拾  
不干已事奏告以圖報復例革職爲民業經叅  
革應毋庸議該縣牟雯被揭各重款逐一嚴審  
並無其事其所揭劉兆泰各款雖訊皆得實惟  
多係事隔三四載之久何以該縣頻年默無一  
言迨聞劉兆泰有欲行詳揭之語始行列款揭  
報藉以先發制人且修理考棚並不自行捐資

率將積存書院租銀充用以致祭胙未再增添  
學官不能滿意咎亦難辭牟雯應請

旨交部議處生員張祐業已病故應毋庸議佾生王  
瑤因伊父爭繼未准輒以賄囑之詞向劉兆泰  
述知應與聽從濫責之門斗韓俊何步隴均照  
不應重律杖八十折責斥革無干省釋除全案  
供招咨部外所有審明定擬緣由理合恭摺具

奏伏乞

皇上聖鑒謹

奏

道光八年二月二十七日拜發三月初九日恭

遞二十一日接奉

硃批另有旨欽此

道光八年三月十一日內閣奉

上諭徐忻奏審明互相詳揭之知縣教諭分別定擬  
一摺此案已革教諭劉兆泰因被知縣牟雯詳揭  
輒輕聽虛詞羅列牟雯浮征攤派各款通詳希圖  
搪抵不能指出確証咎有應得劉兆泰業經革職  
著毋庸議三水縣知縣牟雯被揭各款經該護撫  
逐一嚴審並無其事其所揭劉兆泰掌責民人棍  
責生員等款事隔數年因聞劉兆泰有欲行詳揭  
之語始行揭報且將積存書院租銀修理考棚以

致該教諭不能滿意咎亦難辭牟雯著交部議處  
餘著照所擬完結該部知道欽此

進

進

進

進



護理陝西巡撫布政使臣徐忻跪

進

百合粉三匣

扁豆三匣

薏米三匣

桂花五匣

吉利茶五瓶

紫麥三袋

玉麥三袋

道光八年三月二十六日拜發四月二十四日  
恭進



護理陝西巡撫布政使 臣徐忻跪

奏爲恭報雨水糧價情形仰祈

聖鑒事竊照陝省正月分雨雪糧價情形業經 臣恭

摺具

奏在案茲據西安延安鳳翔漢中榆林同州興安  
商州邠州乾州鄜州綏德十二府州屬具報於  
二月初三日至初九日十一日二十一日  
二十五日三月初三日初五日初七  
八日得  
雨一二三寸不等現在二麥正值長發之際得

此春雨培滋土脉藉滋接潤農田兆慶民氣恬  
熙市集糧價中平堪以仰慰

宸懷謹將二月分糧價敬繕清單恭呈

御覽伏乞

皇上聖鑒謹

奏

道光八年三月二十九日拜發四月初九日恭  
遞二十一日接奉

硃批知道了欽此

再陝西省收捐監生銀兩自嘉慶五年三月開捐起至道光八年正月月底止共收捐監銀二百二十三萬四千六百五十兩除節次動用外實存銀四萬三千六百四十兩業經臣附片

奏明在案今道光八年二月分又收捐監銀七千八百兩連前共存銀五萬一千四百四十兩除欽遵

諭旨動支銀五萬兩委員解赴甘肅藩庫交納外實存銀一千四百四十兩理合附片奏

聞謹

奏

同日奉

硃批覽欽此

再廓爾喀進

貢使臣由京起程回往原處經臣查照理藩院咨  
文先期遴委文武各員分段接替護送茲於三  
月初二日該使臣等由陝西潼關廳入境於二  
十二日送出陝境交四川廣元縣接護前進沿  
途應付妥速行走安靜理合附片奏

聞謹

奏

同日奉



硃批知道了欽此

護理陝西巡撫布政使臣徐忻跪

奏爲修理寶雞縣被沖棧道動用生息本款仰祈  
聖鑒事竊照陝西寶雞縣境內棧道自道光二年修  
理之後迄今已歷五載一切道路橋梁沖坍過  
甚經委員確切履勘按例摺節核估共需工料  
銀二千六百九十八兩零由前署藩司林則徐  
覆核詳請在于府庫備貯棧道生息本款銀內  
動支興修造冊咨部在案茲准工部咨覆前項  
棧道旣據查明實係沖坍亟應修整但所需工

料銀兩在五百兩以上自應專摺奏明辦理等  
因臣查鳳翔府庫向有存貯棧道備公銀兩一  
款專爲歲修棧道之需與司庫正雜各款錢糧  
無涉遇有工程動支歷係專案報部今寶雞縣  
棧道勘明自雞跑溝門起至黃牛舖止其間峻  
嶺崇山懸崖深溝一切接搭木橋石砌剝岸馬  
牆多已被水沖坍該處爲川陝通衢要路行旅  
往來絡繹亟須及時修理所估工料銀二千六  
百九十八兩一錢一分八厘應請在于鳳翔府

庫存貯棧道生息本款內動支俾修理一律平  
整以利遄行工竣照例造銷所有動用銀款緣  
由理合遵照部咨恭摺具

奏伏乞

皇上聖鑒謹

奏

道光八年三月二十九日拜發四月初九日恭  
遞二十一日接奉

硃批另有旨欽此

道光八年四月初十日內閣奉

上諭徐忻奏請動用生息本款修理棧道一摺陝西寶雞縣境內棧道爲川陝往來通衢近因被水衝塌過甚亟應修理據該護撫委員確勘共估需工料銀二千六百九十八兩零着照所請准其于鳳翔府庫貯棧道生息本款如數動支給領興辦務期一律平整以利遄行工竣覈實驗收報銷該部知道欽此

護理陝西巡撫布政使 臣徐忻跪

奏爲年滿筆帖式堪膺地方之選循例奏

聞仰祈

聖鑒事竊查定例各省督撫衙門筆帖式如有才具  
優長堪膺地方之選者令該督撫出具考語奏  
請送部引

見候

旨錄用等因歷經遵行在案茲查陝西巡撫衙門筆  
帖式薩巴泰現年四十五歲係鑲藍旗蒙古富

新泰佐領下官學生由兵部筆帖式於道光元年十二月內奉

旨補授陝西巡撫衙門筆帖式於二年閏三月十九日到任扣至道光八年正月十九日六年期滿除員缺咨部請

旨另行補放外臣查薩巴泰才具明晰留心吏治歷經委署西安府理事同知榆林府神木理事同知均能辦理裕如堪膺地方之選臣與巡撫臣

鄂山往返札商意見相同理合循例出具考語

奏請送部引

見恭候

欽定謹會同巡撫臣鄂山合詞恭摺具

奏伏乞

皇上聖鑒謹

奏

道光八年三月二十九日拜發四月初九日恭  
遞二十一日接奉

硃批依議欽此



新編皇朝通志

卷之二

三

護理陝西巡撫布政使 臣徐忻跪

奏爲護解首逆過境日期恭摺奏

聞仰祈

聖鑒事竊照回疆大功告成生擒首逆張格爾解送  
進京所有經過陝省地方先期遴委鎮道大員  
並分飭沿途地方文武員弁一體妥爲協護業  
經 臣 附片

奏明在案茲都統哈朗阿侍郎誠端副都統吉勒  
通阿副都統銜頭等侍衛祥雲保等押解首逆

於四月初三日由甘肅涇州入陝西長武縣境  
經原派之西安鎮總兵得志督糧道尹佩珩並  
各州縣營汛小心迎護於初八日至西安省城  
復由西安省城護送前進於十五日至潼關廳  
出境移交河南閩鄉縣委員接替該首逆因途  
次均以好言慰撫極爲安靜逐站防範周密應  
付妥速計期五月初十日生致京師獻俘

闕下中外同深忭慶 臣與哈朗阿誠端等復商同  
選派年力精壯勤敏明幹之卽補知縣善禧潼

關營把總朱資義隨同前往長途照料務保無虞所有護解首逆過境日期理合恭摺由驛具奏伏乞

皇上聖鑒謹

奏

道光八年四月十六日拜發二十一日恭遞二十九日接奉

硃批知道了欽此

古今圖書集成  
卷八

五

護理陝西巡撫布政使 臣徐炘跪

奏爲恭報雨水糧價情形仰祈

聖鑒事竊照陝省二月分及三月初旬得雨並二月  
分糧價情形業經 臣恭摺具

奏在案茲據西安延安鳳翔漢中榆林同州興安  
商州邠州乾州鄜州綏德十二府州屬陸續具  
報於三月初九日十八日至二十四日二十七  
至二十九日先後得雨自一二寸至四五寸及  
深透不等正值二麥吐穗揚花之際得此及時

雨澤滋培顆粒益加飽綻南北山早禾稻秧包  
穀一律播種長發民情歡忭市集糧價中平堪  
以仰慰

宸懷謹將三月分糧價敬繕清單恭呈

御覽伏乞

皇上聖鑒謹

奏

道光八年四月二十一日拜發五月初二日恭  
遞十五日接奉

殊批知道了欽此

奉 旨 欽 此

○ 〇 〇 〇

〇 〇



四庫全書  
卷之二

再陝西省收捐監生銀兩自嘉慶五年三月開捐起至道光八年二月底止共收捐監銀二百二十四萬二千四百五十兩除節次動用外實存銀一千四百四十兩業經臣附片奏明在案今道光八年三月分又收捐監銀三千二百四十兩連前共存銀四千六百八十兩俟湊足五萬兩卽欽遵

諭旨解赴甘肅藩庫交納理合附片奏

聞謹

奏

同日奉

硃批覽欽此

再陝西監法道查廷華於前歲回疆軍興經署  
督臣鄂山奏調馳赴甘肅襄辦蘭州軍需總局  
事務該道盡心稽核加意撙節始終經理出力  
茲因大功告成軍需完竣臣接准鄂山谷稱業  
經奏明飭令該道仍回陝省現於四月初一日  
回至西安供職理合附片奏

聞謹

奏

同日奉

口才言至多正

才二

四

殊批覽欽此

護理陝西巡撫布政使 臣徐忻跪

奏爲官犯在配例限屆期欽遵

奏明請

旨事竊照大荔縣安置流罪官犯呂時雨安徽貴池縣人年七十三歲係已革典史於嘉慶十四年因江蘇山陽縣冒賑案內該官犯分受賑銀九百兩依盜倉庫錢糧六百六十兩例擬杖一百流二千五百里准順天府咨解來陝發交大荔縣安置於嘉慶十四年十一月初九日到配恭

逢二十五年八月二十七日十二月初三日

恩詔經刑部將該官犯原犯事由開單具奏道光元年十二月初六日奉

旨呂時雨著再留三年請旨欽此嗣於四年十二月初六日三年期滿經前撫臣盧坤專摺具奏五年四月初十日奉

上諭呂時雨著再留三年請旨欽此茲查該官犯呂時雨自道光五年四月初十日欽奉

上諭之日起扣至八年四月初十日又經屆滿三年

據署臬司何承薰具詳請

奏前來臣覆查無異理合恭摺具

奏請

旨伏乞

皇上聖鑒謹

奏

道光八年四月二十一日拜發五月初二日恭  
遞十五日接奉

硃批另有旨欽此



道光八年五月初三日內閣奉

上諭徐忻奏官犯在配期滿一摺呂時雨著准其釋  
回欽此

護理陝西巡撫布政使 臣 徐忻跪

奏爲凱撤未起吉林黑龍江勁旅及西安鎮標官兵全數過境歸伍日期恭摺奏

聞仰祈

聖鑒事竊照喀什噶爾留防吉林黑龍江勁旅一千名西安鎮標官兵五百名於首逆就擒後均卽撤令護送進關所有吉林黑龍江勁旅各五百名除副都統吉勒通阿等酌帶數十名隨行外其餘分爲四起行走西安鎮官兵另爲一起茲

頭起吉林官兵二百二十一員各經佐領烏爾  
德善管帶於四月初七日由長武縣入境十六  
日由潼關廳出境二起吉林官兵二百三十員  
名經副都統銜協領依勒東阿管帶於四月十  
一日由長武縣入境二十日由潼關廳出境三  
起黑龍江官兵二百五十三員各經協領鄂爾  
托彥管帶於四月十四日由長武縣入境二十  
四日由潼關廳出境四起黑龍江官兵二百五  
十四員各經副都統銜總管舒凌阿管帶於四

月十七日由長武縣入境二十六日由潼關廳  
出境沿途州縣妥爲照料應付送至豫省閩鄉  
縣交替行走均屬安靜又西安鎮標官兵五百  
名經遊擊魯福山管帶於四月初八日回營歸  
值伏思此次回疆不靖仰賴

天威赫奕

聖武昭宣振旅班師蕨功完善從此西陲永慶乂安  
兵可百年不用中外臣民同深歡忭所有凱撤  
末起滿漢官兵全數送出陝境及歸伍日期理

合恭摺具

奏伏乞

皇上聖鑒謹

奏

道光八年四月二十八日拜發五月初九日恭  
遞二十八日接奉

硃批知道了欽此

護理陝西巡撫布政使 臣 徐忻跪

奏爲陝西省道光七年分徵收新賦錢糧截至奏  
銷以前十分全完數目開列上三年比較清單  
恭摺具

奏仰祈

聖鑒事竊照前准戶部咨開欽奉

諭旨州縣實徵實解銀數各省督撫於奏銷題報外  
照例具奏摺內開具清單明列通省三年比較等  
因欽此嗣又准部咨統以年底截數次年二月

春撥時開單奏報卽以道光五年春撥爲始遵照辦理六年正月復准部咨通年全額錢糧勢難於春撥時統行確核行令仍以奏銷截數開單奏報並於單內將已完銀數下註明造入春秋撥冊若干頒發清單式樣畫一辦理等因茲據署布政使方載豫詳報陝西省道光七年分額徵新賦地丁正項銀一百三十三萬九千四百一十六兩零截至奏銷止十分全完內造入道光七年秋撥銀九十九萬五千四百四十五

兩零八年春撥銀三十三萬七千四百一十五兩零實貯庫銀六千五百五十五兩零俟八年秋撥冊內造報候撥等情具詳前來臣逐細覆核無異除咨明戶部外所有七年應徵新賦銀兩截至奏銷止十分全完緣由理合恭摺具奏敬繕比較細數清單恭呈

御覽伏乞

皇上聖鑒謹

奏



道光八年四月二十九日拜發五月十八日恭

遞六月初九日接奉

硃批戶部知道單併發欽此

謹將陝西省道光七年分徵收新賦錢糧比較  
上三年完欠分數繕具清單恭呈

御覽

計開

一道光七年分額徵新賦地丁正項銀一百三十三萬九千四百一十六兩零截至奏銷止十分全完內造入七年秋撥銀九十九萬五千四百四十五兩零八年春撥銀三十三萬七千四百一十五兩零實貯庫銀六千五百

五十五兩零俟八年秋撥冊內造報候撥

計十分全完

一比較道光四年應徵銀一百三十三萬九千

四百二十兩零於是年奏銷前十分全完

計全完相等

一比較道光五年應徵銀一百三十三萬九百

四十七兩零於是年奏銷前十分全完

計全完相等

一比較道光六年應徵銀一百三十三萬一千

五百一十七兩零於是年奏銷前十分全完  
計全完相等

明倫彙編  
家範典  
卷六

三

護理陝西巡撫布政使 臣徐忻跪

奏爲查明司庫實存耗羨銀數循例奏

聞事竊照司庫耗羨收支動存各欸例應於奏銷地  
丁錢糧時恭摺具

奏茲查陝西省道光七年奏銷冊造司庫現存耗  
羨及缺官扣半養廉共銀八萬七千九百一十  
二兩零除將清冊咨部外謹循例恭摺具

奏並開繕清單敬呈

御覽伏乞

皇上聖鑒謹

奏

道光八年四月二十九日拜發五月十八日恭

遞六月初九日接奉

硃批知道了欽此

謹將陝西布政司庫道光七年分耗羨銀數開  
繕清單恭呈

御覽

計開

舊管

一存耗羨銀一十五萬七千三百五十八兩

零

一存缺官扣半銀一萬二千一百一十九兩

零



新收

一收耗羨銀二十四萬一千四百九十六兩

零

一收缺官扣半銀九千九百六兩零

開除

一支耗羨銀三十一萬六千六百二十二兩

零

一支缺官扣半銀一萬六千三百四十六兩

零

實在

- 一 存耗羨銀八萬二千二百三十二兩零
- 一 存缺官扣半銀五千六百七十九兩零

四庫全書

卷六

六

護理陝西巡撫布政使 臣徐忻跪

奏爲陝西省道光七年應徵並帶徵錢糧數目循

例具

奏仰祈

聖鑒事竊照向例辦理錢糧奏銷應將每年完欠數

目分晰具

奏歷經遵照在案茲據署布政使方載豫詳稱陝

西省道光七年分應徵地丁正耗銀一百八十

六萬九千四百九十八兩零本色糧一十九萬

八千五百八十七石零本色草一萬五千六百  
三十二束零又帶徵道光六年緩徵本色糧七  
十六石零本色草一百一十七束零具已全數  
通完等情具詳前來 臣覆核無異理合恭摺具  
奏並將已完銀糧數目繕具簡明清單恭呈

御覽伏乞


皇上聖鑒謹

奏

道光八年四月二十九日拜發五月十八日恭

遞六月初九日接奉

硃批戶部知道單併發欽此



Vertical text or markings on the right edge of the page, possibly bleed-through from the reverse side.

謹將陝西省道光七年應徵並帶徵正耗銀糧等項細數開繕清單恭呈

御覽

計開

應徵道光七年銀糧等項已完數目

一道光七年額徵地丁等項銀一百六十二萬七千一百七十一兩零現已通完

一道光七年額徵耗羨銀二十三萬九千八百八十八兩零現已通完



一道光七年額徵糯米折價銀二千四百三十  
九兩零現已通完

一道光七年額徵本色糧一十九萬八千五百  
八十七石零現已通完

一道光七年額徵本色草一萬五千六百三十  
二束零現已通完

以上道光七年應徵正耗銀糧草束

共已完銀一百八十六萬九千四

百九十八兩零已完糧一十九萬

八千五百八十七石零已完草一

萬五千六百三十二束零

一帶徵道光六年緩徵本色糧七十六石零現  
已通完

一帶徵道光六年緩徵本色草一百一十七束  
零現已通完

史記卷一百一十五  
留侯世家

卷一百一十五

留侯世家

護理陝西巡撫布政使臣徐炘跪

奏爲恭報西安等九府州屬二麥約收分數仰祈  
聖鑒事竊照二麥約收分數例應先期恭摺

奏報茲據西安鳳翔同州漢中興安商州邠州鄜  
州乾州九府州將所屬二麥約收分數開摺具  
報並據署藩司彙詳前來臣覆加查核統計西  
安等九府州屬七十二廳州縣多寡牽算約收  
七分有餘謹繕清單恭呈

御覽至延安榆林綏德三府州屬節氣較遲向來均

於開報實收分數時一併具報合併陳明理合  
恭摺具

奏伏乞

皇上聖鑒謹

奏

道光八年五月初四日拜發十五日恭遞二十  
八日接奉

硃批覽欽此

謹將陝西省道光八年西安等九府州屬二麥  
約收分數開繕清單恭呈

御覽

計開

約收九分有餘者

咸寧長安三原鄠縣四縣

約收九分者

高陵一縣

約收八分有餘者

臨潼渭南藍田盩厔興平咸陽富平醴泉涇  
陽郿縣鳳翔麟遊扶風寶雞岐山大荔澄城  
白水蒲城韓城武功長武二十二縣

約收八分者

郃陽永壽三水三縣

約收七分有餘者

耀州孝義寧陝朝邑華陰華州潼關隴州汧  
陽商州山陽漢陰乾州城固定遠西鄉褒城  
洋縣鄜州洛川邠州淳化二十二廳州縣

約收七分者

平利一縣

約收六分有餘者

紫陽洵陽白河石泉磚坪雒南商南鎮安南  
鄭畧陽寧羌留壩佛坪鳳縣沔縣宜君中部

同官十八廳州縣

約收六分者

安康一縣

以上西安等九府州屬七十二廳州縣多



寡率算二麥約收七分有餘

護理陝西巡撫布政使 臣徐忻跪

奏爲查明陝省承辦兵差尤爲出力各員懇

恩量加鼓勵仰祈

聖鑒事竊照此次回疆辦理軍務自進征以至凱撤  
將及兩載閱時旣久應付紛紜陝西與甘省毘  
連爲蘭州肅州兩局後路接應所有調撥京營  
東三省勁旅山東四川綠營官兵及本省駐防  
西安漢中延綏各標滿漢官兵並先後撥解軍  
裝軍械馬匹及代購布疋代雇騾駝轉送庫餉

局錢接解京外各路餉項頭緒繁多供支絡繹  
各該員倍加黽勉均無貽悞欣值凱撤全竣永  
靖邊陲除欽遵

諭旨將在事出力各員分別等差咨部照例請叙外

其尤爲出力者臣與署藩司方載豫署臬司何

承薰逐一確核查有出入陝境首站之潼關廳  
同知張聰賢乾州直隸州知州鮑珊邠州直隸  
州知州托恩多三員均係支應往返兵差始終  
一手經理並有督率所屬之責一切料理周妥

張聰賢鮑珊在陝西年久熟悉情形相應仰懇  
聖主天恩將張聰賢鮑珊二員

賞加知府銜以應陞之缺留於本省陞用托恩多一  
員以應陞之缺歸部遇缺選用又長安縣知縣  
郭維暹先在署涇陽縣任內承辦採買布疋雇  
備驛駝迨調任首邑後接辦凱撤兵差奮勉盡  
心咸寧縣知縣李肇慶先在長武縣任內承辦  
進征兵差頗著勤能嗣經調補今職又復接辦  
凱撤一切差務詳慎安速署華陰縣事榆林縣

知縣魏駿猷承辦進征凱撤兵差始終勤奮不  
辭勞瘁應懇

恩將郭維暹李肇慶二員以同知直隸州陞用先換  
頂戴魏駿猷一員

賞加知州銜再查大批舉人候補知縣吳汝昌教習  
候補知縣張肇元候補縣丞魏一德或承辦兵  
差或照料車馬或雇備駝隻均能實心竭力著  
有微勞懇

恩將吳汝昌張肇元二員以知縣卽補魏一德一員

以縣丞卽補以上九員實屬較衆倍爲勤奮臣

與督臣楊遇春撫臣鄂山往返札商意見相同

可否

俯賜分別鼓勵之處伏候

欽定所有查明承辦兵差尤爲出力各員謹據實恭

摺具

奏伏乞

皇上聖鑒謹

奏

道光八年五月初四日拜發十五日恭遞二十

八日接奉

硃批另有旨欽此

道光八年五月十六日內閣奉

上諭徐炘奏承辦兵差尤爲出力各員請量加鼓勵  
一摺陝西省此次承辦進征及凱撤兵差各員據  
護撫查明尤爲出力者懇請恩施潼關廳同知張  
聰賢乾州直隸州知州鮑珊俱著賞加知府銜以  
應陞之缺留于該省陞用邠州直隸州知州托恩  
多著以應陞之缺歸部遇缺選用長安縣知縣郭  
維暹咸寧縣知縣李肇慶俱著以同知直隸州陞  
用先換頂戴署華陰縣事榆林縣知縣魏駿猷著



賞加知州銜候補知縣吳汝昌張肇元俱著以知  
縣卽補候補縣丞魏一德著以縣丞卽補該部知  
道欽此

再西安鎮總兵得志督糧道尹佩珩經前署督  
臣鄂山奏派護解首逆張格爾出入陝境該鎮  
道因責任重大先期馳赴西路交界處所於四  
月初三日由甘省涇州接護至陝西長武縣入  
境於十五日送出潼關廳移交河南委員接解  
長途一手照料中間並無更替除總兵得志係  
專闖大員且本有花翎不敢仰邀

恩獎外至糧道尹佩珩自前年到任後兩次接解京  
餉三百萬兩均經委令該道親行解赴甘省交

涇州轉解並無舛誤其所屬西安乾州各州縣  
辦理凱撤及一切兵差該道實力督率悉臻妥  
協此次解送首道防範倍爲周密實屬勤慎出  
力可否仰懇

鴻慈量加鼓勵之處出自

聖主天恩理合據實附片奏

聞謹

奏

同日奉

硃批另有旨欽此

道光八年五月十六日內閣奉

上諭徐炘奏鎮道護解首逆並督辦兵差出力請量  
加鼓勵等語西安鎮總兵得志督糧道尹佩珩護  
解首逆張格爾出入陝境沿途防範周密實爲勤  
慎出力得志本有花翎著交部議叙尹佩珩先經  
接解京餉並督屬辦理一切兵差悉臻妥協著賞  
戴花翎欽此

四庫全書  
卷之二

一

護理陝西巡撫布政使臣徐炘跪

奏爲恭報雨水糧價情形仰祈

聖鑒事竊照陝西省三月分雨水糧價情形業經臣

恭摺具

奏在案茲據西安延安鳳翔漢中榆林同州興安

商州邠州乾州鄜州綏德十二府州屬具報於

四月初四日初五日十二日至十九日至二十一

日二十四日二十六日至二十九日先後得雨

自一二寸至四五寸及深透不等臣查二麥正

值成熟之際節次雨澤頻霑穗粒倍臻圓足現  
已次第刈獲登場山境平原秋禾一律長發市  
集糧價平減民氣恬熙堪以仰慰  
宸懷謹將四月分糧價敬繕清單恭呈

御覽伏乞

皇上聖鑒謹

奏

道光八年五月二十九日拜發六月初十日恭  
遞二十四日接奉

殊批知道了欽此

今奉旨回京

臣



平 江 府 志 卷 之 一 十 一

十一

再陝西省收捐監生銀兩自嘉慶五年三月開捐起至道光八年三月底止共收捐監銀二百二十四萬五千六百九十兩除節次動用外實存銀四千六百八十兩業經臣附片

奏明在案今道光八年四月分又收捐監銀四千八十兩連前共存銀八千七百六十兩俟奏足五萬兩卽欽遵

諭旨解赴甘肅藩庫交納理合附片奏

聞謹

行...  
...

三

奏

同日奉

硃批覽欽此

護理陝西巡撫布政使 臣徐忻跪

奏爲本年錢糧現已徵完過半循例恭摺奏

聞事竊照嘉慶八年五月內經戶部奏准令各省於  
 每年五月內將徵完舊欠及當年新糧徵完若  
 干專摺奏明等因歷經遵照在案查陝西省徵  
 完舊欠錢糧數目業經 臣於本年奏銷時恭摺  
 奏明在案茲據署布政使方載豫詳稱道光八年  
 分應徵民屯更起運存留共銀一百六十萬九  
 千七百一十四兩零內除咸長等二十二廳州

縣蠲免存留銀五萬九千二百三十一兩零又  
除蠲免起運銀二十三萬三千七百一十三兩  
零實止應徵存留銀二十一萬八千九百六十  
五兩零實徵起運銀一百九萬七千八百四兩  
零自二月開徵起至五月止現已徵貯司庫銀  
七十五萬九千五百一十六兩零統計徵解新  
賦六分有餘已逾上忙應徵一半之數仍未完  
銀三十三萬八千二百八十七兩零等情臣覆  
核無異除將未完銀兩責令該管道府州於下

忙秋徵時督催依限完解外所有道光八年額  
徵錢糧已未完數目理合循例恭摺具

奏伏乞

皇上聖鑒謹

奏

道光八年五月二十九日拜發六月初十日恭  
遞二十四日接奉

硃批知道了欽此

--	--	--

1  
 2  
 3  
 4  
 5  
 6  
 7  
 8  
 9  
 10  
 11  
 12  
 13  
 14  
 15  
 16  
 17  
 18  
 19  
 20  
 21  
 22  
 23  
 24  
 25  
 26  
 27  
 28  
 29  
 30  
 31  
 32  
 33  
 34  
 35  
 36  
 37  
 38  
 39  
 40  
 41  
 42  
 43  
 44  
 45  
 46  
 47  
 48  
 49  
 50  
 51  
 52  
 53  
 54  
 55  
 56  
 57  
 58  
 59  
 60  
 61  
 62  
 63  
 64  
 65  
 66  
 67  
 68  
 69  
 70  
 71  
 72  
 73  
 74  
 75  
 76  
 77  
 78  
 79  
 80  
 81  
 82  
 83  
 84  
 85  
 86  
 87  
 88  
 89  
 90  
 91  
 92  
 93  
 94  
 95  
 96  
 97  
 98  
 99  
 100

護理陝西巡撫布政使臣徐忻跪  
奏爲審明情切救護轉致誤斃父命之重犯按律  
定擬恭摺奏

聞仰祈

聖鑒事竊臣接據城固縣知縣俞逢辰詳報客民劉  
茵因其妻兄鮮成名鮮成佐向其父劉起義揪  
毆情切救護誤傷致斃等情臣以案關倫紀當  
卽批司提省審辦茲據署臬司何承薰率同西  
安府知府熊常醇審擬解勘前來臣提犯親訊



以香書三考正考一  
緣劉茵籍隸四川雲陽縣娶妻鮮氏寄居城固  
縣種地度日道光七年十一月初九日劉茵赴  
對門山坡砍柴詎其父劉起義因酒醉向其媳  
鮮氏拉手調姦鮮氏掙脫逃至山坡向劉茵哭  
告欲避居母家劉茵慮及張揚出醜勸俟搬往  
四川居住鮮氏應允回歸哭泣適其兄鮮成名  
鮮成佑走至見而追問鮮氏告知情由鮮成名  
等氣忿欲拉劉起義送官劉起義不依鮮成佐  
順拾柴塊毆傷劉起義左肱肘劉起義舉左腳

向踢鮮成佐又格傷其左臙肌劉起義接住柴塊扭奪鮮成名順抬門旁鐵鋤毆傷劉起義右胎膊劉起義釋手雜時劉茵負柴回歸趕向鮮成名奪過鐵鋤鮮成名復揪住劉起義髮辮往下揪按喝令鮮成佐毆打劉茵恐其父劉起義吃虧情切救護順用鐵鋤向鮮成名兩腿毆打鮮成名將身閃開致鐵鋤誤傷劉起義左臙肌倒地延至次早殞命劉茵畏罪將屍棺暫厝潛逃經該縣訪聞獲犯驗訊通詳鮮成名卽在保

病故飭提至省由府司審擬解勘臣提犯嚴審  
據劉茵供認無異恐其係有心干犯反復究詰  
矢口不移案無遁飾查律載子毆父殺者凌遲  
處死又嘉慶十八年山西省白鵬鶴誤傷伊母  
身死一案奉

旨著改爲斬立決欽此又道光二年貴州省隴阿候誤  
傷祖母身死一案奉

旨著改爲斬立決欽此又例載子誤殺父律應凌遲  
處死者仍照本律定擬援引白鵬鶴案內欽奉

諭旨及隴阿候案內欽奉

諭旨恭候

欽定等語此案劉茵之父劉起義因調姦子媳被鮮  
成名等毆傷均不至死迨該犯將鋤奪獲鮮成  
名又將劉起義揞按該犯向鮮成名鋤毆誤傷  
劉起義右臙朋骨斷殞命自應依律問擬劉茵  
合依子毆父殺者凌遲處死律凌遲處死惟犯  
父調姦子媳被毆該犯見而救護以致誤傷父  
命並非有心干犯核與白鵬鶴隴阿候兩案情

筋相同相應遵例聲明恭候

欽定鮮成名鮮成佐均係鮮氏服兄因劉起義向其  
妹鮮氏調姦將劉起義毆傷例得勿論鮮成名  
在保病故看役人等訊無凌虐情事應請免議  
無干省釋除全案供招咨部外所有審明定擬  
緣由理合遵照刑部議定章程恭摺具

奏伏乞

皇上聖鑒謹

奏

道光八年五月二十九日拜發六月初十日恭  
遞二十四日接奉

硃批刑部速議具奏欽此

月 廿五日 庚子年 八月 廿一日

三

再查川省查拏妄布邪言惑衆騙錢各犯業將  
首犯楊守一正法示衆其餘分別定擬完結陝  
西毘連川省誠恐在逃夥犯潛來避匿且查麟  
遊縣軍犯徐繼蘭係與楊守一同案傳徒作會  
之犯於本年二月間發配到陝難保無故智復  
萌亦有煽惑勾結情事臣當卽分飭各屬不動  
聲色留心嚴密稽查旋據留壩廳寧羌州並咸  
長兩縣耀州先後盤獲川省習教匪犯杜朋應  
萬登古李三升方存敬王雲耀王剛唐組燦鍾



瑞章王化濠李應顯何志連余三元徐惠先陳  
天鳳方運紅胡虔亨羅明章陳達名鄭子青徐  
士前屈文富二十一名並起獲經卷字跡具稟  
前來現經 臣督同署臬司何承薰親提嚴審並  
將發配麟遊縣軍犯徐繼蘭飭解來省質訊究  
明此外有無夥犯務淨根株除俟審明後按律  
分別定擬另行恭摺具

奏外所有現在獲犯審辦緣由理合附片奏

聞謹

奏

同日奉

硃批知道了欽此

陰  
書  
三  
考  
二  
卷  
一

二

護理陝西巡撫布政使臣徐忻跪

奏爲恭謝

天恩事竊臣接准吏部咨開道光八年五月十四日  
內閣奉

上諭此次軍營解俘逆囚張格爾來京自阿克蘇各  
城大臣以及陝甘河南直隸各督撫沿途接替派  
委員弁護解並一切支應諸臻妥協允宜量予恩  
施護理陝西巡撫徐忻著加恩交部從優議叙等  
因欽此臣跪誦之下望

關伏地碰頭感激悚惶莫能言喻伏念臣才識短  
淺極陋至愚叨蒙

聖主天恩俯加委任愧乏涓塵之効刻深臨履之兢  
欣值解送渠魁何敢稍疎防範關經百二義咸  
切于同仇俘獻

九重禮預襄夫

鉅典仰賴

聖謨之廣運伏除克罪之貫盈臣實鮮微勞猥邀

懋賞前此師旋釋甲已荷

甄叙優加何期

巽命重申載沐

隆施逾格材同樗櫟頻霑

雨露之滋培質本駑駘彌竭馳驅之心力惟有益加

黽勉倍矢慎勤以冀仰報

高厚鴻慈于萬一所有微感激下忱理合繕摺恭謝

天恩伏乞

皇上聖鑒謹

奏

道光八年六月初七日拜發十七日恭遞三十

日接奉

硃批知道了欽此

護理陝西巡撫布政使臣徐忻跪

奏爲接奉

諭旨恭摺覆

奏事竊臣於六月十八日承准

廷寄道光八年六月初十日奉

上諭此次酌增常例報捐分發人員於本月籤掣各省試用例應引見發往者共一百餘名其例不引見之佐雜人員爲數更多此後每月尚有陸續分發之員向例試用期滿該督撫鹽政甄別去留此



項捐納試用人員固未便過事苛求斷不可稍有姑容致滋冗濫著各該督撫鹽政等於該員等到省後畱心察看如有不識詩書或限於才識實難稱職者不必拘定年限隨時認真甄覈據實具奏將此各諭令知之欽此臣跪誦之下仰見

皇上權衡董正澄叙嚴明曷勝欽佩悅服伏思肅清吏治首重整飭官方此項援例人員旣已酌增其進身之階自應力除其濫竽之弊况設官所以爲民必須品學兼優賢能夙擅方爲才全德

備足資從政有爲否則或德勝於才或才勝於  
德苟有一長足取亦可量材器使因地制宜儻  
若鄙俗無知庸劣已甚豈可任令倖登仕版忝  
列宦途臣惟有恪遵

訓諭隨時認真甄覈不待屆滿例限不敢稍事姑容  
務期除冗濫而勵循良以仰副

聖主任官惟賢之至意理合恭摺覆

奏伏乞

皇上聖鑒謹

奏

道光八年六月二十二日拜發七月初三日恭

遞十七日接奉

硃批知道了欽此

護理陝西巡撫布政使臣徐忻跪

奏爲恭報雨水糧價情形仰祈

聖鑒事竊照陝西省四月分雨水糧價情形業經臣

恭摺具

奏在案茲據西安延安鳳翔漢中榆林同州興安

商州邠州乾州鄜州綏德十二府州屬先後具

報於五月初八日至十一日十五日二十日二

十二日至二十九日連次續得雨澤自一二寸

至四五寸及深透不等臣查二麥碾收已畢復

得甘澍頻霑禾苗包穀藉資接潤滋培一律出  
土長發市集糧價平減民氣恬熙堪以仰慰  
宸懷謹將五月分各屬糧價敬繕清單恭呈  
御覽伏乞

皇上聖鑒謹

奏

道光八年六月二十二日拜發七月初三日恭  
遞十七日接奉

硃批知道了欽此

再陝西省收捐監生銀兩自嘉慶五年三月開捐起至道光八年四月底止共收捐監銀二百二十四萬九千七百七十兩除節次動用外實存銀八千七百六十兩業經臣附片

奏明在案今道光八年五月分又收捐監銀三千兩連前共存銀一萬一千七百六十兩俟湊足五萬兩卽欽遵

諭旨解赴甘肅藩庫交納理合附片奏

聞謹

奏

同日奉

硃批覽欽此

護理陝西巡撫布政使臣徐炘跪

奏爲本年上忙徵收新舊錢糧已未完數目循例

恭摺具

奏仰祈

聖鑒事竊照嘉慶二十年六月內經戶部奏准行令各省於每年上下忙應徵錢糧除留支外實應解司銀數分別正課雜項依限詳報督撫二十日內專摺具奏等因茲據署布政使方載豫詳報道光八年分額徵民屯更起存並糧折價除



屯丁兌食外共銀一百六十萬九千七百一十四兩零內除咸寧等二十二廳州縣蠲免存留銀五萬九千二百三十一兩零又除蠲免起運銀二十三萬三千七百一十三兩零實止應徵存留銀二十一萬八千九百六十五兩零應徵起運解司銀一百九萬七千八百四兩零計自二月開徵起至上忙截數止已完解司銀七十五萬九千五百一十六兩零未完銀三十三萬八千二百八十七兩零又原額鹽課銀八千九

百八十兩零今上忙已完解司銀一千八百九十三兩零未完銀七千八十七兩零又帶徵道光七年原未完民屯更起運銀六千五百五十五兩零今上忙全數通完又帶徵道光七年原未完鹽課銀二千四百三兩零今上忙全數通完等情具詳前來臣覆核無異除將未完銀兩責令該管道府州於下忙秋徵時督催依限完解外所有道光八年分上忙徵收新舊錢糧已未完數目理合循例恭摺具

奏伏乞

皇上聖鑒謹

奏

道光八年六月二十二日拜發七月初三日恭

遞十七日接奉

硃批戶部知道欽此

護理陝西巡撫布政使 臣徐忻跪

奏爲甄別聽斷不明難膺民社之知縣請

旨勒令休致以肅吏治事竊照知縣爲親民之官必須通達政務明慎有爲方足以資治理 臣與署藩臬兩司於所屬各縣隨時畱心訪察不敢稍有疎忽茲查有安塞縣知縣陳翰升人本平庸自到任後於地方一切事宜辦理未能妥協所斷詞訟案件鄉民赴府申訴者月有數起經該管知府隨時訊結核其原斷情節實欠平允以

致輿論未能翕服且其性情偏執徇縱親丁難  
膺民社之任未便稍事姑容相應請

旨將安塞縣知縣陳翰升勒令休致以示懲戒所遺  
員缺係屬簡缺陝省現有應補人員容俟另行

恭疏具

題請補除飭查該員經手事件有無未清照例核  
辦外臣謹會同督臣楊遇春撫臣鄂山合詞恭  
摺具

奏伏乞

皇上聖鑒謹

奏

道光八年六月二十二日拜發七月初三日恭  
遞十七日接奉

硃批另有旨欽此

正書寶考



卷一

七

道光八年七月初四日內閣奉

上諭徐忻奏甄別知縣一摺陝西安塞縣知縣陳翰  
升聽斷不明難膺民社著卽勒令休致該部知道  
欽此



陰曆書年考  
卷一

十三

奏

奏  
臣  
等  
謹  
奏

護理陝西巡撫布政使臣徐忻跪

祝

皇上萬壽萬壽

進

人 物 志 卷 之 一

進

七

陝西巡撫布政使臣徐忻跪

進

延長麪六箱

安康茶一百瓶

百合粉五匣

藕粉五匣

灰鼠皮一千張

銀鼠皮一千張

珍珠皮一千張

護理陝西巡撫布政使 臣 徐忻跪

奏爲恭報雨水糧價情形仰祈

聖鑒事竊照陝西省五月分雨水糧價情形業經 臣

恭摺具

奏在案茲據西安延安鳳翔漢中榆林同州興安  
商州邠州乾州鄜州綏德十二府州屬先後具  
報六月上旬初二日初五日至初八日中旬  
十一日至十九日下旬二十一二十二日二十四五  
日二十九三十日疊次得雨自一寸至五寸及

深透不等 臣查陝省自入夏以後暄潤相濟南  
北山暨平原各屬所種秋禾包穀均漸次長發  
市集糧價中平民情安貼堪以仰慰

宸懷謹將六月分各屬糧價敬繕清單恭呈

御覽伏乞

皇上聖鑒謹

奏

道光八年七月十四日拜發二十五日恭遞八  
月初十日接奉


殊批知道了欽此

大清高宗純皇帝

御批

三





再陝西省收捐監生銀兩自嘉慶五年三月開捐起至道光八年五月底止共收捐監銀二百二十五萬二千七百七十兩除節次動用外實存銀一萬一千七百六十兩業經臣附片

奏明在案今道光八年六月分又收捐監銀三千一百二十兩連前共存銀一萬四千八百八十兩俟湊足五萬兩卽欽遵

諭旨解赴甘肅藩庫交納理合附片奏

聞謹

奏

同日奉

硃批覽欽此

護理陝西巡撫布政使臣徐忻跪

奏爲審明習教不悛之軍犯及由川潛來陝省之

逸匪按律分別定擬仰祈

聖鑒事竊照陝省留壩等廳州縣盤獲川省教匪楊  
守一案內逸犯杜朋應等二十一名先後飭解  
來省提集同案充軍在陝之徐繼蘭一犯質審

業經臣附片

奏明在案嗣又盤獲夥犯高明龍現村高新勝劉  
亦剛四名並投案首悔之馬亭輝等八名臣當

即督同署臬司何承薰西安府知府熊常錚逐  
一嚴訊緣徐繼蘭向在川省與楊守一以開示  
經作會傳徒經川省獲訊將楊守一擬發新疆  
徐繼蘭擬發邊遠充軍一同監禁聽候部議詎  
楊守一拘繫囹圄慮及遣發口外較內地尤苦  
又因彼時回疆軍務未竣正在奉文停遣輒起  
意與徐繼蘭商謀編造邪言布散勾結俟其赴  
配時糾約夥衆在途乘間搶劫嗣徐繼蘭先行  
起解發配來陝路過寧羌州與素識流寓在陝

向習邪經之高明會遇徐繼蘭囑其幫同傳徒  
如有同教川民踵至令卽容留通信高明應允  
徐繼蘭卽解赴配所麟遊縣安置適楊守一在  
監編造狂悖書詞破案其夥犯鍾瑞章李應顯  
方存敬陳達召何志連杜剛應鄭子青徐惠先  
龍現村萬登古李三升方運紅陳添奉王剛徐  
士前王化滌唐祖燦胡虔亨余三元王雲耀羅  
明章屈文富聞拏逃逸雇帶茹素之挑夫高新  
勝劉亦剛與尹正劉曰湖陸續潛至陝境該犯

等諭知徐繼蘭爲楊守一心腹均在寧羗向高明詢知徐繼蘭發配處所遂先後密赴麟遊縣探望與徐繼蘭籌商去向徐繼蘭卽主使將楊守一編就書詞轉爲散布又切記楊守一囑其糾衆搶刼之言以高明現在寧羗人地熟悉該處又係入陝首站當卽分派方存敬杜朋應萬登古龍現村李三升等前往寧羗一帶幫同高明糾約並探聽楊守一發遣過陝消息預備搶逃又遣令鍾瑞章李應顯尹正陳達名何志連

鄭子青徐惠先等潛赴西安一帶煽誘接應內  
惟方運紅陳添奉王剛徐士前王化隆唐祖燦  
胡虔亨余三元王雲耀羅明章屈文富十一犯  
畏懼未允各自分散其同赴西安各犯內尹正  
一名見省會稽查嚴密恐被識破旋即帶同劉  
曰湖逃往河南陝省民風素稱淳厚該犯等僅  
傳惑寄籍客民馬亭輝吳三祥李滄幹郭喜秦  
義和劉金王世豐張憨娃等八名卽被地方官  
盤獲並起出開示經十懺十報十願等邪書解



案所有被惑之客民旋卽聞風具結改悔赴官  
投首臣於訊取各犯供詞後隨開具尹正等年  
貌籍貫密致河南撫臣楊國楨飭屬截拏一面  
飭令西安府縣懸賞購線派差跟緝續據該府  
縣稟報並准楊國楨來咨業於河南孟津縣下  
古鎮地方將尹正劉曰湖二犯會同緝獲解赴  
豫省由河南撫臣審辦臣就陝省所獲各犯覆  
加嚴鞫並詰以此外有無同來夥黨及輾轉被  
惑徒衆據各犯僉供伊等甫圖煽誘爲日無多

除客民馬亭輝等八人外再無被惑徒衆亦無  
另有同來夥黨反覆究訊矢口不移案無遁飾  
查例載妄布邪言書寫張貼煽惑人心爲首者  
斬立決又一切左道異端煽惑人心爲從者改  
發回城給大小伯克及力能管束之回子爲奴  
又傳習邪教如具結改悔赴官投首者准其免  
罪倘再有傳習邪教情事卽按例加一等治罪  
各等語此案徐繼蘭先與楊守一作會傳徒充  
軍來陝到配後猶敢糾結夥犯將前在川省監

內與楊守一商同編造邪言分遣傳惑冀於楊  
守一起解過陝時乘間搶劫實屬怙惡不悛與  
楊守一厥罪維均自應按例問擬徐繼蘭合依  
妄布邪言書寫張貼煽惑人心爲首者斬立決  
例擬斬立決請

旨卽行正法以昭炯戒鍾瑞章李應顯方存敬陳達  
名何志連杜朋應鄭子青徐惠先龍現村萬登  
古李三升先在川省習學爲從破案潛逃來陝  
又復聽從徐繼蘭指使分投糾惑高明平日持

誦邪經與川省匪徒交結又聽從徐繼蘭通信容留齊心蓄謀同惡相濟均屬藐法以上十二犯應請照一切左道異端煽惑人心爲從者改發回城給大小伯克及力能管束之回子爲奴方運紅陳添奉王剛徐士前王化滌唐祖燦胡虔亨余三元王雲耀羅明章屈文富十一犯潛來陝省藏匿究明祇係在川習教並未聽從徐繼蘭主使糾約惑衆應請于鍾瑞章等遣罪上量減一等各杖一百徒三年遞回原籍定地充

徒折責安置高新勝劉亦剛二名訊未習教惟  
代邪匪挑負行李隨同茹素亦屬不合均請遞  
籍照不應重律杖八十加枷號一個月滿日折  
責發落交保管束馬亭輝吳三祥李澐幹郭喜  
秦義和劉金王世豐張憨娃八名被誘未久旋  
各具結改悔赴官投首應照例免罪發交地方  
官嚴加管束如再有違犯照例加等治罪起獲  
邪書字跡案結銷燬除全案供招咨部外所有  
審明定擬緣由謹會同督臣楊遇春撫臣鄂山

恭摺具

奏伏乞

皇上聖鑒勅部核覆施行謹

奏

道光八年七月十四日拜發二十五日恭遞八

月初十日接奉

硃批刑部速議具奏欽此

四庫全書

卷八

再臣於七月初九日承准

廷寄欽奉

上諭據步軍統領衙門奏拏獲鍾宗泰在山陽縣中  
村地方承領監生梅勝福資本與伊戚姚盛烈夥  
開店鋪有無其事是否確知其人取具切結覆奏  
等因欽此臣當卽遴員馳往確查該縣距省四  
百餘里除俟查明另行恭摺覆

奏外至陝省現獲各犯臣逐一嚴訊並無供稱籍  
隸廣西曾經問明開釋之犯復將周正歷等十



六犯姓名向該犯等訊問僉供並不認識惟訊據徐繼蘭鍾瑞章同供徐繼蘭與楊守一均係拜貴州龍里縣人袁無欺本名袁志謙爲師上年閏五月間楊守一等破案後袁志謙聞知川省查拏咨緝未敢停留又未敢復回原籍當有同夥新都縣人黃金榜將袁志謙送往湖北漢口因彼處人烟湊集商旅繁多希圖易于隱混黃金榜旋即回川述及袁志謙改爲姓吉扮作賣網客人在漢口一帶潛匿等語臣查步軍統

領衙門所拏袁志見一起訊明與袁大慶吳姓  
三人一同來京又鍾克奇一起內有袁姓六人  
該犯等行踪詭秘籍貫游移安知非卽係袁志  
謙黨羽又訊據鍾瑞章供稱楊守一曾令兩起  
人進京一起係陳芳榮戴大經及本京人王姓  
於本年二月中旬由成都東門外下船取道湖  
北河南行走一起係胡元慶王澤申於二月下  
旬亦從成都東門外下船由嘉定府約會余彪  
取道湖北河南進京等語計二起共有六人今

袁志見一起既與袁志謙姓名相似其袁大慶  
吳姓又與胡元慶名姓音字畧同或卽係該犯  
等更易姓名亦未可定京師重地尤未便任令  
潛踪溷跡謹訊取該犯等年貌籍貫據實奏

聞請

旨勅下貴州湖北並步軍統領順天府五城一體嚴  
密查拏務獲以淨根株除就近咨明河南四川  
兩省查緝外理合附片具

奏並將各逸犯年貌清單恭呈

御覽伏乞

聖鑒謹

奏

同日奉

硃批另有旨欽此



謹將陝省所獲習教各犯供出逸犯袁志謙等  
年貌籍貫開繕清單恭呈

御覽

計開

袁志謙年六十八歲貴州龍里縣人教徒稱爲  
無欺子推爲祖師身材中瘦長臉黑色黑齒  
蒼白三鬚駝背向看風水曾經川省咨緝貴  
州迄未弋獲

黃金榜年約三十餘歲四川新都縣人中身材

瓜臉黃色無鬚賣草帽生理向隨袁志謙在  
川省勸人習教未必遠逃大約總在成都隆  
昌新都嘉定屏山中江一帶曾經川省於審  
辦首犯楊守一案內容緝逸犯

陳芳榮年約五十歲內外四川仁壽縣人高大  
身材長臉黑色蒼白三鬚向在川省文殊院  
隔壁居住並無恒業

戴大經年約二十餘歲四川漢州人中身材瓜  
臉白色無鬚賣布疋雜貨生理

王姓年約三十餘歲京都人高身材圓臉紅白色無鬚向當長隨

胡元慶年約四十餘歲四川溫江縣人高大身材圓臉黃色微鬚向在省城小福建園居住本係賣措差弁熟悉進京路程因右足微跛早經斥退

余彪年約五十餘歲四川樂山縣人高大身材圓臉白色蒼白三鬚行醫生理

王澤申年約四十餘歲四川夾江縣人中身材



尖臉黃色微鬚敗紙生理

護理陝西巡撫布政使 臣 徐忻跪

奏爲遵

旨查明據實覆

奏事竊 臣 承准軍機大臣字寄道光八年七月初一日奉

上諭昨據步軍統領衙門奏拏獲搖鼓賣藥形跡可疑之周正歷等三起人犯共十六名皆係湖北黃安縣人訊據周正歷等一起人犯初供係廣西人及辨其語音嚴加詰訊始稱籍隸湖北黃安周正

歷於本年二月間在籍同金得有劉士元鍾派盛周正華等五人合夥同行由河南光州杞縣蘭陽一路隨處下鄉賣藥謊言看簪環卽知病症希圖騙人並據金得有供伊於嘉慶十八年間曾在河南光州固始商城等處賣藥卽用此術騙人鍾克奇等一起供係鍾克奇爲首邀同鍾光元鍾宗泰鍾宗福袁紹林袁紹柯袁紹意袁紹湯袁志康袁直斌等九人合夥商同騙人賣藥由河南汴梁衛輝一路來京袁志見一起係該犯與袁大慶吳姓

三人一同來京其二人已往別處賣藥未回不知去向並據鍾宗泰供伊於嘉慶十七年間在陝西商州山陽縣中村承領監生梅勝福資本與伊戚姚盛烈合夥開設布疋燒鍋店鋪二十二年拆夥回楚次年始改業賣藥等語河南陝西前此皆據四川省咨緝青蓮教內逸犯此案周正歷等同時外出結夥由河南一帶來京行蹤詭秘焉知非負罪潛逃之犯前此陝豫所獲犯內有無供稱籍隸廣西曾經問明開釋之犯著楊國楨將該犯在豫

省各處賣藥治病情形細加察訪有無煽惑情事切實查明並著徐炘將鍾宗泰在山陽縣中村地方承領監生梅勝福資本與伊戚姚盛烈夥開店鋪有無其事是否確知其人各取切結據實由驛覆奏將此各諭令知之欽此

臣查山陽縣係商州所屬距省四百餘里山路崎嶇當卽遴委因公在省之綏德州知州陳元煦會同商州知州恒亮前往山陽縣飭傳中村監生梅勝福民人姚盛烈欽遵查訊一面提集陝省所獲各犯逐一

研鞫並無籍隸廣西均與周正歷等十六犯素  
不認識業經臣附片

奏明在案茲據該委員等馳赴山陽縣傳集監生  
梅勝福等詳細訊問據梅勝福供稱該監生原  
籍安徽太湖縣於乾隆五十四年遷居山陽縣  
中村地方嘉慶十七年曾有湖北黃安縣人鍾  
七卽鍾宗泰同其表兄樊世清到中村地方賣  
布至十九年鍾宗泰與姚昇卽姚盛烈合夥  
各出資本六十千文又借伊錢三十千文租伊

店房夥開燒鍋布鋪屬實至二十二年鍾宗泰拆夥回籍道光六年十一月間同其族叔鍾克青堂弟鍾祖次卽鍾宗福復來中村討賬在姚盛烈家停住數日以後再未見面彼時並未聞其有習教情事亦未在山陽地方賣藥實不知有閱看簪環醫病騙人之事至其同夥之周正歷等均不知其姓名山陽縣亦無該犯夥黨等語質之姚昇立即姚盛烈供詞與梅勝福所供符合並據供稱鍾宗泰係其妻族姪道光六年

十一月間鍾宗泰同鍾克青鍾宗福至中村討  
賬曾在其家內住宿數日伊見其帶有藥包詢  
係改業賣藥並不知其有爲匪不法情事各具  
切結前來臣率同署臬司何承薰將該監生等  
覆加究詰矢口不移是鍾宗泰所供承領梅勝  
福資本與姚盛烈夥開店鋪及拆夥討賬等事  
均非虛捏惟閱看簪環卽能治病謊言騙人該  
監生等均向所未聞是其在陝拆夥以前之實  
事誠信而有徵而其回籍改業以後之行踪猶



懸而難定除取具切結存案外理合遵

旨據實恭摺由驛覆

奏並繕具供單恭呈

御覽伏乞

皇上聖鑒謹

奏

道光八年七月二十一日拜發八月初十日接

奉

硃批另有旨欽此

梅勝福供年四十八歲安徽太湖縣人援例捐  
納監生於乾隆五十四年遷居山陽縣中村  
地方嘉慶十七年有湖北黃安縣人鍾七卽  
鍾宗泰同他表兄樊世清挑布來到中村販  
賣就住在他姑夫姚昇立卽姚盛烈家十九  
年鍾宗泰與姚盛烈合夥租監生店房夥開  
燒鍋布鋪借過監生本錢三十千文每年房  
錢三千二百文到二十二年鍾宗泰與姚昇  
立拆夥回籍將他開鋪的外賬付與他表兄

樊世清討要樊世清仍在姚盛烈鋪內幫做生意道光六年十一月間鍾宗泰同他族叔鍾克青堂弟鍾祖次卽鍾宗福復來中村在姚盛烈家住過幾天鍾宗泰向他表兄樊世清收討鋪賬隨卽走了以後再沒見面他從前在中村並無習教不法的事他回去後如何謊言閱看簪環卽能治病及有無習教爲匪監生實不知道他現在同夥的周正歷們監生都不認識山陽縣也沒他的夥黨願具

切結所供是實

卷之三十一

七

七

有善堂

卷一

一百一十七

姚昇立卽姚盛烈供年五十八歲湖北黃安縣人嘉慶十二年到山陽縣中村地方十七年有妻之族姪鍾七卽鍾宗泰同他表兄樊世清到中村地方賣布住在小的家內十九年小的就合鍾宗泰各出本錢六十千文在中村街租賃梅勝福店房夥開合義恒號燒鍋布鋪生理因本錢不敷借過梅勝福錢三十千文到二十二年分夥鍾宗泰就同他父親鍾明道一路回去娶親鍾宗泰將所分外欠

賬目付他表兄樊世清討要樊世清就在中村與小的幫做生意道光六年十一月間鍾宗泰同他族叔鍾克青堂弟鍾祖次卽鍾宗福復來中村在小的家住了幾天小的見他拏有藥包問說是改業賣藥後來鍾宗泰向樊世清討要欠賬就回去了以後再沒有來他在中村並沒賣藥行醫也沒習教爲匪非法的事鍾宗泰是湖北黃安縣石頭灣人他父親名鍾明道他弟兄三人長宗元次卽宗

秦三尚幼小不知其名鍾宗泰現在同夥的  
周正歷們小的都不認識山陽縣也沒他的  
夥黨願具切結至鍾宗泰如何謊言閱看簪  
環卽能治病及拆夥改業以後有無聽從習  
教實在不能知道所供是實



臣等謹將三卷正

二

2-261

軍機大臣 字寄

護理陝西巡撫徐 道光八年八月初一日奉

上諭徐所奏遵旨查訊鍾宗泰供出之梅勝福姚盛烈據供該犯鍾宗泰前在山陽縣中村地方借給資本夥開店鋪屬實並不知其有習教不法情事各具切結等語該撫現訊梅勝福等供詞與鍾宗泰在京所供俱屬脗合此時無可訊問之處著徐所即將梅勝福姚盛烈省釋現在飭查鍾宗泰等原籍尚未據該督等覆奏將來如再有應行訊問

梅勝福等之事不難立即傳訊未便拖累無辜也  
將此諭令知之欽此

護理陝西巡撫布政使臣徐忻跪

奏爲恭報雨水糧價情形仰祈

聖鑒事竊照陝西省六月分雨水糧價情形業經臣

恭摺具

奏在案茲據西安延安鳳翔漢中榆林同州興安  
商州邠州乾州鄜州綏德十二府州屬先後具  
報七月上旬初二日至初五日中旬十一二三  
日十五六日十八九日二十日下旬二十四日  
至二十七日連次得雨自一寸至四寸及深透

三三三三三三三三三三三三三三三三  
不等臣查陝省自入秋以來平原微形望澤所  
喜南北山包穀雜糧一律長發暢茂民氣恬熙  
堪以仰紓

宸廩謹將七月分各屬糧價敬繕清單恭呈

御覽伏乞


皇上聖鑒謹

奏

道光八年八月二十二日拜發九月初四日恭  
遞十八日接奉

硃批知道了欽此

八  
七  
六  
五  
四  
三  
二  
一



再陝西省收捐監生銀兩自嘉慶五年三月開捐起至道光八年六月底止共收捐監銀二百二十五萬五千八百九十兩除節次動用外實存銀一萬四千八百八十兩業經臣附片奏明在案今道光八年七月分又收捐監銀八千六百四十兩連前共存銀二萬三千五百二十兩俟湊足五萬兩卽欽遵

諭旨解赴甘肅藩庫交納理合附片奏

聞謹



奏

同日奉

硃批知道了欽此

再查鎮安縣於六月初六日山水漲發縣城西門外之虹花橋左右猝被淹浸又山陽縣屬之漫川關於六月十八日河水漫溢上岸經該二縣親往履勘均旋即消退禾苗並未傷損又潼關廳屬之南阿彪屯華陰縣屬之柳灣水峪等七村堡於七月初五日間被冰雹又神木縣屬之閻家山等十三村庄於初四日間有被雹處所經該廳縣勘明爲時未久勢甚輕微實係一隅中之一隅俱不致成災其中有無力貧民各

該廳縣等已逐一查明捐廉妥爲撫卹無庸再  
行調劑民情甚爲安貼理合附片奏

聞謹

奏

同日奉

硃批知道了欽此

護理陝西巡撫布政使臣徐炘疏

奏爲恭報陝西秋禾約收分數仰祈

聖鑒事竊照秋禾約收分數例應先行恭摺

奏報茲據西安延安鳳翔漢中榆林同州興安商

州邠州乾州鄜州綏德十二府州將所屬秋禾

約收分數開摺呈報由司具詳前來臣覆加查

核統計陝西各屬九十一廳州縣多寡牽算約

計收成七分有餘理合繕具清單恭呈

御覽伏乞

皇上聖鑒謹

奏

道光八年八月二十二日拜發九月初四日恭

遞十八日接奉

硃批覽欽此

謹將道光八年西安等十二府州屬秋禾約收  
分數開列清單恭呈

御覽

計開

約收九分有餘者

盩厔一縣

約收九分者

鄠縣一縣

約收八分有餘者

寧陝藍田隴州留壩南鄭城固西鄉沔縣畧  
陽韓城華州華陰安康白河紫陽商南一十  
六廳州縣

約收八分者

渭南寧羌潼關商州四廳州縣

約收七分有餘者

孝義鳳翔麟遊佛坪定遠洋縣鳳縣大荔朝  
邑磚坪漢陰平利洵陽石泉雒南山陽邠州  
長武永壽洛川綏德米脂二十二廳州縣

約收七分者

富平寶雞鎮安三縣

約收六分有餘者

咸寧長安咸陽興平臨潼高陵涇陽三原醴

泉同官耀州膚施安塞甘泉保安延長靖邊

岐山扶風郿縣汧陽褒城榆林葭州懷遠白

水蒲城三水乾州武功邠州中部宜君清澗

三十四州縣

約收六分者



安定淳化二縣

約收五分有餘者

宜川延川定邊神木府谷郃陽澄城吳堡八

縣

以上西安等十二府州九十一廳州縣多

寡牽算秋禾約收七分有餘

護理陝西巡撫布政使臣徐忻跪

奏爲西安省會城垣如式捐脩完竣恭摺奏

聞仰祈

聖鑒事竊照西安省城爲全秦保障因閱時旣久漸

次燧陷坍塌經臣與前署藩司顏伯燾署臬司

何承薰籌議在於西安同州鳳翔三府屬勸捐

興脩會同前署督臣鄂山恭摺具

奏並聲明俟工竣後將捐脩數目分別等差照例

籲懇

天恩獎勵欽奉

硃批俟奏到時再降諭旨欽此當卽行司移飭該管道府督率印委各員妥速興脩去後茲據詳報脩理完竣臣卽會同西安將軍薩秉阿率同司道等親詣勘驗丈量所有前次坍塌段落二千餘丈及馬道卡房角樓塚口女牆並北門頭重大樓接連城臺券洞坍塌十二丈均照舊式脩理完整尙有續行增添之工不在原估之內者亦皆一律脩補堅固拆視外皮磚灰層數及裏

面土胎包築處所俱按照工程做法毫無偷減  
洵足以經久遠而資捍衛查定例與成案士民  
捐資脩城十兩以上者賞給花紅三十兩以上  
者獎以匾額五十兩以上者申報上司遞加獎  
勵捐至三四百兩者奏請給以八品頂戴其本  
有頂戴者給予議叙捐銀一千兩以上者酌給  
職銜優叙今興脩西安省城共捐銀十二萬四  
千五百九十七兩經臣等督率工員撙節估用  
銀十一萬六千五百六十二兩零餘剩銀八千

三十四兩零發商生息留爲歲脩之用該紳民等急公慕義量力捐資各抒芹曝之微誠勉効梓桑之善舉允宜量加鼓勵其捐銀在三百兩以下者應由臣及該管各衙門照例辦理至捐銀在三百兩以上之紳民並地方官捐廉首倡者謹開繕清單恭呈

御覽合無仰懇

聖主恩施交部分別酌給議叙以昭獎勵至此項工程係屬紳民捐脩應請毋庸報銷所有西安省

會城垣如式捐脩完竣緣由謹會同督臣楊遇春撫臣鄂山合詞恭摺具

奏伏乞

皇上聖鑒謹

奏

道光八年八月二十二日拜發九月初四日恭遞十八日接奉

硃批吏部議奏欽此

RESEARCH

1981

11/11

謹將捐修城工銀數自三百兩至一千兩以上  
紳民並官捐姓名開具清單恭呈

御覽

計開

大荔縣候選通判李汝樞捐銀一千七百兩

渭南縣生員嚴焯捐銀一千二百兩

朝邑縣草生謝溫捐銀一千二百兩

咸寧縣議叙州同職銜晁凝福捐銀一千兩

咸陽縣監生程一夔捐銀一千兩



臨潼縣監生宋春隆捐銀一千兩

渭南縣從九品賀汝祥捐銀一千兩

富平縣州同職銜劉玉琦捐銀一千兩

華州生員吳啟蒙捐銀七百兩

蒲城縣郎中職銜張聯捷捐銀七百兩

咸寧縣民人賀萬年捐銀六百兩

咸陽縣貢生李維清捐銀六百兩

岐山縣貢生宋象郊捐銀六百兩

咸寧縣監生于文燦捐銀五百兩

長安縣民人李含馥捐銀五百兩

民人高景淳捐銀五百兩

三原縣候選教諭劉映蔭捐銀五百兩

渭南縣監生趙郁炤捐銀五百兩

民人嚴鐸捐銀五百兩

朝邑縣生員張星浩捐銀五百兩

民人薛迎瑞捐銀五百兩

民人王協恭捐銀五百兩

民人劉照清捐銀五百兩

邵陽縣捐職守禦所千總黨雙世捐銀五百兩

韓城縣童生牛琨捐銀五百兩

華州童生姬慶篤捐銀五百兩

蒲城縣州判職銜楊殿輝捐銀五百兩

鳳翔縣童生白源長捐銀五百兩

邵陽縣遊擊職銜王景清捐銀四百八十兩

岐山縣同知職銜郭命嘉捐銀四百五十兩

咸陽縣附生劉調元捐銀四百兩

臨潼縣縣丞職銜段文燦捐銀四百兩

民人丁長隆捐銀四百兩

三原縣候補中書李錫齡捐銀四百兩

同知職銜胡錫爵捐銀四百兩

生員郭景儀捐銀四百兩

童生武燧捐銀四百兩

渭南縣民人杜映梅捐銀四百兩

大荔縣捐 封三品張鳳儀捐銀四百兩

遊擊職銜李懷瑾捐銀四百兩

同知職銜杜佩棟捐銀四百兩

理問職銜張星耀捐銀四百兩

理問職銜趙有玉捐銀四百兩

朝邑縣民人李慶祥捐銀四百兩

民人雷酉金捐銀四百兩

澄城縣候選員外郎東榮震捐銀四百兩

民人高瑞麟捐銀四百兩

韓城縣童生蘇勇祥捐銀四百兩

華陰縣同知職銜郝世隆捐銀四百兩

武生劉澄清捐銀四百兩

蒲城縣光祿寺署正職銜王紱捐銀四百兩

監生惠官灑捐銀四百兩

岐山縣州同職銜曹嘉珍捐銀四百兩

鳳翔縣童生鄭士豐捐銀三百六十兩

咸寧縣童生李福德捐銀三百五十兩

扶風縣童生劉兆吉捐銀三百二十兩

咸寧縣貢生王振聲捐銀三百兩

監生賀萬鎰捐銀三百兩

臨潼縣監生余大成捐銀三百兩

武生周萬成捐銀三百兩

民人蒲忠孝捐銀三百兩

三原縣議叙從九品職銜張連瑞捐銀三百兩

議叙從九品職銜張楹捐銀三百兩

童生劉映菁捐銀三百兩

渭南縣前任河南州判劉乙丙捐銀三百兩

貢生劉全銳捐銀三百兩

武生田增蔚捐銀三百兩

富平縣生員井長清捐銀三百兩

醴泉縣遊擊職銜呂大武捐銀三百兩

同知職銜張屏藩捐銀三百兩

潼關廳商民陳彞鼎捐銀三百兩

商民常灼捐銀三百兩

朝邑縣工部主事謝正原捐銀三百兩

武生李遇龍捐銀三百兩

邠陽縣貢生安曰昌捐銀三百兩

武生譚連登捐銀三百兩

民人黨廷紀捐銀三百兩



澄城縣民人同逢清捐銀三百兩

華州貢生趙順興捐銀三百兩

華陰縣布政司理問職銜員行西捐銀三百兩

布政司經歷職銜郝頴振捐銀三百兩

蒲城縣捐 封二品惠繼常捐銀三百兩

岐山縣廩生楊建寅捐銀三百兩

扶風縣知縣袁汝嵩倡捐銀一千兩

署岐山縣事沔縣知縣徐通久倡捐銀四百兩

署麟遊縣知縣秦紹成倡捐銀三百六十兩

鄆縣知縣褚裕仁倡捐銀三百兩

鄆縣知縣褚裕仁

倡捐銀三百兩

鄆縣知縣



再查此項城工經臣與署藩臬兩司遴委綏德州知州陳元煦佛坪廳同知景梁曾來省承辦曾經咨部在案該二員熟諳工程誠實可靠在工半載有餘事事俱歸核實在在不容草率實屬奮勉出力不辭勞瘁查綏德州知州陳元煦前因辦理哈密軍需經辦事大臣恩銘保奏奉旨以知府陞用本係留於陝西遇缺卽陞之員佛坪廳同知景梁曾俟佛坪廳邊俸五年期滿歸部卽行推陞知府之員可否仰懇

吟香書室奏疏

卷二

三

鴻施將該二員先換知府頂戴之處出自

聖主天恩臣謹附片奏

聞謹

奏

同日奉

硃批另有旨欽此

道光八年九月初六日奉

上諭徐忻奏承辦城工委員請先換頂帶等語陝西  
綏德州知州陳元勳前因辦理軍需經恩銘奏准  
以知府陞用佛坪廳同知景梁曾俟邊俸五年期  
滿應歸部推升知府茲據徐忻查明該二員辦理  
城工奮勉出力著加恩准其先換知府頂帶以示  
鼓勵欽此

吟香書室奏疏

卷六

三

護理陝西巡撫布政使臣徐忻跪

奏爲應建州判衙署改動耗羨銀兩循例奏

聞事竊照陝西鄜州所屬王家角地方移駐州判應  
建衙署前經委員勘估共需工料銀九百九十  
餘兩請於地丁銀內動支造冊咨部核議准辦  
在案嗣因欽奉

諭旨一切工程不准擅動地丁正項復經咨明戶部  
覆准改動耗羨惟動用銀數在五百兩以上應  
令自行奏明辦理等因臣查鄜州應建王家角




州判衙署共房二十九間並圍牆等項估需工  
料銀九百九十八兩九錢經部核議准辦亟應  
興修祇因改動耗羨銀兩數在五百兩以上應  
遵照部咨奏明辦理據署藩司方載豫詳請具  
奏前來臣覆核無異除俟工竣另行造銷外所有  
改動耗羨銀兩緣由理合循例恭摺具

奏伏乞

皇上聖鑒謹

奏

道光八年八月二十二日拜發九月初四日恭  
遞十八日接奉  
硃批知道了欽此



Handwritten text in a vertical column on the right side of the page, possibly a page number or a title. The text is difficult to read due to the high contrast and orientation.

再山西撫臣盧坤奏請於陝西撫標內選派諳  
悉速戰陣之千把總二三員並酌帶演放抬礮  
兵丁數名飭令來晉教演俾資學習等因欽奉  
諭旨允准臣當卽遴委守備景福明把總程芝並酌  
帶演放抬礮兵丁十名卽日啟程赴晉教演可  
期得力俟晉省兵丁熟習後卽令仍回原營當  
差理合附片奏

聞謹

奏

同日奉

硃批知道了欽此

新授山西巡撫臣徐忻跪

奏爲恭謝

天恩事竊臣接准吏部咨開道光八年八月十二日  
內閣奉

上諭山西巡撫員缺著徐忻補授徐忻候鄂山回任  
後再行交卸赴任等因欽此臣跪讀之下望

闕伏地碰頭感激悚惶莫知所措伏念臣畿輔庸  
愚毫無知識仰蒙

皇上畀以藩司鉅任到陝未久旋即護理撫篆迄今

兩載有餘涓埃未効疊荷

恩綸甄叙

寵遇優加茲復

簡命濯頌

授以封圻重寄沐

隆施之逾分實夢想所未期查山西土沃民淳惟巡

察之有方庶撫綏之無忝兼之整飭鹽務練習

操防在在均關緊要臣猥以菲材深懼弗克勝

任惟有倍矢慎勤事事實心實力以期仰報

高厚鴻慈於萬一除俟鄂山回任後再行交卸啟程  
籲懇

聖恩俯准

陛見恭候

訓示遵行所有微臣感激下忱謹繕摺恭謝

天恩伏乞

皇上聖鑒謹

奏

道光八年八月二十五日拜發九月初六日恭



遞十八日接奉

硃批著來見欽此

護理陝西巡撫山西巡撫臣徐忻跪

奏爲恭謝

天恩事竊臣於九月初八日由提塘賚到

頒賞

御筆御午門受俘禮成用誌七言十二韻墨刻一卷

臣當卽恭設香案望

闕叩頭祇領訖欽惟

皇上義正羣生

智周萬類渠魁擒縛仰

聖武之布昭邊徼肅清凜

天威之赫奕淨掃邪氛于鐵蓋祇獻元惡于

金闈

丙馭遙臨儀衛煥旌旗之采

午門麗正凱歌壯金鼓之聲洵千古之

鴻勳璇圖鏡朗闡七言之

鉅製壁府淵涵十二韻

綺思元音顧書萬本而誦萬遍卅三人雲臺烟閣成

承

一德而孚

一心臣快覩

奎文欣

顏珉刻瞻

天題之璀璨炳若日星摹

宸藻之煒煌章爲雲漢弄歲什襲莫名歡抃之私救

慶乂安永協昇平之頌所有

微臣

感激下忱謹

繕摺恭謝

天恩伏乞

皇上聖鑒謹

奏

道光八年九月十二日拜發二十一日恭遞十  
月初三日接奉

硃批覽欽此

護理陝西巡撫山西巡撫 臣徐忻跪

奏爲請補直隸州知州員缺仰祈

聖鑒事竊照邠州直隸州知州托恩多銓陞廣東搃  
運使司運同所遺員缺係簡缺應歸部選陝省  
現有軍營出力人員例得奏請補用 臣與署藩  
臬兩司查有寧羌州知州諸能定年五十六歲  
順天大興縣人祖籍浙江由安康縣知縣題陞  
今職前歲回疆不靖經 臣鄂山奏派調赴軍營  
辦理糧餉於克復喀什噶爾後經揚威將軍長

齡等保奏出力奉

旨以同知直隸州卽補欽此該員明幹有爲勤練勇  
往且係欽奉

諭旨以同知直隸州卽補之員無論應題應選缺出  
均應儘先補用以之請補邠州直隸州知州員  
缺實屬合例兼且人地相宜合無仰懇

天恩俯准以諸能定補授邠州直隸州知州於地方  
實有裨益如蒙

俞允照例給咨送部引

見謹會同督臣楊遇春撫臣鄂山合詞恭摺具

奏伏乞

皇上聖鑒謹

奏

道光八年九月十二日拜發請補邠州一摺二  
十一日發遞十月初三日接奉

硃批另有旨欽此



道光八年九月二十一日內閣奉

上諭徐炘奏揀員請補直隸州知州一摺著照所請  
陝西邠州直隸州知州准其以諸能定補授照例  
送部引見該部知道欽此

護理陝西巡撫山西巡撫臣徐忻跪

奏爲恭報雨水糧價情形仰祈

聖鑒事竊照陝西省七月分雨水糧價情形業經臣

恭摺具

奏在案茲據西安延安鳳翔漢中同州興安商州  
邠州乾州鄜州綏德等府州屬陸續具報八月  
初一日初七八日初十日十一日十九日二  
十日二十一日先後得雨自二寸至五寸及深  
透不等正值秋禾雜糧成熟之際雨水不致短

缺藉以潤澤滋培現已將次刈獲登場二麥亦  
乘時翻犁播種民情歡忭堪以仰慰

宸懷謹將八月分各屬糧價敬繕清單恭呈

御覽伏乞

皇上聖鑒謹

奏

道光八年九月二十三日拜發十月初三日恭

遞十三日接奉

硃批知道了欽此

再陝西省收捐監生銀兩自嘉慶五年三月開  
捐起至道光八年七月底止共收捐監銀二百  
二十六萬四千五百三十兩除節次動用外實  
存銀二萬三千五百二十兩業經臣附片  
奏明在案今道光八年八月分又收捐監銀七千  
六百八十兩連前共存銀三萬一千二百兩俟  
奏足五萬兩卽欽遵

諭旨解赴甘肅藩庫交納理合附片奏

聞謹

奏

同日奉

硃批覽欽此

再邠州直隸州知州托恩多銓陞廣東益運使  
司運同所遺員缺應卽委員接署以便令托恩  
多交卸啓程查有佛坪廳同知景梁曾堪以委  
令署理又朝邑縣知縣謝長年前赴雲南採運  
滇銅所遺員缺查有鎮安縣知縣楊慤堪以委  
令署理涇陽縣知縣邵琨前赴江蘇採運洋銅  
所遺員缺查有安定縣知縣唐廷鈺堪以委令  
署理據署藩臬兩司具詳請

奏前來除檄飭遵照外理合附片奏

聞謹

奏

同日奉

硃批覽欽此

護理陝西巡撫山西巡撫臣徐炘跪

奏爲陝省承辦凱旋兵差動支銀兩分案題銷完

竣仰祈

聖鑒事竊照陝省應付進征回疆各路官兵過境一

切供支核明實在用數按欵題銷業經

奏明在案所有存剩銀六萬五千三百二十四兩  
零留爲凱旋官兵各項支用另行專案報銷以  
期各清各欵毋稍牽混茲據署藩司方載豫等  
詳稱督同局員逐欵勾稽核實支用共續請銷



銀六萬九千七十九兩七錢四分八厘七毫均  
係按例造銷並無稍有浮濫現已陸續恭疏具  
題其原設支應局及委員經書等均概行裁撤查  
此次回疆軍務陝省共請撥銀四十四萬六千  
五百二十一兩九錢一分六厘又扣收平餘銀  
一千八百一十八兩四錢三分三厘九毫又扣  
回西安滿營並西安鎮標等營官兵多借俸裝  
銀一萬九千四十兩一錢四分二厘通共銀四  
十六萬七千三百八十兩零除供支進征官兵

請銷銀三十二萬三千三百三十六兩零請攤  
銀五萬九千六百七十九兩零今凱旋官兵續  
請銷銀六萬九千七十九兩零實存銀一萬五  
千二百八十四兩零尚有零星支用各欸應隨  
時報部核銷統俟將各營借支之項扣清後再  
行報部撥用所有承辦兵差之二十二廳州縣  
經署藩臬兩司及該管道府確查並無藉差挪  
移之弊理合會同督臣楊遇春撫臣鄂山合詞  
恭摺具

奏伏乞

皇上聖鑒謹

奏

道光八年九月二十三日拜發十月初三日恭

遞十三日接奉

硃批知道了欽此

護理陝西巡撫山西巡撫臣徐忻跪

奏爲陝省承辦兵差在事出力各員接准部咨行

令奏明分別議叙仰祈

聖鑒事竊照回疆辦理軍務自進征以至凱撤將及  
兩載各該員始終奮勉均無貽悞除尤爲出力  
者九員業經

奏蒙

聖恩俯加鼓勵其餘在事各員欽遵

諭旨分別等差咨部照例請叙茲臣接准部覆咨稱

各省辦理兵差出力各員均由該省督撫據實查明分別優次專摺奏明奉

旨後始分別給予議叙今陝西省並未專摺奏明未

便據咨核議等因臣查陝省支應兵差南路自

長武以至潼關又自寧羌以至畧陽北路自定

邊以至府谷應付紛繁供支絡繹各員等著有

微勞自應量予議叙臣查照部咨覆加確核或

辦進征凱撤往返兵差或僅辦進征及僅辦凱

撤分別優次據實恭摺具

奏並開繕清單恭呈

御覽伏乞

皇上聖鑒謹

奏

道光八年九月二十三日拜發十月初三日恭

遞十三日接奉

硃批另有旨欽此

道光八年十月初五日內閣奉

上諭徐忻奏承辦兵差各員請分別議叙一摺陝省

承辦兵差人員除尤爲出力者前經降旨加恩其餘在事各員令該撫分別等差查明辦理茲據開單具奏各該員等著有微勞自應量予恩叙所有開列一等之潼商道慶祿護理陝安道漢中府知府楊名颺延榆綏道楊簧西安府知府熊常鏞同州府知府徐名綬榆林府知府韋德成署西安府同知廣崇署華州知州郭守倫咸陽縣知縣段嘉謨醴泉縣知縣王汝弼岐山縣知縣陳堯書長武縣知縣陳夢蓮俱著交部從優議叙其列爲二等

之寧陝廳同知鄭謙商州直隸州知州恒亮鄜州  
直隸州知州吳鳴捷耀州知州張利溥署寧羌州  
知州趙廷俊臨潼縣知縣孫鳳署臨潼縣知縣劉  
用霖渭南縣知縣何耿繩高陵縣知縣恒熙署朝  
邑縣知縣謝長清郃陽縣知縣段士聰扶風縣知  
縣袁汝嵩署武功縣知縣吳承烈署永壽縣知縣  
滿德安沔縣知縣徐通久畧陽縣知縣金在紳署  
畧陽縣知縣郭熊飛署褒城縣寧羌州同趙秉權  
定邊縣知縣曾察遠靖邊縣知縣唐廷鈺懷遠縣



知縣陳兆麒神木縣知縣毛有猷府谷縣知縣馬  
疏候補知縣仇汝弼俱著交部議叙至另片稱陝  
省承辦兵差設立支應局現已事竣裁撤懇將始  
終奮勉之委員書吏等分別鼓勵石泉縣典史捐  
升府經歷趙樞捐納從九品錢崑瑤俱著歸部儘  
先選用候補未入流宋森棠著遇缺卽補書吏從  
九品銜馬吉祥著以從九品遇缺選用未入流銜  
紀桓書吏王遇時劉枚沈坤俱著以未入流遇缺  
選用該部知道欽此

謹將陝西省承辦兵差在事出力各員開繕清單恭呈

御覽

計開

潼商道慶祿

護理陝安道漢中府知府楊名颺

延榆綏道楊簧

西安府知府熊常錚

同州府知府徐名綬

人字部

字部

榆林府知府韋德成

署西安府清軍同知廣崇

署華州知州郭守倫

咸陽縣知縣段嘉謨

醴泉縣知縣王汝弼

岐山縣知縣陳堯書

長武縣知縣陳夢蓮

以上十二員承辦進征及凱撤往返兵差

堪列一等應請優叙

寧陝廳同知鄭謙

商州直隸州知州恒亮

鄜州直隸州知州吳鳴捷

耀州知州張利溥

署寧羌州知州趙廷俊

臨潼縣知縣孫鳳

署臨潼縣知縣劉用霖

渭南縣知縣何耿繩

高陵縣知縣恒熙

署朝邑縣知縣謝長清

邵陽縣知縣段士聰

扶風縣知縣袁汝嵩

署武功縣知縣吳承烈

署永壽縣知縣滿德安

沔縣知縣徐通久

署陽縣知縣金在紳

署畧陽縣知縣郭熊飛

署褒城縣寧羌州州同趙秉權

定邊縣知縣曾察遠

靖邊縣知縣唐廷鈺

懷遠縣知縣陳兆麒

神木縣知縣毛有猷

府谷縣知縣馬疏

候補知縣仇汝弼

以上二十四員或承辦進征兵差或承辦  
凱撤兵差或照料幫辦協濟兵差均屬出  
力堪列二等應請議叙

明倫彙編

卷二

三

再陝省承辦回疆兵差設立支應局該委員書  
吏等辦理支銷各案始終奮勉不辭勞瘁茲事  
竣裁撤所有石泉縣典史捐陞府經歷趙樞捐  
納從九品錢崑瑤可否歸部儘先選用候補未  
入流宋森棠可否遇缺卽補書吏從九品銜馬  
占祥可否以從九品遇缺選用未入流銜紀桓  
書吏王週時劉枚沈坤可否以未入流遇缺選  
用出自

聖主天恩理合附片奏



聞謹

奏

同日奉

硃批另有旨欽此

護理陝西巡撫山西巡撫臣徐忻跪

奏爲估建工程動用耗羨銀兩循例奏

聞事竊照漢中府屬畧陽縣城垣經臣會同前署督

臣鄂山

奏明移駐文家坪地方欽奉

諭旨准其照議移建新城並將舊坍廟宇等項一併  
於新城內相度基址勘估辦理等因欽此茲據署  
藩司方載豫詳稱畧陽縣應建

文廟計房三十九間並照壁牌坊泮池圍牆

先農壇計房三間並臺基大門圍墻

社稷壇

神祇壇各臺基大門圍墻等項經委員署沔縣知縣任廷傑會同該縣知縣郭熊飛逐一履勘按例擗節確估通共估需工料銀二千二百九十五兩四錢二分一厘造具冊結由府道核明加結移司所需工料銀兩請在司庫耗羨銀內動支興脩等情詳請具

奏前來臣覆核無異相應遵例

奏明辦理仍俟工竣委勘核實造銷除將估計細  
數冊結另疏具

題外所有動用耗羨銀兩緣由理合恭摺具

奏伏乞

皇上聖鑒謹

奏

道光八年九月二十三日拜發十月初三日恭

遞十三日接奉

硃批工部議奏欽此

吟香書室考功 卷上

三二

護理陝西巡撫山西巡撫臣徐忻跪

奏爲特叅失察差役詐贓釀命之知縣請

旨解任質審仰祈

聖鑒事竊臣接據乾州知州鮑珊稟報永壽縣民劉

英以伊妹劉氏嫁王鳳彩之子王雲步爲妻被

夫休回指稱王鳳彩與孀居弟妻吳氏有姦嫌

劉氏碍眼主令王雲步休退等情赴縣具控票

差黃進才傳訊該差前赴王鳳彩家內並其子

王雲步拘獲欲行帶縣王鳳彩央緩許給錢二

十千文該差隨將王雲步鬆放致王雲步於七月初九日早在家自縊身死經該署縣滿德安據實檢舉稟請委驗當委武功縣驗鞠詎王鳳彩於驗畢後亦於十七日在南關歇店內自縊身死復委武功縣併案驗詳該州以案關二命稟請提省審辦並據武功縣姚晉驗訊通報前來臣與署臬司何承薰查閱供詞王劉氏因管教前妻之子保娃子與其夫王雲步口角致被寫立休書送回母家伊母劉趙氏至王鳳彩家

理論卽經王鳳彩次子王正興代兄服禮將王  
劉氏接回事已寢息詎劉英以伊妹細故被休  
損伊顏面心懷不甘向同堡居住之伊母族弟  
趙儒英告知趙儒英卽以王劉氏雖經接回尚  
有休書未還可以播弄商令劉英將休書交其  
收執扣留王鳳彩父子挽人理說索取趙儒英  
指不給還並稱堡內鄉隣耻笑劉英不能出氣  
之言向劉英挑唆又代作呈詞令劉英赴縣呈  
遞迨聞王雲步身故趙儒英卽行潛逃其唆訟



情虛已顯而易見至王鳳彩與孀居弟妻吳氏  
通姦一節不獨王鳳彩生供堅不承認卽王劉  
氏亦堅稱伊翁與吳氏委無姦情伊亦並未向  
伊母兄說過是趙儒英以曖昧不明之事憑空  
捏誣杳無証據該署縣滿德安接受劉英呈詞  
雖例得傳訊但不選派妥役致令詐贓釀命已  
難保無縱容婪索情事而王鳳彩于眼同驗訊  
伊子屍身之後越數日亦遽輕生是否係痛子  
情切抑係被誣忿激或另有別情尤不可不切

實根究相應請

旨將署永壽縣知縣滿德安解任交撫臣鄂山提集全案人証嚴審究辦除飭緝趙儒英務獲並行司委員接署查明經手倉庫錢糧有無虧短另行辦理外理合恭摺具

奏伏乞

皇上聖鑒謹

奏

道光八年九月二十三日拜發十月初三日恭

遞十三日接奉

硃批另有旨欽此

道光八年十月初五日內閣奉

旨這所叅失察差役詐贓釀命之陝西署永壽縣知縣滿德安著卽解任交該撫鄂山提集全案人證秉公嚴審按律究辦其唆訟誣控在逃之趙儒英並著嚴拏務獲歸案審訊欽此

新授山西巡撫臣徐忻跪

奏爲恭報微臣交卸撫篆日期仰祈

聖鑒事竊照撫臣鄂山由甘肅回赴陝省臣於十月

初一日將陝西巡撫關防並

王命旗牌及一切文卷等項委員賚送移交伏念臣

自前年七月間蒙

恩飭令護理撫篆至今兩載有餘刻深兢惕渥沐

隆施稠疊銜感難名茲于交卸後卽日啓程趨詣

闕廷叩覲

天顏跪請

聖訓庶秉承之有益瞻戀之維殷所有徵交卸撫

篆日期理合恭摺具

奏伏乞

皇上聖鑒謹

奏

道光八年十月初二日拜發十三日恭遞二十

日接奉

硃批知道了欽此

山西巡撫臣徐忻跪

奏爲恭報徵臣接印任事日期叩謝

天恩仰祈

聖鑒事竊臣叨沐

逾格隆施畀以封疆重任疊蒙

召對

教誨殷諄

陛辭時復蒙

恩准取道天津省墓撫衷啣結淪浹難名茲臣於十

一月二十九日行抵太原省城准前任撫臣盧坤將山西巡撫關防提督鹽政印信並

王命旗牌及書籍文卷等項委員移送前來臣當卽

恭設香案望

闕叩頭祇領任事伏念晉省向稱完善之區近日吏治積漸疲玩臣惟有勉竭駑駘於循分供職之中力圖振作不敢存懈怠之心不敢存急遽之見而於營務揜防尤當督同兩鎮勤加訓練勿任武備廢弛至於鹽務錢糧向係年清年款

硃批  
硃點

臣於一切地方應辦事宜總期行之以實持之

斷不可徒託空言

行相符為要  
以久以冀仰報

高厚鴻慈於萬一所有微接印任事日期並感激下

忱理合恭摺具

奏叩謝

天恩伏乞

皇上聖鑒謹

奏

道光八年十二月初二日拜發初七日恭遞上



四日奉到

硃批吏治武備該省之急務斷不准稍有因循竭力  
補救毋忽叩謝知道了欽此

再臣經過直隸山西一帶地方於十一月十四日至十八日並二十七日二十九日先後得雪三四寸不等祥霽疊霈遠近同霑沿途秋麥盈畦農田倍形潤澤洵屬豐登兆慶堪以仰慰

宸懷理合附片奏

聞謹

奏

同日奉

硃批欣悅覽之欽此

史記卷之三十三

卷之三十三

三十一

再臣於途次先後承准

廷寄

諭旨飭交審辦山西沁源縣民孫元珍呈控孫萬年  
因謀奪家產不遂將伊妹砍傷並將伊妻子殺  
傷身死控縣不爲擬抵一案又相驗率謬被控  
賄囑改傷之平魯縣勒休知縣湯可受朔州告  
病吏目張奕璠一案仰蒙

訓示周詳無微不至誠如

聖諭孫元珍所控一案如果實係二死一傷自應按


律辦理何以並無抵命之人其平魯縣相驗率  
謬一案張句氏死由自刎抑係被殺全以咽喉  
傷痕長短深淺及起手收手重輕爲斷乃湯可  
受當場將屍格已填九寸追回至寓中輒復改  
爲四寸又不將起手收手處辨明輕重且原驗  
咽喉近左尚有双傷二處肩甲肱肘手腕等處  
均有墊傷顯有按壓情形現經訪獲目覩張句  
氏身死之婢女訊出致死端倪正可從此根究  
臣已分提人証卷宗惟有細心秉公推鞫斷不

敢有心開脫務期訛得確情以定爰書而成信  
讞理合附片陳明謹

奏

同日奉

硃批汝受朕特擢之恩焉有遇案不盡心推鞫之理  
卽前任各撫臣朕斷不猜疑無如州縣優劣不齊  
書吏通同弊混不可不事事留心毋被其惑也欽  
此



山西巡撫臣徐炘跪

奏爲恭報雪澤糧價情形仰祈

聖鑒事竊照山西省十月分得雪糧價情形業經前  
撫臣盧坤具

奏在案茲據太原平陽潞安汾州大同朔平寧武  
澤州蒲州九府遼州沁州平定忻州代州保德  
解州絳州霍州隰州十州暨歸綏道所屬各廳  
先後稟報於十一月初十日至十五日二十七  
八九日得雪自一二寸至四五寸不等正值冬



至陽生之際叠獲祥霽普沛瑞雪頻沾麥根倍  
爲穩固市集糧價中平民氣恬熙堪以仰慰  
宸懷理合恭摺具

奏並敬繕十一月分糧價清單恭呈

御覽伏乞

皇上聖鑒謹

奏

道光八年十二月十二日拜發十七日恭遞二  
十六日接奉

硃批覽奏欣慰欽此

欽此

臣

世不事也

一

謹將道光八年十一月分山西省所屬地方各  
項糧價開具清單恭呈

御覽

太原府屬 價中

小米每倉石價銀一兩六分至二兩七錢五

分 與上月相同

麥子每倉石價銀一兩九分至三兩一錢七

分 較上月減八分

蕎麥每倉石價銀四錢五分至一兩六錢

與上月相同

高粱每倉石價銀四錢五分至一兩七錢九

分 與上月相同

豌豆每倉石價銀六錢至二兩六錢 與上

月相同

平陽府屬 價中

小米每倉石價銀一兩七錢至二兩五錢五

分 與上月相同

麥子每倉石價銀二兩至二兩六錢一分

與上月相同

蕎麥每倉石價銀九錢五分至一兩四錢八

分 與上月相同

高粱每倉石價銀八錢三分至一兩三錢六

分 與上月相同

豌豆每倉石價銀一兩一錢五分至一兩一

錢一分 與上月相同

潞安府屬 價中

小米每倉石價銀一兩六錢一分至一兩三

錢六分 與上月相同

麥子每倉石價銀二兩至二兩八錢二分

與上月相同

蕎麥每倉石價銀八錢六分至一兩六錢二

分 與上月相同

高粱每倉石價銀六錢五分至一兩三錢六

分 與上月相同

豌豆每倉石價銀一兩九錢二分至二兩七

錢二分 與上月相同

汾州府屬 價中

小米每倉石價銀一兩九錢至二兩五錢五分  
較上月減五分

麥子每倉石價銀一兩九錢二分至三兩七錢六分  
與上月相同

蕎麥每倉石價銀八錢九分至一兩八錢  
與上月相同

高粱每倉石價銀一兩二錢至二兩  
與上月相同



豌豆每倉石價銀一兩二錢至二兩九錢五分  
與上月相同

大同府屬 價中

小米每倉石價銀一兩一錢三分至一兩一錢五分  
與上月相同

麥子每倉石價銀一兩四錢七分至二兩三錢四分  
與上月相同

蕎麥每倉石價銀三錢七分至一兩四分  
與上月相同

高粱每倉石價銀六錢一分至一兩一錢

與上月相同

豌豆每倉石價銀八錢五分至一兩二錢三

分 較上月減四分

朔平府屬 價中

小米每倉石價銀一兩一錢五分至一兩八

錢四分 與上月相同

麥子每倉石價銀一兩三錢二分至一兩三

錢 與上月相同

蕎麥每倉石價銀四錢至一兩七分 與上

月相同

高粱每倉石價銀八錢九分至一兩四錢五

分 與上月相同

豌豆每倉石價銀八錢六分至一兩八錢八

分 與上月相同

寧武府屬 價中

小米每倉石價銀一兩三錢二分至一兩六

錢八分 與上月相同

麥子每倉石價銀一兩三錢九分至二兩六分  
與上月相同

蕎麥每倉石價銀五錢一分至八錢二分

與上月相同

高粱每倉石價銀六錢八分  
與上月相同

豌豆每倉石價銀七錢八分至一兩一分

與上月相同

澤州府屬 價中

小米每倉石價銀一兩六錢三分至一兩九

錢 與上月相同

麥子每倉石價銀一兩七錢五分至二兩八

錢 與上月相同

蕎麥每倉石價銀九錢三分至一兩七錢二

分 與上月相同

高粱每倉石價銀一兩至一兩四錢九分

較上月減三分

豌豆每倉石價銀一兩二錢四分至一兩七

錢二分 與上月相同

蒲州府屬 價中

小米每倉石價銀一兩六錢四分至二兩三錢五分 與上月相同

麥子每倉石價銀一兩二錢至二兩三錢六分 與上月相同

蕎麥每倉石價銀一兩四錢二分 與上月相同

高粱每倉石價銀八錢七分至一兩一錢三分 與上月相同

豌豆每倉石價銀一兩一錢五分至二兩一

錢 與上月相同

遼州併屬 價中

小米每倉石價銀一兩九錢二分至二兩三

錢九分 與上月相同

麥子每倉石價銀二兩三錢四分至二兩七

錢八分 與上月相同

蕎麥每倉石價銀九錢七分至一兩二錢九

分 與上月相同

高粱每倉石價銀一兩二分至一兩二錢

與上月相同

豌豆每倉石價銀一兩三錢七分至一兩四

錢四分 與上月相同

沁州併屬 價中

小米每倉石價銀二兩一錢至三兩六分

與上月相同

麥子每倉石價銀二兩二錢一分至二兩九

錢八分 與上月相同



蕎麥每倉石價銀一兩三分至一兩五錢一

分 與上月相同

高粱每倉石價銀一兩二分至一兩四錢四

分 與上月相同

豌豆每倉石價銀一兩五錢一分至一兩八

錢四分 與上月相同

平定州併屬 價中

小米每倉石價銀二兩三錢至二兩五錢

與上月相同

麥子每倉石價銀二兩九錢至三兩五分

與上月相同

蕎麥每倉石價銀一兩三錢至一兩五錢六

分 與上月相同

高粱每倉石價銀一兩五錢至一兩七錢四

分 與上月相同

豌豆每倉石價銀二兩二錢至二兩七錢

與上月相同

忻州併屬 價中

粵省書局影印  
多一  
三  
小米每倉石價銀一兩二錢六分至一兩七

錢二分 與上月相同

麥子每倉石價銀二兩五錢二分至二兩七

錢 與上月相同

蕎麥每倉石價銀八錢三分至一兩三錢五

分 與上月相同

高粱每倉石價銀一兩一錢一分至一兩五

錢 與上月相同

豌豆每倉石價銀一兩四錢七分至一兩八

錢三分 與上月相同

代州併屬 價中

小米每倉石價銀一兩四錢五分至二兩二錢 與上月相同

麥子每倉石價銀二兩三錢二分至二兩七錢八分 與上月相同

蕎麥每倉石價銀一兩二分至一兩一錢七分 與上月相同

高粱每倉石價銀一兩三錢至一兩五錢五

分 較上月減一錢九分

豌豆每倉石價銀一兩七錢六分至二兩三錢四分 與上月相同

保德州併屬 價中

小米每倉石價銀九錢五分至九錢八分 與上月相同

麥子每倉石價銀一兩五錢九分至一兩八錢二分 與上月相同

蕎麥每倉石價銀七錢二分至九錢二分

與上月相同

高粱每倉石價銀七錢一分至一兩二分

與上月相同

豌豆每倉石價銀一兩四錢至一兩六錢

與上月相同

解州併屬 價中

小米每倉石價銀一兩七錢八分至一兩五

錢五分 與上月相同

麥子每倉石價銀一兩九錢六分至一兩八

錢六分 與上月相同

蕎麥每倉石價銀一兩一分至一兩六錢二分 與上月相同

高粱每倉石價銀七錢一分至一兩三錢三分 與上月相同

豌豆每倉石價銀一兩七錢四分至一兩五錢八分 與上月相同

絳州併屬 價中

小米每倉石價銀一兩八錢九分至一兩五

錢 與上月相同

麥子每倉石價銀一兩八錢三分至二兩五

錢 與上月相同

蕎麥每倉石價銀九錢五分至一兩四錢

與上月相同

高粱每倉石價銀七錢三分至一兩五錢

與上月相同

豌豆每倉石價銀一兩五錢一分至二兩五

錢 與上月相同



霍州併屬 價中

小米每倉石價銀一兩八錢四分至二兩四

錢 與上月相同

麥子每倉石價銀二兩二錢三分至二兩五

錢 與上月相同

蕎麥每倉石價銀七錢七分至一兩一分

與上月相同

高粱每倉石價銀九錢二分至一兩二錢三

分 與上月相同

豌豆每倉石價銀一兩六錢二分至一兩八

錢八分 與上月相同

隰州併屬 價中

小米每倉石價銀一兩八錢至一兩八錢六

分 與上月相同

麥子每倉石價銀一兩六錢八分至二兩五

錢九分 與上月相同

蕎麥每倉石價銀六錢七分至一兩四錢五

分 與上月相同

高粱每倉石價銀六錢至一兩一錢一分

與上月相同

豌豆每倉石價銀九錢五分至一兩一錢三分

分 與上月相同

歸綏道屬 價中

小米每倉石價銀二兩一錢至二兩三錢四分

分 與上月相同

麥子每倉石價銀一兩八錢五分至二兩九

分 與上月相同

蕎麥每倉石價銀七錢八分至一兩一錢六分 與上月相同

高粱每倉石價銀九錢三分至一兩三錢四分 與上月相同

豌豆每倉石價銀一兩三錢九分至一兩七錢五分 較上月增一錢五分

男才不備  
三男三女  
合心

三

再山西省捐監銀兩截至道光八年十月底止  
實存司庫正項並餘平共銀三萬二千九十七  
兩六錢業經前撫臣盧坤附片具

奏在案茲據藩司葉紹本詳報自道光八年十一  
月初二日起至二十八日止續收正項銀一千  
三百二十兩餘平銀五十二兩八錢連前實存  
司庫正餘銀三萬三千四百七十兩四錢理合  
附片奏

聞謹

皇朝通志卷之三十一

奏

道光八年十二月十二日拜發十七日恭遞同

日接奉

硃批覽欽此

山西巡撫臣徐忻跪

奏爲查明代州解州被雹被水村莊來春應行接濟緣由據實覆

奏仰祈

聖鑒事竊臣接准前撫臣盧坤移交道光八年十月初三日奉

上諭山西代州被雹解州被水已據該撫奏明隨時撫恤來春應否接濟查明於封印前奏到等因欽此仰見



皇上惠愛黎元有加無已之至意當經前撫臣盧坤  
轉飭確查臣抵任後復與藩司葉紹本體察情  
形查明代州大茹解等九村被雹解州南門外  
及郭家村梁家園兩處被水先經查勘撫恤均  
可毋虞失所惟該村等戶鮮蓋藏恐來春東作  
方興民力未免拮据合無仰懇

天恩將代州解州被雹被水村莊於來歲春間佈種  
之時分別酌借籽種以資接濟俾農民仰邀調  
劑感沐

鴻慈益無既極所有遵

旨查明緣由理合恭摺覆

奏伏乞

皇上聖鑒謹

奏

道光八年十二月十二日拜發十七日恭遞二

十六日接奉

硃批候旨遵行欽此

東坡先生詩集卷之四

三

再查時值年終應將學政聲名兩鎮兩司道府  
賢否出具密考陳奏惟臣甫經到任一切俱未  
能深知且未及三月例不加考應俟下屆再行  
照辦仍隨時留心查察如有聲名平常不能稱  
職者立即據寔劾奏不敢稍事因循致滋曠誤  
理合附片奏

聞謹

奏

同日奉

身之言行也

三

殊批知道了欽此

山西巡撫 臣 徐忻跪

奏爲應支來年春季夫馬工料銀兩循例借款給  
領恭摺具

奏仰祈

聖鑒事竊照各屬應支驛站銀兩向在徵收地丁內  
留支惟地丁錢糧於二月內始行開徵三月下  
旬拆兌其未經徵收以前應支夫馬工料銀兩  
係按日撥食未便緩待茲據藩司葉紹本詳稱  
代州應支道光九年年春季夫馬工料銀兩請照

例在於司庫存貯道光八年耗羨項下借動銀  
一千一百五十三兩一錢八分零發給該州領  
回支放仍俟道光九年地丁銀兩拆兌時於留  
支項下解還歸欵等情詳請具

奏前來 臣覆核無異所有借欵給領緣由謹循例

恭摺具

奏再各屬如有續行支領者亦卽照例借給另行  
分案咨部合併陳明伏乞

皇上聖鑒謹

奏

道光八年十二月二十日拜發二十六日恭遞

九年正月初三日接奉

硃批依議欽此



明倫彙編

家範典

三

山西巡撫臣徐忻跪

奏為恭謝

天恩事竊臣賁摺差弁回省奉到

欽頒

御書福字並鹿肉等件臣當卽恭設香案望

闕叩頭祇領訖伏念臣猥以庸愚懋膺

簡擢涓埃未効兢惕方深欣逢歲籥將更仰荷

慈暉特賁

奎章錫羨廣禔慶以

延釐仙脯馨香寓吉祥於

受祿書備陳疇之五

恩溥春祺詩賡肄雅之三飫叨

珍賜沐

寵榮之逾分實感悚以難名惟有隨事隨時勤加淬

勵以期仰報

高厚鴻慈於萬一所有臣感激下忱理合恭摺具

奏叩謝


天恩伏乞

皇上聖鑒謹

奏

道光八年十二月二十日拜發二十六日恭遞  
九年正月初三日接奉

硃批知道了欽此



1668

山西巡撫 臣 徐忻跪

奏爲盤查司庫錢糧恭摺奏

聞仰祈

聖鑒事竊照督撫到任例應將藩庫一切正雜錢糧

盤查具

奏 臣 仰蒙

恩命擢授山西巡撫接篆任事後卽檄飭藩司將實在庫貯銀兩按欵造冊詳送並將各屬倉庫錢糧分委隔屬之道府直隸州互相盤查茲據藩

司葉紹本將司庫實存正雜等項銀二百六十一萬七千九百三十二兩零分款造冊詳報前來臣親赴司庫按款逐一盤查均係實貯在庫並無虧缺挪移情事除各屬倉庫錢糧委員盤查俟結報到日另行具

題外所有臣盤查過藩司庫貯錢糧緣由理合恭摺具

奏伏乞

皇上聖鑒謹

奏

道光九年正月初五日拜發初十日恭遞十六

日接奉

硃批知道了欽此



No.	Name	Sex	Age	Description
1	W. A. ...	M	...	...
2	...	F	...	...
3	...	M	...	...
4	...	F	...	...
5	...	M	...	...
6	...	F	...	...
7	...	M	...	...
8	...	F	...	...

山西巡撫臣徐忻跪

奏爲息穀變價及減半餘平生息銀兩完欠動存  
數目恭摺具

奏仰祈

聖鑒事竊照道光元年五月十二日欽奉

上諭成格奏酌定刪除捐欸章程借銀生息以抵公  
用及扣還司庫墊項各摺晉省州縣攤捐欸項繁  
多每年計共銀八萬二千四百餘兩現據該撫酌  
定章程刪減銀一萬二千六百餘兩開除銀九千

二百餘兩請將藩庫存貯息穀變價及減半餘平  
二款內借銀二十萬兩發商生息將息銀一半歸  
還借本其餘一半息銀內動撥九千二百餘兩抵  
撥捐款計連刪除之項州縣每年可少捐銀二萬  
一千九百餘兩着卽照所議辦理每屆年終彙奏  
一次藩司另冊交代毋庸報部核銷等因欽此當  
經遵照在於社義息穀變價並減半餘平項內  
各借動銀一十萬兩飭發陽曲等九十三廳州  
縣具領轉發以道光元年冬季起息各年所收

息銀動撥存欠各數節經開單具

奏在案茲據藩司葉紹本將道光七年十月初一  
日起至八年九月底止收存歸還撥抵各數開  
單具詳請

奏前來 臣查舊管共銀一萬二千四百一十三兩  
六錢零新收息銀二萬六千五十一兩五錢開  
除歸還一半借本銀一萬三千二十五兩七錢  
零又撥抵各項捐款等銀一萬六千二十八兩  
一錢零實在存貯息銀九千四百一十一兩二

錢零尙有各屬欠解銀六千九百三十四兩五錢除行司勒催趕緊批解外所有完欠動存數

目謹恭摺具

奏並開繕清單恭呈

御覽伏乞

皇上聖鑒謹

奏

道光九年正月初五日拜發初十日恭遞十六日接奉

殊批知道了欽此

欽此

欽此

欽此

						天 平 一 萬 一 千 九 百 一 十 七 年 正 月 一 日 癸 亥 年 正 月 一 日

山西巡撫 臣 徐忻跪

奏謹將道光七年十月初一日起至八年九月底  
止息穀變價及減半餘平二款生息銀兩完欠  
動存數目開具清單恭呈

御覽

計開

舊管自道光七年九月底止實存息穀變價及  
減半餘平二款生息銀一萬二千四百一十  
三兩六錢二分一厘



外有各屬欠解銀八千九百八十六兩

又各屬應完解道光八年息銀二萬四千兩

新收各屬完解息銀二萬六千五百一兩五錢

內有各屬完解道光五六年欠解銀七千


六百一十兩五錢

開除歸還一半借本銀一萬三千二十五兩七  
錢五分

又撥抵各項捐款等銀一萬六千二十八兩

一錢三分四厘

實存至道光八年九月底止存貯息銀九千四百一十一兩二錢三分七厘尙有各屬未完銀六千九百三十四兩五錢現在催解



1682

1682

山西巡撫臣徐忻跪

奏爲恭報道光八年下忙錢糧完欠數目仰祈

聖鑒事竊照前准戶部咨自嘉慶二十一年爲始將  
各屬上下忙錢糧除例准留支並實欠在民外  
所有徵存銀兩儘數搭解司庫上忙限五月底  
下忙限十二月底截清數目造冊詳報於二十  
日內專摺具

奏歷經遵行在案茲據藩司葉紹本詳報道光八  
年除岢嵐等州縣改徵豁免並各屬例應留支

外實額徵應解司庫地丁耗羨共銀二百九十五萬九千七百五十兩零除上忙已完解銀一百四十萬七千四百八十五兩零今截至道光八年十二月底止續據各屬完解下忙銀一百四十八萬四千八百七十八兩零未完銀六萬七千三百八十五兩零計通省應徵正耗錢糧已完至九分七厘以上未完不及三厘均係實欠在民等情具詳請

奏前來 臣查道光八年下忙錢糧截數完解司庫

統計已至九分七厘以上未完不及三厘現飭該司將未完銀兩嚴催徵解務於奏銷以前掃數全完並將原冊照例咨送戶部查核外所有道光八年分下忙錢糧完欠數目謹恭摺具

奏並開繕清單恭呈

御覽伏乞

皇上聖鑒謹

奏

道光九年正月初五日拜發初十日恭遞十六

日接奉

硃批戶部知道單併發欽此

謹將山西省道光八年分下忙截數錢糧完欠  
數目繕具清單恭呈

御覽

通省額徵道光八年分地丁正銀三百二萬二  
千七百五十五兩零又加代州淤出衛所屯  
地應徵拆色銀三分七厘內除各屬留支等  
項銀三十六萬六千二百六十兩零實該解  
司銀二百六十五萬六千四百九十五兩零  
上忙完解過銀一百二十七萬九千一百五



十七兩零下忙該完銀一百三十七萬七千  
三百三十七兩零今截至十二月底止共完  
解銀一百三十四萬三千一百九十四兩零  
連前通共完過地丁銀二百六十二萬二千  
三百五十一兩零未完地丁銀三萬四千一  
百四十三兩零

通省額徵道光八年分耗羨銀三十七萬五百  
九十二兩零又加代州淤出衛所屯地應徵  
拆色隨加耗銀五厘內除各屬留支等項銀

六萬七千三百三十七兩零實該解司銀三十萬三千二百五十五兩零上忙完解過銀一十二萬八千三百二十八兩零下忙該完銀一十七萬四千九百二十七兩零今截至十二月底止共完銀一十四萬一千六百八十四兩零連前通共完過耗羨銀二十七萬一十二兩零未完耗羨銀三萬三千二百四十二兩零

以上地丁耗羨各款共完解銀二百八十九萬

二千三百六十四兩零未完銀六萬七千三百八十五兩零通年核計已完九分七厘以上未完不及三厘

山西巡撫 臣徐炘跪

奏爲查明各屬交代案內徵存應解銀兩完欠數

目循例奏

聞仰祈

聖鑒事竊照道光四年十二月內戶部具奏嗣後各省交代徵存應解之欸以初次限滿起勒限兩個月掃數提解藩庫隨時報部銷案逾限不完卽將結報之員叅辦統令年終開單奏報一次卽從道光五年爲始一體遵辦等因奉

旨依議欽此歷經遵行在案茲據藩司葉紹本詳稱  
查各屬交代前經奏明截至十一月底爲止餘  
歸下年奏報今自七年十二月初一日起至八  
年十一月底止五寨太原武鄉和順滎河浮山  
大同府太谷霍州陽城忻州洪洞大同神池岳  
陽蒲縣汾陽臨縣安邑和林格爾通判萬泉屯  
留河津岢嵐州平遙永濟太原府孟縣壺關沁  
水吉州徐溝襄陵猗氏榆次潞安府朔平府絳  
縣長子沁州平陸代州趙城廣靈壽陽平陽府

寧武稷山朔州絳州虞鄉太平崞縣陵川解州  
五十五府廳州縣共計交代九十二案內有一  
十四案並無徵存未解銀兩外其餘七十八案  
統共徵存未解銀八萬七千二百三十八兩零  
內已完銀六萬六千五百一十兩零尙未完銀  
二萬七百二十八兩零現在勒催趕緊批解等  
情造冊呈請具

奏前來臣覆核無異除飭將未完銀兩勒催趕解  
並將清冊咨送戶部外謹循例恭摺具

奏並繕具清單恭呈

御覽再查道光五六年冊造各州縣未完銀兩俱  
已完解清欸合併陳明伏乞

皇上聖鑒謹

奏

道光九年正月初五日拜發初十日恭遞十六

日接奉

硃批戶部知道單併發欽此

謹將道光七年十二月初一日起至八年十一  
月底止各屬交代案內徵存應解銀兩完欠數  
目開列清單恭呈

御覽

道光七年十二月初一日起至八年十一月底  
止各屬交代共九十二案內

和順縣

二案

榮河縣

二案

神池縣

二案

絳

縣

二案

沁州

代

州

二案

廣靈縣

稷山縣

絳州



以上交代十四案並無徵存未解銀兩

五寨縣二案 太原縣二案 武鄉縣二案 榮河縣

浮山縣二案 大同府 太谷縣二案 霍州

陽城縣二案 忻州二案 洪洞縣二案 大同縣二案

岳陽縣 蒲縣二案 汾陽縣二案 臨縣

安邑縣二案 和林格爾廳 萬泉縣 屯留縣

河津縣二案 岢嵐州二案 平遙縣二案 永濟縣

太原府二案 孟縣 壺關縣二案 沁水縣二案

吉州 徐溝縣 襄陵縣 猗氏縣二案

榆次縣 潞安府 朔平府 長子縣

沁州 平陸縣二案 趙城縣二案 壽陽縣

平陽府二案 寧武縣 稷山縣 朔州二案

虞鄉縣 太平縣二案 崞縣二案 陵川縣

解州

以上交代七十八案共徵存未經解司銀八

萬七千二百三十八兩零內

已完銀六萬六千五百一十兩零

尙未完銀二萬七百二十八兩零現在催解



山西巡撫臣徐忻跪

奏爲恭謝

天恩事竊臣於正月二十三日由提塘賚到

欽頒

仁宗睿皇帝聖訓全部當卽恭設香案望

闕叩頭祇領訖欽惟

皇上性敦孝慕

治秉憲章祇承精一之

心傳上紹

咨俞之口澤

聖有謨訓仰

宵旰之憂勤

天直聰明本緝熙於宥密廿五載

殷諄誥誠紀言紀事聿徵

耿光大烈之昭垂卅六門條理詳明有要有倫胥識

聖德神功之赫奕

合德合明合序悉備一百十卷之編摩

如絲如縵如綸將傳千萬億年而悠久選良工之梨棗

分

采殿之縹緗

教思無窮罔非立綱陳紀服膺弗失是用刻骨銘心惟  
有凜遵

葵訓之敷勉矢

渥恩之報以期稍答

高厚鴻慈於萬一所有臣感激下忱理合恭摺具

奏叩謝

天恩伏乞

今香書室葵流

卷七

四二五

皇上聖鑒謹

奏

道光九年正月二十七日拜發二月初三日恭  
遞初九日接奉

硃批覽欽此

山西巡撫臣徐忻跪

奏爲恭報雪澤糧價情形仰祈

聖鑒事竊照山西省上年十一月分得雪糧價情形

業經臣恭摺具

奏在案茲據太原平陽潞安汾州大同朔平寧武  
澤州蒲州九府遼州沁州解州絳州四州並所  
屬州縣先後稟報於上年十二月初一二日十  
四五日二十六七日得雪自一二寸至三四寸  
不等祥霽疊沛遠近同霑農田渥沐涵濡麥根



盤結穩固糧價中平民情歡忭堪以紓

宸懷理合恭摺具

奏並敬繕十二月分糧價清單恭呈

御覽伏乞

皇上聖鑒謹

奏

道光九年正月二十七日拜發二月初三日恭

遞初九日接奉

硃批知道了欽此

再山西省捐監銀兩截至道光八年十一月底  
止實存司庫正項並餘平共銀三萬三千四百  
七十兩四錢業經<sub>臣</sub>附片具

奏在案茲據藩司葉紹本詳報自道光八年十二  
月初二日起至二十八日止續收正項銀三千  
八百四十兩餘平銀一百五十三兩六錢連前  
實存司庫正餘銀三萬七千四百六十四兩理  
合附片奏

聞謹

奏

同日奉

硃批覽欽此

再陝西守備景福明把總程芝奏調來晉教演  
速戰陣並演放抬炮先將省標弁兵勤加搵練  
再赴大同太原二鎮教演經前撫臣盧坤具奏  
欽奉

諭旨守備景福明把總程芝訓練省標弁兵不辭勞  
瘁現又派赴兩鎮教演俟各營一律嫻習再行飭  
回原營奏明分別獎勵等因欽此茲該守備等將  
兩鎮弁兵次第教演均已漸臻純熟臣謹遵  
旨飭回原營可否

勅下陝甘總督將守備景福明以都司卽補把總程  
芝以千總卽補用示獎勵之處出自

聖主天恩理合附片奏

聞謹

奏

同日奉

硃批另有旨欽此

道光九年二月初四日內閣奉

上諭徐炘奏請分別獎勵教演陣式抬炮之守備把  
總等語陝西守備景福明把總程芝前經盧坤奏  
請調赴晉省教演速戰陣並演放抬炮茲據該撫  
查明省標及大同太原二鎮弁兵均已次第教演  
嫻習飭回原營守備景福明着以都司卽補把總  
程芝着以千總卽補以示獎勵該部知道欽此

日本書紀卷之四十四

山西巡撫 臣 徐忻跪

奏為審明民人呈遞封章一案按律定擬恭摺奏聞仰祈

聖鑒事竊照山西崞縣民人趙天佑在步軍統領衙門控告蒙古官兵韓棟等將牧地得錢租給後復不令承種等情呈遞封章求為轉奏於道光八年十月二十三日欽奉

諭旨此案著交徐忻親提人證卷宗秉公審訊按律定擬具奏原告趙天佑該部照例解往備質欽此



臣遵卽行提人證卷宗來省督同藩臬兩司並  
太原府知府逐一研訊緣趙天佑籍隸崞縣寄  
居豐鎮廳種地度日與蒙古官兵韓棟卽罕都  
布英土并布虎代丹必令素識韓棟等養贍草  
地與察哈爾正紅旗佐領賈章蓋卽占巴勒札  
布坐落卓素圖游牧草地連界道光六年四月  
間韓棟等因貧將本身養贍草地與毗連卓素  
圖廠地數段憑中閭美一併私租與趙天佑墾  
種言明每年租錢一百五十千文當給錢三十

五千文趙天佑陸續開墾地約八九頃尙未播種韓棟等向索租錢趙天佑又給付驢一頭錢一千文迨八年夏間多羅順承郡王因原有活來溝牧廠閒空荒廢差派門上護衛繼安等查明地段呈請都統移咨戶部情愿援照各王公開墾牧廠之例招民墾種陞科嗣經委員會勘明確因係游牧適中之地未便開墾照例以卓素圖等處地畝兌換詳請咨部尙未奉准部覆經該佐領等清理地界查出趙天佑私租地畝

明倫彙編 家範典 卷一百一十一  
三十一  
責令退佃趙天佑往向韓棟等理論并令韓棟  
等轉求該佐領認地承種韓棟等不允趙天佑  
因枉費工本錢地兩空在豐鎮廳具控該廳咨  
提韓棟等未到趙天佑遂以該旗官兵人等先  
將遊牧廠地租與開墾後復受賄串弊兌換奪  
佃不令承種等情赴步軍統領衙門呈遞封章  
求爲轉奏欽奉

諭旨交臣審訊臣卽親提人證訊悉前情究詰不移  
案無遁飾查例載呈遞封章挾制入奏係平民

照衝突儀仗妄行奏訴例加一等發邊遠充軍  
核其誣告本罪僅止杖徒者到配枷號兩個月  
等語此案趙天佑因向韓棟等私租地畝致被  
冒混將卓素圖牧廠一併租給雖非知情盜租  
咎寔由於自取廼因該佐領等查知退佃輒敢  
呈遞封章砌詞妄控自應按例問擬趙天佑除  
誣告賄串止應杖徒輕罪不議外合依呈遞封  
章挾制入奏係平民照衝突儀仗妄行奏訴加  
一等發邊遠充軍例擬發邊遠充軍仍照例到

配枷號兩箇月折責四十板該犯事犯到官在  
道光八年十一月初九日

恩詔以前惟係民人呈遞封章挾制入奏應不淮其  
援減韓棟卽罕都布英土布虎代丹必令將本  
旗佐領遊牧厰地圖利冒混出租殊干例禁應  
革去兵糧職役各照違

制律杖一百事犯在

恩詔以前到官在後應照擬鞭責發落詎騙租錢驢  
頭照追結領除將全案供招咨部外所有審明

定擬緣由理合恭摺具

奏伏乞

皇上聖鑒謹

奏

道光九年二月二十五日拜發三十日恭遞三

月初六日接奉

硃批刑部議奏欽此

--	--	--	--	--	--

山西巡撫臣徐忻跪

奏爲審明京控索債疊拷復受刀傷身死實係自  
刎緣由恭摺奏

聞仰祈

聖鑒事竊照都察院具奏山西祁縣民人郭懷恭呈  
控杜大受等私拷兇殺改傷脫罪等情一案於  
道光八年十一月二十日欽奉

諭旨此案着交徐忻親提人証卷宗秉公嚴審按律  
定擬具奏原告郭懷恭該部照例解往備質欽此



臣遵卽行提人証卷宗來省督同臬司額騰伊  
太原府知府王世綬逐一嚴訊緣郭懷恭籍隸  
祁縣其兄郭懷興與開設橘井堂藥舖之杜維  
章等素識無嫌杜大受係屬舖夥道光二年郭  
懷興向橘井堂借錢十千文按月一分四厘行  
息又於四五兩年先後向借銀一百八十兩按  
月一分行息均係杜大受經手屢討未償八年  
二月十七日杜大受復向郭懷興催討郭懷興  
無錢回覆杜大受不依彼此爭吵郭懷興撲毆

杜大受用木鞭杆回毆致傷郭懷興右臙肘右  
腿肚右脚面右腳踝等處經鄉地程景碧勸歇  
隨將郭懷興鞋襪脫去看視各傷並不深重郭  
懷恭聞知伊兄被毆前往問明情由赴縣具控  
該縣驗傷取辜醫治卽令郭懷興在橋井堂舖  
內養傷將杜大受帶縣管押杜維章將郭懷興  
安頓在東房居住囑令舖夥杜玉書照應嗣郭  
懷興傷痕漸次平復四月初八日杜維章與郭  
懷興言及伊欲赴縣呈催欠項令其設措清償

郭懷興無言回答是夜郭懷興向伴宿之杜玉書愁說無處設措不時嘆氣杜玉書聽聞不以爲意初九日早郭懷興令杜玉書出街代爲買烟乘間潛由斷折窻櫺鑽進北房用切藥刀自行抹傷咽喉合撲倒地磕傷人中相連上下唇吻左膝杜玉書回歸因見北房窻紙全行破裂窺見郭懷興咽喉有傷胸前壓有切藥刀柄喊同杜維章並隣佑程清善等開啟門鎖進內看視郭懷興業已殞命報經該縣驗明郭懷興咽

喉刃傷一處橫長二寸八分寬九分左深一寸七分右深一寸食氣類俱斷右手微可彎曲委係自刎身死填格錄供通詳郭懷恭痛兄死於非命因思伊兄素在東房睡歇何以死在北房且北房門係鎖閉伊兄何由進內懷疑莫釋遂以伊兄係被人同謀害命赴府司巡撫衙門控告旋又添砌程培蘭交結官吏串囑該縣改傷脫罪等詞至都察院衙門具控奏奉

諭旨交臣嚴審臣卽親提人証訊悉前情並令委員

臣等奉命三司...  
帶同郭懷恭前往該縣勘明橋井堂藥舖北房  
窻櫺斷折之處實可容人出入郭懷恭無可置  
辨惟查郭懷興所欠杜維章銀錢爲數無多且  
在橋井堂養傷爲日已久如果別無爭端何致  
輕生自刎誠恐杜維章等實有威逼謀殺情事  
且郭懷恭原呈內稱當日見郭懷興屍身係曲  
膝而跪耳根脊背均有傷痕咽喉一傷深一寸  
二分核與自刎情形不符反覆研鞫據郭懷恭  
供稱伊兄在橋井堂養傷伊常往看望並未聞

與人爭吵自係因聞杜維章赴縣呈催之言一時欠項未能清還愁急輕生因伊兄左膝磕有傷痕疑係跪傷是以呈寫曲膝而跪至耳根脊背原無傷痕係伊添砌咽喉一傷究竟量深若干伊當日心中悲痛並未聽明呈內係隨意填寫伊因該縣未將杜維章等從重治罪又因橋井堂財東程培蘭當該縣兩次驗傷之時均在場伺候心疑偏護開脫是以一併寫入呈詞控告不敢始終誣執隨提訊杜維章程培蘭杜玉

書及刑書件作等堅稱原驗郭懷興咽喉一傷  
實係左深一寸七分右深一寸程培蘭實無串  
囑改傷情事填之鄉地程景碧隣佑程清善等  
亦代爲剖訴甚力再四究詰矢口不移案無遁  
飾查律載誣告人死罪未決者杖一百流三千  
里加徒役三年又不應爲而爲事理重者杖八  
十各等語此案郭懷恭因伊兄郭懷興自刎身  
死輒添砌情節捏控本應按律坐誣第因痛兄  
情切事出懷疑且原呈內並未指實何人殺死

到案又卽據實供明情尚可原應請照不應重  
律杖八十杜維章因郭懷興傷愈輒以赴縣呈  
催欠項向其迫促以致郭懷興情急自盡杜大  
受毆傷郭懷興致釀人命俱屬不合均請照不  
應重律杖八十杜維章係職員照律納贖杜玉  
書失於防範非其意料所及應無庸議郭懷興  
所欠銀錢身死勿追除將全案供招咨部外所  
有審明定擬緣由理合恭摺具

奏伏乞



皇上聖鑒謹

奏

道光九年二月二十五日拜發三十日恭遞三

月初六日接奉

硃批刑部議奏欽此

山西巡撫臣徐忻跪

奏爲恭報雪澤糧價情形仰祈

聖鑒事竊照山西省上年十二月分得雪糧價情形

業經臣恭摺具

奏在案茲據太原平陽潞安汾州大同朔平寧武

澤州蒲州九府遼州沁州平定忻州代州保德

解州絳州霍州隰州十州並所屬各州縣暨歸

綏道所屬各廳先後稟報於正月十二日十六

七八日得雪一二寸至四五寸不等臣查晉省

自入春以來瑞雪普霑土膏潤澤麥苗藉資長  
養市集糧價中平民情安貼堪以仰慰

宸懷理合恭摺具

奏並敬繕正月分糧價清單恭呈

御覽伏乞

皇上聖鑒謹

奏

道光九年二月二十五日拜發三十日恭遞三  
月初七日接奉

殊批知道了欽此

大清聖祖皇帝

御批

上

史記卷之三十三

卷之三十三

三十三

再山西省捐監銀兩截至道光八年十二月底  
止寔存司庫正項並餘平共銀三萬七千四百  
六十四兩業經臣附片具

奏在案茲據藩司葉紹本詳報自道光九年正月  
初二日起至二十八日止續收正項銀七百二  
十兩餘平銀二十八兩八錢連前寔存司庫正  
項餘平共銀三萬八千二百一十二兩八錢理  
合附片奏

聞謹

奏

同日奉

硃批覽欽此

山西巡撫臣徐忻跪

奏爲恭報查閱大同鎮營伍起程日期仰祈

聖鑒事竊臣兼管提督所有通省各營官兵例應次

第校閱臣自到任後將撫標左右二營太原城

守營並城守尉所管滿漢各兵詳細考驗其演

排陣式進步連環尚俱整齊鎗箭準頭滿兵約

在八分漢兵約在六分新添擡炮並速戰陣式

逐日勤加搵練分別優劣勸懲亦漸臻純熟將

備中並無衰老庸懦之員查省北大同鎮營務



上年前撫臣未及查閱現在秋錄事宜業已酌核勘定奉

旨交審之案除已審明定擬具

奏外祇有祁縣民人范樹庭具控伊姪霸佔舖業河津縣民人師在午等具控私開水渠二起傳提人証尚未解齊茲復承准

廷寄欽奉

諭旨飭交翼城縣生員撤大瀛呈控該縣丁書因縣官懦弱任意貪婪一起原告尚未解到容臣將

該縣辦事如何能否勝任詳細查明並將所控情節親提案証秉公嚴審定擬臣於三月初六日輕騎減從自省起程由忻州代州大同朔平至歸化城一帶將各路將備弁兵以次考驗並察看地方關隘情形俟校閱事竣再行奏

聞所有臣前往大同鎮查閱營伍日期理合恭摺具奏伏乞

皇上聖鑒謹

奏

道光九年三月初六日拜發十一日恭遞十七

日朔平府途次接奉

硃批知道了欽此

再臣接准部咨蒲州府同知富明推陞廣東運  
同所遺員缺應卽委員接署以便令其交卸起  
程赴部引

見查有平陽府同知袁慶堽堪以委令署理蒲州府  
同知印務所遺平陽府同知員缺查有監掣同  
知馬振玉堪以委令署理其所遺監掣同知員  
缺查有解州知州徐麗生堪以委令署理據藩  
臬兩司具詳前來除批飭遵照外理合附片奏

聞謹

奏

同日奉

硃批覽欽此

山西巡撫 臣 徐忻跪

奏爲審明京控謀殺二命一案分別按律定擬恭

摺奏

聞仰祈

聖鑒事竊照步軍統領衙門具奏沁源縣民孫元珍  
呈控孫萬年因謀奪家產不遂率同孫文林等  
將伊妻子殺死控縣不爲擬抵等情欽奉

諭旨此案着交徐忻親提人証卷宗秉公嚴審按律  
定擬具奏原告孫元珍該部照例解往脩質欽此

臣又於途次承准

廷寄道光八年十月十八日奉

上諭據步軍統領衙門奏山西沁源縣民孫元珍呈控孫萬年因謀奪家產不遂率同孫文林等持刀將伊妹韓孫氏砍傷並將伊妻楊氏伊子孫學忠殺傷身死控縣不爲擬抵等情已明降諭旨交徐斡審訊矣此案旣經該縣驗明屍傷如果實係二死一傷自應按律辦理何以僅將孫萬年擬徒孫文進擬流並無抵命之人着徐斡於到任後提齊

人証卷宗確切查明秉公審訊按律定擬具奏毋  
使罪名稍有出入將此諭令知之欽此臣抵任後  
遵卽行提全案人証卷宗來省逐一親訊據孫  
萬年供認因爭產起衅率同伊子孫文林孫文  
進謀殺孫楊氏孫學忠屬實孫學忠係孫文進  
與伊用鉄斧鐮刀砍傷身死孫楊氏係孫文林  
先用鉄鋤劈倒伊復用鐮刀並奪過孫文進鉄  
斧砍傷致斃孫文林孫文進供亦相同惟原告  
孫元珍控稱伊妻身受鋤傷二處斧傷四處鐮



傷四處並稱斧傷係孫文進所砍等語當查該  
縣原驗孫楊氏屍格祇填有斃傷一處鑱傷四  
處並未填有斧傷據原告孫元珍指稱孫文進  
砍有斧傷而孫萬年又堅供係伊奪過鉄斧所  
砍若不檢驗明確難成信讞當卽行提孫楊氏  
屍棺來省飭委太原府知府王世綬候補同知  
福明阿等督同伴作逐細驗明孫楊氏顙門相  
連左額角左太陽穴及左顙頰有鉄斃傷一處  
左額角有鑱傷三處斧傷一處左眉有鑱傷一

處左眉稍相連左眼角有斧傷一處左顙頰有  
斧傷三處核與該縣原驗屍格遺漏舛誤而與  
原告孫元珍所控傷痕亦不相符臣復提集人  
証督同藩臬兩司並委員等反覆嚴鞫緣孫元  
珍籍隸沁源縣與伊胞叔孫萬年同居各度孫  
元珍之父弟兄五人因二門孫萬元少亡未婚  
並未立後所有祖遺財產四股均分嗣孫元珍  
爲孫萬元冥配王氏女屍合葬自行承頂二門  
之後欲與孫萬年等將祖遺財產按五股重分

孫萬年不允孫元珍從此與之不睦道光五年  
間孫元珍三門胞叔孫萬章身故無子孫萬年  
將其次子孫文進過繼孫元珍因孫萬章先有  
一子亦係少亡欲將伊子承繼孫萬章亡子爲  
嗣希圖得受三門遺產暗唆孫萬章之妻孫任  
氏將孫文進退繼嗣孫任氏改嫁孫元珍與孫  
萬年各稱己子應爲三門之後卽將孫萬章遺  
產均分孫元珍並因曾爲二門孫萬元承繼未  
曾分受遺產欲在三門孫萬章絕產內給伊多

分一股屢與孫萬年爭執經族長等公議勸令孫萬年於孫萬章遺地六十餘畝內撥給孫元珍十畝餘地五十餘畝同所有窰房塲基各半均分孫萬年勉強允從心未輸服嗣孫萬年因孫萬章所遺塲基東西兩邊各有厠坑一座欲令孫元珍將西邊厠坑讓伊管業孫元珍不允孫萬年因厠係伊砌不許孫元珍取糞七年九月初十日孫元珍令伊子孫學忠赴厠挑糞壅地孫萬年瞥見攔阻將孫學忠趕回孫元珍之

妻孫楊氏與之理論爭罵孫萬年氣忿一面飲  
酒一面嚷罵旋即酒醉憶及孫元珍屢次強霸  
業已多分三門遺地又必欲爭管厠坑懷恨莫  
釋起意將孫元珍殺死洩忿自携鎌刀令長子  
孫文林携帶鉄鋸次子孫文進携帶鉄斧同往  
孫元珍住窰院內孫元珍聞知躲避其子孫學  
忠在西北窰內關閉窰門孫萬年等將門打開  
因不見孫元珍遂遷怒於孫學忠孫萬年連聲  
喝砍孫文進用斧砍傷孫學忠頂心孫學忠用

手架格致被劃傷右手腕轉身欲逃孫文進又連砍傷其偏左孫學忠倒地孫萬年亦用鎌刀砍傷其腦後孫學忠當卽身死維時孫楊氏在東邊窰內閉門躲藏孫萬年等趕往孫元珍胞妹韓孫氏向孫萬年奪鎌解勸致被劃傷右手背孫文林砍開窰門用鉄鉞劈傷孫楊氏顙門相連左額角左太陽穴及左顙頰倒地孫萬年趕入亦用鎌刀砍傷其左額角左眉孫文進隨後走入孫萬年因鎌刀頭砍斷奪過孫文進手

內鉄斧連砍傷孫楊氏左額角左眉稍相連左  
眼角左顙頰孫楊氏亦卽殞命經孫萬年之妻  
孫郭氏向其抱怨孫萬年旋亦悔懼卽令孫文  
林孫文進同逃并囑孫郭氏俟鄉地前來查詢  
時捏稱孫楊氏與伊爭罵揪扭孫文林孫文進  
與孫學忠各自上前幫護以致砍傷斃命當卽  
携取盤費潛逃避匿嗣經鄉約聞知查詢孫郭  
氏卽照孫萬年囑咐捏飾呈報該前縣察隆阿  
詣驗刑作人等喝報傷痕遺漏舛誤嗣經拿獲

孫萬年等到案亦未審出實情隨將孫萬年等  
按照鬪殺律分別服制將孫文林擬絞孫文進  
擬流孫萬年擬徒孫元珍心懷不服遂赴步軍  
統領衙門具控奏奉

諭旨交

臣

嚴審

臣

卽親提犯証訊悉前情質之孫元

珍仍稱孫楊氏斧傷係孫文進所砍而又稱實  
未在场親見

臣

查鉄斧本係孫文進所執誠恐

孫文進實有砍傷孫楊氏情事復將該犯等隔  
別研鞫孫萬年堅供孫楊氏先被孫文林用鋏



劈傷伊隨用鎌刀疊砍適因鎌頭砍斷伊子孫  
文進携斧前來伊卽奪過鉄斧連砍數下屬實  
提訊孫文林孫文進供俱相同吊驗鎌刀鈎頭  
實已斷折反覆究詰矢口不移案無遁飾查例  
載殺死功服總麻卑幼一家非死罪二命者問  
擬絞決奏請

定奪仍查明該犯財產酌斷一半給付死者之家又  
尊長謀殺卑幼除爲首之尊長仍依故殺法定  
擬外其爲從加功之尊長各按服制依爲首之

罪減一等又律載期親以下弟毆兄妻至死依凡人論又謀殺人從而加功者絞監候又一家  
人共犯止坐尊長侵損於人者以凡人首從論  
又檢驗屍傷不實吏典杖八十件作行人罪亦  
如之各等語此案孫萬年因與胞姪孫元珍分  
產爭繼挾有夙嫌復因攔阻孫元珍之子孫學  
忠挑糞與孫元珍之妻孫楊氏爭鬻率同伊子  
孫文林孫文進將孫楊氏孫學忠一併殺死自  
應按例問擬孫萬年合依殺死功服總麻卑幼

一家非死罪二命問擬絞決例擬絞立決請  
旨定奪仍飭縣查明該犯財產酌斷一半給付孫元  
珍收領孫文林聽從伊父謀殺大功兒妻孫文  
進聽從伊父謀殺小功堂姪亦應各按本律科  
斷孫文林合依期親以下弟毆兄妻至死以凡  
論謀殺人從而加功者絞監候律擬絞監候秋  
後處決孫文進合依故殺同堂小功姪者絞爲  
從減一等律擬杖一百流三千里至配所折責  
四十板該犯事犯到官在道光八年十一月初

九日

恩詔以前所犯流罪係謀殺加功應不准其援減刑  
書董世清作李孝增檢驗不實應各照律杖  
八十革役前任沁源縣知縣察隆阿相驗草率  
遺漏又未能審出實情業經以府經歷縣丞降  
補應請

旨卽行革職以示懲儆除將全案供招咨部外所有  
審明定擬緣由理合恭摺具

奏伏乞

皇上聖鑒謹

奏

道光九年三月初六日拜發十一日恭遞十七

日朔平府途次接奉

硃批刑部速議具奏欽此

山西巡撫臣徐忻跪

奏爲審明故殺妻命知縣相驗率謬分別按律定擬恭摺奏

聞仰祈

聖鑒事竊照朔州民人句閔中等以其妹張句氏被殺並非自刎其夫張榮昌串通吏目張奕璠賄囑平魯縣知縣湯可受改傷捏報等情控經前撫臣盧坤恭摺叅

奏欽奉

上諭盧坤奏叅相驗率謬並被控賄囑改傷之知縣  
吏目請革職嚴審一摺山西平魯縣勒休知縣湯  
可受代隣封朔州相驗屍傷當時既不將張句氏  
是否自刎抑係被殺細心辨驗事後率將原填屍  
格更改傷痕寸數顯有情弊朔州告病吏目張奕  
璠當該縣與刑作道及錯填屍格應行改正曾在  
旁聽聞乃於改傷一節又復諉爲不知現經屍親  
控有串通賄囑情弊必須澈底根究湯可受張奕  
璠俱着革職交新任巡撫徐炘秉公嚴訊務得真

情按律定擬其奏該部知道欽此臣於途次承准  
廷寄道光八年十一月十九日奉

上諭本日據盧坤叅奏相驗率謬被控賄囑毆傷之  
平魯縣勒休知縣湯可受朔州告病吏目張奕璠  
已明降諭旨交徐忻審辦矣此案張旬氏死由自  
刎抑係被殺全以咽喉傷痕長短深淺及起手收  
手重輕爲斷湯可受當場相驗屍傷九寸與四寸  
長短懸殊不難一望而知何以當時將屍格已填  
九寸迨回至寓中輒復改爲四寸又不將起手收



手處辨明輕重縱令荒謬糊塗何至若是且原驗該屍咽喉近左尚有刃傷二處肩甲肘手腕等處均有墊傷顯有按壓情形何以屍格率填自刎現經屍親控告有串通賄囑改傷情弊經盧坤飭令該府訪獲目覩張句氏身死之婢女環啞子誑出致死端倪必須詳慎查審以成信讞著徐焞親提犯証卷宗細心推鞠務得實情斷不准以湯可受等業經勒休告病有心開脫致案情不實不盡將此諭令知之欽此

臣

抵任後遵卽行提全案人

証卷宗來省督同藩臬兩司並太原府知府王  
世綏大同府知府崔允昭等逐一嚴訊緣張榮  
昌係朔州廩生娶句閩中之妹句氏爲妻結褵  
九年素相和好道光六年四月間張句氏染患  
痰迷病症時發時愈張榮昌意欲納妾張句氏  
阻止因此夫妻不睦十一月間張句氏病發放  
火張榮昌瞥見撲滅欲行休棄句閩中不依張  
榮昌遂將張句氏安頓另院居住令工人白根  
生之妻伴宿七年正月初二日句閩中聞知往

向理論張榮昌赴州呈懇斷離經該州訊明張  
句氏僅止患病並無別故飭令領回完聚張榮  
昌仍將張句氏安置另院因白根生之妻病故  
無人伴宿張句氏不敢獨處走至張榮昌住院  
叫門張榮昌之母張劉氏不淮開啟經張榮昌  
族兄張二疤見而憐憫將張句氏留往伊家與  
其母暫住十八日張二疤將張句氏送回張句  
氏向張榮昌爭吵張榮昌用拳毆傷張句氏左  
眉左臍狀張句氏哭喊張榮昌用木鞭杆毆傷

其左右手腕張句氏倒地滾撞致磕傷人中墊  
傷左肩甲左膝左右肱肘左右手腕鄉地武貴  
瞥見勸阻張榮昌復將張句氏拉至另院十九  
日午後句閔中邀同堂兄句行中句適中句酌  
中偕往將張句氏扶至張榮昌所住正房與張  
榮昌揪扭張榮昌之父張國柄上前解勸被碰  
跌倒經張二疤將句閔中等勸回張榮昌被鬧  
氣忿又見其父跌傷卽向張句氏斥罵並以爲  
伊一人以致闔家不安不如早死之言向斥維

時張句氏坐炕哭泣聲稱伊亦不愿存活卽用  
右手順取炕旁架上薙刀連抹咽喉二下將刀  
換在左手負痛不肯再抹張榮昌忿恨起意致  
死卽用左手抓住張句氏右手仰面按倒右手  
將張句氏左手連刀一併捻住用力在其咽喉  
正中來回狠割張句氏立卽殞命張榮昌捏稱  
張句氏自刎身死投知鄉約報州時值該州許  
昭德公出經吏目張奕璠申請平魯縣知縣湯  
可愛帶領刑仵代驗朔州刑仵亦隨同相驗咽

喉正中一傷先經朔州仵作劉月明用雙股細繩比較長短遞交平魯縣仵作沈亮用尺量報詎沈亮將繩放直單量喝報橫長九寸深一寸六分該縣湯可受隨即填註格內劉月明聲稱沈亮量報錯誤咽喉部位能有多寬焉有橫長九寸之理該縣親自看明不過四寸欲行更改適屍親句閔中等將屍格按住迨至驗畢該仵作等因張句氏兩眼俱閉左手彎曲喝報自刎身死句閔中等爭論該縣聲稱不必爭執姑填

金刃身死以俟確訊該縣回至公寓復向伴作  
沈亮查訊卽將九寸改爲四寸并將原填金刃  
身死改爲金刃自刎字樣亦未訊取犯証供詞  
卽行回署句閣中等因知屍格已改并聞湯可  
受驗屍回寓之後曾見吏目張奕璠前往謁見  
心疑張榮昌賄囑該吏目串通湯可受改易屍  
傷隨赴臬司巡撫衙門具控前撫臣盧坤因檢  
查原驗屍傷情形與自刎不符檄飭嚴訊嗣據  
訪獲目睹張句氏身死之痴婢環啞子到案環

啞子因張榮昌之母張劉氏先曾囑令捏供張  
句氏係伊殺斃遂照張劉氏所囑捏供劉氏用  
刀割死張榮昌亦隨同狡賴經前撫臣盧坤將  
湯可受等叅

奏欽奉

諭旨交臣嚴審臣卽親提犯証訊悉前情臣查原驗

屍身肩甲肘手腕等處均有墊傷恐係幫助  
按壓另有同謀加功之人湯可受相驗屍傷九  
寸回至寓中輒改爲四寸又不將起手收手處



辨明事關人命重情何以如此率忽荒謬實難保無聽受賄囑情弊復提集犯証再四究訊據張榮昌供稱道光七年正月十八日張二疤將伊妻句氏送回時伊將句氏毆傷倒地墊傷肩甲肘手腕等處越日身死傷痕宛在實非按壓所致若果另有同謀加功之人正可藉以諉卸何肯獨當其罪至賄囑吏目一節實無其事試思逞忿故殺與以財營求孰輕孰重今重罪已供認不諱其輕者豈肯隱忍不言復提訊張

二疤供稱十八日已見張句氏肩甲等處先有傷痕並非十九日磕墊又訊據已革知縣湯可受供稱伊相驗張句氏屍傷時始而據仵作喝報填註繼聞量報錯誤親自看視橫長不過四寸因屍親按住屍格未得卽時改正是以回至寓中更改如果有聽受賄囑情弊儘可另換屍格何以卽在原格內塗寫自貽柄據至未將起手收手處驗明實因屍親喧鬧一時遺忘疎漏質之已革吏目張奕璠及原驗刑仵供俱相同

提訊屍親句閔中等僉稱委係懷疑牽控並無確實憑據反覆隔別嚴鞫矢口不移案無遁飾查律載夫毆妻至死者絞故殺亦絞又官吏作作因檢驗不實而罪有增減者以失出入人罪論失出人罪減五等又囚未決放及放而還獲各聽減一等各等語此案張榮昌因妻句氏染患痰症屢次反目并因句氏母家兄弟前往爭論將其父碰跌致傷輒逼令自盡又捻該氏持刀之手用力狠割致斃實屬故殺張榮昌合依

夫毆妻至死者絞故殺亦絞律擬絞監候秋後處決已革平魯縣知縣湯可受于命案不知細心檢驗又不將起手收手辨明輒聽伴作誤報將被殺作爲自刎又復改註屍格幾致正兇漏網實屬昏憤糊塗湯可受應請照檢驗不實失出人罪減五等囚未決放又減一等律於張榮昌絞罪上減六等擬杖六十徒一年事犯在道光八年十一月初九日

恩詔以前所得徒罪應不准其援減作劉月明沈

亮刑書康嵐任政和相驗張句氏咽喉刃傷誤  
報分寸自刎除沈亮業已病故外劉月明康嵐  
任政和均合依檢驗不實失出人罪律杖六十  
徒一年事犯在

恩詔以前應請減爲杖一百折責發落革役已革吏  
目張奕璿嚴訊徃見湯可受時並未久停湯可  
受如何更改屍傷伊實未在旁委無串通賄囑  
情事句閱中句行中句適中句酌中所控張句  
氏被殺之處業已得實其所控賄囑改傷亦因

湯可受草率改格所致均請免議除全案供招  
咨部外所有審明定擬緣由理合恭摺具

奏伏乞

皇上聖鑒謹

奏

道光九年三月初六日拜發十一日恭遞十七

日朔平府途次接奉

硃批另有旨欽此

道光九年三月十二日內閣奉

上諭徐忻奏知縣相驗率謬審明定擬一摺山西已  
革平魯縣知縣湯可受於張榮昌故殺妻命一案  
並不細心檢驗辨明傷痕輒聽仵作誤報於屍格  
內將被殺改填自刎實屬昏憤糊塗湯可受著照  
該撫所擬杖六十徒一年不准援減餘著刑部覈  
議具奏欽此

山西巡撫臣徐忻跪

奏爲副都統因病身故暫令城守尉就近署理循

例由驛奏

聞事竊照綏遠城副都統富爾嵩阿因病懇請開缺

調理業經欽奉

諭旨簡放桓格補授計日尚未到任臣於十一日行

抵大同府所屬之山陰縣途次接據歸綏道富

珠禮稟報該副都統告病後調治未能痊愈於

初八日巳時身故該道前往照料所有將軍副



都統印信令各該衙門協領叅領封固看守等  
語臣查副都統印務堪以委令右玉城守尉慶  
祿就近前往暫行署理並代辦將軍事務此時  
那彥寶已將抵晉省臣一面飛速移咨一面由  
大同府前赴歸化城一帶查閱理合循例恭摺  
由驛具

奏伏乞

皇上聖鑒謹

奏

道光九年三月十一日拜發十五日恭遞十八  
日和林格爾途次接奉

條批另有旨欽此

四庫全書  
卷一

三

軍機大臣 字寄

綏遠城將軍那 山西巡撫徐 道光九年三

月十五日奉

上諭徐忻奏副都統因病身故暫令城守尉就近署  
理一摺新授綏遠城副都統桓格業已自京起程  
計月內可抵新任綏遠城將軍那彥寶亦於二月  
初四日具報入關計四月初間卽可到任現在富  
爾嵩阿因病身故已據徐忻委令右衛城守尉慶  
祿就近署理副都統並代辦將軍事務著卽傳知

慶祿於桓格那彥寶未到以前暫行兼護那彥寶  
於途次接奉此旨卽著趕緊前往蒞任不可耽延  
將此諭知那彥寶徐斡並傳諭慶祿知之欽此遵  
旨寄信前來

山西巡撫臣徐炘跪

奏爲恭報雨雪糧價情形仰祈

聖鑒事竊照山西省正月分得雪糧價情形業經臣

恭摺具

奏在案茲據大同府屬之山陰應州廣靈天鎮朔  
平府屬之朔州平魯先後具報於二月十五六  
日得雪得雨一二寸不等其餘各府州屬均未  
報得有雨雪臣查晉省自節屆仲春渥澤雖未  
普霑土脉尚皆滋潤麥苗長發民氣安恬堪以

仰慰

宸懷理合恭摺具

奏並敬繕二月分糧價清單恭呈

御覽伏乞

皇上聖鑒謹

奏

道光九年三月二十七日拜發四月初四日恭

遞初十日接奉

硃批知道了欽此

再山西省捐監銀兩截至道光九年正月月底止  
實存司庫正項並餘平共銀三萬八千二百一  
十二兩八錢業經臣附片具

奏在案茲據藩司葉紹本詳報自道光九年二月初二日起至二十八日止續收正項銀一千八百兩餘平銀七十二兩連前實存司庫正項餘平共銀四萬八十四兩八錢理合附片奏

聞謹

奏



同日奉

硃批覽欽此

山西巡撫臣徐忻跪

奏爲請將府州題選缺分互易俾人地繁簡得宜

仰祈

聖鑒事竊照山西省並無題缺知府潞安澤州寧武  
三府均係選缺澤州府所屬五縣寧武府所屬  
四縣政務本簡惟潞安府雖係中缺所屬七縣  
政務殷繁兼有所管稅課且地居太行要隘與  
河南接壤實爲晉省門戶非熟悉情形之員不  
足以資治理應請改爲在外題補之缺又山西

題缺直隸州七缺絳州解州平定州忻州代州  
霍州所屬自五縣四縣至三二縣不等惟保德  
州所屬僅祇河曲一縣地僻事簡初任人員可  
期勝任應請改爲歸部銓選之缺如此一轉移  
間缺分繁簡各得其宜於地方實有裨益據藩  
臬兩司會詳請

奏前來臣覆核無異理合恭摺具

奏伏乞

皇上聖鑒謹

奏

道光九年三月二十七日拜發四月初四日恭

遞初十日接奉

硃批吏部議奏欽此

三才圖會

卷一

二

山西巡撫臣徐焮跪

奏爲查閱大同鎮屬各營伍情形並回省日期恭摺奏

聞仰祈

聖鑒事竊臣於三月初六日自省起程前赴大同各營查閱緣由業經恭摺

奏明在案臣出省後卽由忻州代州大同朔平殺虎口歸化城一帶次第校閱所演陣式並進步連環均尚整齊籐牌雲梯刀矛雜技亦皆矯健

硃

堪發笑

便捷馬步箭準頭六分有餘步鎗準頭五分有餘新添擡砲噴筒並速戰陣式亦俱如法惟馬鎗一項甚屬生疎人與馬不相習一經施放馬

此等入馬能調馬

則驚恐人亦惶怖有未到靶而先放者有已過

硃

靶而後放者更有裝藥鈎火不及未能放出者

必要認真演習

前後參差錯誤逐營如是臣嚴加責懲並諄飭

硃

勤加操演務臻嫻熟其中馬步箭步鎗技藝較優者當場給予獎賞平庸生疎者分別降伍斥責各營將備等弓馬俱尚可觀惟新平路叅將

硃

塔克興阿不諳營務應請令回旗仍以京員補用大同鎮標前營都司鄭起發精力就衰起跪維艱該員年屆六十三歲經鎮臣咨請甄別應請勒令休致該員由行伍出征川楚陝豫等省著有微勞應否給俸之處應候兵部照例辦理至存營軍裝器械等項查驗並無短缺馬匹亦皆足額臣於每營校閱後卽剴切曉諭該將備等務各激發天良認真訓練總期一日有一日之功一兵有一兵之用以仰副



聖主整飭武備之至意臣查閱完竣於四月初二日  
回省所有查閱大同鎮屬各營伍情形並回省  
日期理合恭摺具

奏伏乞

皇上聖鑒謹

奏

道光九年四月初六日拜發十一日恭遞十八  
日接奉

硃批另有旨欽此

道光九年四月十二日內閣奉

上諭徐忻奏查閱營伍一摺新平路叅將塔克興阿不諳營務著飭令回旂交兵部帶領引見大同鎮標前營都司鄭起發精力就衰起跪維艱著勒令休致該員由行伍出征川楚陝豫等省著有微勞應否給俸之處著兵部查明照例辦理至馬鎗一項各營俱屬生疎必須認真演習該撫此次校閱業經將施放馬鎗參差錯誤者分別責懲著卽嚴飭各鎮督率各營弁兵勤加搵練務臻嫻熟該撫

仍當隨時查察毋許稍有踈懈該部知道欽此

再查新平路守備錢萬青經該營詳報於正月  
初八日因病身故當經恭疏

題報在案詎該守備係因叅將衙門書識陳永祿  
逼討藥錢自扎肚腹身死該營何以捏報病故  
除飭提人証來省嚴訊確情據實究辦外理合  
附片奏

聞謹

奏

同日奉

明倫彙編 家範典 卷一百一十一

三

殊批嚴行審究務得確情不可不實不盡欽此

山西巡撫 臣 徐忻跪

奏爲酌請出借倉穀並暫緩採買以平市價而裕  
民食仰祈

聖鑒事竊照山西省太谷交城襄陵鄉寧潞城大同  
山陰廣靈陽高朔州猗氏和順沁州沁源定襄  
靜樂五台河曲夏縣稷山霍州蒲縣薩拉齊各  
廳州縣詳稱現值東作方興農民買食維艱該  
廳州縣常平倉內各有積存十餘年之穀紅朽  
堪虞應請照例出陳易新以濟民食又據右玉

臨汾靈石大同霍州各州縣詳稱應買道光五  
六七八年平糶並借碾兵米等項谷石理應及  
時買補還倉惟現當糧少價昂正須倉儲接濟  
若再官爲採買實於民食有碍所有應買各項  
穀石懇請緩至本年秋後再行買補歸倉等情  
由藩司葉紹本確查詳請具

奏前來 臣查晉省上年秋收通省率筭八分有餘  
雖屬中稔但此內尚有收成稍歉及所收雖豐  
而產粟無多之處現值青黃不接之時民間正

藉倉儲接濟若再採買缺穀未免糧價增昂合  
無仰懇

天恩俯准按照各州縣地方情形酌量出借並暫緩  
採買寔於倉儲民食兩有裨益如蒙

俞允臣卽責成該管道府直隸州督率認真散放毋  
許胥役影射滋弊以期實惠及民仰副

聖主惠愛黎元之至意此後如各屬續有詳請出借  
平糶者隨時咨部核辦除將出借穀石及緩買  
穀數咨部查核外理合恭摺具



奏伏乞

皇上聖鑒謹

奏

道光九年四月初六日拜發十一日恭遞十八

日接奉

硃批另有旨欽此

道光九年四月十二日內閣奉

上諭徐忻奏請出借倉穀並暫緩採買一摺晉省上年秋收雖屬中稔惟所屬尚有收成稍歉及所收雖豐而產粟無多之處現值青黃不接之時正藉倉儲接濟若再採買缺穀未免糧價增昂着照所請將太谷交城襄陵鄉寧潞城大同山陰廣靈陽高朔州猗氏和順沁州沁源定襄靜樂五台河曲夏縣稷山霍州蒲縣薩拉齊各廳州縣常平倉內積存穀石按照各地方情形酌量出借其右玉臨

汾靈石大同霍州各州縣應買道光五六年秋後再  
平糶並借碾兵米等項穀石着緩至本年秋後再  
行買補歸倉所有出借穀石該撫卽責成該管道  
府等督率認真散放毋許胥役影射滋弊以期實  
惠及民此外如各屬續有詳請出借平糶者卽着  
隨時咨部核辦該部知道欽此

山西巡撫 臣 徐忻跪

奏爲特叅典史濫差斃命因該縣不爲掩飾列欵

稟揭並逞兇訛詐請

旨分別拏問革職嚴行訊究以肅

功令事竊照繁峙縣典史陶仁因該縣民人侯作

肅拾獲胡麻一袋經代州車夫席玉炳喊控該

典史衙門該典史輒擅受差役威逼誣良索詐

致令自縊身死當將該典史撤任提省審訊詎

該典史先曾屢次向該縣達興阿懇求令其捏

報公出欲藉詞該縣未  
在署中希冀掩飾其擅  
受濫差之咎該縣未經  
應允該典史卽以該縣  
達與阿慢公重利好酒  
貪淫任性妄爲等情向  
該管道稟揭該縣亦以  
該典史陶仁因濫差斃  
命之案提省審辦向索  
盤費銀二百兩捐復銀  
四百兩並帶有小刀拚  
命將器具毀棄家人毆  
傷等情亦向該管道揭  
報據雁平道俞恒潤具  
稟前來臣查該典史陶仁  
擅受釀命胆敢令該縣  
代爲掩飾復因不允所  
請列款稟揭並於提

省審訊時逞兇索詐實屬藐玩已極該縣達興  
阿若果無任性妄爲劣蹟何致令屬員肆意挾  
制不可不澈底嚴究相應請

旨將繁峙縣典史陶仁革職拏問繁峙縣知縣達興  
阿革職以便提同案內應訊人証嚴審定擬以  
儆官邪而肅吏治理合恭摺叅

奏伏乞

皇上聖鑒謹

奏

道光九年四月初六日拜發十一日恭遞十八日接奉

硃批另有旨欽此

道光九年四月十二日奉

旨這所參濫差斃命因該縣不爲掩飾列款稟揭並逞兇訛詐之山西繁峙縣典史陶仁着革職拏問被揭之繁峙縣知縣達興阿着革職交該撫提同案內應訊人証秉公嚴審確情按律定擬具奏欽此

再翼城縣生員撤大瀛在步軍統領衙門呈控  
縣官懦弱書役門丁任意貪婪等情一案欽奉  
諭旨飭查該縣平日辦事如何能否勝任等因欽此  
臣遵卽密行確訪該縣知縣戴鈐係四川中江  
縣人現年三十六歲由道光二年壬午科進士  
以知縣卽用於五年七月間實授今職該縣士  
民僉稱該縣有讀書本色頗肯整頓地方該生  
撤大瀛居住東鄉向爲一鄉之霸因與倉書張  
天幅索詐不遂將其房屋拆毀控經道府飭傳



該生並未到案旋即赴京具控臣查知縣戴鈴  
年壯才明辦事勤慎實堪造就是以該生不能  
指其款蹟除將控案逐款訊明按律辦理外所  
有查明緣由理合先行奏

聞謹

奏

同日奉

硃批總要秉公究辦欽此

山西巡撫臣徐忻跪

奏爲遵

旨保舉堪勝總兵之副將恭摺奏

聞仰祈

聖鑒事竊臣接准部咨道光九年正月二十二日內

閣奉

上諭現在陸路副將記名以總兵用人員將次用竣  
著各省總督及兼管提督之巡撫於所轄副將內  
擇其品藝優長曉暢營務堪膺專閫者各保奏一

二員出具切實考語送部引見候朕簡用欽此 臣  
查山西省太原大同二鎮各設副將一員大同  
鎮屬殺虎協副將張仙保現年五十二歲係正  
藍旗滿洲布勒亨佐領下人由護軍叅領保送  
揀補山西殺虎協副將於道光五年七月內到  
營該員在任三載有餘於一切營務訓練有方  
臣查閱大同鎮營伍考驗該員弓馬嫻熟勤慎  
安詳曾經護理大同鎮印務辦理裕如堪膺專  
閫之任理合遵

旨出具切實考語恭摺具

奏伏乞

皇上聖鑒謹

奏

道光九年四月十三日拜發十七日恭遞二十

三日接奉

硃批著送部引見欽此

			東
			西
			南
			北
			東
			西
			南
			北

山西巡撫 臣 徐忻跪

奏爲晉商行銷豫省引鹽請仍循照舊章辦理恭

摺奏

聞仰祈

聖鑒事竊照河東各商行銷河南洛陽等三十二州

縣引鹽節經設法調劑迄無善策自乾隆五十

七年改爲地丁聽民販運嘉慶十二年復行招

商承辦閱時未久商力不支經前撫臣成格奏

請仿照淮南商行銷江西湖廣引鹽之例改爲商

運民銷經部議准將鹽運至河南陝州會興鎮  
發給民販行銷該商等以每年節省繁費專力  
辦運納課始免貽誤上年河南撫臣楊國楨以  
潞鹽自改歸民運後價值增昂擬令設廠分運  
札商前撫臣盧坤當經盧坤博採周諮將難以  
施行之處切實札覆嗣河南撫臣自行奏明請  
於河南汝州南陽三府州各設分廠一處將各  
該屬每年額銷鹽斤運廠發售並請將商銷原  
價每斤各加制錢二文俾資貼補經部議准行

仍令臣體察情形務期行之久遠不致再議更  
張臣當卽札行河東道韓文顯飭商遵辦並遴  
委籍隸河南之知縣王四杰湯若泌秦煜三員  
分赴河南汝州南陽各屬周歷密爲訪查究竟  
鹽價是否過昂民食有無短缺茲據該委員等  
查覆各該處城市村鎮均有行店舖廠其僻壤  
遠鄉不乏肩挑馱載閭閻從無淡食之虞核其  
價值較從前商銷時每斤加增一二文至七八  
文不等惟南陽所屬距會興鎮較遠最貴之價



賣至四十八文查淮南商行銷豫省引鹽每斤價  
值七八十文較之晉省最貴之價尚多至半倍  
有餘且從前商銷時不免輕短分兩攙和泥硝  
自改民銷以來俱係淨鹽足秤商銷與民銷於  
居民毫無損益等語並據河東道稟稱晉商素  
稱疲乏自改議商運民銷各口岸子店房屋夥  
友辛工以及地方規例均得全行裁革商力稍  
紓今若分設鹽廠責令輾轉販運不惟汝南等  
處相距產鹽之地千餘里之遙陸運至廠運本

不貲且豫省銀價過昂又貫以一切繁費通盤  
合算實屬賠累難堪從前運商紛紛逃避頻簽  
殷商累及通省富民而仍不能經久實難孟浪  
承辦並據商人王恒泰尉世隆張隆泰馬德隆  
靳悠久張恒履楊堽篋等來省環跪懇求以近  
年改爲商運民銷之後勉力支持應交課項並  
河工經費每年共銀七十餘萬兩年清年欸不  
敢絲毫拖欠今若另行添設數廠分售是仍令  
商運商銷強以力之所不能必致貽誤課運所

關匪細商等俱有身家祇有懇請告退情詞迫切委係實在情形臣思添設一廠必有一廠繁費加以陸運維艱卽使每斤各加制錢二文稍資津貼亦無補裨臣職司鹽政所轄各口岸本無畛域之分何敢稍存成見第添廠所以恤民果於民食有裨亦不容該商等推諉然亦須兼量商力使行之而不能久卒非恤民長策况民食並未缺乏而欲使商力疲於轉運似非兩全之計查自嘉慶二十四年奏請商運民銷迄今

已閱十載商民相安已久課運皆無缺誤今復  
遽議更張恐難期行之久遠與其窒碍於日後  
何若規畫於事前合無仰懇

聖恩俯准仍令循照舊章辦理以裕商力而杜弊端  
實於鹺務有裨所有臣接准部咨悉心核議緣  
由理合據實恭摺具

奏伏乞

皇上聖鑒謹

奏

道光九年四月十三日拜發十七日恭遞二十

三日接奉

硃批另有旨欽此

加鹽價當經飭部核議准行仍令山西巡撫體察情形務期行之久遠不致再議更張茲據該撫委員赴豫省行銷潞鹽各屬周歷訪查各該處城市村鎮均有行店舖廠其僻壤遠鄉不乏肩挑馱載既無淡食之虞並亦不致食貴若分設鹽廠責令輾轉販運加以一切繁費賠累難支民食未缺而商力轉疲難期行之久遠等語行銷引鹽之道恤民兼須恤商若果民虞淡食豈容該商籍詞推諉既據該撫查明商銷民銷與閭閻毫無損益而一

經更改舊章商力轉形疲乏是未能恤民而先致  
累商立法豈能經久且近年以來商民相安課運  
無悞何必復議更張着照所請仍照嘉慶二十四  
年議定章程辦理該部知道欽此

年議定章程辦理該部知道欽此



皇朝通志

卷一

三十一

山西巡撫臣徐忻跪

奏爲遵

旨覆審定擬具

奏仰祈

聖鑒事竊臣於三月二十三日接准部咨道光九年

三月十六日奉

旨刑部奏議駁山西巡撫徐忻審擬沁源縣民孫萬  
年率同伊子孫文林等殺死孫元珍妻子一案查  
閱供招孫萬年因胞姪孫元珍屢次霸產起意殺

死洩忿並未謀及孫元珍妻子迨我尋孫元珍不見先後喝令伊子孫文進孫文林將孫元珍之子孫學忠妻孫楊氏劈砍致斃顯係威力主使覈其兇砍情形確有故殺之心實無謀殺之迹該撫將孫萬年照殺死功總卑幼一家二命之例擬以絞決於謀故罪名並無增減而孫文林等以主使爲從之犯科以謀殺加功之條分別問擬纒首流戍罪名出入攸關且孫楊氏孫學忠身受各傷究係何人下手傷重致死亦未詳細聲叙著徐忻再行

悉心研鞫務得確情按律妥擬具奏等因欽此

臣

跪讀之下仰見

聖主勅法明慎治獄持平曷勝感悚欽服

臣

遵卽提

集犯証悉心研鞫緣孫萬年與胞姪孫元珍彼  
此因爭產不睦挾有夙嫌積怨已非一日迨七  
年九月初十日孫元珍之子孫學忠赴厠挑糞  
孫萬年瞥見攔阻趕回孫元珍之妻孫楊氏卽  
向孫萬年爭論斥罵孫萬年恨怒莫遏一面飲  
酒一面嚷罵聲稱伊已六十餘歲年已衰老亦

活不多時竟與拚命將其全家殺害以洩此忿  
囑令伊長子孫文林次子孫文進同往幫助孫  
文林等亦氣忿允從孫萬年卽自携鎌刀率同  
孫文林携帶鉄鋏孫文進携帶鉄斧前往孫元  
珍住窰院內維時孫元珍聞知躲避其子孫學  
忠在西北窰內關閉窰門孫萬年等將門打開  
孫萬年連聲喝砍孫文進卽首先下手用斧砍  
傷孫學忠頂心斜長一寸二分寬二分深至骨  
骨碎又連砍其偏左近上斜長一寸七分寬四

分深至骨骨碎偏左近後斜長一寸二分寬一分深至骨劃傷右手腕斜長七分皮微破當卽倒地殞命隨後孫萬年亦用鑷刀砍其腦後因孫學忠業已身斃孫萬年復赴東甯徃尋孫元珍之妻孫楊氏其時孫元珍胞妹韓孫氏向孫萬年奪鑷拉勸致被劃傷右手背孫文林砍開東甯孫萬年又連聲喝砍孫文林首先下手用鋏砍傷孫楊氏顙門至左額角連左太陽穴及顙頰斜長七寸一分寬五分顙門至太陽骨俱

碎腦髓流出卽時倒地殞命隨後孫萬年趕入亦用鑷刀砍其左額角三處左眉一處因鑷刀頭砍斷適孫文進携斧跟入因窰內地方窄狹挨不上前站在孫萬年背後孫萬年卽奪過孫文進手內鉄斧連砍其左額角左眉稍相連左眼角左顳頰始行歇手反覆究詰矢口不移案無遁飾查孫萬年欲將孫元珍全家殺死令其子孫文林孫文進一同前往幫助孫文林等氣忿允從卽持械隨往一則首先用斧疊砍其頂

心偏左重至骨碎一則首先用鋏狠劈其顛門  
至太陽骨俱碎腦髓流出均卽時倒地殞命實  
係下手致命傷重律以纓首流戍實係罪所應  
得應請仍照原擬孫萬年依殺死功服緦麻卑  
幼一家非死罪二命絞決例擬絞立決請

旨定奪仍查明該犯財產酌斷一半給付死者之家  
孫文林聽從謀殺大功兄妻合依弟毆兄妻至  
死以凡論謀殺人從而加功者絞律擬絞監候  
秋後處決孫文進合依聽從謀殺小功堂姪者



絞爲從減一等律杖一百流三千里事犯到官  
在道光八年十一月初九日恭奉

恩詔以前係謀殺加功應不淮其援減所有臣覆審  
定擬緣由理合恭摺覆

奏伏乞

皇上聖鑒謹

奏

道光九年四月十三日拜發十七日恭遞二十  
三日接奉

殊批刑部速議具奏欽此

刑部

卷一百一

十一

阿比言三三三正

卷一

二百一

山西巡撫臣徐忻跪

奏爲恭謝

天恩事竊臣賫摺差弁回晉奉到

恩賞藥錠一匣臣當卽恭設香案望

闕叩頭祇領訖伏念臣忝任封圻慚無報稱渥被

恩榮於端午叨承

錫賚之重申

頒珍劑於

尚方

寵逾賜葛祛煩蒸於大夏感切傾葵痲癘消於無形  
解阜徵於有象金丹辟惡陰陽悉泯其偏頗玉  
液凝華品式兼宜於佩服

九霄沛澤欣際浴蘭蓄艾之辰五日迎祥陋彼疊雪  
含風之詠所有臣感激下忱理合繕摺具

奏恭謝

天恩伏乞

皇上聖鑒謹

奏

道光九年四月二十二日拜發二十七日恭遞  
五月初三日接奉

硃批覽欽此

四一  
卷之七

三

山西巡撫臣徐忻跪

奏為恭報雨水糧價情形仰祈

聖鑒事竊照山西省二月分得雪糧價情形業經臣

恭摺具

奏在案茲據太原平陽潞安汾州大同朔平寧武

澤州蒲州九府遼州沁州平定忻州代州保德

解州絳州霍州隰州十州並所屬州縣暨歸綏

道所屬各廳先後稟報於三月初一初二初十

日十二十九二十二十一二十三十四五日得



雨自一寸至四寸及深透不等現當農田望澤之際及時春雨普霑麥苗長發茂密市集糧價因值青黃不接之時較上月微有加增尚屬中平民情安貼理合恭摺具

奏並敬繕三月分糧價清單恭呈

御覽伏乞

皇上聖鑒謹

奏

道光九年四月二十二日拜發二十七日恭遞

五月初三日接奉

硃批知道了欽此

明倫彙編

家範典

三

再山西省捐監銀兩截至道光九年二月底止  
實存司庫正項並餘平共銀四萬八千四百八  
錢業經 臣 附片具

奏在案茲據藩司葉紹本詳報自道光九年三月  
初二日起至二十八日止續收正項銀一千六  
百八十兩餘平銀六十七兩二錢連前實存司  
庫正項餘平共銀四萬一千八百三十二兩理  
合附片奏

聞謹

臣等謹將各款開列如左

三十三

奏

同日奉

硃批覽欽此

山西巡撫 臣 徐忻跪

奏爲勘明文水縣境內文峪河情形恭摺奏

聞仰祈

聖鑒事竊照山西太原府屬有文峪河一道在文水縣境內自康熙年間由東城村迤東歸入汾河乾隆年間改由文峪村迤東至橋頭村歸入汾河迨嘉慶十二年秋後大雨連綿山水陡發復自文峪村迤西沖開河一道經由方圓等村仍由橋頭村斜趨入汾經前任撫臣委員詳細履

勘因河東河西兩岸居民皆以遠河爲遠害斷令水走新河則河西民不允斷令開挖舊河則河東民不從於是權水患之重輕察輿情之向背議令新河不准堵口舊河量爲疏通俾新舊兩河並行不悖使多一分洩之路卽少一泛溢之虞兩河村民各具遵結詳請具

題經部議覆准行在案惟舊河逐漸淤平久經墾種新河係屬沙土隨挑隨淤是以道光五年六月間河水漲發復由武陵村決口水勢東趨河

流遷徙靡常兩岸村民思患曲防糾衆築堰拆  
堰鬪毆殺傷命案層見叠出而且聚訟紛紛迄  
無休息亟須熟籌疏導之方廣開宣洩之路上  
年經前撫臣盧坤奏明檄飭委員等尋原溯委  
確切查勘再行商同兩司悉心籌辦臣於抵任  
後卽經飭委該管河道王志灝督同原委之遼  
州知州呂士淳等周歷詳勘據該道州等查明  
嘉慶十二年以前之河皆已成爲熟田並無舊  
河形迹嘉慶十二年以後之河亦復全行乾涸



一片沙淤兼有墳塋在內勢難就地開挖且該處各村民等皆再三籲懇不願開挑並恐旣開之後旋復淤塞不如俯順輿情仍飭各村自行修築護村堤堰俾資保衛等語由兩司議詳前來臣思防範水患惟於上游引導爲上築其次則就下游疏濬不使淹浸田廬今查文峪河由文水縣西北發源該處地勢高仰旣不能沿山逆流強爲挽導如欲疏濬下游則康熙乾隆年間河流已無定向故道久湮卽嘉慶年間之河

亦早經壅閉斷流難尋基址此時若議疏挑無論陸地興工爲費甚鉅且強民從事勢有所難更恐土性浮鬆旋挖旋塞勞費徒虛况該處地方平行一經山水漲發普律漫灘其勢不能以開有河身遂可制其一定歸槽不復泛決臣與兩司等反覆商榷惟有順水之性無遏來源暢水之流勿阻去路查道光五年以後新走之河由武陵營兒西城東莊等村入磁窰河下達汾河現在水流通順應責令該縣酌量情形相度

地勢或切灘逼溜以杜其旁溢或督率疏濬以  
納其來源其各村所築護村堤堰藉以防禦應  
聽其便惟各須距河二三十丈不得攔河築堰  
致阻去路仍令該管道隨時前往稽查以杜爭  
端而資捍衛所有勘明實在情形理合恭摺具  
奏並繪圖貼說恭呈

御覽伏乞

皇上聖鑒謹

奏

道光九年五月十一日拜發十六日恭遞二十

一日接奉

硃批另有旨欽此

明倫彙編  
家範典  
卷一百一十五

十一

道光九年五月十七日內閣奉

上諭徐忻奏勘明文水縣境內文峪河情形一摺文  
峪河由山西文水縣西北發源河流遷徙靡常兩  
岸居民皆思豫防水患修築堤堰徃徃滋生事端  
現據該撫查勘情形勢難就地開挖並恐既開之  
後旋復淤塞現在新走之河由武陵營西城東莊  
等村入磁窰河下達汾河極爲通順自應順水之  
性無過來源暢水之流勿阻去路著照該撫所議  
責令該縣相度地勢或切灘逼溜或督率疏濬酌

量辦理其各村所築護村堤堰藉以防禦仍聽其  
便惟各須距河二三十丈不得攔河堵築致阻去  
向仍令該管道隨時稽查以杜紛爭而資捍衛欽  
此

山西巡撫臣徐炘跪

奏爲審明任性乖謬違抗狡飾之已革都司按律

定擬恭摺奏

聞仰祈

聖鑒事竊照原任平魯營都司蘇博通阿因調簡負

氣妄行稟訴先經前撫臣福綿

奏請解任訊究嗣經前撫臣盧坤叅

奏革職欽奉

上諭盧坤奏請將狡供延案之解任都司並被許之



都司分別革職解任究辦一摺此案解任山西平  
魯營都司調署平刑營都司蘇博通阿稟許調署  
平魯營都司惠昌串謀奪缺始稱惠昌向其面述  
繼供得自傳聞並無確據復稱拾有惠昌謀調信  
稿寄伊家中及取到原稿校驗不特與惠昌筆跡  
不對卽書識郭鳴鳳等所寫字跡亦各比驗未符  
且營求請託之事豈肯將原稿存留印簿官隔一  
任事閱兩月之久始爲該都司檢獲尤非情理託  
之惠昌則堅稱並無其事該都司質對亦俯首無

詞而於信稿來歷仍稱得自印簿供情反覆殊屬  
有心狡執至所供平魯營虧缺公項及兵餉不足  
借墊發放各款該都司均不能指實惟一味支吾  
牽扯事關謀缺並庫儲兵餉虧短等情必須徹底  
嚴究蘇博通阿著革職惠昌著解任交該撫親提  
全案人証研訊確情務期水落石出不可稍有含  
混按律分別定擬具奏欽此  
前撫臣盧坤未及審  
辦臣抵任後提集人証卷宗督同司道等逐一  
研訊緣蘇博通阿係山海關駐防滿洲由防禦

推陞山西平魯營都司經大同鎮總兵劉國慶  
以該營事務較繁蘇博通阿才難勝任咨商前  
撫臣福綿與平刑營都司惠昌互相調署旋因  
解送甘省駝隻委令管解該革員於奉文後稟  
請病假該鎮恐其避差捏飾委員查驗詎該革  
員卽以被謀調簡鬱悶成疾具稟經該鎮移咨  
前撫臣調省查詢該革員卽牽指該鎮劄取銅  
瓶未送致被申飭並惠昌餽送該鎮馬匹轉求  
靈卽營都司湯貽汾代謀移調等情申訴經前

撫臣福綿

奏叅解任確訊嗣因狡供延案復經前撫臣盧坤  
奏請革職嚴審當經臣親提研鞫該革員以委解  
駝隻時實係染患傷寒病症因該鎮委驗札內  
有惟恐捏病字樣遂觸及調簡不甘率行妄稟  
其不由該管叅將具詳告病之處實屬不諳定  
例等語又該革員於庫貯軍械並不隨時修整  
一欵訊係平魯營軍裝器械年久虧損該革員  
通融接收計虧損軍械十二件僅修整四件下

餘八件經惠昌捐修完備質之平魯營千總杜永齡據供惠昌未經到任以前卽經札飭該千總將庫貯一切軍械查明具報該千總稔知庫貯軍械不全並聞該革員有虧挪公項之事嗣惠昌接任後並未揭報該千總恐蹈徇隱之咎是以據實具稟委係實情又該革員稟稱前接平魯都司到任時虧短公項銀四百三十餘兩復因發放兵餉不足均稟經該鎮諭令商同千把接收並墊發餉銀一款經前撫臣移查大同

鎮旋准咨覆該革員接收前任一切軍裝器械  
錢糧等項已據出具交代清楚冊結報部至道  
光四年六月間曾據該革員具稟於放餉時查  
驗銀封數目不符該鎮飭委東路營叅將黑達  
色前往查明係該營隊目扣還兵丁預賒糧米  
欠項係屬循照舊章辦理並無侵尅情弊惟事  
關兵餉究不應扣還兵丁私欠飭令隊目等將  
所扣銀兩如數歸出按隊散放令該兵丁等自  
行清還並劄飭以後不准預扣在案此該鎮飭

委叅將往查之原委也如果兵餉不足該鎮豈  
有不行叅辦而反委員彌縫之理檢查原卷案  
據炳然實屬確有憑証復訊該營弁兵僉供乎  
魯營應領餉銀向係按春秋兩季由司領回存  
貯縣庫按季散放其應領紅白朋合銀兩與截  
曠馬價向歸都司衙門收貯前任都司關敏陸  
續挪用存貯公項銀四百二十九兩於降調離  
任時僅交出現銀一百四十五兩短銀二百八  
十四兩將其自置家具等物留抵署任都司李

春芳不允祇許暫爲擔代該革員到任後因關  
敏降調窮苦推念同旗情分應允接收隨將家  
具等物留用又念關敏盤費無措不能回旗復  
將所交現銀一百四十五兩提還令其作爲盤  
費遂將挪虧公項銀四百二十九兩全行虛接  
結報旋因應行支放銀兩無措向鄭姓當舖借  
銀二百兩墊發此係該革員墊發公項銀兩並  
非墊發兵餉委無墊發兵餉三百餘兩之事質  
之干總劉執中把總王金隊目武勳石富任騰



鳳李茂公等供俱相同迨都司惠昌署任時照案虛出通關隨後將所短公項銀四百二十九兩如數彌補還欵提訊該革員自認牽扯糊塗不敢再行狡飾臣查該革員所稟惟大同鎮劄取銅瓶及都司惠昌餽馬謀缺各欵最關緊要誠恐該鎮不自檢束或貪圖見小聽受賄囑不可不嚴行根究隨檢查該鎮原卷係因閱伍至平魯營所轄之井坪堡查見軍庫有銅瓶一對劄飭解送大同貯庫旋據該革員稟覆係民間

寄貯供器未經呈解該鎮卽批飭仍令該汛收貯如遇交代附載冊後並無申飭語句伏思該鎮如係有意索取銅瓶豈有用印劄行文授人以柄愚不至此况瓶仍貯庫捏砌顯然其餽馬一節實係該鎮閱伍至平刑關時有跟隨家人宋洪因騎馬疲乏向該營都司惠昌借乘棗騮馬一匹騎至大同倒斃經該鎮發還青馬一匹賠補有北樓營叅將阿爾松阿目擊爲証質訊該革員亦無可置辯其所指惠昌轉求湯貽汾

代謀移調一節該革員初供係惠昌向其面言  
繼稱得自傳聞嗣又稱拾有惠昌致託湯貽汾  
謀調信稿係調署平刑營都司以後從該署印  
簿內檢出有營書郭鳴鳳等眼見嗣經提到信  
稿飭令惠昌並郭鳴鳳等比對筆跡均不相符  
查惠昌如果謀調該革員之缺焉肯轉向該革  
員當面述知殊非情理且靈邱營都司與總兵  
職分懸殊何能主令該鎮調署况所呈信稿供  
係由印簿檢出謀缺營私方秘密之不暇焉有

夾存印簿輾轉流傳交代予人以黃綠請託憑據斷無其事無怪惠昌與營書堅不承認再四駁詰始據供稱伊旣稟許惠昌囑託湯貽汾代謀移缺調省時慮恐追問証據隨於途間雇覓不識姓名賣卜人代爲捏寫以備登答伊因不能書寫漢字又無人可以代筆是以在途覓人書寫但總係伊自己主意希圖掩飾至該革員改征兵租借貸民財銷燬批稟等款查核各卷並訊取供詞該革員因改征兵租謬執已見而

又擅責地戶屬實其所欠當商借項已陸續歸還本利所有該鎮批稟實係該革員幼女剪壞並非銷燬反覆究訊矢口不移案無遁飾查例載屬員已知上司訪揭撫砌款跡捏詞誣揭者一事審虛卽行反坐於誣告加等罪上再加一等治罪又律載誣告人杖罪者加所誣罪三等又例載官員因事夤緣餽送禮物與者受者均革職提問又督撫司道明知州縣虧空不卽報叅反爲設法彌補於本犯勒追限滿之日着落

督撫分賠仍照例議處又律載文武官犯私罪  
該杖一百者革職離任又倉庫錢糧不足監臨  
主守官吏虛出通關者計所虛出之數併贓以  
監守自盜論又例載監守盜倉庫錢糧審非入  
已仍照挪移本例定擬挪移庫銀五千兩以下  
者總徒四年統限一年全完免罪仍照例准其  
開復各等語此案已革前任平魯營都司蘇博  
通阿因才具不勝繁缺之任經大同鎮咨商前  
撫臣調署簡缺輒敢負氣不服猜疑謀奪移調

妄行具稟迨經查訊又復肆意狡飾希圖延案卸罪實屬任性乖謬查該革員所稟各款惟都司惠昌餽送馬匹囑託湯貽汾謀奪調缺爲重如果審問得實該鎮劉國慶應照官員收受因事夤緣餽送禮物私罪革職杖一百今審係虛誣自應按例加等問擬蘇博通阿應照屬員已知上司訪揭撫砌欵跡捏詞誣揭一事審虛卽行反坐於誣告加等罪上再加一等治罪例應於革職杖一百罪上統加四等擬杖九十徒二

年半係旗人照例免其發配折枷號三十五日  
鞭責發落事犯到案在道光八年十一月初九  
日欽奉

恩詔以前惟係屬員誣揭上司情節較重應不淮其  
援減解任平刑營都司惠昌訊無餽送營謀情  
事惟於蘇博通阿轉交庫貯虧短公項銀兩並  
虧損軍械不行據實稟揭輒卽代爲彌補清楚  
通融結報前署平魯營都司世襲雲騎尉李春  
芳擔代虧短庫項轉交後任接收雖經全行補



完例得免罪第於軍械公項通融擔代接收均  
有不合應請交部議處大同鎮總兵劉國慶  
酌才具優絀缺分繁簡量爲調署係因人地相  
宜起見並無不合惟於所屬虧短軍裝器械挪  
移存公銀兩漫無覺察咎亦難辭應請

旨交部照例議處原虧公項之前任平魯營都司關  
敏業已病故應毋庸議無干省釋除將全案供  
招咨部外所有審明定擬緣由理合恭摺具

奏伏乞

皇上聖鑒謹

奏

道光九年五月十一日拜發十六日恭遞二十  
一日接奉

硃批刑部議奏欽此

刑部議奏

卷之二

七

明倫彙編  
家範典  
卷一百一十五

三

山西巡撫臣徐忻跪

奏爲歸化城稅務徵收一年期滿循例奏

聞仰祈

聖鑒事竊照山西歸化城稅務向係

奏委歸綏道就近管理乾隆三十八年三月內經

戶部核議如果該道徵收有法於一切稽查事

宜俱能實心經理任滿自可仍請接管等因歷

經欽遵在案茲查歸綏道富珠禮自道光八年

六月十三日管理起至道光九年六月十二日

止一年期滿例應預期

奏委臣查該道宮珠禮經理稅務妥協認真誠實  
可靠相應請

旨仍令該道就近接管臣仍隨時留心稽察不使稍  
滋流弊除將徵收稅課俟期滿後確核

題報外現屆應行接管之期理合循例恭摺具

奏伏乞

皇上聖鑒謹

奏

道光九年五月二十六日拜發六月初二日恭  
遞初八日接奉

硃批知道了欽此

以不事与奏正

卷一

三

山西巡撫 臣徐忻跪

奏爲恭報雨水糧價情形仰祈

聖鑒事竊照山西省三月分得雨糧價情形業經 臣

恭摺具

奏在案茲據太原平陽潞安汾州大同朔平寧武  
澤州蒲州九府遼州沁州平定忻州代州保德  
解州絳州霍州隰州十州並所屬州縣暨歸綏  
道所屬各廳先後具報於四月初二日至初五  
日初八九日十四日至十七日二十五六日得



雨自一寸至四寸及深透不等臣查時當首夏  
二麥將次吐穗秋禾亦漸出土農田潤澤民氣  
安恬糧價微有增減尚屬中平理合恭摺具

奏並敬繕四月分糧價清單恭呈

御覽伏乞

皇上聖鑒謹

奏

道光九年五月二十六日拜發六月初二日恭

遞初八日接奉

硃批知道了欽此

1882

1882

再山西省收捐監生銀兩截至道光九年三月  
底止實存司庫正項並餘平共銀四萬一千八  
百三十二兩業經臣附片具

奏在案茲據藩司葉紹本詳報自道光九年四月  
初二日起至二十八日止續收正項銀一千四  
百四十兩餘平銀五十七兩六錢連前實存司  
庫正項餘平共銀四萬三千三百二十九兩六  
錢理合附片奏

聞謹

身不...  
...

奏

同日奉

硃批知道了欽此

再查潞安府長治縣所屬之侯西莊等六村澤州府高平縣所屬之中村等九村於四月二十四日風雨交作帶有冰雹又絳州所屬之王馬村等九村於四月二十五日大風雨雹當經臣飭令詳加履勘內長治高平二縣各村向以秋收爲重所種二麥稀少現在秋禾甫經出土並未傷損勘不成災其絳州九村被雹麥地八頃有餘被風麥地十頃有餘均甚輕微惟正值將次成熟之際猝被風雹亟須趕緊播種秋禾業

臣等謹將  
奏稿  
呈覽  
伏乞  
聖鑒  
訓示  
謹奏

臣等  
謹奏

經分別捐給口糧籽種俾資耕作民情極為安  
貼理合附片奏

聞謹

奏

同日奉

硃批知道了欽此

山西巡撫 臣 徐忻跪

奏為查明錢糧完欠數目循例奏

聞事竊照錢糧完欠向隨奏銷時分晰查明核實具  
奏歷經遵照在案茲據布政使葉紹本詳稱山西  
省道光八年分應徵地丁等銀三百三萬一千  
一百四十七兩零內已完銀三百一萬四千四  
百三十一兩零未完銀一萬六千七百一十五  
兩零應徵本色糧一十二萬九千一百八十九  
石零內已完糧一十萬二千一百五十二石零



未完糧二萬七千三十六石零又帶徵道光七  
年米折銀一萬一千八百四十五兩零內已完  
銀一萬一百四十三兩零未完銀一千七百二  
兩帶徵節年未完糧五萬八千五百四石零內  
已完糧二萬六百二十二石零未完糧三萬七  
千八百八十一石零等情具詳前來臣覆核無  
異除飭將未完銀糧趕緊催徵完解外理合恭  
摺具

奏並分繕清單恭呈

御覽伏乞

皇上聖鑒謹

奏

道光九年六月初六日拜發十一日恭遞十七

日接奉

硃批戶部知道單併發欽此

卷之四

四

謹將山西省道光八年分應徵並帶徵地丁鹽  
稅等銀已未完數目開繕清單恭呈

御覽

計開

一道光八年分各屬額徵地丁銀二百九十八  
萬七千七百六十四兩零內

已完銀二百九十八萬三千五百七十八兩  
零

未完銀四千一百八十六兩零

一口外清水河廳道光八年分額徵米折銀二

萬四千四百三十一兩零內

已完銀一萬二千三百一兩零

謹將山西省道光八年分應徵並帶徵本色糧石已未完數目開繕清單恭呈

御覽

計開

一道光八年分各屬額徵糧一十二萬九千一百八十九石零內

已完糧一十萬二千一百五十二石零

未完糧二萬七千三十六石零

一各屬並口外各廳帶徵節年未完糧五萬八

千五百四石零內

已完糧二萬六百二十二石零

未完糧三萬七千八百八十一石零

未完銀一萬二千一百三十兩零

一陽曲等三十州縣道光八年分應徵土鹽稅

銀一萬七千八百五十八兩零內

已完銀一萬七千四百五十九兩零

未完銀三百九十八兩零

一安邑等四縣道光八年分應徵池灘地租銀

一千九十二兩零現已通完

一帶徵口外清水河廳道光七年分未完米折  
銀一萬一千八百四十五兩零內

已完銀一萬一百四十三兩零

未完銀一千七百二兩



THE UNIVERSITY OF CHICAGO

[1911]

4

1896

3 192

山西巡撫臣徐忻跪

奏爲恭報二麥約收分數仰祈

聖鑒事竊照二麥約收分數例應先期恭摺

奏報茲據布政使葉紹本將山西省太原等九府

遼州等十直隸州並所屬各廳州縣暨歸綏道

所屬各廳二麥約收分數開摺彙詳前來臣覆

加查核統計山西省一百八廳州縣多寡牽算

約收七分有餘理合繕具清單恭呈

御覽伏乞

皇上聖鑒謹

奏

道光九年六月初六日拜發十一日恭遞十七

日接奉

硃批知道了欽此

謹將山西省道光九年各屬二麥約收分數開  
繕清單恭呈

御覽

約收九分者

襄垣縣

約收八分有餘者

太谷縣

介休縣

寧鄉縣

鳳臺縣

陽城縣

約收八分者

洪洞縣 長治縣 長子縣 黎城縣  
壺關縣 陵川縣 沁水縣 解州  
約收七分有餘者

陽曲縣 榆次縣 交城縣 嵐縣

臨汾縣 襄陵縣 太平縣 岳陽縣

汾西縣 屯留縣 潞城縣 靈邱縣

陽高縣 天鎮縣 高平縣 永濟縣

平定州 盂縣 壽陽縣 忻州

崞縣 垣曲 靈石縣

約收七分者

太原縣 祁縣 浮山縣 曲沃縣

汾陽縣 平遙縣 應州 大同縣

懷仁縣 廣靈縣 偏關縣 榮河縣

虞鄉縣 猗氏縣 萬泉縣 武鄉縣

靜樂縣 代州 繁峙縣 安邑縣

夏縣 平陸縣 絳州 河津縣

聞喜縣 絳縣 霍州 趙城縣

隰州 大寧縣 歸化城廳

約收六分有餘者

徐溝縣 文水縣 岢嵐州 翼城縣

吉州 孝義縣 臨縣 石樓縣

永寧州 渾源州 山陰縣 豐鎮縣

朔州 右玉縣 左雲縣 平魯縣

寧遠廳 神池縣 臨晉縣 遼州

榆社縣 和順縣 定襄縣 五臺縣

保德州 稷山縣 蒲縣 永和縣

托克托城廳 薩拉齊廳

約收六分者

興縣 寧武縣 五寨縣 沁州

芮城縣 清水河廳 和林格爾廳

約收五分有餘者

鄉寧縣 沁源縣 河曲縣

以上通省一百八廳州縣多寡牽算一二麥  
約收七分有餘



史記卷一百一十五

卷一百一十五

史記

山西巡撫臣徐忻跪

奏為審明民人道旁叩

閭一案按律定擬恭摺奏

聞事竊照山西祁縣民人范樹庭於上年九月二十

四日恭值

聖駕經過蘆溝橋地方叩訴伊姪范榮魁等霸佔舖

業家產及常彩等毆斃伊妹賄囑匿傷等情經

刑部訊供奏交前撫臣盧坤提訊前撫臣未及

審辦旋即卸事臣抵任後飭提人証因所控皆

係十餘年二十餘年前之事被証人等或在口  
外歸化城一帶並無確切住址或在原籍尋覓  
無踪一時未能提集當經咨部展限在案嗣經  
陸續傳到人証臣卽督同兩司逐一研鞫緣范  
樹庭籍隸祁縣小桑村弟兄四人長范獻庭次  
范賓庭三范重庭四卽范樹庭范賓庭未婚夭  
亡范樹庭之父遺有歸化城聚成永羊行生意  
嗣范獻庭范重庭范樹庭弟兄三人又立有福  
成玉三義長舖兩座迨嘉慶七年間范樹庭等

將福成玉三義長舖內本銀抽回另與弓良輔並其堂兄范助庭夥開天成公羊莊生理於十二年弟兄分業范樹庭欲將其子范德魁承繼次兄范賓庭爲嗣按照四股多分家產范獻庭因范賓庭係未婚夭亡不允經親族議明仍作三股均分另撥地二十五畝舖內銀股三厘令范樹庭之子范德魁承祀范賓庭爲嗣十三年天成公生意虧本歇業范樹庭卽以弓良輔之子弓世調等霸吞舖本控經該前縣宋文彬傳

訛算明各賬飭令將舖銀按股均分領回結案  
十四五年范樹庭屢次翻控復經歷任祁縣訛  
明仍照前斷完結十六年九月間范樹庭之妹  
常范氏因患痢疾病故范樹庭呈控係常范氏  
夫弟常彩夫婦毆斃節經委員檢驗屍骨並無  
傷痕訛明委係因病身死將范樹庭依誣告人  
死罪未決律問擬杖流恭逢十九年

恩詔減爲總徒四年限滿釋回道光三年該村輪應范  
秀錦等經管社廟范樹庭自行編造書寫勸世

文牌二面欲在廟張掛因其文詞荒謬鄙俚計  
有一千餘言范秀錦不肯張掛控經該縣傳訊  
責懲范樹庭心懷不甘遂隨意捏寫呈詞添砌  
舊事於

聖駕經過蘆溝橋地方在道旁跪遞臣查范樹庭之  
妹常范氏因病身故久經檢驗無傷說明反坐  
迄今十有餘年提訊常范氏之子常有子供稱  
伊母實係病故其時伊已成丁若果係常彩等  
毆斃伊豈不切齒痛恨不共戴天反爲隱瞞之

理詰訊范樹庭無可置辯其所控舖夥閆秀純等盜賣聚成永舖內雜色騾驢馬六七十匹帳房牛車等項五十幾宗質訊閆秀純供聚成永係販賣羊隻焉有騾驢馬多匹並帳房牛車等物况已早經歇業若果有其事何以二十餘年之後始行呈控只求詳情並訊據舖夥弓世調供稱所開天成公羊莊於嘉慶七年開設十三年收回控經當官將本利算清絲毫無欠又所控范榮魁范耀魁硬霸公中房地不容葬親各

欵訊據范榮魁供稱嘉慶十二年伊祖母在日  
卽將住房地畝按股均分立有約據界限分明  
彼此均不能侵佔伊祖母病故後范樹庭欲在  
范榮魁等分受地內另立新墳范榮魁等勸令  
仍在祖墳安葬隨控經該縣仍照原分斷結是  
在家則有分單爲証在官則有案卷可憑實係  
砌詞牽扯至伊所作十惡四氣歌詞內有文水  
大同二妾並童養王姓姪女均死非命等語檢  
查並無案據詰訊范樹庭供稱係伊兄范獻庭



二妾並其妻姪女王氏詰其致死之由係何年  
之事范樹庭不能指實復訊之范助庭供稱范  
獻庭業經身故其妾一係患病身死一係患腿  
疾身故其童養媳王氏係患鼠瘡斃命並無別  
故伊表兄李秉真亦早經病故其所控李秉真  
被三班鎖押僉供係范樹庭任意添造並未聞  
有其事伏查范樹庭所遞呈詞情節本屬支離  
其發端率行羅列神佛名號歷叙祈求嘆息之  
詞實屬妄誕不經其中夾雜指控各款非係遠

年陳案早經審結卽係憑空誣捏全屬子虛及  
嚴切研鞫又復若明若昧或泣或歌實係迹類  
癡迷言同夢囈再四究詰衆供確鑿案無遁飾  
查例載

聖駕臨幸地方如有民人具呈妄行控訴者照衝突  
儀仗例杖一百發近邊充軍等語此案范樹庭  
前因誣告杖流減徒釋回之後輒敢於

聖駕經過地方妄行叩訴自應依例問擬范樹庭合  
依衝突儀仗發近邊充軍例發近邊充軍事犯

到官在道光八年十一月初九日欽奉

恩詔以前係衝突儀仗應不准其援減照例發配折  
責安置無干省釋除全案供招咨部外所有審  
明定擬緣由理合恭摺具

奏伏乞

皇上聖鑒謹

奏

道光九年六月初六日拜發十一日恭遞十七  
日接奉

硃批刑部議奏欽此

明香書室奏疏

卷一

三

山西巡撫 臣 徐忻跪

奏爲恭報雨水糧價情形仰祈

聖鑒事竊照山西省四月分得雨糧價情形業經 臣

恭摺具

奏在案茲據太原平陽潞安汾州大同朔平寧武  
澤州蒲州九府遼州沁州平定忻州代州保德  
解州絳州霍州隰州十州並所屬州縣暨歸綏  
道所屬各廳先後具報於五月初三日至初八  
日十四日至十九日二十日至二十八日得雨

自一二寸至三四寸及深透不等臣查二麥將  
次刈穫登場秋禾亦俱長發暢茂及時甘雨優  
霑農田滋潤民氣安恬理合恭摺具

奏併敬繕五月分糧價清單恭呈

御覽伏乞

皇上聖鑒謹

奏

道光九年六月二十五日拜發三十日恭遞七  
月初六日接奉

殊批知道了欽此

大清宣統元年

卷八十一

十一



日本書紀卷之五

卷之五

五

再山西省收捐監生銀兩截至道光九年四月  
底止實存司庫正項並餘平共銀四萬三千三  
百二十九兩六錢業經臣附片具

奏在案茲據藩司葉紹本詳報自道光九年五月  
初二日起至二十八日止續收正項銀九百六  
十兩餘平銀三十八兩四錢連前實存司庫正  
項餘平共銀四萬四千三百二十八兩理合附  
片奏

聞謹

奏

同日奉

硃批知道了欽此

再尙嵐州知州魯鏞光現在患病懇請開缺回籍調理除另疏具

題外所遺員缺查有石樓縣知縣韓寶鏗堪以委令署理又太平縣知縣王元洪現准部咨因十年俸滿調取引

見所遺員缺應卽委員接署以便令其交卸起程查有興縣知縣李果堪以委令署理據藩臬兩司具詳前來除批飭遵照外理合附片奏

聞謹

奏

同日奉

硃批覽欽此

再據汾州府所屬之汾陽縣稟報該縣於六月初八日得雨之後山水漲發東關外申家堡等五村地勢最低浸塌民房六十七間被傷男婦九名口當經捐廉妥爲安撫不致失所被淹地畝十頃有餘酌給籽種工本俾及時補種晚秋等情臣當卽飭委該管冀寧道王志澍馳往確查該處水已消退勘驗並未成災民情安貼無須再請撫卹理合附片奏

聞謹

奏

同日奉

硃批覽欽此

山西巡撫臣徐忻跪

奏爲恭報道光九年分上忙錢糧徵收完解數目

仰祈

聖鑒事竊照嘉慶八年五月內准戶部咨令各督撫  
於五月內將當年新糧徵足若干專摺奏明又  
於二十年八月內准戶部咨令將每年上忙錢  
糧限五月底截清數目造冊詳報專摺具奏等  
因歷經遵照在案茲據藩司葉紹本詳稱道光  
九年分應徵地丁正耗錢糧共銀三百三十八



萬七千六十兩零內除驛站官俸役食州縣以下各官養廉等項應由經徵官按款存留外計上忙應解司庫一半銀一百四十七萬八千五百四十一兩零今截至五月底止已據各屬陸續徵解司庫銀一百四十一萬九千五百八十二兩零未完銀五萬八千九百五十八兩零按五分核計已完四分八厘以上未完不及二厘比較上三年上忙已完銀數有盈無絀等情具詳前來臣覆核無異除將未完銀兩責令該管

道府州趕緊催徵解司外所有本年上忙錢糧  
徵收完解數目理合循例恭摺具

奏伏乞

皇上聖鑒謹

奏

道光九年六月二十五日拜發三十日恭遞七  
月初六日接奉

硃批戶部知道欽此

1930

1930

山西巡撫臣徐忻跪

奏爲道光八年分額徵地丁正項錢糧徵收數目  
比較上三年徵完分數恭摺具

奏仰祈

聖鑒事竊照前准部咨欽奉

上諭戶部核議御史劉尹衡奏州縣錢糧請責成該  
管上司實力催解一摺著照部議設立比較之法  
各督撫於奏銷題報外照例具奏摺內開具清單  
明列通省三年比較如本年額徵若干已完若干

未完若干積年舊欠若干本年帶徵已完若干未完若干比之上三年最多最少之數或盈或絀一一註明使眉目清楚一覽了然該督撫務當詳悉認真核辦不可有名無實以致日久視爲具文將此通諭知之欽此又准部咨嗣後比較分數各按十分計算本年計完幾分計欠幾分比之上三年或溢完或少完或相等一一註明又於道光五年十二月內經戶部奏准比較錢糧於奏銷截數後開單奏報並於單內已完銀數下註明

造入春撥若干秋撥若干耗羨雜款毋庸開列  
並頒發清單式樣行令遵辦等因歷經遵照在  
案茲屆造報比較之期據布政使葉紹本將山  
西省徵收道光八年分地丁正項錢糧截至奏  
銷止查明已未完並入撥各銀數與道光五六  
七三年分逐加比較造冊具詳前來臣覆核無  
異除冊送部外謹繕具清單恭呈  
御覽再晉省道光五六七八等年並無應行帶徵緩  
徵銀兩合併陳明理合恭摺具

奏伏乞

皇上聖鑒謹

奏

道光九年六月二十五日拜發三十日恭遞七月初六日接奉

硃批知道了欽此

謹將山西省道光八年分徵收新賦地丁錢糧  
比較上三年完欠分數繕具清單恭呈

御覽

計開

道光八年分額徵新賦地丁正項銀三百二萬  
二千七百五十五兩零內除應存留並豁免各  
項共銀三十六萬五千三百五十九兩零外實  
應徵解司庫地丁銀二百六十五萬七千三百  
九十五兩零截至奏銷止



已完銀二百六十五萬三千二百八兩零內造  
入道光八年秋撥冊內銀一百二十八萬四千  
二兩零九年春撥冊內銀一百二十八萬九千  
四百四十二兩零餘銀八萬三千七百二十四  
兩零俟九年秋撥時再行造入冊內候撥  
未完銀四千一百八十六兩零

總計已完九分九厘以上

未完不及一厘

比較道光五年分實應徵解司庫地丁銀二百

六十五萬七千二百九十五兩零截至奏銷止  
全完銀二百六十五萬七千三百九十五兩零  
總計道光五年分十分通完八年分少完不  
及一厘相應聲明

比較道光六年分實應徵解司庫地丁銀二百  
六十五萬七千三百九十五兩零截至奏銷止  
全完銀二百六十五萬七千三百九十五兩零  
總計道光六年分十分通完八年分少完不  
及一厘相應聲明

比較道光七年分實應徵解司庫地丁銀二百六十四萬七千一百八十六兩零截至奏銷止全完銀二百六十四萬七千一百八十六兩零總計道光七年分十分通完八年分少完不及一厘相應聲明

舊賦項下並無帶徵緩徵銀兩毋庸比較合併

陳明

進

山西巡撫臣徐忻跪

進

西瓜二百圓

山西巡撫臣徐忻跪

奏爲恭報雨水糧價情形仰祈

聖鑒事竊照山西省五月分得雨糧價情形業經臣

恭摺具

奏在案茲據太原平陽潞安汾州大同朔平寧武

澤州蒲州九府遼州沁州平定忻州代州保德

解州絳州霍州隰州十州並所屬州縣暨歸綏

道所屬各廳陸續具報於六月初一日初二日

初八日至十三日十九日至二十九日先後得

雨自二三寸至四五寸及深透不等臣查現當  
盛夏溽暑得此甘澍頻霑禾苗倍資長發晚穀  
雜糧亦皆暢茂市集糧價平減民氣安恬理合  
恭摺具

奏併敬繕六月分糧價清單恭呈

御覽伏乞

皇上聖鑒謹

奏

道光九年七月十六日拜發二十一日恭遞二

十八日接奉

硃批知道了欽此



吟香書目考正

三

再山西省收捐監生銀兩截至道光九年五月  
底止實存司庫正項並餘平共銀四萬四千三  
百二十八兩業經臣附片具

奏在案茲據藩司葉紹本詳報自道光九年六月  
初二日起至二十八日止續收正項銀一千九  
百二十兩餘平銀七十六兩八錢連前實存司  
庫正項餘平共銀四萬六千三百二十四兩八  
錢理合附片奏

聞謹

奏

同日奉

硃批覽欽此

再據朔平府所屬之左雲縣稟報該縣破魯堡等六村於六月初七日間被冰雹自東南斜延西北約長九里許寬二里許該處地接邊牆土多砂磧氣候較遲其間豆麥間被損傷不及十分之二業經該縣捐給籽種補種秋蕎民情安堵又據平定州所屬之壽陽縣稟報於六月初九日雷雨交作帶有冰雹該縣宋家灣等五村約長一十三里寬二三里至五六里不等禾苗間被雹傷該里民皆已補種雜糧不願借領籽

種各等情臣令藩司葉紹本飭委該管府州分

投親往履勘委係實在情形均經勘不成災又

據解州稟報所屬之李家莊等七村於六月二

十四日大雨如注山水陡發田廬間被淹漫臣

當卽飭令該管河東道韓文顯督同該署州林

樹雲逐一確查所有冲塌房屋並淹斃幼孩一

名經該道州委為捐廉撫卹不致失所被水沙

地十頃有餘夏麥早經收割秋麥尚未播種並

未成災現在水已消退民情安貼無須再請調

劑理合附片奏

聞謹

奏

同日奉

硃批知道了欽此

四庫全書

一

山西巡撫臣徐忻跪

奏爲審明守備自戕緣由分別按律定擬恭摺奏

聞仰祈

聖鑒事竊照新平路守備錢萬青自扎肚腹身死該

營捏報病故經臣附片具

奏欽奉

硃批嚴行審究務得確情不可不實不盡欽此臣隨

卽行提人証來省督同藩臬兩司並太原府等  
逐加研訊緣錢萬青籍隸陝西由兵部差官選



授山西新平路守備於道光八年八月內單身到任該管叅將衙門書識陳泳祿有承擔前署叅將趙國棟拖欠藥價京錢三十六千零趙國棟病故未經歸結八年十二月間藥店向陳泳祿索討陳泳祿無力代還憶及營中存貯地租餘穀可以糶賣歸償遂回明該管叅將塔克興阿該叅將當令錢萬青照辦錢萬青因前項餘穀向歸闔營公用不允糶賣並疑陳泳祿有捏賬冒混情弊於十二月二十六日往向該叅將

塔克興阿稟阻該叅將令其查賬錢萬青出向  
陳泳祿追驗賬單陳泳祿心生氣忿卽以並無  
賬據定要還錢之言向錢萬青爭吵錢萬青斥  
其無禮陳泳祿不服頂撞錢萬青當向塔克興  
阿稟訴塔克興阿傳喚陳泳祿查詢仍被此爭  
執塔克興阿遂一併訶斥並以錢萬青不能辦  
事令其退出錢萬青回署因思陳泳祿倚恃叅  
將衙門書識將其藐視當衆與之爭吵頂撞該  
叅將意存袒護並不將其訓責反被斥逐無顏

復對衆兵一時酒後氣忿卽用身佩小刀扎傷  
肚腹三下經兵丁張九卿高萬祥劉鳳翔聞知  
趨視喚集傳號兵丁王泰來張添成等代爲用  
藥敷護勸令靜養錢萬青恐人恥笑囑勿聲張  
旋卽託病請假九年正月初四日錢萬青自覺  
傷難痊愈令本營書識繕寫遺稟收貯塔克興  
阿風聞其事於初八日前往探望執意欲看視  
傷痕錢萬青諱匿不肯塔克興與阿復嚇稱欲行  
稟報上司錢萬青聽聞觸怒卽稱性命尚且不

保何慮稟報隨向撞頭拚命經兵丁張九卿等  
勸住塔克興阿當卽回署錢萬青氣忿莫遏用  
手抓破鼻梁並將肚腹傷痍抓落以致流血不  
止旋卽殞命該營把總何連凱前往看明查點  
遺物檢出遺稟歷敘前情該把總回明塔克興  
阿主令將遺稟收存祇以病故具詳此守備錢  
萬青自戕身死該營捏報病故之原委也 臣以  
該叅將塔克興阿必另有欺凌已甚情事或書  
識陳泳祿別有逼迫難堪情形否則何以該守

備遽爾輕生頓萌短見不可不澈底嚴究致有不實不盡反覆詰訊該守備並無家屬在署祇係兵丁等隨侍自與書識爭競被叅將訶斥之後負氣而回忿怒莫遏隨於酒後用刀將肚腹疊扎迨該叅將聞知往視該守備因其言語齟齬復自抓傷痍斃命委無別故再四研鞫矢口不移案無遁飾查律載因事威逼人致死杖一百若官吏非因公務威逼平民致死者罪同又文武官犯私罪該杖一百者革職離任又例載

軍民人等因事威逼本管官致死爲首者擬絞  
監候爲從者枷號三個月發近邊充軍各等語  
此案新平路叅將塔克興阿因書識陳泳祿欲  
糶存公餘穀還欠經守備錢萬青稟阻該書識  
向其爭吵頂撞該叅將不將書識飭責轉將該  
守備訶斥並卽立時逐出錢萬青因此心懷不  
甘輒尋自盡復因該叅將聞知往視激怒自抓  
傷痍是該叅將始則庇縱示威繼則情詞逼迫  
致令戕生應以該叅將爲首陳泳祿爲從惟例

無上司威逼屬員致死作何治罪明文自應比  
律問擬新平路叅將塔克興阿除主令把總收  
存遺稟捏報病故不議外應請比照官員非因  
公務威逼平民致死者杖一百律擬杖一百係  
私罪請

旨革職該叅將前因不諳營務經

臣奏奉

諭旨飭令回旗交兵部帶領引見今按例應卽斥革  
仍追埋葬銀十兩給付屍親收領陳泳祿係叅  
將衙門書識錢萬青非其本管職官第係該營

中軍守備有出納號令約束兵丁之責迺因不  
允糶穀償欠肆行爭吵頂撞致啟衅端亦應比  
例問擬陳泳祿應請比照軍民人等因事逼迫  
本管官致死爲從者枷號三個月發近邊充軍  
例發近邊充軍先在本營枷號三個月以示懲  
戒把總何連凱聽從捏報病故應照違

制例杖一百革職兵丁王泰來張添成張九卿高  
萬祥劉鳳翔聽囑隱飾亦有不合應照不應重  
律杖八十折責三十板免其革伍無干省釋除



將全案供招咨部外所有審明定擬緣由理合  
恭摺具

奏伏祈

皇上聖鑒謹

奏

道光九年七月十六日拜發二十一日恭遞二

十八日接奉

硃批另有旨欽此

道光九年七月二十二日內閣奉

上諭徐炘奏審明守備錢萬青自戕緣由分別定擬  
一摺著刑部議奏欽此

111

111

1962

山西巡撫 臣徐忻跪

奏爲遴員請陞直隸州知州員缺仰祈

聖鑒事竊照平定州直隸州知州恒杰因案革職所

遺員缺係衝繁中缺例應在外揀選題補該州

爲晉省東路入境門戶管轄孟縣壽陽二縣差

繁事據必須精明幹練之員方足以資治理 臣

與藩臬兩司於通省州縣內逐加遴選非現居

要缺卽人地未宜惟查有陽曲縣知縣宣麟年

六十歲係奉天吉林廳人由貢生考取教習期

滿以知縣用籤發浙江嘉慶二十一年調補錢塘縣知縣二十五年

大計卓異旋即丁憂道光四年服滿引

見奉

旨准其卓異加一級仍註冊補官日候陞欽此旋選山西岳陽縣知縣於道光五年二月內到任嗣卽調補臨汾縣知縣復經調補陽曲縣首縣該員通達吏治守潔才優歷俸早滿三年且係卓異應陞之員所有在內罰俸案件已據全數完

繳並無違礙處分以之陞補平定州直隸州知州與例相符實堪勝任合無仰懇

天恩俯准以陽曲縣知縣宣麟陞補平定州直隸州知州實於地方有裨如蒙

俞允該員係現任知縣請陞直隸州知州應俟部覆到日給咨送部引

見所遺陽曲縣知縣員缺係衝繁難省會首邑要缺容俟另行揀員請調合併陳明理合恭摺具奏伏乞

皇上聖鑒謹

奏

道光九年七月二十一日拜發二十六日恭遞

八月初四日接奉

硃批另有旨欽此

道光九年七月二十七日内閣奉

上諭徐所奏遴員陞補直隸州知州一摺着照所請  
山西平定州直隸州知州准其以宣麟陞補照例  
送部引見該部知道欽此



皇朝詩林卷八

三

山西巡撫臣徐忻跪

奏為查明現任訓導應行代賠銀兩請將俸薪坐扣遵照部咨恭摺具

奏仰祈

聖鑒事竊照原任雲南迤東道樊士鋒應行分賠廠員福守理經放油米炭本等銀一萬一千六百三十二兩零又分賠棉花地廠短少課銀三百九十七兩零准雲南撫臣來咨在於該故員原籍山西臨汾縣家屬名下着追當經分別行咨

臨汾縣及經歷任所並其子樊佶等寄籍逐一  
確查均無資財隱寄咨部在案嗣其子樊瑗選  
授高平縣訓導復經前撫臣盧坤請將該員俸  
薪坐扣咨准部覆該故員之子既已補官卽應  
由該撫專摺據實奏明辦理等因臣查例載候  
補候選人員應賠銀數在一萬兩以上經原籍  
地方官查明實係家產盡絕無可着追取結咨  
部請俟補官日坐扣廉俸等語今高平縣訓導  
樊瑗應行代賠伊父樊士鋒前在雲南迤東道

任內分賠油米炭本並棉花地廠短少課銀共銀一萬二千一十九兩零查明原籍任所寄籍均無財產無可着追自應於該訓導樊瑗補官之日起將每年應支俸薪銀四十兩如數坐扣以免懸宕理合遵照部咨恭摺具

奏伏乞

皇上聖鑒謹

奏

道光九年七月二十一日拜發二十六日恭遞

卷之二 八

八月初四日接奉

硃批戶部知道欽此

奏

入  
奏  
文  
書  
卷  
之  
一  
上

八

八

臣等謹將...  
身ノ

一ノ

山西巡撫臣徐忻跪

祝

皇上萬壽萬壽萬壽

山西巡撫臣徐忻跪

奏爲恭報雨水糧價情形仰祈

聖鑒事竊照山西省六月分得雨糧價情形業經臣

恭摺具

奏在案茲據太原平陽潞安汾州大同朔平寧武

澤州蒲州九府遼州沁州平定忻州代州保德

解州絳州霍州隰州十州並所屬州縣暨歸綏

道所屬各廳陸續具報於七月初一日至初九

日十二三日十六日至十八日二十一二十二日二



十九日先後得雨自一二寸至四五寸及深透  
不等臣查山西省自入秋以來暘雨應時暄潤  
相濟一切禾稼正值含漿結穗之時長發倍形  
暢茂農田可望豐收市集糧價平減堪以仰慰  
宸懷理合恭摺具

奏並敬繕七月分糧價清單恭呈

御覽伏乞

皇上聖鑒謹

奏

道光九年八月十二日拜發十七日恭遞二十

二日徐溝縣接奉

硃批知道了欽此

吟者集

卷八

三

再晉省捐監銀兩截至道光九年六月底止實  
存司庫正項並餘平共銀四萬六千三百二十  
四兩八錢業經 臣附片

奏明在案茲據藩司葉紹本詳報自道光九年七  
月初一日起至二十八日止續收正項銀三千  
兩餘平銀一百二十兩連前實存司庫正項餘  
平共銀四萬九千四百四十四兩八錢理合附  
片奏

閩謹

夏長年... 卷八

三十一

奏

同日奉

硃批覽欽此

山西巡撫臣徐忻跪

奏爲審明河津縣民師在午等京控一案分別定擬恭摺奏

聞仰祈

聖鑒事竊照步軍統領衙門具奏河津縣民師在午等呈控該縣知縣汪桂葆於縣民史傳清等私開水渠審斷不公並牽告浮收勒索等款欽奉諭旨此案著交徐忻親提人證卷宗秉公審訊按律定擬具奏原告師在午李騰芳師訓謙該部照例

解往備質欽此臣遵卽行提人証卷宗來省督同  
藩臬兩司等秉公研鞫緣河津縣紫金山出有  
峪水三道一名瓜峪一名遮馬峪一名神峪瓜  
峪居中分流三派其西流一派名爲西長大澗  
遮馬峪居西亦有一澗名西長大澗峪中之水  
有清濁之分自山谷出泉長流不息者謂之清  
水由夏秋大雨時行山川瀝注者謂之濁水兩  
峪發源之處相距十有餘里而澗河下游互相  
交接自唐代迄今附近居民各開渠道接引澗

水灌溉田地因清水細微長年引灌濁水偶然漲發波濤浩瀚可以廣資泄注且能沃地膏腴向來各村分別水源之清濁相度地勢之高低按照糧則酌定章程分認引灌並定有水程時刻分數師在午等所居孫彪里尹村向來分用瓜峪分支之西長大澗濁水午間里干澗村向用遮馬峪西長大澗清水各不相涉惟因午間里干澗村人覬覦瓜峪之濁水籍詞接引遮馬峪之清水欲將瓜峪西長大澗兩旁久經平堵



之馬遷渠魏家渠開通侵盜濁水孫彪里尹村亦因澗東引水之柳林渠澗身低於渠口澗河東高西下水向西南直流不能逆入渠內因於柳林渠口就澗斜築堤堰一道致將澗河之水擁塞午間里干澗村卽常被淹漫兩村因此構訟自前明洪武年間至

國朝康熙雍正嘉慶等年歷有控案近復節次控經前撫臣批飭絳州督同該縣覆勘斷令史傳清等不准開渠師在午等不許築堰取結詳覆

在案詎兩造陽奉陰違各不遵斷師在午李騰  
芳師訓謙又以史傳清等賄通丁役毀滅碑文  
聚衆盜水壘惑縣聰朦朧袒斷勒結捏詳赴京  
具控臣查照所控情節逐一質訊委係虛詞至  
所牽控該縣浮徵錢糧一款事關地方官朘削  
民膏必須嚴究懲辦以除民患而儆官邪當提  
該縣十七里總催袁樹桐等二十五人並戶書  
銀匠隔別嚴審據供該縣地處偏隅不通商販  
城鄉市集行用元絲銀兩向來立定章程各里

總催經管徵收傾兌所需銀匠火工飯食爐罐  
並紙張筆墨以及起解木鞘盤費悉由各總催  
備辦一概不經書役之手每地丁正銀一兩例  
加耗銀一錢三分添補庫平銀二分由各總催  
向花戶收齊錢文赴附近州縣地方易換銀兩  
從前銀錢價平之時計銀一兩一錢五分合制  
錢一千四五百文近年銀價昂貴又連一切繁  
費須合制錢一千七百餘文並無浮冒該縣十  
七里遞年輪流公舉總催專司其事每年算明

賬日開寫清單出榜示衆毫無弊端質訊師在  
午等亦無可置辯又牽控該縣採辦軍需駝隻  
扣使官價數百兩衙役杜貴門丁陳二訛詐民  
間銀四百兩有總催蔡銳等可證一欸臣查核  
縣卷道光六年十月間該縣奉文採買軍需駱  
駝十五隻每隻奏准給銀二十二兩飭令先在  
縣庫墊發該縣因河津地方素無駝隻當卽籌  
欸銀三百三十兩查照乾隆嘉慶年間奉文採  
買軍需駝騾馬匹舊案發交十七里總催購買

正駝十五隻餘駝三隻解赴總廠交納挑回餘駝發還各總催自行變賣歸款在卷惟該縣若僅派里民代爲採買卽有不敷津貼亦何致民間用銀四百兩恐難保無侵吞例價抑勒派累丁役等從中訛索滋弊更應嚴切訛究隨提總催蔡銳等嚴訊據供該縣實未侵吞價銀惟因其時各州縣爭先採買一時價值昂貴每駝一隻須用銀三十四五兩不等共用津貼銀二百餘兩伊等分路購覓需用盤費並喂養草料又

共用錢壹百餘千文共計津貼錢三百五十餘千稔知乾隆嘉慶年間採買軍需駝隻騾馬不敷之數均係里民津貼此次事同一例且係軍需大事偶然承辦理當報効是以伊等按里攤派歸款並非被丁役訛索使用該縣亦無抑勒派累情事實訛師在午等供稱伊等並未經手買駝不知詳細祇因師在午曾經出過錢三百餘文心疑該縣丁役侵吞例價致派里下就闔縣錢糧約畧統計銀數並非有心誣告又所控

該縣於每年十七里應役之時比追常規銀八  
百兩有總催陳武選等可證一欵提訊師在午  
等令其指明證據以憑澈底根究師在午並無  
確實指證惟稱縣屬十七里每年更換總催之  
時各有按糧攤派錢文甚至稟縣催討該縣又  
於其時有賞給各總催酒飯之事是以懷疑牽  
控此外別無證據復訊總催陳武選等供稱河  
津濱臨黃河縣城西北二十五里龍門山下禹  
門渡口兩山夾峙河身水勢逼溜洶湧向來設

有渡船爲山陝通行要津需用船隻水夫繁多  
兩邊崖岸亦常須砌築城南八里又有汾河渡  
口亦係往來大路夏秋安設渡船春冬搭蓋浮  
橋以利行旅兩處工程浩大每年視水勢之大  
小河面之寬窄備辦工料須費自三四百千至  
七八百千不等向係按糧攤捐責成總催承辦  
如遇工程緊急隨時籌墊迨至交代之際催收  
歸款遇有疲玩欠戶稟請該縣飭催事所不免  
此項錢文實係渡河工費由來已久並非該縣



陋規其每屆總催交替該縣賞給酒飯以酬其  
勞歷任相沿如此質之師在午等自認不知底  
裡並據十七里總催人等僉供師在午等牽控  
各款如果屬實則闔邑均受其累何止師在午  
等三人具控伊等事關切已豈肯代爲該縣隱  
瞞只求詳察反覆究詰各供不移案無遁飾臣  
查師在午等因爭水起衅滋訟不休並添砌該  
縣浮收勒索等款與圖聳聽除飭令史傳清等  
將馬魏二渠堵閉永遠不許開挑師在午等將

柳林渠口堤堰拆毀在下游柳林渠外平鋪澗底令渠口與澗底相平俾資引灌永遠不許築堰以示遵守而杜訟端師在午等牽控該縣各款雖俱失實而事各有因並非有心捏造其所控史傳清等賄通丁役勾串舞弊亦並未指有賊據應免坐誣惟以控爭水利細故輒撫拾砌詞赴京呈告殊屬健訟師在午李騰芳師訓謙合詞具控應各照不應重律杖八十再加枷號一個月滿日折責三十板史傳清等違斷挑渠

滋訟亦有不合惟係農田水利各爲身家相率聽從未便究治及衆應將爲首之史傳清史傳書寧鍾和各照不應重律杖八十折責三十板無干省釋河津縣知縣汪桂葆於史傳清等私開水渠一案訊無審斷不公其被控浮徵錢糧各款訊屬虛誣惟奉文採買軍需駝隻自應選差丁役前往採辦乃率照舊章交各里代購致令按里津貼雖無抑勒派累究屬不合應請旨交部議處除將全案供招咨部外所有審明定擬

緣由理合恭摺具

奏伏乞

皇上聖鑒謹

奏

道光九年八月十二日拜發十七日恭遞二十

二日徐溝縣接奉

硃批刑部議奏欽此

昭和三十二年五月二十日  
第一卷

三ノ

山西巡撫臣徐忻跪

奏爲恭報查閱省南太原鎮所屬營伍起程日期

仰祈

聖鑒事竊照山西省城滿漢官兵及省北大同鎮所

屬各營伍業經臣次第校閱恭摺

奏報在案所有太原鎮屬各營官兵尚未查閱例

應逐加考驗以勵操防而肅戎政現在奉

旨交審各案俱已陸續訖辦完竣省中並無緊要事

件臣於八月二十二日起程前赴潞安澤州蒲

州平陽汾州等處將各營官兵詳加查閱並順  
赴運城盤查河東道庫就近察勘鹽池畦地及  
省南一帶地方情形除俟查閱完畢另行具

奏外所有臣起程前赴省南查閱營伍日期理合

恭摺具

奏伏乞

皇上聖鑒謹

奏

道光九年八月二十二日拜發九月初四日與





2000年11月11日

三十一

山西巡撫臣徐忻跪

奏爲審明翼城縣生員撤大瀛等京控一案分別  
定擬恭摺具

奏仰祈

聖鑒事竊臣接准步軍統領衙門咨開山西翼城縣  
生員撤大瀛呈控該縣書役門丁因縣官懦弱  
任意貪婪等情一案欽奉

諭旨此案著交徐忻親提人証卷宗秉公審訊按律  
定擬具奏原告生員撤大瀛該部照例解往備質

欽此臣當卽行提全案人証卷宗來省督同藩臬兩司並太原府等逐細審訊一面摘傳該縣城鄉紳民人等案款確查正在審辦間復有監生賈君選赴京照依撤大瀛控情添砌需索票袋截錢等詞具控經步軍統領衙門訊供解晉歸案審辦臣親提研鞫緣撤大瀛賈君選均係翼城縣生監與該縣倉書張添幅張衍浩認識無嫌道光八年春間倉書張衍浩因所管常平倉穀收貯年久稟請該縣照例出易該縣戴鈐

開厥查看穀色已陳恐致霉變查照縣倉穀數  
按存七出三之例詳請出借穀四千五百七十  
一石四斗放給力田農民俟秋後徵收還倉詳  
經署藩司載聰核明與例相符經前撫臣蘆坤  
奏明照准迨該縣監生賈君選因道光六年出  
飭倉穀倉書張添幅於秋後徵還時將風扇拋  
灑餘穀人已不准花戶收回並聞平陽府工書  
李春榮囑託該縣倉書將其名下應領之穀不  
必出倉秋後卽行抵收心懷不服隨向民人李

添銳文生撤大瀛商議發帖邀請各里甲長知  
會花戶不領倉穀撤大瀛恐致聚衆滋事許俟  
往勸倉書阻止出借當向張衍浩告述前情該  
倉書因業已詳定奏明事難中止與撤大瀛爭  
論撤大瀛因未能勸止卽回覆賈君選等不管  
其事賈君選卽自行寫帖邀請各甲長商議李  
添銳因撤大瀛不來與議疑其得受倉書賄囑  
聲言撤大瀛袒護倉書令各甲長將撤大瀛喚  
至查問如果受賄屬實先將撤大瀛房屋折毀

如無其事卽將倉書房屋拆毀再行按糧攤奏  
錢文預備涉訟撤大瀛聞知卽自行前赴分辯  
李添銳聲稱撤大瀛旣未受賄袒護卽應同伊  
等往拆倉書房屋並嚇逼衆花戶各帶器械前  
往撤大瀛無奈隨衆同行李添銳卽喝令賈君  
選馬明德周曰謙李廷孝等各用所帶鋤棒將  
倉書張添幅張衍浩並倉房貼寫張肄禮三家  
房屋拆毀又將其隣居張添貴張添爵兩家門  
窗磚瓦砸壞經防汎把總李餐翼聞知趕至飭

禁李添銳當卽率衆逃散倉書張添幅等因撤  
大瀛先經勸阻出借曾被村斥疑係撤大瀛率  
衆滋鬧卽以撤大瀛賈君選率領不識姓名多  
人無故拆毀房屋等情稟告該縣勘驗明確飭  
差查拿李添銳等均各逃逸嗣該縣會同把總  
曉諭各花戶分領穀石並於秋後如數徵收毋  
許倉書等掃收餘穀官民極爲相安而張添貴  
因被砸壞房屋未經獲犯究辦先後赴該管府  
道呈控均飭該縣勒緝撤大瀛因差緝嚴緊卽

挾恨起意赴京呈控賈君選旋亦赴京續告此  
撤大瀛被控避匿與賈君選先後赴京具控之  
原委也臣恐該倉書等實有愆愆該縣出借倉  
穀勒派具領並於收倉時多方朘削民膏復提  
該倉書等與該原告嚴行質審不特該倉書等  
堅供並無前項情弊卽甲長等亦僉供該倉書  
委係止於道光六年收倉時故爲風扇拋灑不  
准花戶收回實無勒派浮折各弊質諸原告撤  
大瀛賈君選供亦無異至撤大瀛等牽告戶書



浮徵地糧銀兩一節臣查撤大瀛原呈內稱一兩以上者每兩外加二錢六分不滿一兩者每錢外加三分而賈君選續控詞內又稱每兩加收二錢六分之外又加傾錠火工銀四分並票子紙袋錢十二文如果屬實大千法紀隨提戶書銀匠等嚴詰據供該縣地丁糧銀向係花戶將銀交與銀匠傾鎔投櫃該縣僻處山陬城鄉市集通行元絲紋銀稀少花戶携來銀兩均止九五六七成色每兩連耗羨一錢三分須加補

挾恨起意赴京呈控賈君選旋亦赴京續告此  
撤大瀛被控避匿與賈君選先後赴京具控之  
原委也臣恐該倉書等實有愆戾該縣出借倉  
穀勒派具領並於收倉時多方賸削民膏復提  
該倉書等與該原告嚴行質審不特該倉書等  
堅供並無前項情弊卽甲長等亦僉供該倉書  
委係止於道光六年收倉時故爲風扇拋灑不  
准花戶收回實無勒派浮折各弊質諸原告撤  
大瀛賈君選供亦無異至撤大瀛等牽告戶書

浮徵地糧銀兩一節臣查墩大瀛原呈內稱一兩以上者每兩外加二錢六分不滿一兩者每錢外加三分而賈君選續控詞內又稱每兩加收二錢六分之外又加傾錠火工銀四分並票子紙袋錢十二文如果屬實大千法紀隨提戶書銀匠等嚴詰據供該縣地丁糧銀向係花戶將銀交與銀匠傾鎔投櫃該縣僻處山陬城鄉市集通行元絲紋銀稀少花戶携來銀兩均止九五六七成色每兩連耗羨一錢三分須加補

色銀四五分不等市平較庫平輕短應加補平  
銀三分有零再加銀匠火工飯食解司重傾上  
兌又須火工火耗統計正耗銀一兩一錢三分  
實在需用市平色銀一兩二錢六分零並無浮  
多亦無一兩以下糧銀外加三分並另加傾錠  
火工之事如有其事何以撤大瀛原呈並未告  
及至於串票封筒向係戶房代備花戶酌給數  
文以償工本戶房書吏卽藉以添補書手飯食  
筆墨之需係屬歷來舊規並非新添需索質之

甲長人等供俱相同原告撤大瀛等亦自認因  
未能周知各項應加銀數是以撿拾砌控又據  
控倉書等於道光元年指稱貧民借食社義倉  
穀無力完交私賣六千餘石一節臣查核案卷  
並提該倉書張添幅等嚴訊據供前項社義倉  
穀委係嘉慶二十四年奉

旨查辦豁免並非道光元年請豁有案可稽實無指  
稱貧民借食私行變賣有闔縣甲長可訊質之  
甲長楊學禹等供亦無異原告撤大瀛亦供認

係伊錯記年分誤行率告其所指倉書藉端需  
索一節據撤大瀛供彼時北撤倉豁免民欠穀  
一千四十石零經已故社長王崇德等給過倉  
書紋銀四百兩元絲銀十三兩有現在社長侯  
乃明並留存賬簿可証等語嚴訊倉書張添幅  
始猶狡展迨令侯乃明指賬質審該倉書無可  
置辯惟稱彼時尚係已故倉書耿德元充當經  
承伊係貼寫僅分受銀一百兩餘俱耿德元得  
受臣查原案豁免民欠社義倉穀共有三千六

百九十餘石該倉書於北撤倉豁免一千餘石  
卽得銀四百十三兩其餘各倉二千餘石需索  
自爲數不資其所供彼時尚係貼寫僅止分受  
銀一百兩亦顯因耿德元已故藉詞諉卸隨復  
嚴加究訊據該倉書復供豁免民欠如果社長  
無弊豈肯送給銀兩其時實因社長王崇德等  
有私自借食穀三百餘石並無花名可報是以  
送給經承耿德元銀兩囑託捏報詳豁此外各  
倉俱係實欠在民何肯送給銀錢該書委係耿

德元故後於道光元年二月內始充經書彼時  
尚係貼寫實止分受銀一百兩等語弔查該縣  
卯簿該書張添幅實係道光元年二月內點充  
倉房經承察核供情似屬可信又據控兵書李  
禹侵吞軍差車輛例價科派里下每兩糧銀一  
兩之戶素制錢一百文一節臣查核縣卷道光  
六年十一月內並七年八月內兩次奉文協濟  
霍州接運餉車八十二輛該縣並無車馬行店  
向來皆係闔邑甲長承辦雇備俟差事完畢領



回例價照數給發該縣循照舊章飭令辦理所  
有例價尚未領回兵書李禹無從侵吞惟查承  
辦餉車僅八十餘輛何至按糧攤派大錢一百  
文恐其中影射需索事所不免隨提兵書李禹  
鞫訊據供該縣甲長代爲雇備車輛向係自行  
趕赴站所一切雇價草料悉由里民津貼不經  
官吏之手惟因裝銀登記按日申報必須兵書  
帶同照料每日給與飯食此外毫無需索現有  
承辦甲長可証質之該甲長等衆供如一並稱

車輛赴站往返候守回空久暫不定核計每輛  
大車約須津貼銀三四兩係因偶爾軍需犬差  
里民分應報効但祇一兩以上糧銀之大戶方  
行攤捐其餘不在此例伊等俱係輪充甲長實  
用實銷並無浮攤侵潤書役僅止給與飯食所  
有例價縣中尚未請領並非侵扣不發不敢扶  
同捏飾質之原告撤大瀛等無可置辯又據控  
工書吉學顏指稱建蓋貢院欵派舖戶住戶銀  
一萬餘兩使用六千餘兩一節臣嚴訊工書吉

學顏據供該縣童生向係附郡考試縣城並無  
貢院無從捐建惟舊有文昌廟一座坍塌已久  
道光七年經城鄉紳民稟請該縣捐廉倡修該  
紳民等公議舉人高相等十八人董司其事官  
吏並不經手捐集經費共有四千七百餘兩並  
無萬金實無勒派侵剋之事質訊撤大瀛毫無  
指証當飭平陽府查明該縣文昌廟工程實係  
闔邑紳民捐資銀四千七百餘兩委無官吏經  
手染指撤大瀛村內祇捐錢十二千文亦登明

簿內詰訊撤大瀛俯首無辭自認誣告不諱又據控門丁書役每件詞訟索投牌錢二千四百文一節臣查州縣詞訟爲親民之首務若任丁胥藉端需索民隱難伸尙復成何政體隨提撤大瀛等虛衷詰訊令其指出憑據以便查究當據撤大瀛賈君選指出貢生高履泰爲伊親戚料理官詞花過錢文曾向吉永輝言及又民人楊學禹亦因訟事花過差錢並有刑書張耀於詞訟審結時索取戳記錢文惟求訊究等語臣

隨提高履泰等審訊據高履泰供因爲伊妹夫  
張錫雲和處官詞由縣回家路遇吉永輝曾言  
官詞必要花用飯食盤費並未說有衙門中花  
用錢文亦不知有投牌錢文名目訊之吉永輝  
供亦符合又據楊學禹供稱伊因地畝涉訟央  
懇原差代遞息呈繳銷牌票送過差役酒飯錢  
二千四百文實不知有投牌名目並據刑書張  
耀供稱向來詞訟案件於審結時兩造應具遵  
結向有刷印結式每張送結紙筆錢十二文並

招書紙筆錢五十文如係驗傷事件另給件作  
戳記錢二十文由來已久並非勒索且與門丁  
毫不相涉不敢捏飾臣復飭委平陽府等查明  
該縣買用食物悉係率由舊章並無短價勒買  
亦無故縱高脚行拉扣牲口其所控該縣不講  
學所有宣講

聖諭廣訓向在縣城朔望舉行四鄉難以周歷實係撤  
大瀛誣砌其所叙嘉慶七年倉書舞弊捏告冒

樹業等被押斃命查係閩樹業與王遠楊等因阻撓碾運兵米提省審辦閩樹業王遠楊先後在監病故彼時張添幅等尚未充膺倉書與伊毫無干涉更係牽砌聳聽以上所控各款經臣確切查訊並再四究詰矢口不移案無遁飾查律載誣告人流徒杖罪加所誣罪三等其告二人以上但有一人不實者罪雖輕猶以誣告論又例載兇惡棍徒屢次生事行兇無故擾害良人人人所共知確有實據者民人發極邊足四千

里安置凡係一時一事實有情兇勢惡者亦照例擬發又律載各倉收受稅糧倉官斗級不令納戶行槩踢斛淋尖多收斛面在倉者坐贓論罪如入已以監守自盜論又例載監守盜倉庫錢糧審係入已數在一百兩以上至三百三十兩杖一百流二千里各等語此案翼城縣文生墩大瀛與監生賈君選等挾恨折毀倉書房屋經張添幅等具控並不到官質訊輒捏詞列款赴京越控殊屬刁健查該生所控各款惟工書



吉學顏指稱建蓋貢院科斂民財一萬餘金侵吞六千餘兩審係全誣自應按律問擬撤大瀛應革去文生照告二人以上但有一人不實者罪雖輕猶以誣告論律於所告工書吉學顏非因公務科斂人財物入己者杖一百流三千里罪上加所誣罪三等發邊遠充軍至配折責安置李添銳因賈君選心疑倉書愆息該縣詳請出借倉穀希圖侵潤起意拆毀倉書張添幅等房屋禍及毗連無辜之張添貴張添爵兩家殊

屬逞兇藐法雖係一時一事較之棍徒屢次生  
事行兇擾害者情節尤重應卽比照兇惡棍徒  
屢次生事行兇無故擾害良人例擬發極邊足  
四千里定置賈君選首先倡言不領倉穀李添  
銳脅衆拆房該犯隨同附和自應按照爲從問  
擬賈君選應於棍徒擾害良民軍罪上減一等  
擬杖一百徒三年至配拆責安置馬明德周曰  
謙李廷孝隨同滋鬧訊係被脅勉從應均照不  
應重律杖八十再加枷號一個月折責三十板

其餘隨從各花戶俱係愚民被脅同行應免緝  
究倉書張添幅雖訊無浮收勒折怨惠出借情  
事其嘉慶二十四年查辦豁免社義倉穀得受  
社長贓銀一百兩亦係

赦前之事惟於道光六年經收出借倉穀故爲風扇  
拋灑入已該犯所得餘穀雖未能記憶確數據  
供約有一百數十石計贓在一百兩以上應卽  
比照倉官斗級不令納戶行槩踢斛淋尖多收  
斛面入已者以監守自盜論監守盜倉庫錢糧

入已數至一百兩以上杖一百流二千里係書  
吏知法犯法照例加一等擬杖一百流二千五  
百里仍追所得社長贓銀一百兩入官其掃收  
餘穀之贓訖無確數免其着追倉書張衍浩既  
知里民不願領穀並不稟官詳報停止致滋事  
端亦有不合應與得受張添幅錢文不行舉發  
之斗級人等俱照不應重律杖八十折責革役  
刑書張耀訖無需索投牌錢文惟得受詞訟結  
狀紙筆之費雖爲數無多究屬不合應與得受

楊學禹送給酒飯錢文之差役及得受紙筆規費之招書件作各照不應輕律笞四十折責發落免其革役戶書楊紹禮訊無浮收錢糧其得受納戶串票封袋錢文訊係舊有章程並非需索應與並無浮加錢糧之銀匠及並無科歛民財之兵書工書及高脚行與並未囑託倉書舞弊之李春榮均免置議所有該縣未領車輛例價應令赴司請領照數給發各里甲具領毋許侵扣至翼城縣知縣戴鈴如果賦性懦弱任令

書役門丁肆意貪婪則是形同尸位豈可稍寧  
姑容致滋貽悞今訊明所控各款悉屬虛誣其  
嘉慶二十四年倉書得受社長銀兩並道光六  
年掃收餘穀均非該縣任內之事惟八年詳請  
出借倉穀並未體察輿情率行請借實屬冒昧  
輕忽又失察書差得受詞訟錢文均有應得之  
咎相應請

旨將翼城縣知縣戴鈐交部議處除將全案供招咨  
部外所有審明定擬緣由理合恭摺具

奏伏乞

皇上聖鑒謹

奏

道光九年八月二十二日拜發九月初四日興  
隆寺恭遞十九日靈石縣途次接奉

硃批刑部議奏欽此

山西巡撫臣徐忻跪

奏爲審明互相稟揭之知縣典史分別定擬具

奏仰祈

聖鑒事竊照繁峙縣典史陶仁濫差斃命因該縣達  
興阿不爲掩飾列款稟揭並該縣達興阿具稟  
該典史陶仁逞兇訛詐一案經臣恭摺叅

奏欽奉

諭旨這所叅濫差斃命因知縣不爲掩飾列款稟揭  
並逞兇訛詐之山西繁峙縣典史陶仁着革職拏



問被揭之繁峙縣知縣達興阿着革職交該撫提同應訊人証秉公嚴審確情按律定擬具奏欽此

臣遵卽親提人証督同藩臬兩司逐加研鞫該革員陶仁籍隸順天捐納未入流咨補繁峙縣典史道光八年十二月內有車戶席玉炳在繁峙縣地方車載胡麻遺失一袋經該縣民侯作肅拾獲席玉炳疑其竊取赴該典史衙門喊控該典史陶仁卽飭差傳審侯作肅因被誣差傳慮恐受累愁忿莫釋投緘殞命報經該縣達興

阿詳請該管代州知州飭委崞縣知縣驗訊通  
詳將該典史陶仁撤任提省審辦詎陶仁因擅  
受釀命恐干嚴譴先於該縣達興阿詳請委驗  
之時屢求達興阿捏報公出希圖藉詞印官在  
外典史例應代行與掩飾其擅受之咎達興阿  
未允反向申飭陶仁心懷怨恨卽以達興阿慢  
公重利好酒貪淫任性妄爲向該管雁平道稟  
揭據稱達興阿將渾源州娼妓勾入縣署姦宿  
被人呈告始遣役送回原籍又所用小廝平安

貌俊年輕驕縱無忌嗣因平安無禮發監收禁  
次日卽行提釋又在配軍犯許榮令其在署充  
當夫役並令娶妻同在署內嗣因許榮夫婦持  
刀撒潑令其將許榮杖責不日仍令入署各等  
情臣詳細質訊緣道光六年十二月間有渾源  
州民人孫喜之妻李氏在繁峙縣地方爲娼該  
縣禮房書吏王維藩前往姦宿其夫孫喜言及  
欲將李氏嫁賣王維藩稔知達興阿尚無子嗣  
正須買妾捏稱李氏係渾源州民婦夫故再醮

串通達與阿家人張玉言明以價錢一百二十千文買入署內嗣經達與阿查知當於七年四月間將李氏送歸母家另嫁並將書吏王維藩責革家人張玉擄逐初非明知娼婦價買作妾亦並非被人告發始行遣回訊據官媒差役人等供証確鑿其將小廝平安收禁係因其酒後喧呶發交該典史監禁俾知儆戒已足示懲是以旋即提釋此時早已他往且年已四十人亦粗蠢衆所共見何敢驕縱無忌至軍犯許榮係

安徽太和縣人發配繁峙縣安置向在縣署充當火夫達興阿到任後因其善於烹飪派令管理廚房娶有女人劉氏卽在署伺候內眷嗣因許榮出言頂撞遂將其夫婦逐出發交典史杖責二十後又因無人服役仍令進署並無持刀撒潑之事此該革員陶仁稟揭各款提訊達興阿並應質人証衆供如一復向陶仁究詰亦無可置辯並據達興阿自認性醜麪好酒是實惟所揭慢公重利該革員陶仁並無指証亟應

將達興阿有無賄悞公事貪婪榮私之處澈底  
嚴究訊據達興阿供稱該縣所辦刑名錢穀如  
有賄悞可以按冊而稽不惟上司不能姑容卽  
後任亦不能代爲隱諱若謂貪婪肥己利之所  
在卽怨之所歸豈能掩人耳目必有其人其事  
只求向陶仁追訊得實願甘重罪復向陶仁嚴  
訊據供革員實因一時挾嫌懷恨不及致詳如  
果有實在憑據正可據實供明以洩積忿豈肯  
代爲隱瞞並據供認達興阿所稟逞兇訛詐各

吳

欵係因撤任提省時徑赴該縣面見向索捐復銀四百兩盤費銀二百兩達興阿不允所請退入內署伊卽負氣將茶杯打毀經該縣家人榮貴等勸出屬實並未帶刀拚命打傷家人諒係達興阿誤聽添叙不敢虛捏反覆究詰矢口不移案無遁飾查律載詐欺官私取財准竊盜論又凡稱准者杖一百流三千里贓未接受減一等又文武官娶妓爲妾者杖六十又不應爲而爲事理重者杖八十各等語此案已革典史陶

仁擅受濫差釀命訛明尚無索詐威逼情事惟  
身任典史監獄是其專責輒敢違例擅受迫因  
釀成命案復異圖規避處分懇求該縣捏報公  
出該縣未肯扶同捏飾輒卽砌詞稟揭繼復憑  
空訛索實屬寡廉鮮恥居心狡詐行同無賴若  
僅照詐欺取財賊未入手本律擬徒殊覺情浮  
於法相應請

旨將已革繁峙縣典史陶仁發往新疆効力贖罪以  
儆官邪而肅吏治已革繁峙縣知縣達興阿因



無子嗣聽信書吏王維藩媒合致被朦買流娼  
爲妾雖訊非明知故爲亦難憑信且性醜麪藥  
喜怒無常致予屬員以訐告之柄實屬有玷官  
箴若僅按其娶妓爲妾律止杖六十卽科以不  
應爲而爲事理重者亦止杖八十其咎祇應降  
調未免輕縱達與阿業已革職應毋庸議除將  
席玉炳疑竊誣控致令侯作肅自縊一案照例  
另行恭疏具

題並將全案供招咨部外所有審明定擬緣由理

合恭摺具


奏伏乞

皇上聖鑒謹

奏

道光九年八月二十二日拜發九月初四日與  
隆寺恭遞十九日靈石縣途次接奉

硃批刑部議奏欽此



三

山西巡撫臣徐忻跪

奏爲審明親屬相姦謀毒本夫按律定擬遵例奏

聞仰祈

聖鑒事竊照襄陵縣知縣王逢壽詳報民婦祁李氏  
與其夫大功堂弟祁五九通姦謀毒本夫祁蛇  
娃身死當卽行提犯証來省經臬司額騰伊督  
同太原府知府王世綬等審明解勘前來臣親  
提研訊緣祁李氏籍隸襄陵縣嫁與祁蛇娃爲  
繼妻結褵八載祁五九係祁蛇娃大功堂弟同

院居住祁李氏見面不避道光三年冬間不記  
月日祁五九與祁李氏調戲成姦追後乘便宣  
淫給與米麵食物均無確數祁蛇娃並不知情  
嗣因戀姦情熱並見祁蛇娃多病密約俟祁蛇  
娃死後終身相依彼此不復嫁娶九年二月初  
間祁五九與祁李氏在房說笑祁蛇娃自外回  
歸祁五九當卽走避祁蛇娃窺破姦情向祁李  
氏盤問祁李氏飾詞支吾祁蛇娃卽不許與祁  
五九往來並時向毆詈五月二十一日祁五九

因種地需用砒信藥蟲自集上買回正在研搗  
適祁李氏瞥見卽起意將祁蛇娃毒斃以便與  
祁五九通姦無忌祁五九始尚游移祁李氏聲  
稱伊不日欲回母家祁蛇娃必須自行做飯伊  
臨行時預先將砒信攪入麵內使祁蛇娃自行  
做食可以無人知覺祁五九從當給與砒信  
一句迨至二十八日祁李氏將信末攪入麵罐  
携同幼子回赴母家二十九日早祁蛇娃做食  
麵片毒發嘔吐遣人將祁李氏喚回祁李氏假

意猜疑爲之延醫針治詎那蛇娃受毒過重延  
至六月初四日殞命經該村鄉約風聞報經該  
縣驗訛通詳提省委審據供前情不諱詰無另  
有同謀加功之人案無遁飾查律載妻妾因姦  
同謀殺死親夫者凌遲處死又例載親屬相姦  
將本夫商同謀死者姦婦依律問擬姦夫擬斬  
立決又律載卑幼謀殺總麻以上尊長已殺者  
斬立決各等語此案祁李氏與夫之大功堂弟  
祁五九通姦情熱商同將本夫祁蛇娃謀毒致

斃實屬法無可寬祁李氏合依妻因姦謀殺親夫者凌遲處死律擬凌遲處死該犯婦現懷身孕應照例俟生產彌月後再行正法祁五九與大功服兄妻通姦復聽從謀殺本夫亦屬淫兇不法核其親屬相姦謀殺本夫與謀殺大功服兄罪均相等自應仍按謀殺大功服兄本律問擬祁五九合依卑幼謀殺總麻以上尊長已殺者斬律擬斬立決刺字以昭炯戒除全案供招咨部外所有審明定擬緣由謹遵例恭摺具



奏伏乞

皇上聖鑒謹

奏

道光九年八月二十二日拜發九月初四日興  
隆寺恭遞十九日靈石縣途次接奉

硃批刑部速議具奏欽此

山西巡撫臣徐忻跪

奏爲揀員調補首邑要缺仰祈

聖鑒事竊照陽曲縣知縣宣麟陞補平定州知州所  
遺員缺係衝繁難兼三要缺例應在外揀選

題補該縣爲省會首邑政務殷繁時有發審案件  
必須精明幹練之員方足以資治理晉省雖有  
卽用知縣及應陞佐雜人員但首縣政務殷繁  
難期勝任臣與藩臬兩司於現任知縣內逐加  
遴選查有曲沃縣知縣李培謙江西臨川縣人

年四十八歲由道光二年壬午科進士卽用知縣分發山西

題補今職於七年閏五月十五日到任該員實心任事爲守兼優不著循聲輿情愛戴實爲知縣中出色之員任內並無違礙處分以之調補陽曲縣知縣實堪勝任惟歷俸未滿三年曲沃縣亦係繁缺與例稍有未符但人地實在相需例得專摺

奏請合無仰懇

天恩俯念首邑員缺緊要

准其以曲沃縣知縣李培謙調補陽曲縣知縣於地方實有裨益如蒙

俞允該員係現任知縣調補知縣銜缺相當毋庸送部引

見再該員應完罰俸銀兩現已飭令依限完繳另冊咨部所遺曲沃縣知縣員缺亦係兼三要缺容  
臣另行揀員

題補合併陳明所有揀員調補首邑要缺緣由理

合恭摺具

奏伏乞

皇上聖鑒謹

奏

道光九年九月初一日陽城縣拜發二十六日

盛京恭遞十月十四日接奉

硃批另有旨欽此

道光九年九月二十七日內閣奉

上諭徐炘奏揀員調補首邑要缺一摺著照所請山西陽曲縣知縣准其以李培謙調補該部知道欽此



山西巡撫臣徐忻跪

奏爲恭報秋禾約收分數仰祈

聖鑒事竊照秋禾約收分數例應先行恭摺具

奏茲據布政使葉紹本將山西省太原等九府遼

州等十直隸州並所屬各廳州縣暨歸綏道所

屬各廳秋禾約收分數彙詳前來臣覆加查核

本年山西地方暘雨應時西成有慶計通省一

百八廳州縣多寡率算約收八分有餘除俟收

穫齊全將實收分數另行恭疏具



題外所有秋禾約收分數謹循例恭摺具

奏並開繕清單恭呈

御覽伏乞

皇上聖鑒謹

奏

道光九年九月初一日陽城縣拜發二十六日

盛京恭遞十月十四日接奉

硃批知道了欽此

謹將山西省道光九年各屬秋禾約收分數開  
繕清單恭呈

御覽

約收九分有餘者

交城縣 岳陽縣 汾西縣 長治縣

長子縣 襄垣縣 壺關縣 寧鄉縣

天鎮縣

約收九分者

浮山縣 潞城縣 介休縣 廣靈縣

陵川縣 遼州 繁峙縣

約收八分有餘者

陽曲縣 祁縣 崞嵐州 屯留縣

應州 渾源州 永濟縣 滎河縣

虞鄉縣 萬泉縣 榆社縣 平定州

孟縣 安邑縣 平陸縣 芮城縣

趙城縣 靈石縣

約收八分者

太原縣 榆次縣 文水縣 嵐縣

臨汾縣 襄陵縣 洪洞縣 太平縣

曲沃縣 吉州 黎城縣 汾陽縣

平遙縣 臨縣 懷仁縣 靈邱縣

右玉縣 鳳臺縣 高平縣 沁水縣

武鄉縣 代州 崞縣 永和縣

歸化城廳

約收七分有餘者

太谷縣 徐溝縣 興縣 翼城縣

孝義縣 石樓縣 豐鎮廳 左雲縣

偏關縣 神池縣 陽城縣 猗氏縣

壽陽縣 忻州 靜樂縣 保德州

解州 絳州 河津縣 聞喜縣

絳縣 霍州 隰州 托克托城廳

約收七分者

永寧州 大同縣 山陰縣 陽高縣

朔州 寧遠廳 寧武縣 臨晉縣

和順縣 五臺縣 夏縣 垣曲縣

和林格爾廳 清水河廳

約收六分有餘者

五寨縣 沁州 沁源縣 定襄縣


河曲縣 大寧縣 蒲縣 薩拉齊廳

約收六分者

鄉寧縣 平魯縣 稷山縣

以上通省一百八廳州縣多寡牽算秋禾

約收八分有餘



1111

山西巡撫臣徐忻跪

奏爲恭報雨水糧價情形仰祈

聖鑒事竊照山西省七月分得兩糧價情形業經臣

恭摺具

奏在案茲據太原平陽潞安汾州澤州蒲州六府

沁州平定代州解州絳州霍州六州並所屬各

州縣陸續具報於八月初一日初四五日十三

四日十八日二十八日至三十日先後得雨自

二三寸至四五寸及深透不等正值秋禾雜糧



成熟之際得此渥澤滋培顆粒倍臻圓足現已  
次第刈穫登場秋麥亦可乘時播種民情歡忭  
堪以仰慰

宸懷理合恭摺具

奏並敬繕八月分糧價清單恭呈

御覽伏乞


皇上聖鑒謹

奏

道光九年九月二十四日拜發十月初六日興

隆屯恭遞二十名接奉

硃批知道了欽此



1211

再晉省捐監銀兩截至道光九年七月底止實存司庫正項並餘平共銀四萬九千四百四十四兩八錢業經臣附片

奏明在案茲據藩司葉紹本詳報自道光九年八月初二日起至二十八日止續收正項銀七百二十兩餘平銀二十八兩八錢連前實存司庫正項餘平共銀五萬一百九十三兩六錢前准部咨奏明行令嗣後捐監銀兩以五萬兩歸補本省封貯以五萬兩解赴甘肅此次實存銀已

足五萬兩應卽歸補封貯俟再收足五萬兩卽  
行解赴甘肅交納理合附片奏

聞謹

奏

同日奉

硃批覽欽此

山西巡撫臣徐忻跪

奏爲查閱太原鎮所屬營伍情形及回省日期恭摺奏

聞仰祈

聖鑒事竊臣於八月二十二日自省起程前赴太原鎮屬查閱營伍業經恭摺

奏報在案臣於出省後由沁州潞安澤州蒲州運城平陽汾州各營次第校閱所演進步連環陣式鎗砲籐牌均尚整齊新添速戰陣並噴筒擡

砲亦漸諳習步箭鳥鎗中靶均在六分以上馬  
箭亦尚合式惟馬鎗未能便捷臣每到一營卽  
面飭該將備認真勤如訓練以期日有起色其  
各營兵丁技藝較優者當場獎賞並酌予拔補  
技藝平常者分別責懲降革至各營員弁弓馬  
嫻熟者加以獎勵其弓馬生疎而年力富強尚  
堪造就者勒限學習惟查有平垣營守備胡廷  
甲不能約束兵丁應請勒令休致潞澤營守備  
車順沁州營千總楊立廷長子縣外委孫玉成

蒲州營額外外委王永慶六矢皆空應均請革  
職內楊立廷係思騎尉世職年力尚強應請仍  
留世職令其隨營習練平陽營外委宋鈺聞喜  
縣額外外委郝玉良不守營規應請革職平陽  
營外委盧全忠弓馬生疎應請降爲守兵以觀  
後效臣職司武備總期營務整肅各兵有勇知  
方咸成勁旅以仰副

聖主教誡殷諄之至意至河東道庫徵存銀兩按款  
盤查俱係實貯無虧鹽池畦地並無荒廢足資



配運臣現於九月二十二日事竣回省所有查閱太原鎮各屬營伍情形及回省日期理合恭摺具

奏伏乞

皇上聖鑒謹


奏

道光九年九月二十四日拜發十月初六日興隆屯恭遞二十日接奉

硃批另有旨欽此

道光九年十月初六日內閣奉

上諭徐忻奏查閱營伍情形一摺山西平垣營守備胡廷甲不能約束兵丁著卽勒令休致潞澤營守備車順沁州營千總楊立廷長子縣外委孫玉成蒲州營額外外委王永慶六矢皆空均著革職楊立廷年力尚強著仍留恩騎尉世職隨營習練平陽營外委宋鈺聞喜縣額外外委郝玉良不守營規均著革職平陽營外委盧全忠弓馬生疎著降爲守兵以觀後效該部知道欽此







IN

山西巡撫臣徐忻跪

奏爲察看鹽池情形請動商捐生息銀兩大修五龍堰堤工以資保衛仰祈

聖鑒事竊照運城鹽池在中條山之北形如仰盂山水建瓴下注每虞浸灌向有五龍堰堤工爲鹽池最要保障且貼近解州城垣藉以捍衛近年山水陡發猝不及防堰工間被沖塌幸隨時搶護平穩臣此次由解州前赴運城督同河東道韓文顯逐細履勘該處滙納五峪之水故堰以

五龍命名峪口水勢本極湍急且根山築堰每  
遇水發時砂石奔騰積漸淤成澗灘灘則年高  
一年堰則日矮一日以致水不能容一經暴注  
卽不免漫溢爲患該堰工接長八百九十餘丈  
直逼州城附近民田廬舍俱在堰之下游非特  
鹽池勢居釜底實於解州全局大有關係並據  
該州紳民等以州境連年被水驚懼萬分稟懇  
啟澗築堤情詞迫切臣與該道韓文顯體察情  
形若不大加修築固慮病商尤慮病民當卽督

飭署監掣同知徐麗生候補鹽大使侯錚周歷  
詳勘再三籌議惟有將灘內極淤段落分別疏  
挑以清水路並將堰工帮寬加高俾臻堅實查  
舊制堰下均有護石免致汕刷堤根其頂沖處  
所復建有迎水石壩以禦沖激應請將堰工一  
律培築高寬並加築護石及迎水石壩等工務  
期穩固惟堰內外俱係砂石取土較遠約在一  
二里及五六里不等例價實屬不敷勢須按照  
時價估辦通盤計算約估需銀三萬兩上下查

河東本有商捐銷價生息銀兩遇有工程准其  
動用溯查道光二年曾在鹽池內興築護堤一  
道奏准動用銀三萬五千餘兩此次大修五龍  
堰堤工應請卽於此項商捐銀內動支銀三萬  
兩及時興修統俟工竣後核實報銷倘有不敷  
隨案聲明如有餘剩仍令歸還原款據河東道  
韓文顯具詳請

奏前來臣覆加確覈委係亟應急辦必不可緩之  
工合無仰懇

聖恩俯准以商捐之銀弭商民之患洵於鹽務地方  
兩有裨益所有臣察看鹽池情形請動項大修  
堰工緣由理合恭摺具

奏伏乞

皇上聖鑒謹

奏

道光九年九月二十四日拜發十月初六日興  
隆屯恭遞二十日接奉

硃批另有旨欽此



歐陽文忠公全集卷八

李

道光九年十月初六日內閣奉

上諭徐忻奏察看鹽池情形請動項大修堰工一摺  
山西運城鹽池向有五龍堰堤工近年山水陡發  
間被衝塌據該撫體察情形必應大加修築約估  
需銀三萬兩上下請動河東商捐銷價生息銀兩  
著照所請卽於此項商捐銀內動支銀三萬兩及  
時興修統俟工竣後覈實報銷倘有不敷隨案聲  
明如有餘剩仍令歸還原款該部知道欽此

歴代書字三三三ノ  
名ノ

三

山西巡撫臣徐忻跪

奏爲副將出缺委員接印署理循例奏

聞仰祈

聖鑒事竊臣接據蒲州府知府廷愷稟報蒲州協副

將劉進仁於九月十八日感受風寒於二十日

出缺等情臣查該協副將係陸路部推之缺除

照例恭疏具

題外所遺員缺應先委員接署查有平垣營遊擊

丁濟南年力正強熟諳營務上年曾經前撫臣

盧坤委令署理蒲州協副將印務辦理裕如應  
請卽委該遊擊署理除檄飭遵照外理合循例  
恭摺具

奏伏乞

皇上聖鑒謹

奏

道光九年九月二十六日拜發十月初七日杏  
山大營恭遞二十四日接奉

硃批覽欽此

山西巡撫臣徐忻跪

奏爲恭報雨雪糧價情形仰祈

聖鑒事竊照山西省八月分雨水糧價情形業經臣

恭摺具

奏在案茲據太原平陽潞安汾州澤州蒲州六府  
沁州平定忻州解州絳州霍州六州並所屬各  
州縣陸續具報於九月初一日初三日至初七  
日十七八日先後得雨自二三寸至四五寸及  
深透不等寧武府屬之神池縣於九月十七日

得雪起至十八日止積厚四寸臣查山西省本  
年雨暘應候慶洽有秋土脉極爲滋潤現在場  
工已畢麥隴滋萌市集糧價平減民氣安恬堪  
以仰紆

聖厯理合恭摺具

奏並敬繕九月分糧價清單恭呈

御覽伏乞

皇上聖鑒謹

奏

道光九年十月十八日拜發二十四日恭遞十  
一月初二日接奉

不批覽欽此



以不書以正其

二

再晉省捐監銀兩截至道光九年八月底止實存司庫正項並餘平共銀五萬一百九十三兩六錢業經臣附片

奏明遵照部咨以五萬兩歸補本省封貯在案茲據藩司葉紹本詳報自道光九年九月初二日起至二十八日止續收正項銀七百二十兩餘平銀二十八兩八錢連前實存正項餘平共銀九百四十二兩四錢俟收足五萬兩卽行解赴甘肅交納理合附片奏

聞謹

奏

同日奉

硃批覽欽此

再文水縣境內文峪河經臣督飭該管道員王  
志澍等勘明情形奏請將新走之河由武陵營  
兒西城東莊等村入磁窰河下達汾河或切灘  
逼溜或督率疏濬隨時相機妥速修理極爲通  
順本年伊秋河水盛漲復分一路由嘉慶十二  
年以後舊有河形經行方圓等村下注自應順  
水性之自然使多一分洩之路卽少一潰決之  
虞是以大汎時得保平穩惟各村祇准興築護  
村堤堰藉資捍衛其有攔河築堰阻塞去路者

立卽拆毀照例懲辦所有文峪河安流順軌情  
形理合附片奏

聞謹

奏

同日奉

硃批知道了欽此

山西巡撫臣徐忻跪

奏爲揀員請調要缺知縣仰祈

聖鑒事竊照曲沃縣知縣李培謙經臣恭摺

奏請調補陽曲縣知縣欽奉

諭旨允准所遺曲沃縣知縣員缺係衝繁難兼三要  
缺例應在外揀選

題補該縣地方富庶詞訟繁多且路處衝途差務  
終繹必須精明強幹之員方足以資治理臣與  
藩臬兩司在於卽用知縣內逐加遴選均係初

登仕版難以遠膺繁劇卽佐雜中亦無堪以陞  
補之員惟查有五寨縣知縣鄭秉恬江西上高  
縣人年四十七歲由道光二年壬午科一甲二  
名進士授職翰林院編修六年四月內散館引  
見奉

旨以知縣卽用旋經選授今職於十一月內到任該  
員才具明敏勤奮有爲任內並無違礙處分以  
之調補曲沃縣知縣實堪勝任惟該員以簡缺  
知縣調補題缺知縣歷俸未滿三年與例稍有

未符但人地實在相需例得專摺

奏請合無仰懇

聖恩俯准以五寨縣知縣鄭秉恬調補曲沃縣知縣  
實於地方有裨如蒙

俞允該員係現任知縣調補知縣銜缺相當無庸送  
部引

見至所遺五寨縣知縣員缺應歸部選晉省現有應  
補人員容<sub>臣</sub>另行恭疏

題補所有揀員請調要缺知縣緣由理合恭摺具



奏伏乞

皇上聖鑒謹


奏

道光九年十月十八日拜發二十四日恭遞十  
一月初二日接奉

硃批另有旨欽此

道光九年十月二十五日內閣奉

上諭徐炘奏揀員調補要缺知縣一摺著照所請山西曲沃縣知縣准其以鄭秉恬調補該部知道欽此



山西巡撫臣徐忻跪

奏爲特叅虧短錢糧之知州請

革職等因以肅

功令事竊照州縣經徵錢糧絲毫皆關

國帑例應隨徵隨解不容稍有虧短茲查有隰州

直隸州知州保英經徵道光八年分錢糧除陸

續完解外尚有未完地丁起運銀四千一百八

十六兩零耗羨銀八百七十六兩零業已於

奏銷案內核明未完分數照例

題叅並將該州撤省委員接署勒追在案乃拖延  
日久迄未完解顯有侵挪情弊若不嚴叅究辦  
何以肅

功令而儆官邪據藩臬兩司及該管河東道揭報  
前來相應請

旨將陽州直隸州知州保英等職拏問以便提同經  
書人等澈底清查嚴行鞫訊並查明此外有無  
虧短別款按律定擬具

奏仍一面飛咨該員旗籍將家產查封並將任所

資財一併查封備抵理合恭摺參

奏伏乞

皇上聖鑒謹

奏

道光九年十月十八日拜發二十四日恭遞十

一月初二日接奉

硃批另有旨欽此

國朝詩話卷之二

全

道光九年十月二十五日奉

旨這所叅虧短錢糧之山西隰州直隸州知州保英  
著革職拏問交該撫提同經書人等澈底查訊按  
律定擬具奏該員任所資財及旗籍家產一併查  
封備抵欽此



五十二

五十二

進

山西巡撫臣徐忻跪

進

石花魚九十尾

山西巡撫臣徐忻跪

奏爲委員護理城守尉印務恭摺奏

聞仰祈

聖鑒事竊照太原城守尉薩隆阿詳稱該城守尉因

三年期滿循例奏請

陛見欽奉

硃批着來京欽此所有城守尉印務應卽委員護理  
以便令其交卸起程查有正藍旗滿洲防禦蘇  
哩勤慎老成熟諳營務曾經護理城守尉印務

臣等謹將

臣

並無貽誤應卽委令護理除檄飭遵照外理合

恭摺具

奏伏乞

皇上聖鑒謹

奏

道光九年十一月初七日拜發十三日恭遞十

九日接奉

硃批覽欽此

山西巡撫臣徐炘跪

奏爲籌議捐修省會城垣恭摺奏

聞仰祈

聖鑒事竊照山西太原省會原建城垣一座外甃內  
土週圍二十四里高三丈五尺歷年久遠曾於  
乾隆四十年及四十四年借款興修五十五年  
並五十八年捐廉修理迄今垂四十年節次具  
報坍塌四百六十九處所有城樓馬道曲池堞  
口女牆卡房均經蟄裂損壞經前撫臣邱樹棠

福錦先後督飭勘估約計需銀八萬餘兩因工  
鉅費繁無款可籌未及興辦臣抵任後周歷查  
勘目擊情形勢難再緩因與藩臬兩司再四熟  
籌督同道府及各廳州縣酌量捐廉銀四萬餘  
兩又據河東商人王恒泰等具稟情願報捐銀  
四萬兩先請於司庫閒款內如數墊支該商等  
每年交還司庫銀五千兩分作八年完繳俟捐  
項全清再行奏請

恩施量加獎勵此時先飭該管冀寧道王志澍督同

該管太原府知府王世綬陽曲縣知縣李培謙  
及委員等將坍塌各處鳩工清理一面購集料  
物次第興修由藩臬兩司會詳請

奏前來

臣

查太原省會城垣爲山西通省保障現

在傾圮已甚若不亟籌修補勢必塌卸愈多工  
費益鉅現在官商共捐銀八萬餘兩擲節估辦  
已可敷用自應趕緊修理俾資捍衛而肅觀瞻  
至此項工程係官商捐辦應請無庸報部核銷  
以歸簡易所有籌議捐修省會城垣緣由理合



恭摺具

奏伏乞

皇上聖鑒謹

奏

道光九年十一月初七日拜發十二日恭遞十

九日接奉

硃批另有旨欽此

道光九年十一月十四日內閣奉

上諭徐忻奏籌議捐修省會城垣一摺山西太原府城垣因年久塌卸應行興修經該撫督同道府及各廳州縣酌捐廉銀四萬餘兩並河東商人捐銀四萬兩樽節估辦已可敷用著照所請卽行趕緊修理所有商捐銀兩准其於司庫閑款內如數墊支該商等每年交還司庫銀五千兩分作八年完繳俟捐項全清再行奏請獎勵此項工程係官商捐辦着免其報銷該部知道欽此

日本書紀卷之八

四

山西巡撫臣徐忻跪

奏爲河東商人應交協濟河工經費銀兩業經按引徵收全完恭摺奏

聞仰祈

聖鑒事竊照河東鹽務前准部議自嘉慶十五年起於例價外每斤加銀一釐作爲河工經費隨同正課徵收於春秋二季另冊報部歷經年清年款如數徵收在案茲道光九年應徵協濟河工經費銀一十四萬三千一百二十二兩八錢又

加增活引協濟河工經費銀二萬一千兩據河  
東鹽法道韓文顯詳稱春夏二季已徵收銀八  
萬三千五百一十二兩五錢六分秋冬二季續  
收銀八萬六百一十兩二錢四分已全數徵完  
等情具詳前來臣覆核無異除已遵照部咨撥  
給南河銀八萬兩委員解往備用外所有協濟  
河工經費銀兩徵收全完緣由理合恭摺具  
奏伏乞

皇上聖鑒謹

奏

道光九年十一月初七日拜發 十三日恭遞十

九日接奉

硃批戶部知道欽此

日本書紀卷之三十一



三

山西巡撫臣徐忻跪

奏爲審明因瘋致斃父命之重犯以律辦理仰祈  
聖鑒事竊照襄陵縣知縣王逢壽詳報民人王小遙  
因瘋扎傷伊父王盈身死當卽行提犯証來省  
經臬司額騰伊督同太原府知府王世綏等審  
明解勘前來臣親提研訊緣王小遙籍隸襄陵  
縣與伊父王盈種地度日平時孝順並無違忤  
道光八年十月不記日期王小遙因耕馬跑失  
受驚卽患瘋迷病症時發時愈王盈因年老家



貧全賴王小遙養贍未經報官鎖錮隣族王庭  
峯王蛇娃亦因其並不滋事均未報案九年九  
月二十日王小遙瘋病復發二十一日點燈時  
王小遙愈加昏迷見有鬼物撲向伊父王盈身  
邊扭結王小遙大聲喊嚷卽取刀亂扎致傷王  
盈咽喉並劃傷右血盆骨右手大指相連食指  
王小遙復自行抹傷咽喉並劃傷左手小指經  
王庭峯王蛇娃聞鬧趨視奪刀縛查看王盈  
業已殞命報縣驗訊通詳提省委審據供前情

不諱查驗該犯目瞪口呆確係患瘋委非捏飾  
查律載子毆父殺者凌遲處死等語此案王小  
遙用刀扎傷伊父王盈身死自應按律問擬王  
小遙合依子毆父殺者凌遲處死律應凌遲處  
死審明後臣卽遵例恭請

王命飭委按察司額騰伊中軍叅將馬維衍將該犯  
王小遙綁赴市曹凌遲處死仍傳首犯事地方  
示衆以昭炯戒王庭峯王蛇娃容隱不報合依  
瘋病之人親屬隣佑人等容隱不報以致殺人

臣等書呈奏  
者照知人謀害不卽阻當首報杖一百律應杖  
一百各折責四十板無干省釋除將全案供招  
咨部外所有審明辦理緣由理合恭摺具

奏伏乞

皇上聖鑒謹

奏

道光九年十一月初七日拜發十三日恭遞十  
九日接奉

硃批刑部知道欽此

進

山西巡撫 臣 徐忻跪

進

天馬皮一千張

青白藤皮一千張

珍珠皮一千張

羊羔皮一千張

朔鼠皮一千張

飛羅麪四箱

藕粉五十匣

柿霜五十匣

葡萄乾三箱

太原胰二箱

石花冰魚五十尾

ナ  
三

山西巡撫臣徐炘跪

奏為恭報雪澤糧價情形仰祈

聖鑒事竊照山西省九月分雨雪糧價情形業經臣

恭摺具

奏在案茲據潞安府屬之長治襄垣潞城三縣寧

武府屬之偏關縣歸綏道屬之和林格爾廳具

報於十月十五六日十八日得雪一二三寸不

等其餘各州縣俱未報得有雪澤惟查本年秋季

雨霑足土脈潮潤二麥盤根穩固萌芽滋生市



集糧價平減民氣恬熙堪以仰慰

宸懷理合恭摺具

奏並敬繕十月分糧價清單恭呈

御覽伏乞

皇上聖鑒謹

奏

道光九年十一月二十四日拜發二十九日恭

遞十二月初六日接奉

硃批覽欽此

再晉省收捐監生銀兩截至道光九年九月底  
止實存司庫正項餘平共銀五萬九千四百十二  
兩四錢經臣附片

奏明以五萬兩歸補封貯在案嗣准部咨令將正  
項銀兩劃清餘平銀兩解部行據布政司葉紹  
本詳稱前項奏報捐監銀五萬九千四百十二兩  
四錢內除餘平銀三千八百八十二兩四錢實  
止正項銀四萬七千六十兩今自道光九年十  
月初二日起至二十八日止共收正項銀七百

二十兩連前實存司庫正項銀四萬七千七百  
八十兩俟收足五萬兩再行歸補封貯理合附  
片奏

聞謹

奏

同日奉

硃批覽欽此

山西巡撫臣徐忻跪

奏為查明長治等州縣無需接濟情形據實覆

奏仰祈

聖鑒事竊臣承准軍機大臣字寄道光九年九月二

十七日奉

上諭山西長治等三州縣被風被雹左雲壽陽二縣  
被雹解州被淹已據該撫奏明隨時撫恤來春應  
否接濟之處查明於封印前奏到等因欽此仰見  
皇上加惠黎元

恩施無已之至意伏查長治高平絳州左雲壽陽五  
州縣被風被雹其時節氣尚早經各州縣等分  
別借給籽種飭令補種秋禾雜糧皆一律有收  
解州被水村莊爲數無幾該道州捐廉撫恤民  
力已紓且水退後所種秋禾亦俱豐稔民食有  
資臣與藩司葉紹本體察情形來春均無需再  
請接濟理合遵

旨據實恭摺覆

奏伏乞


皇上聖鑒謹

奏

道光九年十一月二十四日拜發二十九日恭

遞十二月初六日接奉

硃批知道了欽此



Handwritten text, possibly a page number or title, located in the upper right corner of the page.

MIN

山西巡撫臣徐忻跪

奏爲審明太谷縣民喬萬金京控抗債逼命一案  
按律定擬恭摺奏

聞仰祈

聖鑒事竊照都察院具奏太谷縣民喬萬金呈控堂  
弟喬萬亨抗債不償威逼伊母喬薛氏自縊身  
死等情欽奉

諭旨此案著交徐忻親提人証卷宗秉公嚴審按律  
定擬具奏原告喬萬金該部照例解往備質欽此



邊卽行提人証卷宗來省督同藩臬兩司並  
太原府知府等逐細審訊緣喬萬金籍隸太谷  
縣與小功堂弟喬萬亨分居各度喬萬亨之父  
早故其生母喬胡氏與嫡母喬孫氏不睦曾於  
道光四年爭產涉訟喬萬金之父喬清並其胞  
叔喬棟爲喬胡氏作抱告扛幫經該前縣彭定  
麟訊明將喬清等掌責完案喬清等因訟賠累  
錢一百餘千文嗣喬胡氏改適喬孫氏喬清先  
後病故喬萬亨赴京生理喬萬金之母喬薛氏

與其叔喬棟從未言及賠錢之事道光八年喬萬亨回家喬棟因窮苦難度憶及前幫喬萬亨之母喬胡氏爭控賠錢遂藉稱喬胡氏當日涉訟伊曾借墊錢文欲令喬萬亨認還喬萬亨不肯喬棟遂恣意喬萬金之母喬薛氏前往索鬧復捏稱代借債項共錢六百餘千喬萬亨畏懼躲避其叔喬會村斤喬薛氏訛詐彼此爭吵時鄉約韓宗子路過勸解喬薛氏不聽卽在喬萬亨門首撒潑聲言如不還錢定行拚命並將額

顛磕破圖賴喬會恐滋事端令韓宗子與顧工  
韓小四范小二將喬薛氏兩手用繩細縛就近  
抬送該縣范村主簿衙門經該主簿邱永嘉驗  
明喬薛氏傷由自磕當傳喬萬金將喬薛氏領  
回因鄉約韓宗子等將婦女細送各予責處牒  
縣審辦嗣喬薛氏漸生慚悔又恐訛詐造傷圖  
賴到官治罪益加憂慮經其弟薛方賓外甥劉  
常子姪媳喬郭氏先後勸慰詎喬薛氏愁愧莫  
釋輒萌短見投繯殞命報縣驗訛彼時喬萬金

在妻父家居患病未經到案嗣病痊投審堅稱其母係被喬萬亨抗債威逼遂添砌喬萬亨兇毆各情赴府司呈告旋赴都察院具控臣提集研訊據喬會供稱伊因喬薛氏造傷圖賴於二月初一日令韓宗子等細送到官經喬萬金將其母喬薛氏領回喬薛氏至三月十三日始行自縊衆証確鑿如果係伊威逼何以喬薛氏遲至四十餘日之後方尋短見只求詳察質之喬棟等供亦無異詰訊喬萬金自認所控皆係捏

砌案情編造誣告再四研鞫矢口不移案無遁飾查律載卑幼逼死期親尊長致死者絞大功以下遞減一等又誣告卑幼者小功減所誣罪一等又不應爲而爲事理重者杖八十又威力制縛人者杖八十各等語此案喬萬金控告小功堂弟喬萬亨威逼其母喬薛氏致斃查喬薛氏係喬萬亨小功服孀如果屬實喬萬亨應照律問擬滿徒今審係虛誣自應反坐喬萬金合依誣告卑幼減所誣罪一等律應於所誣喬萬

亨滿徒罪上減一等擬杖九十徒二年半至配折責安置喬棟愆戇喬薛氏前往喬萬亨家圖詐殊屬不合惟究因代喬萬亨之母爭訟賠累不允承還所致尙非憑空訛詐應照不應重律杖八十再加枷號一個月滿日折責三十板喬會因喬薛氏造傷圖賴輒用繩網縛應照威力制縛人律杖八十折責發落韓宗子韓小四范小三聽從喬會細縛業經該主簿責處應免重科范村主簿邱永嘉訛無聽受賄囑情弊其於

喬會細送喬薛氏到案後卽牒縣審辦並非擅  
受應毋庸議無干省釋除將全案供招咨部外  
所有審明定擬緣由理合恭摺具

奏伏乞

皇上聖鑒謹

奏

道光九年十二月十三日拜發十八日恭遞二  
十五日接奉

硃批刑部議奏欽此

山西巡撫臣徐忻跪

奏爲特叅任性妄爲擾累行戶之訓導並被訐違  
例擅罰之告病知縣及擅壓申文之典史請

旨分別革職拏問嚴行訊究以肅

功令事竊臣接據藩司詳稱據靈邱縣訓導武修

詳稱該縣許德芳承辦春秋丁祭少備祭品尅  
扣祭價並該學祭器樂器短少等情當經批飭  
大同府知府嚴行查訊旋據該府崔允昭稟稱  
查明祭器樂器短少由來已久該訓導接收前



任交代照冊點收彼時並未據實稟報與該縣無涉復提訊該縣承辦祭祀之書役人等僉供該縣於春秋丁祭歷係循照舊章敬謹備辦並無短少祭品尅扣祭價情事復據該縣許德芳稟稱該訓導將所用祭麩親書硃條向行戶勒折錢文並額外索米又自置洋琴竹笛派令生童演習並非古式復向民間索借鐘磬等物並令該縣幫助酒飯之資經該縣向阻未帮致被稟揭等情當經批司將該訓導武修撤任飭令

秉公提訊茲據詳稱該訓導申詳學政以該縣廩生李械因伊胞弟李菁於伊母出喪開弔之時將李械帶倒跌傷該縣藉以嚇索錢文經該訓導前次申詳學政被典史魯永齡將公文私折扣留提訊廩生李械據供伊胞弟李菁本患瘋症因痛母情切舊病復發向禮生混打伊上前拘束帶倒跌傷耳後伊子李儒林年方十四見伊受傷赴縣呈報經親族回明前情代爲懇息伊曾捐修書院錢一千七百文該訓導聞

知卽傳伊至署教令書寫呈詞並代爲更改嘍  
索無饜字樣令伊騰清旋經該訓導批准諭候  
辦理復經該訓導屢次向該縣索取全案卷宗  
彼此爭論不休由藩臬兩司揭報前來 臣查訓  
導職司秉鐸訓迪士子是其專責方令恪守臥  
碑何得身先不自檢束任意妄爲擾及行戶索  
錢索米致令衆怨沸騰卽該縣如果翫法營私  
何以不據實通稟專在該學政處申詳且教令  
廩生李械呈控復爲更改字句實屬圖詐唆訟

玷辱官常知縣許德芳業已告病出缺雖詢明祭品祭價並無尅扣短少而於李棧被弟帶跌違例擅罰典史魯永齡私扣申文均不可不澈底嚴究相應請

旨將靈邱縣訓導武修革職拏問告病靈邱縣知縣許德芳靈邱縣典史魯永齡一併革職以便提同案內應訊人証嚴行鞫訊按律定擬具奏以飭官方而肅吏治理合恭摺參

奏伏乞

皇上聖鑒謹

奏

道光九年十二月十三日拜發十八日恭遞

十五日接奉

硃批另有旨欽此

道光九年十二月十九日奉

旨這所叅任性妄爲擾累行戶之山西靈邱縣訓導  
武修著革職拏問被訐違例擅罰之靈邱縣告病  
知縣許德芳擅壓申文之靈邱縣典史魯永齡俱  
著革職交該撫親提案內應訊人証嚴審確情按  
律定擬具奏欽此

卷之二十一

十一

山西巡撫臣徐忻跪

奏爲特叅擅離汎地之把總因本管都司揭報列  
欵稟許請

旨分別革職解任嚴行訛究以肅

功令事竊照署石樓營寧鄉縣把總趙秉得因病  
請假不候批示擅自離營經該管都司牛紹曾  
查明稟報太原鎮總兵請咨斥革詎該把總趙  
秉得卽以牛紹曾九十兩月發給兵餉每兵短  
平五六分不等又不發操演火藥鉛丸並借騾



該把總驛頭久假不歸等情稟經太原鎮總兵  
一併移咨審辦前來臣查該把總趙秉得擅離  
汛地實屬罪無可道乃因該管都司揭報後始  
行稟計難保無挾嫌情事惟事關剋扣兵餉等  
款虛實均應澈底嚴究相應請

旨將署寧鄉縣把總事太原鎮標左營把總趙秉得  
革職石樓營都司牛紹曾解任以便提同案內  
應訊人証嚴審定擬具奏以肅營務而儆官邪  
理合恭摺參

奏伏乞

皇上聖鑒謹

奏

道光九年十二月十二日拜發十八日恭遞

十五日接奉

硃批另有旨欽此

The image shows a large rectangular frame, likely a page from a document. The frame is mostly empty, with a thick black border. On the right side, there are faint vertical lines and some illegible markings, possibly representing a page layout or a scan artifact.

道光九年十二月十九日奉

旨這所叅擅離汎地稟許都可之署山西寧鄉縣把  
總太原鎮標左營把總趙秉得著革職被揭之石  
樓營都司牛紹曾著解任交該撫親提案內人証  
嚴審定擬具奏欽此

醫學書目表

二頁

山西巡撫臣徐忻跪

奏爲審明因瘋致斃母命之重犯按律辦理仰祈  
聖鑒事竊照趙城縣知縣楊廷亮詳報民人魏法娃  
因瘋毆傷伊母魏任氏身死當卽行提犯証來  
省經臬司額騰伊督同太原府知府王世綬等  
審明解勘前來臣親提研訊緣魏法娃籍隸趙  
城縣本係郭姓其母任氏因夫故改嫁魏根娃  
爲妻將魏法娃隨帶撫養改從魏姓平日孝順  
與魏任氏同炕躡宿素無忤逆情事道光九年

八月時不記日期魏法娃在山坡割禾陡遇緊  
雨侵受寒邪染患瘋迷病症魏根娃因其並不  
滋事未經報官鎖錮十月初十日魏根娃出外  
探親未回是夜五更時魏法娃瘋狂愈甚將箸  
筴放入炕爐燃燒混囂跳舞魏任氏由睡中驚  
醒瞥見卽起身下炕撲滅魏法娃手持趕麩木  
杵向魏任氏頭上混毆致傷額顱左額角右眉  
右腮頰倒地磕傷右額顱魏法娃開門跑至隣  
人李三鎖仔窰前踢門進內囔稱伊家有鬼經

李三鎖仔喊同魏拾娃魏雙娃同往查看見魏  
任氏受傷昏暈扶炕救治問明情由將魏法娃  
細縛詎魏任氏傷重延至十一日殞命報縣驗  
訊道詳提省委審查驗該犯目瞪口呆不能取  
供確係染患瘋狂委無裝捏情弊提集人証逐  
加研訊各供前情無異查律載子毆母殺者凌  
遲處死等語此案魏法娃毆傷伊母魏任氏身  
死自應按律問擬魏法娃合依子毆母殺者凌  
遲處死律應凌遲處死查該縣距省在三百里



外 於審明後卽遵例恭請

王命飭委按察司額騰伊中軍叅將馬維衍將該犯  
魏法娃綁赴市曹凌遲處死仍傳首犯事地方  
示衆以昭炯戒魏根娃魏拾娃魏雙娃李三鎖  
仔俱依瘋病之人親屬隣佑人等容隱不報以  
致殺人者杖一百例各杖一百折責四十板無  
干省釋除將全案供招咨部外所有審明辦理  
緣由理合恭摺具

奏伏乞

皇上聖鑒謹

奏

道光九年十二月十三日拜發十八日恭遞二  
十五日接奉

硃批刑部知道欽此

陽

正

三

山西巡撫臣徐忻跪

奏爲密陳學政聲名仰祈

聖鑒事竊照學政考試聲名例應於年終密奏臣查

山西學政翰林院編修李煌於道光七年八月

內到任連歲考試各府州臣密加詢訪並飭提

調官留心查察隨時稟報該學政品行端方學

問優裕每於按臨考試關防慎密校閱認真衆

情允服並無弊竇祈延幕友四人吉修孝陝西

進士趙士昌陝西舉人王炳麟廣西副榜申繳

增直隸拔貢均籍隸外省並未延請本省紳士  
亦無結交鄉宦情事除仍隨時留心察訪外理  
合據實恭摺密

奏伏乞

皇上聖鑒謹

奏

道光九年十二月十五日拜發二十一日恭遞  
二十八日接奉

硃批知道了欽此

山西巡撫臣徐忻跪

奏爲密陳兩司道府考語仰祈

聖鑒事竊照兩司道府賢否例應於年終出具密考

據實陳奏臣蒙

恩簡授山西巡撫抵任一載有餘於所屬各員留心  
體察勉矢虛公每於案牘之中稽其勤惰輿論  
所及訪其聲名因公接見講求政事聽言觀行  
考核人才謹就見聞所及據實密陳臣仍不時  
認真查察如有持守不端以及始勤終怠之時

卽當隨時甄劾斷不敢姑容劣員致令貽悞地  
方以期仰副

委任再大同太原兩鎮總兵及太原城守尉臣一併  
出具密考敬謹親繕分具清單恭摺

奏呈

御覽伏乞

皇上聖鑒謹


奏

道光九年十二月十五日拜發二十一日恭遞

二十八日接奉

硃批單留覽欽此





山西巡撫臣徐忻跪

奏爲恭謝

天恩事竊臣賫摺差弁回晉捧到

恩賞

御書福字並鹿肉等件臣當卽恭設香案望

闕叩頭祇領訖伏念臣猥以庸愚備蒙

教育涓埃未効兢惕方深茲當鳳律初更渥沐

鴻慈曲逮

奎章下賁隨

以不...  
義畫以生春

御膳分甘飫

堯厨而食

德瞻

天書之爛熳欣叨

錫社之榮領珍味之馨香仰荷

賜腥之寵衍箕疇而誌慶賡肖雅以銘

恩惟有益勵酬丹倍箴餐素以異稍報

高厚隆施於萬一所有臣感激下忱理合繕摺具

奏恭謝

天恩伏乞

皇上聖鑒謹

奏

道光九年十二月二十一日拜發二十六日恭

遞十年正月初三日接奉

硃批覽欽此

三十三頁

厚

山西巡撫臣徐忻跪

奏爲恭報雪澤糧價情形仰祈

聖鑒事竊照山西省十月分得雪糧價情形業經臣

恭摺具

奏在案茲據太原平陽潞安汾州大同朔平寧武  
澤州蒲州九府遼州沁州平定忻州代州保德  
解州絳州霍州隰州十州並所屬州縣暨歸綏  
道所屬各廳陸續稟報於十一月十四日十六  
日至十八日二十五六日先後得雪自一二十

至四五寸不等正值冬令衝寒之候得此祥霽  
普沛瑞雪應時農田藉以滋培麥苗盤根穩固  
糧價中平民氣恬靜堪以仰慰

宸懷理合恭摺具

奏並敬繕十一月分糧價清單恭呈

御覽伏乞

皇上聖鑒謹

奏

道光九年十二月二十一日拜發二十六日恭

遞十年正月初三日接奉

硃批知道了欽此



平 書 卷 八 三